

**VETERUM
ANALECTORUM
TOMUS 1. [-4.]
COMPLECTENS
VARIA...**

Jean Mabillon, Deodato :
da#Roma, Luigi Valenti Gonzaga




B 116 46-49

1912

VETERUM ANALECTORUM TOMUS I COMPLECTENS

Varia fragmenta & epistolia Scriptorum ecclesiasticorum, tam prosa, quàm metro, hætenus inedita.

Cum Adnotationibus & aliquot Disquisitionibus
Domni JOHANNIS MABILLONII, Presbyteri ac Monachi Ord. S. Benedicti
e Cong. S. Mauri.



LUTECIÆ PARISIORUM;
Apud LUDOVICUM BILLAINE, in Palatio Regio.

M D C L X X V.

Cum Privilegio Regis & Superiorum Permissa.

*Ex Libris Rm. Sig. Rodolphi a Roma
Provincie*

Ad Conrad. S. Proavertin ad Lipas 1723.

C
~~34~~



LECTORI.

MHI vetera jam pridem
meditanti vetus quo-
dam modo fit animus;
& inter humanas vices anti-
quis Ecclesiæ rebus occupari,
non modica solatii portio vi-
detur. Quam ob rem ubi pri-
mùm ex diutino morbo, qui
me à studiorum meorum cur-
su revocavit, tantisper respi-
rare cœpi; priusquam inter-
missum opus, id est Acta San-
ctorum Ordinis nostri, repete-
rem, insedit animo, levandi
tædii tentandæque valetudinis

gratiâ, schedas revolvere meas, quas ex variis codicibus mss. antea collegeram. Cùm enim Historiæ nostræ causâ varias Franciæ ac Belgii Bibliothecas perlustrarem ; multa mihi veteres forulos excutienti veterum Scriptorum monumenta occurrerunt , multa item ab amicis submissa sunt : ex quibus ea , quæ & pro sua brevitate valetudini meæ accommoda , & pro rerum antiquarum illustratione publico bono profutura visa sunt , seligere constitui, eorumque primitias hoc in libello tibi, studiose Lector, offerre in specimen aliorum. Ea partim prosaïca , partim poëtica sunt, in duas classes pro suo quæque tempore

disposita , brevia omnia : quæ
quidem in grandioribus libris
gratiam facilè amittunt , reti-
nent in parvis. Hæc ANALE-
CTA voco , quibus interfero
Notas & Observationes cum
Disquisitionibus nonnullis : ne
rebus aut dignitatem adimat
inconcinna brevitās , aut con-
fusionem afferat obscura va-
rietas. In his quædam reperies
à nemine hæctenus , si non fal-
lor , observata : utinam tanti ,
ut Christianæ reipublicæ uti-
lia , & studiosis viris accepta
esse possint. Si qua verò non
fatis limata accuratave (ut for-
te pleraque erunt) deprehen-
deris , erudite Lector , homi-
nis nondum plenè valentis di-
ligentiam , ut spero , supple-

bis ; supplebunt monumenta
ipsa, vel ex solo antiquitatis
nomine æstimanda, quorum se-
riem sequens pagella indica-
bit. Vale.



INDICULUS
VETERUM ANALECTORUM
TOMI PRIMI.

PROSAICA.

CONCILII Carthaginensis fragmentum. pagina 1.

Judicium de Chronico DATII Archiepiscopi Mediolanensis. 3

GREGORII Turonensis Episcopi fragmenta duo ex ejus Commentario in Psalmos. 7

Venerabilis BEDÆ Epistola ad Albinum Abbatem. 9

DISQUISITIO de venerabilis Bedæ & Flori Diaconi Lugdunensis Commentariis in Paulum ex dictis S. Augustini. 12

CAROLI MAGNI Epistola ad Odilbertum Archiepiscopum. 21

Ejusdem Præfatio in Homiliarium
â iij

INDICULUS

Pauli Diaconi, Monachi Casinen. 25

CLAUDII Episcopi Taurinensis Prefatio in libros informationum litterarum & spiritus super Leviticum, ad Theodemirum Abbatem. 30

Ejusdem Claudii Prefatio Expositionis in epistolam ad Ephesios ad Ludovicum Pium. 40

Ritus probationis per aquam frigidam ab Eugenio Papa II instituta. 47

Fragmentum historicum de Concilio Aquisgranensi. 52

Additamentum ad Concilium Tuscanense. 57

HINC MARI Archiepiscopi Epistola ad Karolum Imperatorem de auctoritate Vitæ S. Dionysii ab Anastasio tralata. 59

Passio S. Demetrii Martyris per Anastasium S. R. E. Bibliothecarium. 65

Forma excommunicationis à THEUTBALDO Viennensi & ISARNO Gratianopolitano Episcopis pro-

VETER. ANALECT.

- lata.* 97
Nomina Episcoporum sanctæ Gratianopolitanae Ecclesiae. 100
Series Archiepiscoporum Viennensium & Episcoporum Gratianopolitanae sedis. 101
 GERARDI Monachi Prologus ad Hugonem Rotomagensem Archiepiscopum in Vitam sancti Romani Episcopi. 107
 PRÆFATIO HELPERICI Abbatis in librum de Computo. 113
 G. Episcopi Præfatio ad Ottonem Imperatorem in locum Porphyrii à se illustratum. 121
 ROBERTI Abbatis Prologus in Cantica Canticorum. 125
 JOHANNIS Abbatis Prologus ad Imperatricem viduam Henrici Imperatoris in opus precum variarum à se compositum ex Patribus. 133
 DISQUISITIO de Confessione Fidei sub Alcuini nomine nuper edita, id est

INDICULUS

- de ejus antiquitate & Auctore.* 178
- WILLELMI Anglorum Regis Epistola ad Johannem Abbatem Fiscannensem. 219
- JOHANNIS Abbatis Epistolæ tres.
- I. Ad Willelmum Angliæ Regem. 221
- II. Ad Vitalem Abbatem Bernacensem. 222
- III. Ad Warinum Abbatem Mettensis Monasterii S. Arnulfi. 224
- WARINI Abbatis Epistola superiori respondens. 225
- WILLELMI Abbatis Mettensis Epistolæ septem.
- I. Gregorio Papæ VII de electione ejus gratulatur. 247
- II. Ad Manassen Remorum Archiepiscopum, cui resignat praelationem Monasterii Remigiani. 251
- III. Ad eundem de eodem argumento. 254
- IV. Ad quemdam Abbatem. 260
- V. Monachum quemdam ad unum

VETER. ANALECT.

Deum quarendum hortatur. 264

VI. Eidem Monacho à proposito fervore deficiente exponit arcana judicis Dei. 269

VII. A. præceptorem suum ad sæculi contemptum hortatur. 273

Oratio Domni Willelmi Abbatis in commemoratione sancti Augustini ante consecrationem Missæ dicenda.

281

OSMUNDI Episcopi Astoricensis Epistola ad Idam Comitissam Bononiensem. 287

GALTERI Episcopi Magalonensis Epistola ad Robertum Præpositum Insulanum. 289

HILDEBERTI Episcopi Cenomannensis Epistola ad Reginoldum Monachum Cantuariensem. 293

Ejusdem Hildeberti Prologus in vitam S. Radegundis Reginae. 296

LUDOVICI PII Capitulare de Monasterio S. Crucis Pictavensi. 299

INDICULUS .

- ALGERI Scholastici Elogium , au-
ctore NICOLAO Leodiensi Ca-
nonico , ejus aequali.* 303
*Ejusdem Algeri Præfatio in librum de
misericordia & justitia.* 307
- ALULFI Monachi Prologus in li-
brum , qui dicitur Gregorialis.* 312.
- Vindiciæ Vitæ Gregorianæ PAULUM
Diaconum auctorem præferentis.* 319.
- HUGONIS à S. Victore Opusculi de
studio legendi caput ultimum de in-
genio.* 324.
- SUGERII Abbatis libelli de conse-
cratione Ecclesiæ suæ supplementum.*
328
- GUIGONIS Cartusiæ Prioris Epi-
stola ad Durbonenses Fratres de
suppositiciis beati Hieronymi episto-
lis.* 331.
- ODDONIS Abbatis S. Remigii E-
pistola ad Thomam Comitem de quo-
dam miraculo S. Thomæ Apostoli
apud Indos.* 334.

VETER. ANALECT.

- WASELINI *Abbatis Epistola ad Flo-*
rinensem Abbatem de continentia con-
jugatorum ante communionem. 339
- ODONIS *Monachi Cantuariensis*
Epistola ad Adam fratrem suum no-
vitium Igriacensem. 349

POETICA.

- BELLESARII Scholastici versus a-
crostichi de Sedulio Poëta. 361
- HONORII *Scholastici versus ad*
JORDANEM Ravennensem Epi-
scopum. 364
- VENANTII FORTUNATI ver-
sus ad Childebertum Regem , Sige-
berti Regis filium. 366
- Versus in velo , quod à CHINTI-*
LANE Rege Romam directum est.
 367
- ALCUINI *versus de Cuculo.* 369
- Veronæ rythmica descriptio antiqua.*
 371

INDICULUS
THEODULFI *Episcopi Aureliānen-*
sis carmina.

I. De adventu LUDOVICI <i>Au-</i> <i>gusti Aurelianos.</i>	376
II. De <i>eadem re.</i>	379
III. De <i>Bilingue.</i>	380
IV. <i>Ad quemdam de muneribus. ib.</i>	
V. De <i>Passione Domini.</i>	381
VI. <i>In die Resurrectionis.</i>	ibid.
VII. De <i>Tabella.</i>	382
VIII. De <i>Talamasca.</i>	ibid.
IX. <i>Versus in altari.</i>	383
X. <i>In Xenodochio.</i>	ibid.

FLORI *Diaconi Lugdunensis carmina*
varia.

I. <i>Querela de divisione Imperii post</i> <i>mortem LUDOVICI PII.</i>	388
II. <i>Epistola seu carmen ad MODU-</i> <i>NUM Augustodunensem Episcopum,</i> <i>de injusta vexatione ecclesia Lugdu-</i> <i>nensis.</i>	396
III. <i>Hymnus in natale sancto-</i> <i>rum Johannis & Pauli.</i>	2

VETER. ANALECT.

IV. *Titulus libelli ad altare S. Stephani oblato.* 404

V. *Versus ejusdem : ubi ossa S. Cypriani Lugduni condita habentur.* 407

VI. *Titulus absidæ.* 408

HEIRICI Monachi versus ad HILDEBOLDUM Autisiodorenssem Episcopum in Collectanea sua. 413

HALDOINI Abbatis versus ad tumultum S. Remigii. 416

ADEMARI Monachi acrostichon ad ROHONEM Episcopum Ecolismensem. 418

ADELMANNI Scholastici rythmi alphabetici de viris illustribus sui temporis. 420

EPITAPHIA

Principum & illustrium personarum.

I. CHRODEGANCI Episcopi Metensis. 425

- INDIC. VET. ANALECT.
- II. TEUDULFI seu Theodulfi *Episcopi Aurelianensis.* 426
- III. DROGONIS & PIPPINI,
Caroli Calvi filiorum. 427
- IV. ETHGIVÆ *Reginæ Caroli Simplicis uxoris.* ibid.
- V. GOTFREDI *Monachi Dionysiani.* 428
- VI. FREDERICI *Comitis, Monachi in Cænobio S. Vitoni.* 429
- VII. GERBERTI *Abbaris Fontanellensis.* ibid.
- VIII. WILLELMI *Abbatis Metensis.* 430
- IX. HARIULFI *Abbatis Aldemborgensis.* 431



VETERA



VETERA ANALECTA.

CONCILII CARTHAGINENSIS Fragmentum.



PORTET enim in nullo
Monasterio quemlibet Epi-
scopum cathedram colloca-
re: aut qui forte voluerint
habere, nequaquam permit-
tantur, nec aliquam ordinationem, quam-
vis levissimam, facere, nisi Clericorum,
si voluerint habere. Esse enim debent Mo-
nachi in Abbatum suorum potestate: &
quando ipsi Abbates de corpore exierint,
qui in loco eorum eligendi sunt, judi-
cio Congregationis eligantur, nec offi-
cium hujus electionis sibi vindicet aut

Veterum Analect. Tom. I.

A

præsumat Episcopus. Si qua verò contentio, quod non optamus, inter Monachos exorta fuerit, Abbatum aliorum consilio sive iudicio finiatur: aut si scandalum perseveraverit, ad Primates uniuscujusque provinciæ universæ causæ Monasteriorum iudicandæ perducantur. Inter sacrificia verò ordinatos suos tantummodo idem Episcopus plebium, ubi Monasteria sunt, recitet: hoc enim convenit paci. Confirmetur etiam ab hoc sancto Concilio, ut sine bono testimonio Abbatis vel concessione nullus Monachum in aliqua Ecclesia teneat ad Clericatum, vel promoveat ad honorem.

A D N O T A T I O.

HOc fragmentum Concilii Carthaginensis, sub Reparato Episcopo anno Christi **DXXXIV** habiti, partim ineditum est, partim editum in nova Conciliorum editione Labbeana, ubi prolixius fragmentum Feliciano Ruspensi Episcopo suffragium in Synodo ferenti tribuitur. Editum, inquam, est nostrum hoc fragmentum à primis verbis usque ad hæc, *iudicio finiatur*; sed cum nonnullis mendis & omissionibus. Insignior est ad hæc verba, *aut si qui forte voluerint habere, nequaquam permittantur.* in quorum loco hæc legun-

tur apud Labbeum, *aut qui forte habuerint, habere*, vacuo penitus sensu. Alia est in his verbis, *inter Monachos exorta fuerit*: ex quibus duo priora vocabula expungit editio Labbeana. Has verò emendationes & supplementum quod a verbo (*finiatur*) hîc à me adjectum est, excepi ex Virdanensis Monasterii sancti Vitoni codice ms. cujus copiam mihi fecit religiosus ac eruditus vir Bartholomæus Senocus, tum in eodem Cœnobio Theologiæ Prælector.

J U D I C I U M DE CHRONICO DATII Archiepiscopi Mediolanensis.

CUM in Dissertatione de Azymo & fermentato inter dubiæ fidei auctores interposuissẽm auctoritatem Chronici, quod Possevinus, Miræus & Ughellus tribuunt Datio Archiepiscopo Mediolanensi, nec de ejus veritate quidquam certi definire licuisset; data occasione visum est mihi ampliorem ejus rei notitiam Mediolano accersere. Quocirca cum venerabilis & eruditus vir Claudius Castellanus, Parisiensis Ecclesiæ Canonicus, operam hac in re suam mihi liberaliter pollicitus esset, Mediolanum direxi schedulam in hæc verba inquirentem.

I.

An ms. codex in quo Chronicon istud reperitur, sit bonæ notæ, & cujus ætatis.

II.

An idem Chronicon ab initio ad finem usque eadem manu descriptum sit.

III.

Quis sit Chronici inscriptio : an eadem manu qua contextus Chronici exarata, an recentior.

IV.

Petivi copiam ejusdem inscriptionis & xii priorum, totidemque posteriorum ejusdem Chronici versuum.

V.

Inquisivi an Chronicon istud incipiat ab exordio mundi, an verò à Nativitate Christi, & quo in tempore desinat.

VI.

An in eo fiat mentio famis quæ contigit tempore Silverii Papæ, quæ tanta fuit, ut matres liberos suos comederent. Cujus postremi quæsit hanc habui rationem, quòd Paulus Diaconus in historia miscella de illa fame agens, testem adducat Darium Episcopum Mediolanensem, uti & vulgatus Anastasius in Silverio.

Ad primum Quæsitum

Responsum est, hoc Chronicon conscriptum in pergamena esse annorum sexcentorum, ejusque notæ, qualem ætas illa ferebat, Longobardorum dominatui proxima.

ANALECTA.

Ad secundum.

Non modò non esse eadem manu descriptum, verùm neque ab eodem Auctore. nam primam partem scripsit LANDULFUS senior, secundam ARNULFUS, & tertiam LANDULFUS junior, omnes Mediolanenses Historici. Ex quo liquidò patet, hæc Chronica minimè fuisse scripta à Datio Mediolanensi Archiepiscopo.

Ad tertium.

Titulus Chronicorum est recentior, isque est ejusmodi: CHRONICA DATII ARCHIEPISCOPI MEDIOLANI. NUNCUPATA.

Ad quartum.

Ex parte satisfactum est in textio: nunc describam priores decem versus, & posteriores historiæ.

Priores sunt.

INCIPIT LIBER PRIMUS.

QUANDO QUIDEM sapientes eximii-
que viri multa peritia imbuti, acta tem-
porum, mutationes rerum, prælia Re-
gum, seditiones urbium, commotiones
populorum politè ad tutelam juvenum,
& custodiam senium tractantes, relique-
runt in posteris tutamen & multarum re-
rum solamen.

Posteriores sunt.

PASSUS est beatus Arialdus quinto
Kal. Julii anno Domini M LXXVI, de
A. iij

cujus morte doluit Alexander Papa: verum anno sequenti, scilicet M L X V I I, cum idem Papa iret ad Synodum, quam Mantuæ celebravit, Mediolanum venit, multaque fecit statuta de statu Mediolanensis populi & Cleri, beatumque Arianum Sanctorum Martyrum catalogo annotavit.

Ad quintum.

Dicimus istud Chronicon non incipere ab exordio mundi, sed referre initia ordinum Ecclesiæ Mediolanensis; narrare ea quæ in Ecclesia Mediolanensi contigerunt tempore Alexandri Papæ secundi, & claudere historiam anno M L X V I I.

Ad sextum.

Nullam hîc fieri mentionem illius famis. Cum enim in hoc Chronico narrentur ea quæ contigerunt octavo & undecimo sæculo, non potest ulla fieri mentio famis, quæ acciderit tempore sancti Silverii Papæ, cum ille vixerit sexto sæculo.

Sic subsignatum cum sigillo.

Ita est. Antonius Maria Pustula, Canonicus Ordinarius Præbendæ Doctoralis Metropolitane Mediolani, & Bibliothecarius ejusdem reverendissimi Capituli Metropolitani.



GREGORII
TURONENSIS EPISCOPI
FRAGMENTA DUO

Ex ejus Commentario in Psalmos,

*Eruta ex vetustissima collectione de virtutibus &
vitiis.*

IN capitulo de *Compunctione*. GREG.
TORONENSIS in Comm. in Psalm.
Si enim disrupta fuerint vincola delictorum
nostrorum, & delectata fuerit in
Christo mens nostra; tunc nosmetipsos
offerimus Deo hostiam vivam & sanctam,
permanentes cum eo in caelesti
Hierusalem.

In ultimo capitulo de *retributione justorum*. GREG. in Expositione Psalmorum.
Et nos igitur si in præceptis Dei aures
non obduramus, si Sanctorum monita
cum innocentia exsequamur, si nostrorum
spinis facinorum non adfligamur, si
manus ab omni sanguine immunes cum
innocentibus abluamus; honorabit nos
Dominus Deus noster dignis præmiis,
quibus Sancti cum ipso perpetualiter con-

A iiij

lantantur. Ipsi gloria cum æterno Patre
& Spiritu sancto in æternum. Amen.

A D N O T A T I O.

GR E G O R I U S Turonensis Episcopus ab se
edita commemorat Opuscula duo, scilicet
Commentarium in Psalmos, seu, ut ipse
loquitur, in *Psalterii tractatum, librum unum*,
itidemque librum unum de *Cursibus ecclesiasticis*:
quod utrumque hætenus viri docti de-
siderarant. Prioris duplex fragmentum reperi
in vetustissima collectione *de virutibus & vi-
tutibus*, ex Patrum sententiis constante: cujus col-
lectionis caput primum est de Fide, secundum
de Spe, tertium de Caritate. Quis verò hujus
collectionis auctor sit, deprehendere non po-
tui: propterea quòd in Martinianæ apud Tor-
nacum Bibliothecæ exemplari, quo usus sum,
folium primum avulsum est. Istius collectionis
antiquitatem probant tum ipse codex membra-
neus ab annis minimùm octingentis exaratus;
tum nomina Patrum, quorum sententiæ in ea
referuntur, ex quibus nullus laudatur qui sit
Juliano Pomerio recentior. Porro in ea lau-
dantur APPONIUS in *Cantica*, Ambrosius,
Augustinus, Hieronymus, Johannes Chryso-
stomus, Macarius, Effrem, Gregorius Papa
primus, Isidorus Junior, & jam dictus Julianus
Pomerius. Citantur etiam instituta beati Sixti
his verbis: *Ne dederis multas escas corpori tuo,
& non videbis in somnis visiones malas.*

Ad posterius Gregorii Turonensis Episcopi Opusculum de Curribus ecclesiasticis quod ar-
tinet, existimavi aliquando illud ipsum esse,
quod absque nomine Auctoris habetur in tomo
primo Conciliorum Angliæ pag. 167. At re-
maturiùs expensâ persuasum mihi est, hoc esse
Auctoris Gregorio posterioris. siquidem in co-
fit mentio libri de gestis sancti Columbani &
sancti Attalæ Abbatum Bobiensium: qui liber
annis minimùm quadraginta à morte Gregorii
conditus à Jona est.

VENERABILIS BEDÆ

Epistola

Ad ALBINUM Abbatem.

DESIDERATISSIMO & reve-
rentissimo Patri ALBINO, BE-
DA Christi famulus salutem. Gratantissi-
mè suscepi munuscula tuæ dilectionis,
quæ per venerabilem fratrem nostrum
NOTHELMUM Presbyterum mittere di-
gnatus es, & maxime litteras, quibus me
jam secunda vice in ecclesiastica gentis
nostræ historia, ad quam me scribendam
jamdudum instigaveras, creber adjuvare
atque instituere curasti. Propter quod &

ipse tibi rectissimè eamdem historiam, mox ut consummare potui, ad transscribendum remisi. Sed & aliud, quod te partim desiderare comperi, volumen tibi vice remunerationis æque ad transscribendum destinavi, videlicet illud quod de structura templi Salomonis atque allegorica ejus interpretatione nuper edidi. Teque, amantissime Pater, supplex obsecro, ut pro mea fragilitate cum his qui tecum sunt famulis Christi apud pium Judicem sedulus intercedere memineris: sed & eos ad quos eadem nostra opuscula pervenire feceris, hoc idem facere monueris. Bene vale, semper amantissime in Christo Pater optime.

A D N O T A T I O.

ALBINUS Abbas, cui venerabilis Bedæ hanc epistolam direxit, auctor ipsi fuit atque adjutor scribendæ Anglorum historiæ, uti Beda testatur in epistola nuncupatoria ad Ceolwlfum Regem. Albinus iste alius est ab Albino Flacco seu Alcuino, uno fere sæculo ætate superior; Abbas verò in Cantuariensi Monasterio sancti Petri. Is per Nothelmum Londinensis Ecclesiæ Presbyterum Bedæ munuscula transmisit, & monumenta, quæ Bedæ necessaria erant in componenda Anglorum historia.

Hæc omnia constant ex Bedæ præfatione ad Ceolwlfum. Porro hanc epistolam ex mss. codice Mettensis Monasterii sancti Arnulfi eruit, mihiq; transmisit vir religiosus Dominus Placidus Beuvillonijs, ejusdem loci tum Subprior. quo in codice habetur hæc epistola cum hac inscriptione: *Incipit Præfatio Bedæ Presbyteri ad Alcuinum Abbatem.* Quod argumento est superiorem epistolam Præfationis vice in Anglicana Bedæ Historia fuisse appositam à scribis nonnullis, qui Albinum hunc eundem esse cum Alcuino putaverunt.

Hic observare juverit in vulgata Bedæ epistola ad Wichredum *de equinoctio verno juxta Anatolium*, apponi exemplum anni DCC LXXVI. quo exemplo adductus Baronius Bedæ ætatem ultra hunc annum prorogavit. Verùm in veterrimo hujus epistolæ exemplari, quod in Bibliotheca Laubiensi adservatur, non compareret hoc exemplum, sine dubio insertum à librario, qui eo anno hanc epistolam describat.



DISQUISITIO

De venerabilis BEDÆ & FLORIDIACONI Lugdunensis Commentariis in Paulum ex dictis S. Augustini.

TRES invenio antiquos Auctores, qui commentarios in epistolas Pauli Apostoli ex meris sancti Augustini centonibus contexuerunt. *Primus est PETRUS Abbas Tripolitana provincie, qui sancti Pauli epistolas ex capitulis opusculorum beati Augustini subnotasse narratur, ut per os alienum sui cordis declararet arcanum*, inquit Cassiodorus in lib. de divinis lectionibus cap. 8. Alter est venerabilis BEDA, cujus hæc verba sunt in fine Epiromes historię: *In Apostolo quæcumque in opusculis sancti Augustini inveni dicta, per ordinem transcribere curavi*. Tertius est FLORUS Diaconus, seu (ut Wandalberto Monacho Prumiensi ejus æquali visum est) Subdiaconus Ecclesię Lugdunensis, vir suo tempore doctrina & eruditione clarus.

Ex his tribus Commentariis unicum habemus typis editum inter opera venerabilis Bedæ, ipsiusque nomine prænotatum: sed an verè Bedæ tribui debeat, jam dudum magna lis est inter studiosos. Id testatur Robertus de Torinæio Abbas in Monte sancti Michaelis in Pro-

logo, quem præfixit Abbreviationi expositionis epistolarum. Apostoli secundum Augustinum: quo in Prologo, apud Acherium nostrum in Appendice ad Guibertum edito, censet Robertus, prolixum illum Commentarium (quem ipsum esse qui inter opera Bedæ modò exstat, non dubito) potiùs tribuendum esse Petro Abbati Tripolitano, quàm Bedæ, cui alium tribuit breviorē, ex libris itidem sancti Augustini excerptum, *qui liber totus*, inquit, *non adequatur magnitudine medietati solius expositionis Epistola ad Romanos*, quæ in alio Commentario habetur.

Magno post Robertum intervallo Illustrissimus Cardinalis Baronius ad annum Christi D L X I I existimat, Commentaria illa typis edita non esse Bedæ, sed Petri Abbatis: qua in re eum Roberto consentit. Sed in hoc recedit ab eodem, quòd neget ullam huiusmodi commentationem in Paulum à Beda conditam esse: aitque verba illa Bedæ quæ superiùs retuli, in ipsius Epitomen ex aliorum additamento irrepsisse.

A Baronio dissentit Bellarminus in libro de Scriptoribus ecclesiasticis, aitque nihil impedire, quo minùs duo auctores, Petrus Abbas, & Beda Presbyter, diversis temporibus & locis in Paulo ex Augustini scriptis explicando defudaverint. Immo certè nihil impedit, quo minùs his duobus tertium adjungamus, Florum Diaconum Lugdunensem, ut postea demonstrabo.

Hæc cum ita sint, manent tamen distracta

eruditorum suffragia circa vulgatum Commentarium, quem Bedæ alii tribuendum censent, alii detrahunt. Et mihi quidem aliquando, cum ipsius Bedæ elogium texerem in Sæculo tertio Benedictino, visus fuit Bedæ germanus fetus: sed postea deprehenso in mss. Bibliothecis germano Bedæ Commentario, à sententia discedere coactus sum.

I.

Commentarium aliquem in Paulum ex dictis Augustini à Beda consarcinatum fuisse, constans debet esse omnium persuasio, tum quia id disertè Beda testatur in Epitome sua, probantibus libris tam editis quàm mss. tum quia Hincmarus Remorum Archiepiscopus, ac Lupus Ferrariensis Abbas hoc Bedæ Collectaneum laudant. Hincmarus quidem in posteriori opere adversus Gothescalchum cap. 1. *Si quis tamen, inquit, eosdem libros non habet, videat in Collectione venerabilis Bedæ Presbyteri de Opusculis sancti Augustini super Apostolum, & ibi discere poterit quod antea ignoravit.* Lupus verò in epistola 76 ad eundem Hincmarum: *Collectaneum Beda in Apostolum ex operibus Augustini veritus sum dirigere, propterea quòd tantus est liber, ut nec sinu celari, nec pera posset satis commodè contineri.*

Itaque nemo jam in dubium revocare potest, an Beda Collectaneum ediderit in Apostolum: nec Baronius dubitasset, si ad ea, quæ mox protuli, argumenta animum intendisset. At videndum porro est, qualis sit ille Bedæ Commentarius.

II.

Duos inveni codices membraneos ejusmodi Collectaneum sub Bedæ nomine continentes: unum annorum fere octingentorum, alterum septingentorum. Primus codex hunc præfert titulum: COLLECTANEUM BEDÆ IN APOSTOLUM EX OPERIBUS BEATI AUGUSTINI. Tum Commentarius in hæc verba, *Paulus servus Jesu Christi vocatus Apostolus*, &c. incipit in hunc modum: *Ex libro contra quinque hæreses. Ordo iste sequendus est, ut loquens de Evangelio, non sileam de Prophetis*, &c. Hic codex desinit in Epistola ad Thessalonicenses, aliis foliis avulsis.

Alter codex ita inscribitur: INCIPIT LIBER COLLECTIONUM VENERABILIS BEDÆ PRESBYTERI, EX SCRIPTIS BEATI AUGUSTINI EPISCOPI, IN EPISTOLAS BEATI PAULI APOSTOLI ELABORATUS. Idem habet exordium ac primus, sic verò desinit: *Explicit Collectio Bedæ Presbyteri ex opusculis beati Augustini in epistolas beati Pauli Apostoli.*

Genuini hujus Bedæ Commentarii necdum typis editi copiam habemus, quem Deo dante aliquando cum aliis ejusmodi monumentis in lucem proferemus.

III.

Nunc videndum est, cui Auctori tribuendum sit Collectaneum, sub Bedæ nomine hætenus vulgatum. Nempe Floro Diacono Ecclesiæ Lugdunensis, ut fidem faciunt multi co-

dices mss. quorum nonnulli in manus meas pervenerunt.

In primis id probant duo volumina membranæ Bibliothecæ Corbeiensis, in quorum priori statim ab initio hæc leguntur: *Continentur in hoc volumine expositiones epistolarum beati Pauli Apostoli ex libris sancti Augustini doctoris eximii, à quodam FLORO collecti.* Tum in fine cujuslibet epistolæ, nomen Flori auctoris repetitur, & initio sequentis. Ad calcem porro posterioris voluminis hæc subscriptio legitur: *Compositus, id est scriptus, est liber iste à Richero Suppriori, & Johanne suo scriptore & monoculo, anno quo restituta est ecclesia sancti Johannis Corbeie, & Turonis est secunda sedes Romanae urbis, anno M C LXIII, Ludovico Rege Francorum, Theodorico Episcopo Ambianensi, Johanne Abbate Corbeienfi.* Insignem hunc locum jam advertit illustravitque eruditissimus vir Stephanus Baluzius in notatione ad Lupi Epistolam 76, ubi observat, scriptorem istum hoc loco respicere ad Synodum in urbe Turonica ab Alexandro III tunc temporis celebratam: quam urbem scriptor, eo quod tum ibi sederet Alexander, vocat secundam sedem Romanæ urbis. Appositè quidem ad hunc locum Baluzius. Non præteream tamen quod legisse me memini in Trevirensium Broweri Annalium lib. 14. ubi refertur Ivonis Cardinalis & Legati apud Treviros sepulti epitaphium, cujus ultimum distichon sic habet:

Sic

*Sole duodenas Julii vertente Kalendas,
Roma secunda mihi dedit exsequias vene-
randas.*

ubi vides Trevirorum civitatem appellari *Romam secundam*, forsan ob copiam sacrarum reliquiarum, quibus abundat urbs illa; vel ob frequentiam hominum eò voti causa confluentium. Ob eam siquidem causam etiam hoc nomine affectam lego Corbeiam nostram à Gerardo in libro de miraculis sancti Adelhardi, cap. 4. ubi relatis Adelhardi miraculis hæc subdit: *Exinde hujusmodi fama ita longè lateque cœpit vulgari; ut Corbeia meritò duceretur ALTERA ROMA appellari.*

Verùm ut ad propositum revertar, non solum Corbeicæsis codex, sed & alii plures prædictum Commentarium Floro Diacono tribuunt: quos inter numerandus est ille qui usus fuit Trithemio. quem codicem forsan quia reperit in Monasterio sancti Trudonis, Florum illum Diaconum, cujus nomen præferebat codex, Monachum Trudonianum fuisse Trithemiuse existimavit. His codicibus adjungo Aquincensem, in quo prima pars expositionis Epistolarum beati Pauli ex libris sancti Augustini à quodam Floro collecta dicitur, ea nimirum quæ legitur apud Bedam.

Præterea prolixius istud Collectaneum Floro tribuitur in veterrima Canonum collectione, quæ sub finem sæculi noni, id est ipso Flori sæculo, scripta videtur, adservata in Autisiodorensi Monasterio sancti Mariani. Nam

Veterum Analect. Tom. I.

B

in illa collectione hæc referuntur: **EX LIBRO SANCTI AUGUSTINI A DOMNO FLORO COLLECTA:** *Qui factus est ei ex semine David secundum carnem. Quod Propheta præviderunt & prædixerunt, hoc Apostoli viderunt & prædicaverunt. Qui erat, factus est. Quid erat? Quid factus? Verbum erat, caro factus est, &c.* Quæ quidem leguntur in vulgato Bedæ Commentario in epistolam ad Romanos. Item in prædicti apographi pag. 17 adducitur **DICTUM DOMNI FLORI** in hæc verba: *Anathema est maledictio, devotatio; item condemnatus, detestabilis, abominabilis, alienatus, &c.* Item aliud, *Si quis non amat Dominum JESUM CHRISTUM, sit anathema maranatha. Simul Syro & Græco utitur verbo, Si quis non amat, &c. Anathema Græco sermone dixit condemnatus; maranatha desinivit, donec Dominus redeat.* Quæ duo loca reperiuntur in vulgato Collectaneo apud Bedam, primum quidem initio Commentarii epistolæ ad Galatas, alterum verò in fine epistolæ primæ ad Corinthios. Denique Sigebertus in lib. de Scriptoris ecclesiasticis cap. 92, meminit Commentarii à Floro confarcinati in Pauli epistolas ex libris sancti Augustini.

Ex his manifestè, ni fallor, conficitur, istum Commentarium non esse Bedæ, sed Flori Diaconi Lugdunensis. Non negaverim tamen, eum in nonnullis codicibus mss. Bedæ tribui: sed fere semper addito nomine Flori; quasi Florus non esset nomen proprium, sed com-

nunc, florilegium significans. Audi Robertum de Torrinneio in Prologo superius citato, de isto Commentario agentem. *Hoc opus à quibusdam vocatur Florus, quia ex diversis epusculis beati Augustini excerptus, & quasi defloratus est; a quo autem illud opus collectum & ordinatum sit, plurimi dubitant. Quidam autem hunc Beda Presbytero adscribunt, & hoc ideo quia in fine historia Anglorum enumerans opuscula sua, inter alia hoc ad verbum posuit: In Apostolum quacumque in Operibus sancti Augustini inveni dicta, per ordinem transscribere curavi. Unde & quidam prædicta verba, & alia nonnulla in eadem historia sibi connexa assumentes, loco Prologi prædictæ collectioni sententiarum sancti Augustini ponunt, ex eo volentes probare Bedam Auctorem hujus operis. Certè quod dicit Robertus, ita esse deprehendi in ms. Collectaneo Claromariscensi duobus voluminibus contento, in cujus priori apponitur hæc inscriptio: In hoc volumine continetur expositio epistolarum beati Pauli Apostoli à venerabili Beda Presbytero, ut gesta Anglorum testantur, collecta ex libris sancti Augustini Episcopi, Doctoris eximi & fidelissimi, sicut in singulis locis adscripti sunt, &c. Et in fine secundi voluminis hæc subjiciuntur: Explicit epistola ad Hebraeos, & tertia pars Flori collecti à venerabili Beda Presbytero ex dictis sancti Augustini. Ubi vides Bedæ nomen huic Collectaneo apponi cum nomine Flori, quod pro florilegio usurpatur. Ex quo intelligitur, eam Collectionem*

antiquitus Floro adscriptam fuisse.

His unum obijci potest, nempe Florum aliam composuisse Collectionem in Paulum ex Patribus: nec veri esse simile, aliam ex scriptis sancti Augustini ab ipso conditam fuisse. Immo verò id maximè facit pro sententia nostra. Quandoquidem Florus posteriorem hanc Collectionem ex duodecim Patrum Opusculis eruit, prætermisso Augustino, quem sanè non prætermisisset, nisi aliam separatim priùs edidisset. Posteriorem hanc Collectionem ex codice ms. majoris Cartusie descriptam Petrus Franciscus Chiffletius, Societatis Jesu Presbyter eruditus, Acherio nostro transmisit ac dono dedit, observatque statim in limine Collectionem istam delibatam esse, non tantùm ex decem, ut Sirmondus scripsit in notis ad Avitum, sed ex duodecim Patribus, nimirum ex Cypriano Carthaginensi, ex Hilario Pictavensi, ex Ambrosio Mediolanensi, ex Paciano Barcinonensi, ex Theophilo Alexandrino, ex Gregorio Nazianzeno Episcopis; ex Ephrem Diacono, ex Leone Papa, ex Cyrillo Alexandrino, varisque Romanorum Pontificum & Conciliorum Canonibus ac decretis, ex Fulgentio Ruspensi, ex Paulino Nolensi, ac demum ex Avito Viennensi Episcopis. In duodecim libros pro totidem Patribus partitus est Florus Collectionem suam uno volumine contentam: tertium decimum ex Augustino contexuit, quem uno volumine, quia majoris erat molis, separatim inclusit.

IV.

Hæc de Bedæ ac Flori Commentariis in Paulum fusiùs dicenda fuere, ut nemo in posterum quis cuius sit ambigat. De Petri Abbatis Tripolitani Commentario dicere supersedeo, de quo nihil mihi observare licuit. Et fortasse quidem excidit, aut in partes nostras non pervenit.

CAROLI MAGNI

Epistola

Ad ODILBERTUM Archiepiscopum.

IN nomine Patris & Filii & Spiritus sancti. CAROLUS serenissimus Augustus à Domino coronatus magnus pacificus Imperator, gubernans Imperium quidem, & misericordiâ Dei Rex Francorum & Longobardorum, ODILBERTO Archiepiscopo in Domino salutem.

SÆPIUS tecum, immo & cum ceteris collegis tuis, familiare colloquium de utilitate sanctæ Dei Ecclesiæ habere voluissimus, si absque molestia corporali id efficere potuisses. Sed quamvis sanctitatem tuam in divinis rebus tota in-

B. iij,



tentione vigilare non ignoremus; omittere tamen non possumus, quin tuam devotionem sancto incitante Spiritu nostris apicibus compellamus atque commoneamus, ut magis ac magis in sancta Dei Ecclesia studiosè ac vigilanti cura laborare studeas in prædicatione sancta & doctrina salutari: quatenus per tuam devotissimam sollertiam verbum vitæ æternæ crescat & currat, & multiplicetur numerus populi Christiani in laudem & gloriam salvatoris nostri Dei. Nosse itaque per tua scripta aut per teipsum volumus, qualiter & tu, & Suffraganei tui doceatis & instruatis Sacerdotes Dei & plebem vobis commissam de baptismo Sacramento, id est cur primò infans catechumenus efficitur, vel quid sit catechumenus: deinde per ordinem omnia quæ aguntur. De scrutinio, quid sit scrutinium. De Symbolo, quæ sit ejus interpretatio secundum Latinos. De credulitate, quomodo credendum sit in Dominum Patrem omnipotentem, & in JESUM CHRISTUM Filium ejus, & in Spiritum sanctum; sanctam Ecclesiam Catholicam, & cetera quæ sequuntur in eodem Symbolo. De abrenunciatione Sa-

tanæ & omnibus operibus ejus & pompis. Quid sit abrenunciatio, & quæ opera ejus diaboli & pompæ. Cur insufflatur & cur exorcizatur. Cur cathecumenus accipit salem. Quare tangantur nares, pectus ungatur oleo; cur scapulæ signantur, & quare pectus & scapulæ lavantur. Cur albis induitur vestimentis; cur sacro chrismate caput perungitur; & mystico tegitur velamine, & cur corpore & sanguine dominico confirmatur. Hæc omnia subtili indagine per scripta nobis, sicut diximus, nunciare satage; & si ita teneas & prædices, aut si in hoc quod prædicas te ipsum custodias. Bene vale, & ora pro nobis.

ADNOTATIO.

HÆc epistola Odilberto Mediolanensi Archiepiscopo inscripta, ex Mettensi codice eruta per religiosum virum Placidum Beuvillonium Congregationis sancti Vitoni, exemplum est litterarum encyclicarum, quas Carolus Magnus universis Episcopis Imperio suo subiectis direxit, ut quid de Baptismo ejusque ritibus ac cæremoniis sentirent, eorum scriptis certior efficeretur. Hinc est quod Magnus Senonum Archiepiscopus his literis pulsatus, Theodulfum Aurelianensem Antistitem

B iiij

impulit ad scribendum librum *de ordine Baptismi*, quem librum Theodulfus eidem Magno dedicavit. Eodem spectat Alcuini epistola seu liber de cæremoniis Baptismi *Carolo gloriosissimo & excellentissimo Augusto* nuncupatus, cujus hoc exordium: *Domine mi Christianissime Imperator, misistis ad servulum vestrum inquisitiones secundum vestram misericordiam de sacro Baptismate per ordinem interrogantes, &c.* quæ apprimè superiori epistolæ respondent.

Sirmondus in Notis ad Theodulfi librum superiùs laudatum duo potissimùm observat, unum, ex quatuor hujus libri exemplaribus, quæ in manus ipsius venerant, tria esse quæ ad Magnum Episcopum missum doceant librum, Virdunense, Divionense & Vaticanum: at quantum Corbeïense pro Magno Johannem habere, sed mendosè, uti opinatur. Verùm pace optimi viri existimo nullum esse mendum. Nam cum epistola Caroli universis Galliæ Episcopis transmissa fuerit, non mirum, si ex variis ejus exemplis, unum Magno Senonensi, alterum Johanni Arelateni Archiepiscopis inscripta sint.

Alterum est, librum de sacro Baptismate ad Carolum, qui liber exstat inter Alcuini opera, falsa conjectura quòd titulo careret, Alcuino adscriptum fuisse, cum auctor re vera sit Amalarius Episcopus Trevirensis, inquit Sirmondus, quod ex codice Petaviano se didicisse ait. Certè quæ sub ejus libri finem leguntur, Episcopo rectè, non verò Alcuino conveniunt. At nihil

obstat quo minùs Alcuinus hunc librum scripserit nomine Amalarii, qui gravissimis negotiis occupatus, Alcuino commiserit provinciam nomine suo respondendi ad interrogata Imperatoris.

CAROLI MAGNI

Præfatio

In Homiliarium Pauli Diaconi, Monachi
Casinensis.

KAROLUS Dei fretus auxilio Rex Francorum & Longobardorum, ac Patricius Romanorum, religiosis Lectoribus nostræ ditioni subiectis. Cùm nos divina semper domi forisque clementia, sive in bellorum eventibus, sive in pacis tranquillitate custodiat, etsi quidquam rependere ejus beneficiis tenuitas humana non prævalet; tamen quia est inæstimabilis misericordiæ Deus noster, devotas suæ servituti benignè approbat voluntates. Igitur quia curæ nobis est ut Ecclesiarum nostrarum ad meliora semper proficiat status, oblitteratam pæne malorum nostrorum desidia reparare vigilantissimo studio litterarum satagimus officinam, & ad pernoscenda sacrorum libro-

rum studia nostro etiam quos possumus invitamus exemplo. Inter quæ jampridem universos veteris ac novi Testamenti libros librariorum imperitiâ depravatos, Deo nos in omnibus adjuvante, examissim correximus. Accensi præterea venerandæ memoriæ PIPPINI genitoris nostri exemplis, qui totas Galliarum Ecclesias suo studio Romanæ traditionis cantibus decoravit; nos nihilo minùs solerti easdem curamus intuitu præcipuarum insignire serie lectionum. Denique quia ad nocturnale officium compilatas quorundam casso labore, licèt recto intuitu, minùs tamen idoneè reperimus lectiones: quippe quæ & sine auctorum suorum vocabulis essent positæ, & infinitis vitiorum anfractibus scaterent; non sumus passi nostris diebus in divinis lectionibus sacrorum officiorum in consonantes perstreperere solæcismos, atque earumdem lectionum in melius reformare tramitem, mentem intendimus: idque opus PAULO Diacono familiari nostro eliminandum injunximus, scilicet ut studiosè catholicorum Patrum dicta percurrens, veluti florentissimis eorum prætis certos quosque flosculos legeret, & in

unum quæque essent utilia, quasi sertum aptaret. Qui nostræ celsitudini devotè parere desiderans, tractatus atque sermones & homelias diversorum catholicorum Patrum perlegens, & optima quæque decerpens, in duobus voluminibus per totius anni circulum congruentes cuique festivitati distinctè & absque vitis nobis obtulit lectiones. Quarum omnium textum nostra sagacitate perpendentes, nostra etiam auctoritate eadem constabilivimus, vestræque religioni in Christi Ecclesiis tradimus ad legendum, &c. *Sic desinit.*

EXPLICIT PROLOGUS KAROLI
REGIS.

OPUS PRÆCLARUM OMNIUM
HOMELIARUM ET POSTILLARUM
VENERABILUM AC EGREGIORUM
DOCTORUM GREGORII, AUGUSTINI,
HIERONYMI, AMBROSII,
BEDÆ, HERICI, LEONIS, MAXIMI,
JOHANNIS EPISCOPI, ATQUE
ORIGENIS, INTEGRALITER
DE TEMPORE ET DE SANCTIS PER
TOTIUS ANNI CIRCULUM, CUM
QUIBUSDAM EORUM SPARSIM IN-

TERPOSITIS SERMONIBUS, HINC
INDE SUIS LOCIS COLLECTIS ET
COAPTIS TEMPORIBUS, IN PAR-
TEM HIEMALEM AC ÆSTIVALEM
DIVISUM, INCIPIT FELICITER.

DOMINICA PRIMA ADVENTUS
DOMINI.

LECTIO sancti Evangelii secundum
Matthæum XXI. In illo tempore
cùm appropinquasset JESUS Hierusalem,
& venisset Bethphage ad montem Oli-
veti, &c. *usque* ad pullum cum ea, &
reliqua. Homilia beati Johannis Episcopi.

Puto res ipsa exigit ut quæramus. Fre-
quenter quidem JESUS venit in Hieru-
salem, sicut Johannes testatur, num-
quam tamen sibi adscivit ministeria ju-
mentorum: nec ramorum virentia circa
se ornamenta constituit, &c.

DOMINICA SECUNDA.

SECUNDUM Lucam XXI. In illo
tempore dixit JESUS Discipulis suis:
Erunt signa in sole & luna, &c. *usque*
universo orbi. Homilia beati Gregorii
Papæ habita in basilica sancti Petri.

Dominus ac Redemptor noster para-
tos nos invenire desiderans, &c.

INCIPIT COMMUNE SANCTORUM.

De Apostolis.

Sermo Fulgentii Episcopi.

DELECTAT tantorum tractare margaritas Sanctorum, delectat gemmas intueri dulcium piscatorum, nec modus, &c.

ADNOTATIO.

SUPERIORI Caroli Magni epistolæ hanc visum est adtexere, ut pote lectu dignam, & nonnulla continentem, quæ multorum, ut puto, notitiam fugiunt. Et si enim ea epistola cum Pauli Diaconi Homiliario typis edita est Spiræ apud Petrum *Drach* juniorem anno MCCCCLXXXII, tamen quia rarissima est hæc editio, operæ pretium existimavi hîc recudere pretiosum istud antiquitatis monumentum. Homiliarium hoc in duo volumina distribuit Paulus Diaconus Monachus Casinensis, uti Carolus in fine epistolæ testatur. Huc spectare crediderim Ansegisi Abbatis Fontanellensis testamentum, legantis Monasterio suo *Collectancos duos super anni circulo, Pauli Diaconi volumina duo*. Insertæ sunt tamen homiliæ quædam à posteris, nempe Herici Monachi Autisiodorensis, quem mortuo Paulo floruisse constat, regnante Carolo Calvo. De Herico infra in Poëticis.

CLAUDII EPISCOPI
TAURINENSIS

P R Æ F A T I O

In libros informationum litteræ &
spiritus super Leviticum,

Ad THEODEMIRUM Abbatem.

C O G I S & compellis, carissime frater THEODEMIRE Abba, atque, ut ita dicam, stomachanti animo me reprehendis diu siluisse, nec paruisse justificationi tuæ in expositione Levitici. Bienenium est quodd tibi direxi expositionum atque informationum litteræ & spiritus in Exodo libros quatuor, quibus principium est, *Post expositionem libri Geneseos*, unde ante hos octo annos ex dictis sanctorum Patrum de littera & spiritu tres edidi libros. E contrario tu respondes evenisse tibi quod provenit Jacob, qui pro Rachel servivit, & in nocte Liam accepit: ita & tu petisti expositionem libri Levitici, & accepisti Exodi. Nec in hoc facto re vera me agnosco satis errasse.

Quia sicut illis non erat consuetudo ut minores prius traderentur ad nuptias, quàm maiores: ita nec mihi visum rectum fuit, ut prius exponeretur sacrificii ritus, quàm sacrificiorum ministri vel locus. Quod verò iussioni tuæ hætenus parere nequivi, non fuit pigritia vel torporis negligentia, sed Reipublicæ infestatio dira, & malorum hominum nimia perversitas. Quæ duæ res me in tantum cruciant, ut mihi jam sit tædium vivere, debilitatusque pennis virtutum, non valeo in solitudinem fugere, ubi aliquantulum requiescam, & dicam Deo: *Dimitte me, ut plangam paululum dolorem meum, & cognitum tibi faciam peccatum meum, antequam vadam & non revertar ad terram tenebrosam & opertam mortis caligine, ubi æternus horror & nullus ordo inhabitat.* Sed reptans in terram lacrimabundus & gemibundus clamo ad Deum: *Quare me repulisti, & tristis incedo, dum affligit me inimicus?*

Quod enim præcipis bonum est opus, sed magnum super se habet pondus: & nescio quomodo dignè possit perfici, quod non potest cogitatione comprehendere: & sicut difficile est quemquam manu

posse cælum tangere , ita difficile est omnia sacramenta legis divinæ , sicut tu præcipis , explanare. Sed istud illis debueras injungere , qui habentes intra se fontem eloquentiæ , unde quicquid illis injungitur , carmine inrigho copiosius explicatur. Verum econtra quicumque angustæ intelligentiæ est sicut ego ; nec habet affluentiam eloquii , per quam vel alios reficere , vel suæ siccitatis possit inopiam temperare ; tales non solum per se aliquid dicere appetunt , verum etiam si quid eis injunctum fuerit pertimescunt. Quod in me recognosco , pusillum habens intelligentiæ eloquium : quia nec sæcularis litteraturæ didici studium , nec aliquando exinde magistrum habui. Quantum enim doctis necesse est loqui , tantum indoctis utile est tacere : quia illi de parvis magna sciunt differere , ego de magnis nescio aliqua parva proferre ; & ideo à me formidatur quod ab aliis querendum est.

Quod verò sententiam uniuscujusque Doctoris in paginis adnotare præcipis in expositionibus nostris ; neminem hoc fecisse legi , excepto beatissimum Bedam : quod quidem nec ille ampliùs quam in duobus

duobus codicibus fecit, in expositione videlicet Evangelistarum Marci & Lucæ. Quod ego ideo omisi facere, quia sententiâs quorundam quas adnotaveram, prius sub nomine aliorum diligentius perquirens, aliorum eas esse repperi postea. Quod enim optimè nosti, sicut in novissimis diebus Verbum Dei ex Maria carne vestitum processit in mundum; & aliud quidem erat quod videbatur in eo, aliud quod intelligebatur; (carnis namque adspæctus in eo patebat omnibus, paucis verò & electis dabatur divinitatis agnitio) ita & cum per Prophetas vel Legislatorem Verbum Dei profertur ad homines, non absque competentibus profertur indumentis. Nam sicut ibi carnis; ita hîc litteræ velamine tegitur: ut littera quidem adspicitur tamquam caro, latens verò spiritalis intrinsecus sensus tamquam divinitas sentitur. Tale ergo est quod & nunc invenimus librum Levitici perquirentes, in quo sacrificiorum ritus & hostiarum diversitas ac sacerdotum ministeria describuntur; sed hæc secundum litteram, quæ tamquam caro Verbi Dei est & indumentum divinitatis ejus, digni fortassis vel adspiciant, vel audiant

indigni: sed beati sunt illi oculi, qui velamen litteræ obtectum intrinsecus divinum spiritum vident, & beati sunt qui ad hæc audienda mundas aures interioris hominis deferunt.

Adgredimur igitur hoc opus annuente pietate divina Quadragesimæ tempore, sub die septimo Idus Martii, anno Incarnationis DCCC XXIII Salvatoris JESU-CHRISTI Domini nostri.

EXPLICIT PRÆFATIO CLAUDII
TAURINENSIS EPISCOPI.

Et præmissis capitulis libri primi

INCIPIT LIBER PRIMUS
informationum litteræ & spiritus.

LEVITICUS liber appellatus est, eo quod Levitarum ministeria & diversitates victimarum exsequitur, &c.

Et in fine operis.

Hæc quia jussisti scribere, non pro eruditione nostra, sed pro vestra dignatione præsumpsi. Vestrum verò est dijudicare verius, & ad veram caritatem, quæ

excellētiōr virtus omnibus virtutibus est, nos provocare exemplis. Ad hanc autem quam prædico caritatem plus me vestris orationibus, quàm meis viribus posse confido. En, carissime frater, sicut potui, respondi quibusdam inquisitionibus tuis: pro qua re obnixè deprecor, ut si quid de his rebus unde me interrogas, si quid invenisti melius, vel deinceps invenire potueris; gratissimum habebimus, si nos feceris nosse: quia ego magis amo discere, quàm docere. Quia illa veritatis & sapientiæ pulcritudo (tantùm adsit perseverans voluntas fruendi, pro cuius amore hoc peregrinamus opus) nec multitudine audientium constipata secludit venientes, nec peragitur tempore, nec migrat locis, nec nocte intercipitur, nec umbra intercluditur, nec sensibus corporis subjacet. De toto mundo ad se conversis, qui diligunt eam, omnibus proxima est, omnibus sempiterna: nullo loco est, nusquam deest: foris admonet, intus docet: cernentes se commutat omnes in melius, à nullo in deterius commutatur: nullus de illa judicat, nullus sine illa bene judicat. Hac fide omnem mutabilitatem ab

æternitate se jungo, & ipsa æternitate nulla spatia temporis cerno. quia spatia temporis præteritis & futuris rerum motibus constant. Nihil autem præterit in æterno, & nihil futurum est: quia & quicquid præterit, esse definit; & quod futurum est, nondum esse cœpit. Æternitas autem tantummodo est, nec fuit, quasi jam non sit; nec erit, quasi adhuc non sit: quia sola ipsa verissimè dicere potuit humanæ menti: *Ego sum qui sum.* & de illa verissimè dici potuit: *Qui est misit me.*

Et quia ita est, non jubemur ad creaturam tendere, ut efficiamur beati, sed ad ipsum Creatorem: de quo si aliud quàm oportet, ac sese res habet, nobis persuadetur; perniciosissimo errore decipimur. Ad hoc enim pergendo quod aut non est, aut si est, beatos non facit; ad beatam vitam nequaquam quisquam poterit pervenire. Quæ veritate & sapientia, quæ communis omnibus est, omnes sapientes & beati fiunt inhærendo illi. Beatitudine autem alterius hominis non fit alter beatus: quia & cum eum imitatur ut sit, inde appetit beatus fieri, unde illum factum videt ille, sci-

licet incommutabili communique veritate. Neque prudentia cuiusquam fit prudens alius, aut fortis fortitudine, aut temperans temperantia, aut iustus iustitia hominis alterius quisquam efficitur: sed coaptando animum illis incommutabilibus regulis luminibusque virtutum, quæ incorruptibiliter vivunt in ipsa veritate sapientiaque communi, quibus & ille coaptavit & fixit animum, quem istis virtutibus præditum sibi ad imitandum proposuit. Voluntas ergo adhærens communi atque incommutabili bono, impetrat prima & magna hominis bona, cum ipsa sit medium quoddam bonum. Voluntas autem averfa ab incommutabili & communi bono, & conversa ad proprium bonum, aut ad exterius, aut ad inferius, peccat.

Et ideo non sit nobis religio cultus hominum mortuorum, quia si piè vixerunt, non sic habentur ut tales quærant honores, sed illum à nobis coli volunt, quo illuminati lætantur meriti sui nos esse confortes. Honorandi ergo sunt propter imitationem, non adorandi propter religionem. Si autem malè vixerunt, ubicumque sint, non sunt colendi. Quod colit

Ex August. de vera relig. c. 55.

” ergo summus Angelus, id colendum est
” etiam ab homine ultimo : quia ipsa ho-
” minis natura id non colendo facta est
” ultima. Non enim aliunde sapiens Ange-
” lus, aliunde homo ; aliunde ille verax ,
” aliunde homo : sed ab una incommuta-
” bili sapientia & veritate. Nam idipsum
” actum est temporali dispensatione ad sa-
” lutem nostram , ut naturam humanam
” ipsa Dei virtus & Dei sapientia incom-
” mutabilis & consubstantialis Patri & cœ-
” terna suscipere dignaretur , per quam
” nos doceret id esse homini colendum ,
” quod ab omni creatura intellectuali &
” rationali colendum est.

” Hoc etiam ipsos optimos Angelos &
” excellentissima ministeria Dei velle cre-
” damus , ut unum cum ipsis colamus
” Deum , cujus contemplatione beati sunt.
” Neque enim & nos videndo Angelos
” beati sumus , aut umquam erimus : sed
” videndo veritatem , per quam etiam ip-
” sos diligimus Angelos , & his congratu-
” lamur. Nec invidemus quòd paratiores
” & nullis molestiis interpedientibus per-
” fruuntur : sed magis eos diligimus , quod
” & nos tale aliquid sperare à communi
” Deo iussi sumus. Et idcirco honoramus

eos caritate, non servitute; nec eis tem-
pla constituimus: ac per hoc nolunt se
sic honorari à nobis, quia nos ipsos,
cùm boni sumus, templa summi Dei es-
se noverunt.

Hæc fidei nostræ munitissimum atque
altissimum sacramentum, & cordi nostro
firmissimum character impressum. Hanc
adstruendo & defendendo veritatem, op-
probrium factus sum vicinis meis, & ti-
mor notis meis, in tantum, ut qui vi-
debant nos, non solùm deridebant, sed
etiam digito unus alteri ostendebant. Sed
consolatus est nos Pater misericordiarum
& Deus totius consolationis in omni tri-
bulatione nostra, ut possimus & ipsi con-
solari eos, qui in omni pressura sunt;
de illo fidentes, & per illum in tenta-
tionibus non deficientes, qui nos armis
justitiæ & galea salutis munit atque cir-
cūdat. EXPLICIT.



EJUSDEM CLAUDII

Præfatio

Expositionis in epistolam ad Ephesios,

Ad LUDOVICUM Pium.

PROPRIO domino meo inclito atque glorioso, mihi speciali cultu affectuque præ cunctis mortalibus diligendo, gratia Dei patri patriæ potius, quam Imperatori, cujus imperii dignitas ex fonte orta est pietatis, sanctæ Dei Ecclesiæ Catholicæ filio HLODOVICO CLAUDIUS peccator. Cum nostris temporibus tepescentibus studiis rarus quisque inveniatur cotidiana intentione promptissimus, non solum ad differendum quæ indiscussa sunt, sed etiam ad legendum quæ jam à majoribus disserta sunt; mirum à me opus tanta actam sublimis vestra exigit imperialis potestas, cum epistolas magistri gentium Apostoli Pauli ex tractatibus majorum nostrorum differere jubet: qui nos inluminantes et Christo in studio hujus operis affatim scientia & tempore præcesserunt. Novit namque sacratissima & mihi semper a-

mantissima serenitas vestra, quæ piis est
 semper operibus intenta, & sanctis le-
 ctionibus erudita, quam sub imperiali
 diademate theoreticam non ambigo per-
 agere vitam; quid de laude earundem
 epistolarum in epistola sua secunda scri-
 pserit beatus porro Apostolus Petrus, in
 qua ait: *Sicut & carissimus frater noster*
Paulus secundum datam sibi sapientiam scri-
psit vobis, sicut & in omnibus epistolis lo-
quens in eis de his, in quibus sunt quædam
difficilia intellectu, quæ indocti & instabi-
les homines depravant, sicut & ceteras scri-
pturas ad suam ipsorum perditionem. Ecce
 teste beato Petro ejus coapostolo inveni-
 mus, quòd adhuc in carne viventibus
 ipsis Apostolis, ob difficultatem sensus il-
 larum ab indoctis hominibus, qui eas
 non recte intellexerunt, diversæ hæreses
 emerferunt. Quis ergo ad expositionem
 illarum dignè vel propriè accedere pos-
 sit, quas tantus ac talis primus in carne
 Domini confessor & novi testamenti
 Ecclesiæ pastor asserit esse difficiles in-
 tellectu? Attamen, licèt non viribus
 meis, sed meritis vestris, adjuvante illo
 qui aperuît os mutorum, & linguas in-
 fantium fecit disertas; qui est fidelis in

verbis suis, & sanctus in omnibus operibus suis; qui dixit, *Perite & accipietis, quarite & invenietis, pulsate & aperietur vobis*; largiente pietate ejus, circa socordiam sensus mei epistolas beati jam dicti Apostoli Pauli ad Ephesios atque ad Philippeneses, non tam ex majorum tractatibus, quàm ex diversorum tractatum sententiis, veluti mendicus non habens propriam segetem, sed post terga metentium ex aliorum segete congregat sibi victum, ne hiemis tempore fame periclitetur: ita & ego ex aliorum dictis, has brevi stilo comprehendi epistolas. Quam expositionem si aptam ad legendum judicaverit serenitas vestra, ad auctorem referite Christum: quia hoc ipsum, ut præfatus sum, donante Domino vestrum est. Si verò reprehensioni patuerit propter sermonis rusticitatem, remota fallacia quæ rectam fidem offendit, hujusmodi homines à nobis non pertimescendos ille ammonuit, de quo loquimur, & quem tenemus in manibus, qui regnum Dei non in sermone, sed in virtute esse perdociit, ac semetipsum verbo potius quàm scientiâ imperitum esse scripsit. Funestum atque detestabile

Pelagii dogma, qui ingratus divinæ gratiæ exstitit prædicator, per cælestis gratiæ gratissimum præconem beatissimum Augustinum de hac epistola, quantum potui, funditus abdicavi.

Sed & illorum, qui ex hac ad Ephesios epistola fulciri moliri sunt hæreses suam, ubi ait, *Sicut elegit nos ante mundi constitutionem*; animas hominum ante mundi principium fuisse & coæternas Deo creatori senserunt; sive etiam in epistola ad Philipenses Deum Patrem potiozem Filio crediderunt. Hæc omnia, velut mortale præcipitium aut letale virus, Catholicis auribus denuncio fugienda: quorum idcirco reticeo vocabula, ne derogare videar præcessores potius, quàm dicere veritatem.

Epistolam sanè Apostoli ad Galatas in qua anno præterito, in quantum valui, studiosissimè laboravi, nihil in ea nuper auxi: sed ita, ut antea à me comprehensa est, huic vero operi juxta ordinem suum in capite sociavi.

De ceteris verò epistolis, licet plurima penes me teneantur excerpta, multa tamen adhuc supersunt perquirenda. Sed quia me anno præsentis, præpedientibus

peccatis meis , graviter obligastis , & nimis anxietatibus deditus , mihi vivere non libet , neque scripturas perscrutari licet. Unde obsecro clementiam vestram , ut non mihi sitis molestus exactor : quia si me adjuverit pietas divina , ego ad reddendum devotus sum debitor. Omnipotens Dominus , qui est Rex regum & Dominus dominorum , vos dominum meum inimicorum omnium superare insidias faciat ; concessoque præmio sincerissimæ caritatis , ad profectum & ornatum totius Ecclesiæ , ita vivere concedat , ut finito mortalis vitæ termino , liberum à peccati conscientia suo sancto adstare faciat throno. E X P L I C I T.

Incipit Tractatus in epistola ad
Ephesios Claudii Presbyteri.

EPHESII sunt Asiani. Hii accepto verbo veritatis perstiterunt in fide , hos conlaudat Apostolus scribens eis à Roma de carcere , &c.



ADNOTATIONES.

DE Claudio Taurinensi Episcopo nemo certius testimonium prodiderit, quàm Jonas Aurelianensis Episcopus tum in præfatione, tum initio libri primi de cultu imaginum adversus ipsum. *Is itaque de quo agitur, inquit, exortus ex eadem Hispania, ejusdemque Felicis discipulatus ab incunite ætate inharens, per aliquod tempus in palatio memorati gloriosissimi ac serenissimi Deoque amabilis Augusti (Ludovici) in officio Presbyteratus militavit. Sed ut aliorum utilitati doctrinâ prædicationis evangelicæ, quæ illi admodum inesse videbatur, consulere, ipsius piissimi Principis clementia Prasul Taurinensis subrogatus est Ecclesiæ.* Hinc confutatur vulgatus ac communis error, qui ab annis bene multis invaluit, Claudium scilicet genere Scottum fuisse, ex Hibernia oriundum. quem in errorem etiam impegit eruditus vir Usserius Armachanus.

Theodemirus, cui prior inscripta est præfatio, Gallus Abbas fuit, præeratque centum quadraginta Monachis sub Regula sancti Benedicti, ut ipse testatur in epistola contra Claudium scripta, cujus fragmenta refert Jonas in lib. 3 operis præcitati. Abbatem in Gallia fuisse, non verò in Hispania, uti aliquando suspicatus sum, colligo ex Jonæ lib. 1, de eodem Claudio hunc in modum loquentis: *Fertur interea in suggillationem ejusdem Abbatis, totius-*

que Gallicana Ecclesia, tanta prolixitatis volumuisse libellum, &c. At cujus loci Abbās fuerit, mihi hactenus incompertum.

Multa scripsit Claudius, præcipuè verò commentaria in sacros libros, nempe in Genesim anno DCCC. XIV librostres; in Exodum quatuor anno DCCC. XXI; & in Leviticum anno DCCC. XXXI, ut patet ex priori præfatione hîc edita, quæ omnia Theodemiri Abbatis hortatu aggressus est. Præterea commentatus est Evangelium Matthæi, opusque suum Justo Carrofenli Abbati nuncupavit anno DCCC. XV. Ad hæc exposuit omnes Pauli epistolas, ex quibus explanationem in epistolam ad Galatas Drufteranno Abbati Sollemniacensi dicavit: eam verò quæ in epistolam ad Ephesios elucubrata ab ipso est, Ludovico Augusto inscripsit, quæ posterior est præfatio hîc edita. Scripsit etiam quædam in cultum sacrarum Imaginum piastque peregrinationes, in quibus non rectè sensit.

Ex his omnibus sola expositio in epistolam ad Galatas typis vulgata est in Bibliotheca Patrum: fragmentum præfationis in Matthæum in lucem protulit Usserius inter Hibernicas epistolas: cetera, præter duas hæc præfationes, adhuc in tenebris latent. Expositionem in Matthæum reperi in Bibliotheca Cathedralis Ecclesiæ Laudunensis: Commentaria verò in Leviticum penes nos habemus in codice Remigiano, & expositiones super epistolas Pauli in duobus voluminibus Bibliothecæ Floriacensis.

Adversus Claudium scripsere Theodemirus Abbas, Dungalus Reclusus, & Jonas Aurelianus Episcopus, sacrarum Imaginum cultum & peregrinationes pias libris editis defendentes.

R I T U S

Probationis per aquam frigidam

Ab EUGENIO Papa II instituta.

CUM homines vis mittere ad probationem, ita facere debes. Accipe illos quos voluntatem habes mittere in aqua; duc eos in ecclesia, & coram omnibus illis cantet Presbyter Missam, & faciat eos ad ipsam Missam offerre. Cum autem ad communionem venerint, antequam communcent, interroget eos Sacerdos cum conjuratione ita dicens: Adjuro vos homines per Patrem & Filium & Spiritum sanctum, & per vestram Christianitatem quam suscepistis, & per unigenitum Filium Dei, & per sanctam Trinitatem, & per sanctum Evangelium, & per istas reliquias, quæ in ista sunt ecclesia, ut non præsumatis

ullo modo communicare, neque accedere ad altare, si vos hoc fecistis, aut consensistis, aut scitis quis hoc egerit. Si autem omnes tacuerint, & nullus hoc dixerit, accedat Sacerdos ad altare, & communicet eos. Postea verò dicat ad illos quos communicat: Corpus hic & sanguis Domini nostri J E S U - C H R I S T I sit vobis ad probationem hodie. Expleta Missa, faciat aquam benedictam, & accipiat Sacerdos ipsam aquam, ibitque ad illum locum, ubi homines probabuntur. Cùm autem venerint ad ipsum locum, det illis bibere de aqua benedicta, dicens ad unum quemque: Hæc aqua fiat tibi ad probationem. Postea verò conjuret aquam ubi illos mittit. Post conjurationem aquæ, exuat illos vestimentis eorum, & faciat eos per singulos osculare sanctum Evangelium & crucem Christi. Et postea super unumquemque adspargat de aqua benedicta, & projiciat singulos in aqua. Hæc omnia facere debes jejunos; neque illi ante manducent qui ipsos mittunt in aqua.

Conjuratio

Conjuratio hominis.

Adjuro te homo N. per invocationem Domini nostri JESU-CHRISTI, & per judicium aquæ frigidaë. Adjuro te per Patrem & Filium & Spiritum-sanctum, & per Trinitatem inseparabilem, & per Dominum nostrum JESUM-CHRISTUM, & per omnes Angelos & Archangelos, & per diem tremendi judicii, & per quatuor Evangelistas Matthæum, Marcum, Lucam & Johannem, & per duodecim Apostolos, & per duodecim Prophetas, & per omnes Sanctos Dei, & per Principatus & Potestates, per Dominationes & Virtutes, & per Thronos, Cherubin atque Seraphin, & per tres pueros Sidrac, Misach, & Abdenago, & per centum quadraginta quatuor milia, qui pro Christi nomine passi sunt, & per illum baptismum, quo Sacerdos te regeneravit: ut si de hoc furto scisti, aut vidisti, aut bajulasti, aut in domum tuam recepisti, aut consentiens aut consentaneus exinde fuisti, aut si habes cor incrassatum vel induratum, evanescat cor tuum, & non

Veterum Analect. Tom. I.

D

suscipiat te aqua, neque ullum maleficium contra hoc prævaleat, sed manifestetur. Propterea obnixè te deprecamur, Domine JESU-CHRISTE, fac signum tale, ut si culpabilis est hic homo, nullatenus recipiatur ab aqua. Hoc autem, Domine JESU-CHRISTE, fac ad laudem & gloriam per invocationem nominis tui, ut omnes cognoscant, quia tu es Dominus noster, qui cum Patre & Spiritu-sancto vivis & regnas Deus in sæcula sæculorum. Amen.

Oratio ad aquam benedictam.

Suppliciter te, Domine JESU-CHRISTE, deprecamur, tale præsentialiter facere dignare signum, ut si iste quod ei obicitur est in aliquo culpabilis, non suscipiat eum hæc aqua, sed evanescat ipse, & nullatenus modò intro recipiat. Hoc autem, Domine JESU-CHRISTE, fac ad laudem & gloriam ad invocationem nominis tui † ut omnes cognoscant quia tu es Deus verus, & præter te non est alius, qui vivis & regnas cum Deo Patre in unitate Spiritus-sancti per infinita sæcula sæculorum. Amen.

ANALECTA. 51

Hoc autem iudicium creavit omnipotens Deus, & verum est, & per Dominum EUGENIUM Apostolicum inventum est, ut omnes Episcopi, Abbates, Comites, seu omnes Christiani per universum orbem eum observare studeant, quia à multis probatum est, & verum inventum est. Ideo enim ab illis inventum est & institutum, ut nulli liceat super sanctum altare manum ponere; neque super reliquias vel Sanctorum corpora jurare.

ADNOTATIO.

DE variis probationum generibus multa scripsere. Probationem aquæ frigidaë huc idcirco refero, quòd ab Eugenio Papa instituta memoretur in Remigianis membranis pervetustis sæculo ix exaratis, ex quibus superiora desumsi. Suffragatur vetus collectio Canonum in Monasterio sancti Mariani apud Autissiodorum adservata, in qua forma iudicii per aquam frigidam refertur cum hoc titulo: *Hoc iudicium atque examinationem misit Dominus Apostolicus in Franciam, ut non violarentur sacra altaria Sanctorum, sed per hanc adjurationem & iudicium aquæ frigida possit patescere veritas.* Tum subijcitur adjuratio in hæc verba: *Adjuro te, homo, per Patrem & Filium*

D ij

& Spiritum-sanctum, &c. Et tamen Ludovicus Augustus in Capitulari Aquisgranensi anni dccc xxviii §. 7 cap. 12 statuit, *Vt examen aqua frigida, quod hactenus faciebant, à missis nostris interdicatur, ne ulterius fiat.* Quod decretum condidit Ludovicus post Eugenii constitutionem, nempe anno proximo post obitum Eugenii Papæ secundi. Non tamen ritus iste purgationis decreto Ludovici penitus sublatus est: siquidem Hincmarus Remorum Antistes ab Hildegario Meldorum Episcopo ea de re interrogatus, multis iudicium aquæ frigidæ argumentis approbavit. Missam in probationis articulo celebrari solitam nobis exhibet vetus codex Uticensis.

FRAGMENTUM HISTORICUM

De Concilio Aquisgranensi.

TEMPORE Ludovici Pii de Roma ad Palatium Aquisgranense venit Gregorius IV, [ibique habitum est] Concilium de fere omnibus Prælatiis Orientalibus & omnibus Occidentalibus, ubi statuta quamplurima utilia Gallicanis Ecclesiis statuerunt, confirman- te Pontifice Romanorum. Statuerunt pro- Canonici, qui tunc sub Præpositis vi-

vebant, quia Præpositi temporalia male tractabant, & nobiliores fortioresque Canonici possessiones usurpabant; ut quilibet Canonicus, personis ad certum numerum redactis, suum temporale proprium possideret, & ut de communi camera cuilibet distribueretur, prout in choro divinis officiis resideret.

In illo tempore Monachis Gallicanis est indultum, ut femoraliis, laneis camisiis, pelliciis, botis, caperonis de pelliis, almuciis, coopertoriis, aurioclaribus; & pro infirmis, culcitris uti possent. Indultumque est illis, ut magnis sollemnitatibus plurima habeant fercula cum panis formulis & phialis pigmenti propter honorem sollemnitatum & nobilitatem Francorum; non propter ingurgitationem ventris, sed ad reparationem virtutis. Et quia oleum olivarum non habent Franci, voluerunt Episcopi, ut oleo lardivo utantur. Voluerunt insuper, concordante Illustrissimo Ludovico, ut Monachi suis monasteriis, quæ villis, castris, burgis & civitatibus habent, absque conturbatione maneant laicorum; statueruntque Episcopi, concordante domino Papa, ut Monachi à gravi opere & la-

borē propter honestatem sacerdotii cessant, & loco laboris ad horas psalmos quosdam nominatos pro vivis & defunctis fidelibus cantent cum orationibus ordinatis : volueruntque ut Monachi in Pascha & Pentecoste consuetudinem in servitio divino teneant Romanorum.

De libertate domorum Canoniorum.

His temporibus Ludovicus Pius concessit Canonicis, concordante domino Papa, habere in domibus libertatem & judiciariam potestatem : & voluit ipsos vestiri griseis & variis, quia adeo crescebat Ecclesia in Galliis, quod Reges, Duces & Barones habebant filios & fratres, avunculos in ecclesiis Canoniorum & Monasteriis Monachorum, & se supponebant obedientiæ humilium fortiores.

A D N O T A T I O N E S.

ET si hoc fragmentum nonnulla contineat dubiæ fidei, plura tamen habet notatu digna. Dubium est quod legitur de adventu Gregorii Papæ Aquisgranum. Accessit quidem Gregorius IV anno DCCC XXXIII in Gallias.

Ludovicum Augustum cum filiis reconciliaturus: at Imperatorem convenit in locum, qui dicitur *Campus-mendacii*, *qui est inter Argentariam & Basileam*, inquit Theganus; atque inde in viso Aquisgrano Romam recessit. Item dubium est, an ea quæ de Concilii Aquisgranensis decretis referuntur, pertineant ad Concilia Aquisgrani habita annis DCCC XVI & DCCC XVII, pontificatu Stephani & Paschalis; an verò ad alia duo, quæ tempore Gregorii ibidem celebrata sunt annis DCCC XXVIII & DCCC XXXVI. Denique nescio an dubium sit id quod dicitur de mercede Canonicis divino Officio adstantibus distribuenda, quod recentiorum esse temporum fortasse quis reputaverit. Quamquam meiræ (*mereaux* vulgus appellat) eo tempore jam in usu erant, ut patet ex Statutis Adalhardi Abbatis Corbeïensis. Lege acta S. Trevisi Episcopi Autisiodorensis.

Ceterum observatu digna sunt, quæ de divisione mensæ, ut vocant, Præpositi à mensa Canonicorum, deque eorum habitu referuntur. Item quæ de usu pinguedinis Monachis permissa, nimirum in Synodo Aquisgranensi anni DCCC XVII, ut patet ex capitulis XXII & LXXVII. quod postremum statuit, *Ut fratres aliquid pinguedinis in victu quotidiano habeant, excepto sexta feria, & diebus octo ante Natale Domini, & à Quinquagesima usque ad Pascha*. Id permissum Monachis Francis propter defectum olei, itidem tradunt anonymus

D.iiiij

Auctor in vita sancti Meinweri Paderbornensis Episcopi, & Ordericus Vitalis in Historiæ lib. 8. pag. 712. Feriam sextam aliosque penitentiae dies exceptere Patres, tamen si eo tempore pinguedo feria sexta in usu erat, testante Monacho Sancti-Gallenfi in lib. 1 de vita Caroli Magni cap. 17, cujus verba hinc apponam. *In eadem profectio inopinatio venit (Carolus) ad quemdam Episcopum, in loco inevitabili constitutum. Cumque ipso die carnes quadrupedum aut volatilium comedere nolisset, quia sexta erat feria; Pontifex ille juxta facultatem loci illius, cum repente pisces invenire nequisset, optimum illi caseum, & ex pinguedine carniū jussit apponi. ubi malè in editis legitur ex pinguedine canum. Abusus iste, utendi scilicet pinguedine feria sexta, derivatus est ad Cluniacenses nostros, postmodum à Petro Venerabili sublatus.*



ADDITAMENTUM

Ad Concilium Tusiacenſe,

*Post caput v quod in editis habetur tomo
III Sirmondi pag. 162 post verba,
sub disciplina eorum maneant.*

HÆC, fratres carissimi & confacer-
dotes nostri, quæ unanimi vobis
intentione secundum sententiam x l E-
piscoporum promulgatam tenenda om-
nino & conservanda sunt. videlicet ut
omnes raptores Sanctimonialium vir-
ginumque atque viduarum, cujuscum-
que etiam rei prædones, incestos, per-
juros, oppressoresque pauperum, inva-
sores per vim ecclesiasticarum rerum,
usurarum exactores, hos videlicet qui
judicantes magis pauperes compellunt
reddere, quàm acceptum fuerat in
prima donatione: necnon subtractores
decimarum. . .

A D N O T A T I O N E S.

HOc additamentum erui ex ms. codice Bibliothecæ S. Mariani apud Autisiodorum, in quo habetur vetus collectio canonum. Ex hoc autem fragmento discimus, Episcopos dumtaxat **XL** interfuisse Concilio Tusiacensi anno **DCCC LX**. tametsi ei subscribunt Episcopi octo & quinquaginta. Quod accidit duabus ex causis, nempe quia ejusdem sedis Episcopi duo interdum subscripserunt, scilicet Episcopi Noviomenses duo, Rainelmus, & Immo ejus successor: duo item Autisiodorenses, Christianus, & Abbo. Ad hæc subscribere etiam absentes nonnulli, ad quos ejusdem Concilii exemplum transmissum est. Moris quippe tum erat, ut in gravioribus negotiis Conciliorum decreta sigillo suo confirmarent, non solum præsentibus, sed etiam absentes Episcopi; immo etiam ipsorum successores. cujus rei luculentum habemus exemplum in prædicto Concilio Tusiacensi.

Injuriâ proinde Critici nonnulli vetera diplomata falsi postulant hoc nomine, quod iis duo ejusdem sedis Episcopi nonnumquam subscripsisse deprehendantur. quales sunt litteræ Geilonis Episcopi Lingonensis, quibus subscribunt tres Episcopi Lingonenses, Lugdunenses duo, duo itidem Æduenses apud Perardum in monumentis Burgundicis, pag. 50 & 51. Alia ejusdem rei exempla consule apud

eundem pag. 55, apud Acherium nostrum in Spicilegii tomo 1 pag. 414, apud Chiffletium in probationibus Historiæ Tornutiensis pag. 217 & 218, præsertim verò pag. 280 & 326. Sed antiquius habemus ejusdem rei exemplum in Testamento sancti Audomari Morinorum Episcopi pro Monasterio Sithiensi, cui Testamento duo tresve Morinenses Episcopi subscripsere.

HINCMARI ARCHIEPISCOPI

Epistola

Ad KAROLUM Imperatorem

*De auctoritate Vitæ S. Dionysii ab Anastasio
tralatæ.*

DOMNO glorioso KAROLO Imperatori Augusto, HINCMARUS nomine, non merito Remorum Episcopus, ac plebis Dei famulus. Lectâ beati Dionysii passionem à Methodio Constantinopolim Româ directo Gracè dictatâ, & ab Anastasio utriusque linguæ perito & undecumque doctissimo, Apostolicæ Sedis Bibliothecario, Latinè conscriptâ, sicut in Præfatione sua narrat: recognovi his quæ ibi scripta sunt, ea quæ in adolescen-

tia legeram consonare , videlicet per quos & qualiter gesta martyrii beati Dionysii sociorumque ejus ad Romanorum notitiam , indeque ad Græcorum pervenerint. Nam quando Deo disponente in Franconofurth palatio nati estis, HUCBERTO Præcentori palatii Episcopium Meldensis urbis commissum est , ubi propter HILDRICI Episcopi ætatis prolixitatem & diuturnam aegritudinem, quædam ad scientiam & Religionem pertinentia, necnon & ædificia & cetera quæque necessaria neglecta invenit. Quapropter à familiari suo BODONE Clerico domni & nutritoris mei HILDUINI Abbatis sacri palatii Clericorum summi, quemdam Clericum ipsius Bodonis propinquum, nomine WANDELMARUM, qui cantilenam optimè à TEUGARIO magistro in sancti Dionysii Monasterio didicit, ad erudiendos Clericos suos obtinuit : cui Abbatiolam sancti Sanctini in beneficium dedit. Idem autem Wandelmarus in loco sibi commissso quaterniunculos valde contritos, & quæ in eis scripta fuerant pæne deleta, de vita & actibus beati Sanctini reperit, quos ob familiaritatis notitiam, &

quia mesciolum putabat, ad exhaurienda ea quæ in eisdem quaterniunculis contineri videbantur, & ad transscribendum apertè in nova pergamena mihi commisit. Quod & studiosè peregi, & mihi emendata emendanti restitui. Sed quia diu est quod idem Wandelmarus etiam ante obitum HUCBERTI defunctus fuit, & sicut audiui, idem locus neglectus existit, ac demum in eadem urbe Northmanni fuerant, & quædam incendio concremaverant, quædam verò prædantes diripuerant: nescio si ipsi quaterniunculi vel eorum exemplaria in eadem urbe valeant reperiri. Propterea eorum exemplarium quod mihi retinui, vestro devoto & bono studio offerendum putavi: ut si quæ sunt illorum reliquiæ, qui negabant dominum & Patrem nostrum, Patronum nostrum Dionysium esse Areopagiten, & à beato Paulo Apostolo baptizatum, ac Atheniensem ordinatum Episcopum, & in Gallias à sancto Clemente directum; ex his quæ Græca testificatio & Romanæ Sedis assertio & Gallicana intimat contestatio, ratum & in hac recognoscant, quod inde ante nos dictum est. Nam veritas sapius agi-

tata magis splendescit in lucem.

ADNOTATIONES.

PRÆMISSAM Hincmarus epistolam scripsit Carolo Calvo Imperatori post annum DCCC LXXV, ad conciliandam fidem Latinæ versionis, quam ediderat Anastasius Romanæ Ecclesiæ Bibliothecarius, Vitæ sancti Dionysii Areopagitæ à Methodio Græcè compositæ. quæ quidem versio habetur in mss. codice Divionensis Monasterii sancti Benigni, quo ex codice ejus versionis nobis copia facta est. Hanc verò Hincmari epistolam, quam erui ex apographo Dionysiano, in quo Areopagitica Hilduini continentur, sine dubio legerat Hugo Flaviniacensis Abbas, uti apparet ex Historiæ suæ parte prima, ubi de vitæ sancti Sanctini inventione scribit in hunc modum: *Anno Ludovici octavo, ab Incarnatione Domini DCCC XXIII, natus est ei filius in Frânconsfurth palatio novo: & ibi ordinatus est pridie Idus Julii Drögo, Caroli Magni filius, & datus est ei Episcopatus Mettensis; & Humberto Præcentori palatii Episcopium Meldense traditum est. qui invenit in ipsa ecclesia quaternunculos de vita sancti Sanctini, sed valde contritos.* Si illa acta veterrima, quæ tunc in mss. codice jam pæne oblitterata reperta sunt, hoc tempore haberemus in promptu, magnam afferrent lucem diuturnæ controversiæ, quæ inter eruditos de duobus Dionysiis jamdudum agitur. Sed tamen

non facilè debemus fidem abrogare Hincmaro contestanti in istis Actis à se lectum, Dionysium primum Parisiorum Episcopum non alium esse quàm Areopagitam, qui in Gallias missus sit à sancto Clemente.

Certè quod attinet ad missionem Dionysii per Clementem, præter acta primaria de vita sancti Dionysii, in quorum exemplaribus nonnullis Clementis nomen legitur; eam agnoverunt Gallicanæ Ecclesiæ Præsules, etiam ante Areopagiticorum editionem. Cujus rei luculentum habemus testimonium Galliæ Episcoporum in frequenti conventu apud Parisios de cultu sacrarum Imaginum anno dcccxxv habito, ante annos decem, quàm Hilduinus scribendis Areopagiticis operam daret. Sic enim Episcopi sub finem Actionis septimæ loquuntur: *Nec vobis radium fiat, si ad ostendendam rationem veritatis veritatemque rationis se se paullo longius sermo protraxerit, dummodo linea veritatis, qua ab antiquis Patribus nostris usque ad nos inflexibiliter ducta est, beato Dionysio scilicet, qui à sancto Clemente, beati Petri Apostoli in Apostolatu primus ejus successor exstitit, in Gallias cum duodenario numero primus prædicator directus, & post aliquod tempus una cum sociis huc illucque prædicationis gratia per idem regnum dispersis martyrio coronatus est.* Ita libri à Jacobo Bongarsio editi: sed legendum puto, qui à sancto Clemente, beati Petri Apostoli primo successore, exstitit in Gallias cum duodenario numero primus prædicator

directus, &c. ubi vides qualis fuerit sententia Gallicanorum Antistitum de sancti Dionysii missione.

Idem consensus probatur ex officio ecclesiastico in ecclesiis Gallicanis festo die sancti Dionysii legi solito regnante Carolo Calvo, quale habetur in Antiphonali Gregoriano, jussu ejusdem Caroli Calvi pro ecclesia Compendiensi litteris partim aureis exarato. Sic enim legitur in prima antiphona ad vigilias nocturnas: *Sanctus Dionysius, qui tradente beato Clemente, Petri Apostoli successore, verbi divini semina gentibus parturienda suscepit.* Et in responsorio tertio primi Nocturni, quod vocant: *Beatissimus Dionysius Christi Martyr tradente beato Clemente parturienda gentibus semina divina suscepit.* Porro hoc officium diu ante illud tempus receptum fuisse in Ecclesia Gallicana, nemo jure negaverit. Si enim ejus Officii auctor esset Hilduinus, non omisisset Arcopagita nomen aliunde sibi probatum, quod in illo Officio non comparet. Hac dixerim ad vindicandam Hilduini memoriam, quem in hac controversia mala fide versatum fuisse libentius criminantur nonnulli recentiores. Longè aliter de ipsius religione sentiebat Agobardus, cum in epistola ad Proceres palatii eum *sanctissimum ac beatissimum* vocat, & *pene solum* cum Wala *in via Dei adiutorem Christianissimi Imperatoris* Ludovici. Ad Hincmarum re-
vertor.

- Inveni in Laubiensis Monasterii Bibliotheca
catalogum

catalogum veterum, qui tunc temporis penes Laubienſes erant, librorum anno M XLIX reſenſitum, in quo notatur *Scriptum Ravennatis Eccleſiæ ad Carolum Regem.* tum *Reſcriptum Hincmari Archiepiſcopi ſub perſona Caroli ad eandem Eccleſiam.* Cleri Ravennatis epistolam vnâ cum Hincmari opusculis & epistolis in lucem emiſit Johannes Cordeſius. qua in epistola Ravennates conquiuntur, quodd Monachi, ad episcopale officium promoti, monasticam vestem (Scapulare vocant) retine-
rent. At Hincmari hac de re ſcriptum nuſquam typis, quod ſciam, vulgatum eſt. quod hoc loco monuiſſe viſum eſt qualiſcumque mo-
menti.

INCIPIT PASSIO
SANCTI DEMETRII
MARTYRIS,

Per ANASTASIUM S. R. E. Biblio-
thecarium.

DOMINO piſſimo Imperatori KA-
ROLO ſemper Auguſto ANA-
STASIUS exiguus coronam & regnum
cum Chriſto. Beati Demetrii Theſſalo-
nicenſis Martyris paſſionem atque mira-
Veterum Analect. Tom. I. E

cula hortantibus fratribus, & maximè viro peritissimo JOHANNES Diacono, vestræ fidei puritate ac scientiæ claritate notissimo, nuper de Græco in Latinum transtuli sermonem. qui præfatus Johannes hujus Martyris, in domo quidem sua, miræ antiquitatis & pulcritudinis oratorium habebat: tamen qualis iste Martyr Christi esset ignorabat. Ego verò, sicut expertus sum apud Thessalonicam, ubi preciosum corpus ejus conditum redolet, & splendore miraculorum refulget, innotui ei per ordinem. Sed quia Imperium vestrum tanti Agonistæ fraudari notitia novi; vobis quoque id ipsum oportune mittere procuravi: quatinus vestra magnitudo cum intercessionibus sanctorum & amicorum Dei, istius quoque prece apud Deum obtinere gratiam valeat, & perfrui mereatur gloria sempiterna. Rex Regum & Dominus dominantium regnum vestrum dextera sua protegat, & de temporali ad æternum transferat regnum.

CUM Imperator MAXIMIANUS in Thessalonicensium degeret civitate, homo superstitiosus piæ religionis

auditores persequébatur, & interficiebantur ab eo. Inter quos erat beatus DEMETRIUS, manifestum faciens semetipsum absque ullo timore, qui à juventute & bona egerat opera, & alios docebat. Docebat enim, qualiter divina Sapientia descenderat ad terram de cælo, ut hominem qui mortuus fuerat peccato, vivificaret sanguine proprio. Cùm hæc & alia multa prædicaret, quidam ministri Imperatoris, qui ad capiendos Christianos fuerant deputati, tenentes sanctum Demetrium Imperatori obtulerunt Maximiano. Contigerat enim ire Imperatorem ad stadium civitatis propter eos, qui ad singulare certamen fuerant congressuri. Illic enim parabatur per quasdam tabulas circulus circumscriptus, ubi suspecturus erat eos, qui ex adverso invicem theatricè se impugnarent. quia delectatio erat ei adspicere humani sanguinis fusionem. Verumtamen non sine cura & sollicitudine habebat quod esse sibi delectabile cernebatur. Flagrabat autem desiderio circa quemdam, Lyæum nomine, monomachum, qui jam multos, virtute ac mole corporis abusus, extinxerat, occidendi experimentum per

meditationem & consuetudinem possidens. Hunc eo quòd omnes formidarent, & nullus ei qui resisteret videretur, inter primos Maximianus habebat, & diligebat, & libenter in eum respiciebat. Laudabat autem & mirabatur, & quasi super magna re in superbia viri gloriabatur. Porro cum prope stadium pervenisset, tunc adducunt ei qui cœperant, beatum Demetrium. Audiens autem Imperator quod Christianus esset, quia se totum ad præsentiam spectaculi contulerat; beatum Demetrium iussit ibidem juxta stadium existere, & penes publicum balneum custodiri. Ipse verò Imperator residens, Lyæo introducto interrogabat, quis singulare cum eo vellet inire certamen, dona promittens & proponens. Et quidam adolescens nomine Nestor, à superioribus exsiliens gradibus, adversus Lyæum stabat, singularem conflictum arripere cupiens: ita ut obstupescens Maximianus vocaret ad se Nestorem, qui ad hoc exsilierat, illique daret consilium dicens: Novi quod te pecuniarum egestas ad tantum phantasiæ fecerit elevari, ut aut superans divitias repentis as adquires; aut voto fraudatus, cum

vita molestante careas egestate. Ego autem tibi ob miserationem qua adornaris ætatis , dabo etiam pro solo ausu condigna & sufficientia dona , & vade , habeas cum vita etiam dona. Lyæo verò temetipsum ne objicias , quoniam multos te potentiores devicit. His Nestor auditis , nec recipit monita Imperatoris , neque formidavit de virtute Lyæi. Imperatori autem respondit : Nec pecuniis , ut adseruistis , ad hunc agonem veni , sed ut meliorem Lyæo memetipsum reddam. Mox ergo tam Imperator , quàm hi qui circa erant , Lyæo faventes , in iram dictis Nestoris consurgunt , jactantiam ejus non ferentes : Imperator verò confortabat Lyæum , & fidum eum reddebat. At ille dignum se imperatorio judicio festinabat ostendere. Cumque facta fuisset congressio , mortalem Lyæus suscepit ictum , & protinus mortuus est , & extremam fecit Imperatori confusionem. Unde nec ullis pactis & repromissis pecuniis Nestori recompensans , sed mox in suo solio resilivit , & tristis ad palatium reversus est. Cùm autem ei quidam de Demetrio suggestissent , statim in ira permotus in ipso loco in quo fuit re-

tentus, jussit eum lanceis perforari. Ita beatus Demetrius bonæ confessionis martyrium consummavit. Corpus verò ejus ab interfecto-ribus parvipensum est: sed quidam religiosi viri noctu latenter venerunt, & fumentes illud ex ipsis in quibus projectum fuerat pulveribus, & comportata terra, quantum potuerunt, abscondere curaverunt, ne læsionem ab aliquo de trucibus & cruentis animalibus sustineret. Nulli autem post hæc curæ fuit transferre corpusculum Sancti, sed manebat sub signo. Porro ut modicū celebraretur, non pauca in eodem loco facta sunt virtutum ac sanitatum insignia his, qui fide eum invocabant. Cū jam fuisset meritum Martyris divulgatum, LEONTIUS quidam Deo amabilis, vir adornans thronum Illyricorum præfecturæ, domum, quæ sanctissimum continebat Martyris corpus, cum humillima esset & undique obruta & coangustata porticibus publici balnei ac stadii, universa nocentia mundavit & expurgavit, prædiisque amplioribus dilatavit eam, & crexit ibi oratorium in honore sancti Martyris Demetrii, ad laudem Domini nostri JESU-CHRISTI, cum quo est

Patri & Spiritui-sancto gloria, honor & imperium in sæcula sæculorum.

MARIANUS quidam, unus de Senatoribus, ab Imperatoribus jussus est dominari gentibus, quæ in Illyrico erant more Præfectorum. qui veniens Thessalonicam piè præfecturæ gubernabat habenas, Deoque & hominibus erat acceptus. Tunc diabolus invidens ejus opibus, uti Job expetiit eum ut tentaret. Et in primis cœpit eum tentare septem vitiis. At ille gratia Dei suffultus, cuncta ejus machinamenta superavit. Cumque nec sic proficeret Diabolus, cunctas illi hujus mundi divitias abstulit; & nec sic vincere potuit. Supernum enim cum illo erat auxilium. Ad ultimum ergo diabolus permittente Deo tam gravieum percussit infirmitate; ut de nullo membrorum haberet potestatem, nisi solius linguæ, de qua Deum assidue laudabat. Cumque diu hanc infirmitatem cum patientia sustinuisset, venit diabolus in civitatem in specie hominis ferens membranam quamdam in manibus, & dixit uni servorum ejus: Si hanc super se tulerit dominus tuus, ab infirmitate liberabitur sua. At ille ingressus ante dominum suum

E. iiij.

dixit ei: Quæ est tua patientia? audi ergo me, & sanaberis. Est homo ignotus in civitate quamdam habens membranam, qui dicit, quòd si eam super te ferre volueris, ab infirmitate liberaberis. At ille inquit: Quid scriptum habet? Nescio, ait, sed nomina Deorum Angelorumque dicit. Marianus dixit: Deus, absque cujus nutu nihil fit, potest me sanum reddere sine carta. habeat quod suum est, de me fiat voluntas Dei. His dictis, confestim somno corripitur præ dolore & tristitia. qui cum obdormisset, apparuit ei beatus Demetrius dicens: Surge, & servis tuis impera, quòd te deferant in domum Demetrii. nam ibi juvante Deo recipies sanitatem. Cumque evigilans, à circumstantibus domum Demetrii Martyris requireret, ait quidam: Est domus vilissima prope stadium, in qua dicunt jacere Demetrium, qui dudum lanceis interfectus est jussu Maximiani Imperatoris. Tum ille: Illuc me ferte, quia in visu dictum est mihi, illic sanitatem me posse recipere. Tunc famuli tulerunt dominum suum, ubi jussi fuerant: & jussit se ponere solummodo in pavimento. Cumque jaceret, somno subito arri-

pitur. & ecce beatus Demetrius iterum apparuit ei dicens: Per me sanari potes, sed timeo ne fortè post sanitatem curis hujus mundi te implices. At Marianus: Tu scis, Domine, quia numquam hoc egi, nec agere cupio. Et ille: Christus te sanat qui erigit elisos. Et evigilans Marianus cœpit narrare visionem. Cumque ad hoc ventum fuisset, ubi Martyr dixit: Christus te sanat qui erigit elisos; sanus surrexit gratias agens Deo cum omnibus qui illic aderant, qui vivit & regnat in sæcula sæculorum. Amen.

Fuit item quidam Præfectus Thessalonice civitatis, qui fluxum sanguinis patiebatur; & velut mulier, quæ tactu fimbriæ vestimenti Domini sanata est, pæne omnem censum in medicos expendebat, & a nemine sanari poterat. Tandem ergo inspiratus divina clementia, quadam die ait servis suis: Portantes portate me ad domum Protectoris nostræ civitatis. At illi cum timore respondentes dicunt ei: In cujus protectoris domum jubes ducere te? Dicit eis, Primi. Qui aiunt: Cujus primi? Dic nobis, domine, nomen. Ille verò intuitus eos dixit: Prò dolor, ego semivivus jacens illum cog-

nosco, & vos cùm sani sitis, ignoratis eum? Nescitis quòd multos protectores habet hæc civitas, sed unus supereminet cunctis, qui pro ea semper alacriter pugnat; quem ut murum inexpugnabilem non solum civitas, sed & habere tota promeruit regio? Deserte igitur me in domum ejus. aut enim visitans miserebitur mei: aut certè, cùm illic defunctus fuero, suscipiet animam meam, & in futura me horrendi tribunalis Christi præsentia intercedens, eripiet ab æterno supplicio. Quibus illi auditis, intellexerunt quod de sancto diceret Demetrio, qui frequenter sanitates infirmis reddebat: & celeriter elevatum tulerunt eum illic. Quæ autem lingua, Fratres carissimi, hunc Martyrem dignis laudibus potest venerari, qui tantam operatus est virtutem, ut illum quem multiplices & varii non poterant sanare medici, sub unius horæ momento redderet sanum? Nam ut fores ejus ecclesiæ intravit, non solum corporis, sed & animæ promeruit sanitatem per virtutem Domini nostri JESU-CHRISTI qui vivit & regnat in sæcula sæculorum. Amen.

Amicum veritatis, scilicet summum

Sacerdotem, audivimus narrare de Demetrio Martyre, quæ Deo adjuvante in subsequens edisserere satagemus. Contigit, inquit, incendi noctu ciborium, quod in sancto ejus fuerat templo totum ex argento splendidum, ita ut totum solveretur. Sanctissimus ergo Episcopus satagebat fabricare prædictum ciborium, & non inveniebat integrum pondus argenti, quod conflatum fuerat ad consummationem tanti operis. Meditabatur namque apud se, ut argenteum thronum, qui in eodem erat venerabili templo, dissolveret, & inde opus perficeret. Cumque hoc statuisset apud se, alio nemine sciente consilium, apparet in somnis Christi Martyr Demetrius Presbytero cuidam viro optimæ vitæ, Demetrio nomine, dicens: Vade, dic Episcopo civitatis, Ne præsumas thronum domus meæ destruere. Cùm hoc Presbyter Episcopo retulisset, primò quidem Præsul miratus est pro eo quòd sua cogitatio erat manifestata: deinde putavit cum aliqua suspicione hæc finxisse, qui erat dispensator templi venerabilis Martyris. Et dixit ei Episcopus: Numquam ex me hoc audisti, frater. Post multos

verò dies iterum scrutatis causis, nulloque reperto consilio, ex quo perficeretur opus ciborii, consilio primo se confirmavit, quòd de throno faceret ciborium. Cùm verò jussisset argentarium vocari, ut præciperet ei tollere thronum; renunciavit ei quidam dicens: Demetrius Presbyter ad sanctitatem tuam ingredi postulat. Qui cùm intrasset dicit ei: Demetrius Martyr, qui priùs apparuit mihi peccatori, iterum in visu apparuit mihi tristi quodammodò vultu, & præcepit nunciare beatitudini tuæ hæc verba: Propter caritatem ne contristes me in destructione throni. At ille audiens indignatus est adversus Presbyterum. putabat enim illum fingere talia. Quem & austeriùs à se dimisit, & manifestam suam fecit intentionem, dicens: Abunde dari judicas quod argenti minus est ponderis. Ne temere judices, philosophatus in aliorum tribulationes. Tunc ille Presbyter confusus exivit. Nondum quippe dixerat ei Sanctus quid fieri deberet, sed tantum: Meum ne dissipethronum. In ipsa autem nocte apparuit sanctus Dometrius Presbytero Demetrio, & dixit ei: Vade, dic Archiepiscopo,

Noli curare de meo ciborio, ego enim illud perficiam per memetipsum. Implevit namque Presbyter jussu Martyris, & suo hæc dixit Præfuli. Hoc cum audisset Præful, laudes reddidit Deo & sancto Martyri Demetrio. Dum adhuc de his loquerentur ad invicem, ecce ostiarius advenit dicens: Sancte Præful, prædives MENNAS stat ante januam tuam cupiens tecum loqui. Dicit ei: Veniat. Veniens prædictus Mennas obtulit ei LXXV libras argenti in adjutorio ciborii. Et deinde venit Johannes, scilicet dulcedo pauperum, offerens ei quadraginta librarum pondus argenti: & cives advenientes, prout poterant, offerebant, ut ciborium restrueretur. Taliter restructum est opus sæpe nominatum meritis sancti Martyris, auxiliante Domino nostro JESU-CHRISTO, qui cum Patre & Spiritu sancto vivit & regnat in sæcula sæculorum. Amen.

Sed nec illud omittendum credimus quod à sanctissimo Archiepiscopo audivimus. Referebat enim de quodam Mansionario templi Martyris Demetrii, nomine Honesiphoro. Cum pergerem quadam die ad ecclesiam prædicti Martyris,

inveni præfatum Honesiphorum Mansionarium jacentem ante sancti Martyris ostium semivivum. Cumque turbatus lamentarer pro amici infirmitate, in se reversus Honesiphorus me flere videns, ait: *Quare tristaris propter me, Domine EUSEBI? si me diligis, noli turbari, sed præcipe monumentum meum præparari, & me in eo vivum obrue.* *Qua* re turbatus mæstus dixi ei: *Cujus rei causâ, frater? Ille respondit: Quia irritavi mea culpa ad iracundiam sanctum Martyrem. Apparuit mihi peccatori sanctus namque Martyr in somnis, & dulci voce locutus est ad me: Frater Honesiphore, non placet mihi quod operaris. Placet mihi majus animæ salus, quàm milia pondera auri. An nescis quia cereus qui offertur pro peccatis, quanto apparet ardens, tanto Sanctos monet pro peccatoribus adintercedendum. Sine igitur cereos majores & minores ardere, quia oportet omnino cereis resplendere domum meam. Ego autem infelix, expergefactus æstimavi me phantasiam videre, & dixi apud me: Sanctus non apparet peccatoribus. Bis verò & ter eadem monita in somnis suscepi, & hac custodire ve-*

lui, & usque in finem conservare desidero. In hac verò nocte venit quidam devotus vir ad ecclesiam magnos cereos offerens. Post orationem suam recessit de ecclesia. Cogitavi ego ut exstinguerem illos, oblitus decretum sancti Martyris. Cumque impetum fecissem ut cereos exstinguerem; sanctus Demetrius de argenteo cubili suo voce magna & terribili clamans ad me dixit: O cupide! & iterum, o cupide! Ego verò miserrimus, nimis perterritus, ad terram elisus, extra valvas Monasterii eiectus, ubi invenisti me, jaceo pæne mortuus. Hæc quidem sæpe enarravit Pater noster Archiepiscopus. Nos autem obaudire oportet ea, quæ à Sanctis ejus divina auctoritate præcipiuntur. Eorum namque benignitas nos semper custodiat, & in præceptis Christi perseverabiles reddat. Amen.

Accidit habitatoribus Thessalonice civitatis, pro peccatis videlicet suis, ut gens barbarica eorum deprædaretur terram, domos illorum ardebat, & vineas stirpabat, filios & filias, equos & asinos, oves & boves in captivitatem transferebat, frumentum & vinum & oleum

in obsidionem civitatis devastabat. Persecutioni subsecuta est fames valida in tota regione illa. Quapropter primates civitatis miserunt legatos ad Imperatorem, ut ab obsidione barbarorum & ab imminente fame liberaret civitatem. Interea gloriosissimus Martyr Demetrius ita, ut in imaginibus pingitur, apparuit in parte insulæ Chyi cuidam nauclero, nomine Stephano, onus frumenti ducentorum modiorum ad urbem regiam ducenti, & dixit ei: Audi me, & Thessalonicam celeriter naviga. Qui cum esset factus velut in excessu mentis propter Martyris visionem, vix loqui valens ait: Domine, audivimus eam captam fore à Barbaris. Sanctus respondit: Illuc ergo naviga, & navibus tibi occurrentibus nuncia, quòd miseratione Dei salvata sit Thessalonica. His dictis, cœpit Sanctus præire Stephanum ambulans per maria. Stephanus autem navigans Thessalonicam, quibuscumque obviavit, visionem Martyris narravit. Prævenit autem cum multis negotiatoribus Legatos, quos ad Imperatorem cives direxerant, convertens luctum civitatis in gaudium, narrans etiam qualiter illi Martyr apparuerat.

rat. Nam divino terrore perterriti hostes, paulo antè ab obsidione dicefferant.

Omnes nostis famem, quæ dudum facta est, non solum in hac Thessalonica civitate, sed etiam pæne ubique, intantum, ut ipsam quoque civitatum regionam occuparet, non solum frumenti, sed etiam aliarum rerum. Cùm ergo tanta afflictione famis premeretur civitas, ille sanctus Martyr Demetrius divino nutu ex multis diversisque regionibus naves plenas variis frugibus, humidis scilicet & siccis, atque omni bonitate ciborum humanorum refertas illis transmisit, ita ut statim spes illorum de necessitatibus dirupta esset, qualiter jam audietis. Vir erat quidam constitutus à suo domino super insulam Chyum, ut frumentum quod naves adferebant, illuc emeret. Cùm autem naves minimè inveniret, & gravi mærore teneretur, audivit vocem dicentem sibi: Quid anxiaris? scito quodd Demetrius ante omnes arras tribuit, ut Thessalonicam mittat. Qui surgens perrexit ad ecclesiam sanctorum Victoris & Isidori, volens discere à rusticis, quis iste esset Demetrius. Cùm autem hoc quæreretur, & nullum

indiciū posset invenire ; suspicabatur aliquem hominem fore missum , Demetrium nomine , à Præfecto civitatis Thessalonicae. Qui statim misit epistolam suo domino , narrans qualiter à Demetrio frumenta emerentur. Hæc eadem Dominus retulit Imperatori : qui scrutatis causis , invenit nullum fore missum à Præfecto Thessalonicae , nec etiam habere hominem Demetrium nomine. Cognovit autem tam Imperator , quàm populus , quia nullus alius prædicto homini apparuit , nisi Martyr Demetrius. Et cuncti qui audierunt , glorificaverunt Deum , qui per merita Martyris liberavit civitatem Thessalonicam à periculo famis.

Præfectus quidam civitatibus Illyricensibus præerat , cujus nomen non opus est dicere , quia in opprobrium sempiternum permanet. Qui superbia inflatus , quibusdam qui civitati Thessalonicae præerant , accersitis , exigebat ab eis quamdam dispositionem fieri. At illi genibus ejus provoluti , dicebant se non posse ejus parere jussis. At ille illos fingere dicebat. Tum illi inquirunt : Si nos non creditis , ante sancti Demetrii sepulcrum jurabimus non posse hoc à nobis impleri.

At ille in blasphemiam Martyris irrupit, dicens delusionem quamdam concivibus suis de glorioso Martyre. At illi blasphemiam non ferentes, obturatis auribus exierunt. Post duos autem dies tanto languore corpus Præfetti correptum est à planta pedis usque ad verticem, ut nec à medicis posset infirmitas agnosci, in qua infirmitate octo mensibus permansit. In octavo verò miser in hanc venit miseriam, ut dimidia pars corporis ejus solveretur, ita ut haberet quidem visu omnia membra; sed licentiam movendi non haberet. Mira est potentia Dei quæ per servos suos talia operatur.

EUSEBIUS Thessalonicæ civitatis Archiepiscopus visionem vidit, quam narrare cupio vobis. Antequam super civitatem Thessalonicam barbarici irruerent nimbi, vidit se prædictus Pontifex in somnis sedere in theatro civitatis cum magna turba famulorum. Cumque hæsitaret cujus rei gratia in tam obscuro loco sederet, & surgens proficisci vellet; vidit tragædum stare in logio, ubi fabulæ recitantur, dicentem sibi: Exspecta, quia te & filiam tuam habeo lamentari. Qui dixit ei, Ne labores. Ego enim ne-

que filiam habeo , neque in me est lamentum. At ille : Verè & filiam habes , & multorum filiorum matrem ; & oportet te & illam lamentari. Tunc intellexit Præful , quòd civitatem diceret filiam ejus , & ait : Adjuro te per Deum , ut non me nec illam lamenteis. Cumque tertio repetere vellet lamentum , & ab Episcopo non sineretur ; à somno excitus , intellexit tragœdiam non bonam habere significationem. Paucis verò interpositis diebus , innumerabilis barbarorum multitudo Theſſalonicam circumdedit : & cognovit Episcopus veram esse quam viderat visionem. Cùm Theſſalonicensem , ut suprâ vidimus , pagum gens barbara devastaret , q̃b illorum persecutionem fame premebantur incolæ per proxima. Ad ultimum verò mortuis habitatoribus p̃ne tam gladio quàm fame , inito barbari consilio , subito irrunt super civitatem , putantes illam vacuum præſidiis hominum , quod se res habebat , & fame desolatam. Nam nos pauci eramus : illi verò locustarum excedebant numerum. Tunc ædificatis aggeribus , machinis , arietibus ferreis , ballistis , ingentibus testudinibus , cuncta

pellibus bouum & camelorum cooperuerunt, ne à civibus igne immisso destruerentur. Insistebant autem civibus tam graviter, ut nemo spem vitæ haberet. Tamdiu autem obsederunt civitatem, quousque cuncta cibaria dissiparent, tam hominibus quàm jumentis apta. Inito autem consilio ut futura die primo mane unanimiter debellarent civitatem, undique circumdederunt illam cum instrumentis bellicis. Cumque jam capienda foret urbs, visum est illis quasi examen apum multitudinem armatorum egredi de civitate, quam præcedebat quidam juvenis rufus, pulcherrimus adspectu, signum crucis ferens in manibus, quem ferebat equus albus, & cum impetu irruere super illos. qui terrore concussi, relicta civitate, præsidium arripiunt fugæ. Pauci tamen fugere non valentes, permanserunt illic semivivi: qui à civibus comprehensi, quæsitum est ab eis, cur tanta multitudo absque ulla re fugeret. Tunc barbari: Multitudo virorum, quam occultastis, cum duce fortissimo nostrorum fugavit catervas. At illi intellexerunt ducem esse Demetrium Martyrem, cum exercitu Angelorum hostes effugant-

tem. Tunc collectis hostium spoliis conglobati ad ecclesiam beati Demetrii immensas Deo gratias retulerunt, qui per ejus intercessionem eorum ab hostibus liberavit civitatem. Cùm plures plura loquerentur de barbarorum fuga, exsurgens quidam ex nostris Fratribus dixit nobis: Cùm quadam nocte hujus hebdomadæ post matutinos perstarem in templo sancti Demetrii Martyris, & orarem ante sanctum sepulcrum ejus; invasit me sopor nimius, ita ut nec omnino dormirem, nec ex toto vigilarem. Et ecce duo viri visu terribiles apparuerunt, & dixerunt custodi templi: Ubi est dominus hujus templi? Respondit: Sub illo ciborio manet. At illi: Vade, dic illi quia ad eum fumus missi. Ivit ille, & isti secuti sunt eum. Et vocavit eum, dicens: Sancte Demetri, adsunt duo milites à domino suo ad te missi. Et statim apparuit ab intus sanctissimus Christi Martyr, & stetit juxta januas, & mihi quoque indigno apparuit. Ego verò corruì in faciem, non ferens intueri angelicum vultum ejus. Erat enim species ejus, non juxta speciem quæ in antiquioribus ejus imaginibus est depicta, sed sic.

ut sol facies ejus radiosemittebat. Quamvis pronus jacerem, tamen diligenter intendebam quæ loquerentur ad invicem. Audivi namque quia salutaverunt viri benignè Sanctum. At ille dixit ad eos: Gratia Dei vobiscum. Cur autem missi estis ad me? Dicunt viri: Dominus nos misit ad sanctitatem tuam, hæc tibi denuncians. Celeriter exiens veni ad me. civitas enim inimicis tradetur. Ego verò cum audissem, turbatus præ dolore sermonis, surrexi super manus meas, & suspiciens sursum paulisper, vidi faciem piissimi Martyris nimis maestam. Et cum præterisset hora, vidi lacrymas ab oculis ejus decurrentes super genas ipsius. Tunc dixit custos templi ad duos juvenes, quos introduxit: Cur dominum meum tribulastis? Si verè præscissem vestram intentionem, non vos ad eum deduxissem. Deinde Sanctus Dei dixit ministro: Hii servi mei sunt, & quæ jussa sunt eis, hæc & mihi annunciaverunt. Deinceps inquit sanctus Martyr alta voce: O Domine JESU-CHRISTE, tu dixisti, *No-lo mortem peccatoris, sed ut convertatur & vivat.* & item, *Gaudium est Angelis Dei per uno peccatore penitentiam agente.* Nam
E. iiij

& tu cùm esses dominus omnium Angelorum, dedisti animam tuam pro redemptione hominum iniquorum. Tu, Domine, commisisti mihi civitatem istam & concives ejus, ut habitarem perenniter cum eis, custodiens illos. Quomodo ergo possum derelinquere illos in tanta necessitate? aut quo vultu contemplantor excidium patriæ meæ? Quæ autem vita mihi erit perditis civibus meis? sicut epulantibus eis spiritualiter eram cum illis, sic periclitantibus eis non defero illos. Quidquid eis dignum pati fuerit, molior etiam ego pati cum ipsis. Sed tu, omnipotens & misericors Deus, qui exaudisti Jonam de ventre ceti, & tres pueros de camino ignis ardentis, & Sufannam de falso crimine; exaudi populum tuum, & libera eum de interitu barbarorum. Et ilico audita est vox misera à Domino: Fiat eis secundum voluntatem tuam. Et continuo cum magno gaudio salutavit duos juvenes ad se missos, gratias agens Deo, quia exaudivit eum. Sine dubio sciatis, quia per istum Sanctum vitam & victoriam recepistis, auxiliante Domino nostro J E S U - C H R I - S T O, qui vivit & regnat in sæcula sæculorum. Amen.

Miraculum quod temporibus nostris
 gessit sanctus Martyr Demetrius , inter
 cetera miracula & hoc inserere volo. E-
 rat quidam Episcopus de regione Afro-
 rum , nomine CYPRIANUS , veri sa-
 cerdotii sollicitudinem & vitam Deo di-
 gnissimam ducens. Procuravit ire ad re-
 ginam civitatum Byzantium , urgente
 quoque causa rei necessariæ. Cumque na-
 vigassent multis diebus , & jam partibus
 Græciæ appropinquassent ; à ferocissimis
 Sclavis captus est cum omnibus suis.
 Quos captivos inter se cum divisissent ;
 simul cum eis & prædictum Episcopum
 in servitutem sibi diviserunt. His ita ge-
 stis redeuntes ad propria loca , prout
 quisque barbarus voluit suo captivo onus
 servitutis imposuit. Episcopus namque
 Cyprianus cophinum domini sui serva-
 bat , per providentiam sapienter cibos
 ejus distribuebat , vitamque suam in ora-
 tionibus , vigiliis & jejniis laudabiliter
 confortabat. Considerans absentiam po-
 puli sibi commissi , Dominum principem
 Pastorum deprecabatur , ut ejus regimi-
 ne salvaretur. dicebatque ad Dominum :
 Cum essem sine aliquo merito , Pastorem
 gregis tui me constituisti. quomodo nunc

commutatus sum , ut à tali ordine ad servitium barbarorum sim deputatus ? Sed reminiscor quia pro peccatis meis hoc accidit mihi , & ideo hac tribulatione irretitus retineor. Quis ovibus meis indicabit , quod pastor earum à barbaricis bestiis captus sit ? Hæc & horum similia deslenti adstitit adolescens pulcher & forma decorus , militarem speciem & habitum ferens , dixitque ad eum : Si vis à servitute qua detineris liberari , & à barbaricis eripi , surge & sequere me. Observa autem apud te ambulantibus nobis , ne omnino loquaris mihi : sed silentio studentes utrique iter agamus in mente Deum orantes. Tunc Episcopus respondit ei : Quis es tu , & unde egressus huc advenisti ? At ille dixit ad eum : Demetrius dicor , & miles sum Imperatoris magni ; domus autem mea in medio Thessalonica civitatis consistit , ad quam si me secutus fueris , sine dispendio te ducam. Surgens ergo secutus est eum , & incedebant ambo tacentes. Noctibus quidem iter agebant , per diem autem quiescebant. Porro recedebat Demetrius mane ab Episcopo , & iterum adpropinquante vespere regrediebatur , deferens se-

eum ex diversis arboribus fructum cum oleribus herbarum, unde alebat socium suum, & sumto cibo carpebant iter. Post dies octo cùm adpropinquassent muros jam dictæ civitatis, sistens Demetrius Cyprianum ante portas civitatis disparuit. Cùm autem fidelem ductorem & comitem bonum Episcopus requireret, & non inveniret, ingressus est civitatem. Requirebat verò ab eis qui obviàm sibi veniebant & alloquebantur, ubi esset domus Demetrii militis. Cumque multos faterentur esse in civitate Demetrios, & ipsos militari ordine fungi; ille perhibebat: Ejus, inquiens, qui requiritur à me, domus est in medio civitatis. Ergo cùm omnes hæsitarent cum eo, is qui quærebatur, nusquam inveniebatur. Habitatores verò civitatis deduxerunt Episcopum ad Martyris ecclesiam. Ut autem introivit, statim se in orationem dedit, & laudes gratificas Salvatori Deo retulit: & surgens sursum extensis manibus cum obtutibus oculorum, vidit Imaginem Demetrii Martyris in habitu sui comitis & conductoris. Tunc coram omnibus clamavit, affirmans absque dubio ipsum esse Demetrium, qui duxerat at-

que salvaverat eum : & hanc esse domum Martyris, quam mihi apparens ab initio ipse manifestavit. Tunc enim Episcopo civitatis præsentia viri denunciatur , & quæ illi acciderant nota efficiuntur. qui statim susceptum comministrum in episcopo suo recepit , & benignè tractabat eum. At ille nec ad horam passus est ab ecclesia sancti Martyris separari : sed omni tempore quo in civitate mansit , commoratus est in eadem ecclesia. Cum illic hiemasset , & tempus navigationis expectasset , ilico dum tempus advenit , ascendit in navim sumta secum imagine Martyris Demetrii , navigavitque prospere ad urbem Constantinopolim : & negotio suo aptè disposito , cooperante victoriosissimo Martyre Demetrio , suæ se regioni & gregi deinde remeans dedit, copiosum ex his quæ acciderant promittens Martyri cultum. Porro talionem inde reddere cogitans , & pro libertate gratiam tribuere satagens , templum dedicare in civitate sua collegæ suo & Martyri Demetrio cœpit. Desiderium autem habebat simile ciborium & similem ambonem , quem vidit , construere , cum marmoreis columnis , in honore sancti

Demetrii Martyris. Inde erat valde sollicitus: quia horum apparatus, qualiter & unde hoc faceret, modis omnibus ignorabat. Quadam denique nocte, cum fatigatus esset ob nimiam incurfionem cogitationum Episcopus, sopor invasit eum, & continuò obdormivit. Et ecce adstitit ante eum sanctus Martyr Demetrius, dicens illi: Quare contristaris, Frater? nonne audisti Dominum JESUM dicentem discipulis suis: *Amen dico vobis, si quis dixerit huic monti, tollere, & mittere in mare, & non hæsitaverit in corde suo, sed crediderit quia quodcumque dixerit fiat, fiet ei?* ubi est fides tua? O homo, noli sollicitus esse columnarum vel ambonis causa. Navigium quippe hodie à pelago descendit, omnia quæ ad præparationem templi opus habere videris portans. Est namque Episcopus in Galliarum partibus in civitate Massilia, populum sibi commissum conservans, quo ædificat templum in honore sancti Martyris Victoris nostri consocii vel fratris; & cupit ei ædificare ambonem & ciborium, sicut tu in mea domo. Quapropter misit navigium cum servis suis ad montem porphyreticum, ut emerent ei

columnas & tabulas satis porphyreticas, ad opus sancti Martyris Victoris perficiendum. Sed intercedente jam sancto Martyre jam adinvenit prædictus Episcopus infra civitatem columnas & tabulas porphyreticas miro ordine depictas, in terra dudum repositas. Navigium cum columhis & tabulis porphyreticis emtis suis legatis Christi Martyr transmittit nobis, ut ex eis facias opus, quod mihi facere cupis. Exsurgens denique à lectulo Præsul, retulit per ordinem suis Clericis visionem. Hujus rei gratia misit eos ad portum maris. Qui cum navigium invenissent, & cum nauclero locuti fuissent, rogaverunt quatinus dignum precium pro columnis & marmoreis tabulis reciperent, desideriumque Episcopi adimplerent. Sed nauclerus & qui cum eo erant, abnegatores effecti sunt, nihil penitus eorum asseverantes se habere quæ quærebantur. Nuntiantes autem Clerici hæc qui missi fuerant suo Episcopo, tristem eum inde reddiderunt, & mærens incedebat frustratus consilio. Iterum namque Martyr sanctus Demetrius apparuit ei in visione, dicens: Vade tu ipse ad prædictum nauclerum, & dic ei:

Noli esse mendax, in propria enim navi habes instipatum ambonem & reliqua marmora absconsa. Nihil verò dubites ad hæc mihi tribuenda propter Episcopum qui misit te ad hæc perquirenda. Frater enim meus invenit in civitate Massilia, qualiter proprii oratorii perficietur opus. Cumque abisset Episcopus, & hæc dixisset nauclero, & narrasset has mirabiles visiones; persuasit ei, quatinus precium pro marmoribus datum reciperet ab eo. Et ita factum est. Dedicavit igitur Episcopus templum, quod sancto Martyri Demetrio construxit, cum ambone & ciborio, ad laudem Christi & gloriam Martyris sæpe dicti. Per orationes ejus si quis infirmus in eodem templo devotus advenerit, si perunctus fuerit de oleo lampadis ejus, ilico sanabitur per Dominum nostrum JESUM CHRISTUM, qui vivit & regnat in sæcula sæculorum. Amen.

EXPLICIT PASSIO SANCTI DEMETRII, MARTYRIS.

A D N O T A T I O.

PRÆCEDENS Vita, cujus meminit Vincentius in Speculi historialis lib. 12 cap. 150, ab Anastasio scripta est anno DCCC LXXVI, utpote Carolo Calvo tum Imperatori nuncupata. Scripta verò est hortatu Johannis S. R. E. Diaconi, in cujus gratiam idem Anastasius Collectanea Græca Latinè reddidit, à Sirmondo edita, ut scilicet Johanni ecclesiasticam historiam meditantì adjumento esse possent. Is est Anastasius, quem *fidissimum Fratrem & religiosum Abbatem* vocat Hincmarus in epistola quadam ipsi directâ. qui quidem Anastasius nepos erat Arsenii Ortenfis Episcopi, Nicolai Papæ Legati & Consiliarii, tui Anastasius ipse auctor est in epistola encyclica de morte Nicolai Papæ primi. quæ epistola in editis Adoni Viennensi Archiepiscopo inscripta est. Porro apud Surium ad diem 8 Octobris habetur libellus de Passione sancti Demetrii Martyris à Metaphraste editus: verùm Anastasii lucubratio & auctoritate præstat, & rerum singularium commemoratione.



F O R M A

FORMA
EXCOMMUNICATIONIS.

Hæc est excommunicatio , in qua fuit sanctus THEUTBALDUS Viennensis Archiepiscopus , & ISARNUS Gratianopolitanus Episcopus.

QUICUMQUE habitantes Arelati hanc scripturam legeritis , ammono , precor & adjuro per Patrem & Filium & Spiritum-sanctum , per unum Deum & creatorem omnium , & per beatam Mariam Dei genitricem , & per omnes Sanctos Dei presentie assistentes , ne dimittatis , quin omnibus palam annuntietis , nec sit aliquis qui tollat eam de super altare beati Stephani , nisi dum lecta fuerit & audita , donec audiat persecutores Dei Ecclesie , pro quibus res agitur , ad satisfactionem venire. Noverit itaque omnium fidelium Dei prudentia , qualiter ego AIMO Valentinensis sedis gratia Dei humillimus Præsul , proclamaverim me ante presentiam GON-
Veterum Anal. Tom. I. G

DRADI Regis senioris nostri, quod ATKARDUS terram beati Apollinaris egregii confessoris Christi, atque beati Cypriani gloriosi martyris injusto ordine tenebat, & contra Deum & Sanctos ejus crudeli temeritate possidet. Et quoniam nulla ratione ipsum ad rectitudinem faciendam invitare potui, dignum duxi, ut judicium æterni Regis Domini nostri postularem, & ejus ineffabilem misericordiam exorarem. Veraciter enim scimus, quia gladius & ignis celestis Imperatoris contra filios diffidentiae vindictam operatur. Hacigitur necessitate imminente, protegente Domino salvatore nostro, consilium & juvamen à senioribus nostris Episcopis circa nos morantibus deprecati sumus, quorum mercedem & consecuti sumus secundum animi voluntatem. Habemus enim excommunicationem Domni THEUTBALDI Vienneſis Archiepiscopi, Domni AMBLARDI Lugdunensis Archimandritæ, Domni WIDONIS Aniciensis Præſulis, Domni ISARNI Gratianopolitanæ sedis Antistitis, necnon Domni GERAULDI Genevenſis Episcopi: quorum in re hujusmodi una est sententia atque con-

ſenſus. Et quoniam Arelas caput eſt & eſſe debet iſtius Gallia; proclamationem noſtram ante præſentiam Reſtoris ejus deferre decrevimus, quatinus ne dedigneretur merces ejus tantis patronibus prælibatis aſſenſum accommodare. Sint itaque excommunicati tam Aicardus crudelis Eccleſiæ Dei repervaſor, quàm omnes illi conſentientes in re tam injuſta, auctoritate Patris & Filii & Spiritus ſancti, omniumque Sanctorum Dei & Angelorum atque Archangelorum præſentiæ Dei aſtantium, & omnium Epiſcoporum auctoritate, quoad uſque ad ſatisfactionem veniant. Sint ſuper eos omnes maledictiones, quæ in veteri & in novo Teſtamento leguntur, ita ut pereant gladio Dei velociter, & deducantur ad infernalem locum, ubi exſtinctæ ſit lucerna eorum in perpetuum, niſi ad emendationem venerint. Amen.

ADNOTATIO.

VARIAS excommunicandi formulas ſæculo nono uſitatas vide ſis apud Reginonem Abbatem Prumiienſem in lib. 2 de eccleſiaſticis diſciplinis cap. 407 & ſequentibus. Hæc verò excommunicatio facta eſt ſub finem
G ij

ſæculi infequentis. quo fere tempore excommunicationem ſubiit Ragenardus Comes Senonenſis cum Gauzfrido & Geilone Canonicis Senonenſibus : cujus excommunicationis exemplum primò typis editum eſt in tomo x Spicilegii, tum apud Stephanum Baluzium in appendice ad Reginonem.

N O M I N A E P I S C O P O R U M

ſanctæ Gratianopolitanæ Eccleſiæ.

DOMNINUS Episcopus.

DIOGENIUS Episcopus.

AMICUS Episcopus.

SEBASTIANUS Episcopus.

VITALIANUS Episcopus.

CIRATUS Episcopus.

VIVENTIUS Episcopus.

VICTOR Episcopus.

URSOLUS Episcopus.

SIAGRIUS Episcopus.

ISICIUS Episcopus.

CLARUS Episcopus.

FERREOLUS Episcopus.

BOSO Episcopus.

Item ISICIUS Episcopus.

AUSTROBERTUS Episcopus.

RAMNOLDUS Episcopus.

RAGNOMARUS Episcopus

AUSTORICUS Episcopus.

CORBUS Episcopus.

LEOPERTUS Episcopus.

ARDINCUS Episcopus.

ODOLARDUS Episcopus.

RADOLDUS Episcopus.

SUIPERTUS Episcopus.

EBROARDUS Episcopus.

ADALULFUS Episcopus.

EBBO Episcopus.

BERNERIUS Episcopus.

ISAAC Episcopus.

ALCHERIUS Episcopus.

ISARNUS Episcopus.

UMBERTUS Episcopus.

MALLENUS Episcopus.

ARTALDUS Episcopus.

PONTIUS Episcopus.

Item PONTIUS Episcopus.

HUGO Episcopus.

*Series Archiepiscoporum Viennensium,
& Episcoporum Gratianopo-
litane Sedis.*

BARNARDUS Archiepiscopus.
AGILMARUS Archiepiscopus, cui
contemporaneus fuit EBBO Gratianopo-

G. iij

litanus Episcopus , & idem Ebbo Episcopus contemporaneus sancti ADONIS Archiepiscopi.

OTTRANNUS Archiepiscopus successor sancti Adonis , cui contemporaneus fuit BERNERIUS Gratianopolitanus Episcopus.

BARNOINUS Archiepiscopus , successor OTHRANNI , cui contemporaneus fuit ISAAC Gratianopolitanus Episcopus.

RAGANFRIDUS Archiepiscopus , successor Barnoini , cui contemporaneus fuit ISAAC Gratianopolitanus Episcopus.

ALEXANDER Archiepiscopus , cui contemporaneus fuit ISAAC Gratianopolitanus Episcopus.

SOBO Archiepiscopus , & contemporaneus ejus ALCHERIUS Gratianopolitanus Episcopus.

Sanctus THEUDBALDUS Archiepiscopus , & contemporaneus ejus ISARNUS Gratianopolitanus Episcopus.

BROCARDUS Archiepiscopus , & contemporaneus ejus HUMBERTUS Gratianopolitanus Episcopus.

LEODEGARIUS Archiepiscopus.

ARTMANNUS Archiepiscopus.

GORMUNDUS Archiepiscopus.

GUIDO Archiepiscopus.

ITEM ALIA SERIES.

SANCTUS BARNARDUS.
EBBO Gratianopolitanus Episcopus fuit contemporaneus AGILMARI Archiepiscopi, sicut in catalogo libro Lugdunensis Ecclesiæ repperitur, tempore Karoli filii Lotarii Imperatoris.

Anno Dominicæ Incarnationis DCCC LX obiit AGILMARUS Archiepiscopus Viennensis, & REMIGIUS sanctæ Lugdunensis Ecclesiæ, & EBBO Gratianopolitanus Episcopus, cum clero & populo Viennensium elegerunt Archiepiscopum sanctum ADONEM, regnante Carolo jam dicto.

Anno Dominicæ Incarnationis DCCC LXXVI, Indictione nona, obiit sanctus ADO Archiepiscopus, & clerus & populus elegerunt OTHTRANNUM Archiepiscopum Viennensem; & BERNERUS Gratianopolitanus Episcopus consecrationi ejus interfuit tempore Karolo Rege.

G. iij.

Post hunc Othtrannum Archiepiscopum electus & consecratus est BARNONINUS Archiepiscopus, cui contemporaneus fuit ISAAC sanctæ Gratianopolitanæ Ecclesiæ Episcopus, sicut invenimus in libris Lugdunensis Ecclesiæ, tempore Bosonis Regis & Ludovici filii sui.

Anno Dominicæ Incarnationis DCCC XC, Indictione II, regnante Ludovico Rege, obiit Dominus BARNONINUS Archiepiscopus Viennensis ad Christum.

Anno Incarnationis Dominicæ DCCC XCVIII, Indictione II, quinto Kalendarum Februariorum, die Dominica consecratus est Archiepiscopus RAGANFRIDUS, cui consecrationi interfuit Isaac sanctæ Gratianopolitanæ Ecclesiæ humilis Episcopus tempore Ludovici Regis filii Bosonis. Et hoc invenimus in libris Ecclesiæ Lugdunensis.

Post hunc Raganfridum Archiepiscopum fuit successor ejus ALEXANDER Archiepiscopus Viennensis; cui contemporaneus fuit ISAAC jam dictus Gratianopolitanus Episcopus, anno Dominicæ Incarnationis DCCC XII, Indict. XV, sicut invenimus in cartis Valentini Ecclesiæ.

Post hunc Alexandrum Viennensem Archiepiscopum fuit successor ejus SOBON Archiepiscopus: cui contemporaneus fuit ALCHERIUS Gratianopolitanus Episcopus, sicut in electione Episcopi Alcherii jam dicti invenimus, tempore Gondradi Regis.

Post hunc Sobonem Viennensem Archiepiscopum, cum nondum esset alius Archiepiscopus in loco ejus electus, & Ecclesia Gratianopolitana careret pastore, invenimus in cartis Valentinae Ecclesiae ODILBERTUM Valentinensem Episcopum cum ceteris Coepiscopis suffraganeis Viennensis Ecclesiae, una cum consensu Clericorum Viennensium ordinasse ISARNUM Episcopum Gratianopolitanae Ecclesiae successorem Alcherii Gratianopolitani Episcopi: qui Isarnus jam dictus Episcopus fuit contemporaneus sancti Theutbaldi, tempore Gondradi Regis.

Post hunc Isarnum Gratianopolitanum Episcopum, fuit successor ejus HUMBERTUS Episcopus, qui fuit contemporaneus sancti Theutbaldi, tempore Gondradi Regis jam dicti.

Post sanctum Theutbaldum Archie-

piscopum fuit successor ejus BROCARDUS Archiepiscopus, cui fuit contemporaneus jamdictus Humbertus, anno ab Incarnatione Domini millesimo XII, sicut in carta sancti Laurentii in monasterio Gratianopolitano invenitur.

A D N O T A T I O.

MAGNO adjumento erit hic catalogus, tum ad supplendos complures Episcopos Gratianopolitanos, qui in editis desunt; tum ad distinguenda tempora, quibus vixerunt, itidemque Archiepiscopi Viennenses. Hunc verò catalogum cum præcedenti forma excommunicationis ex ms. codice vetusto eruit, mihiq; liberaliter communicavit vir de republica litteraria optime meritus Antonius Vionius Herovallius, Camera Computorum Auditor.



GERARDI MONACHI

PROLOGUS

Ad HUGONEM Rotomagensem Archiepiscopum

In Vitam sancti Romani Episcopi.

GERARDUS, gratia Dei venerabilis Pater Cœnobitarum, Domno HUGONI Rotomagensis urbis Archiepiscopo, & omni collegio ibi Deo militanti, prosperum vitæ præsentis successum, atque indelebilis felicitatis bravium. Noverit benivolentiæ vestræ sagacitas de Vita sancti Romani vestri Patroni, pro qua humillima memet exorastis prece, quoniam pactum quod pepigi vobiscum, nullo modo attendere quivi, ob adversitatum videlicet incommoditates, quas undique præsentis anno in nostris partibus perpeffi sumus. Modò autem dirigo vobis vitam veteranam heroïco carmine editam: ut omnino cunâis notum sit, quod nulla inventionum vobis dirigo mendacia. Illam autem quæ histo-

riali stilo est depicta, pro nimia vetustate penes nos retinens, hanc digestam stilo illius ad instar vobis transmitto. Ordinem quoque rei, qualiter hanc merui adipisci, vobis indicabo brevi sermone. In Braina ergo, potestatis vestrae loco, eadem Vita negligentiae causa fuit perditam, alique quamplurimi libri. Quidam autem Clericus Sueffionis civitatis ab inventore mercatam nostrae contribuit nepti obtinendam in Monasterio Dei Genitricis Mariae Deo sacrata; illaque post haec interjecto exigui temporis articulo eandem Vitam mihi muneris gratia impertivit, multorum annorum peractis jam curriculis. Præterea flexo cordis poplite oramus munificentiae vestrae modestiam, ut nobis vicem reimpendatis caritatis, scilicet transmittendo nobis pergerulum nostrum ex eodem Patrono vestro beatissimo Romano sacrorumque pignorum munera, utpote spopondistis, ut & nos condignè celebrare queamus ejus memoriam. De cetero humili efflagito prece, quo cuncto illius loci contubernio Fratrum pro me jubeatis ad Dominum fundere preces, similique modo in Monasterio sancti Audoëni fieri, &

in omnibus locis vestræ potestatis jubete: quoniam tanto pondere imbecillitatis premor, ut ultima semper exitus hora mihi præsens videatur adesse.

*Gratia vos Domini servet sine limite
quovis;*

*Atque suave jugum miti cervice feren-
tes,*

*Angelicas lati possitis adire cohorte-
tes.*

ITEM PROLOGUS.

Sanctorum Patrum vitas, Fratres carissimi, totius anni per spatia revolutas, à nobis unius amoris devotione celebrari oportet, &c.

INCIPIT VITA.

Tempora igitur mundani regni per sæcula caducæ vitæ, &c.

ADNOTATIONES.

GERARDUS iste præfuit Sueffionensi sancti Medardi Monasterio, ubi à sæculo nono celebris est memoria sancti Romani Episcopi Rotomagensis: at quo tempore vixit.

rit , operosum est definire. Multos quippe legimus Gerardos in catalogo Abbatum ejusdem Monasterii ; multos item Hugones Rotomagensis Ecclesiæ Archiepiscopos : sed nullus ex his Gerardis tempore convenit cum ullo Hugone. Quapropter existimo Gerardum prædictæ Vitæ scriptorem non fuisse Abbatem , sed Decanum ejusdem Cœnobii sub Abbate sæculari ; & Hugonem , cui opus suum Gerardus nuncupavit , esse Hugonem eo nomine secundum , qui ex Monacho Dionysiano Rotomagensem Ecclesiam rexit ab anno DCCCC XLII in annos octo & viginti. Certè eo tempore castrum Braina erat in potestate Ecclesiæ Rotomagensis ; & Heribertus Comes agrum Suessionensem , atque etiam Brainam multis cladibus infestabat , ut postea dicam. Ergo Gerardus iste Decanus successit Ingranno , qui ad Episcopatum Laudunensem assumptus est anno DCCCC XXXII , testante Frodoardo in Chronico.

GERARDUS VENERABILIS PATER COENOB. HUGONI: Superbum videri possit , & quodd Gerardus sese *Venerabilem* Patrem vocet , & quodd nomen suum Hugoni Archiepiscopo anteponat. Verum familiare est illius ævi hominibus , ut sese *inlustres* viros appellent : & Warinus Comes in Chartario Brivatensi litteris viri nobilis Hildegarii anno III Ludovici Aquitanorum Regis ita subscribit: *Signum Warini gratia Dei bone indolis Comiti . Rectori* (legendum *Comitis , Rectoris*) *ipsius ecclesiæ , qui hoc consensit.* Alia ejusdem generis

exempla exstant in eodem Chartario: & in Vita sancti Bonifacii Martyris, Archiepiscopi Moguntini, Willibaldus sc, uri & Lullum, *bona industria* virum appellat. Ad secundum quod attinet, aureis Latinorum temporibus qui epistolam alteri scribebat, nomen suum semper præponebat alteri, quantumvis esset dignitate inferior. Immo inclinante felici illo litterarum statu Ausonius Burdigalensis, cum metri necessitate Paulino scribens nomen suum postponere cogeretur, factum excusat his verbis:

*Paulino Ausonius. Metrum sic suasisit, ut esses
Tu prior, & nomen prægrederere meum.*

Quamquam idem auctor Theodosio Augusto scribens, nomen suum posteriori loco ponit. Sic hodie plerique facitamus: quibus etiam religio est *te, tuumque* dicere, summates compellando.

PATER. Hoc nomine etiam afficiebantur Decani Monachorum, dicti nonnumquam *Proabbates* apud Ekkehardum in historia Sancti Gallensi, illi scilicet qui Abbatibus sæcularibus suberant.

PRÆSENTI ANNO. Id contigisse reor anno DCCCC L, quo *homines Ragenoldi Comitis* quamdam munitionem Rodomensis Ecclesie, super fluvium Vidulam sitam, quam vocant *Braïnam*, furtivo capiunt ingressu. Vnde iratus Hugo Princeps, ad Regem mittit, & Rex illò profectus eosdem invasores expellit, ut scribit Fro-

doardus in Chronico. Isti enim aliiq̃ belli-
ci motus, quico anno acciderunt, agro Sues-
sionensi incommoda multa adscivere.

VITAM VETERANAM. Hanc Vitam he-
roicis metris conditam excidisse puto: illa verò
quæ *historiali* seu oratorio stilo descripta
est, esse videtur ea ipsa, quam Nicolaus Ri-
galtius luce donavit, à Gerardo aliis verbis
adornata.

POTESTATIS VESTRÆ. Ergo hæc Vita
scripta est eo tempore, quo castrum Braina
dominio Ecclesiæ Rotomagensis subjectum e-
rat. Atqui sub Hugone tertio jam translatum
erat ad Comites Brainacenses. Ad superiorem
proinde Hugonem hæc referri necesse est, cu-
jus tempore Heribertus Viromandensis Comes
castrum istud Rotomagensi Ecclesiæ subtraxit,
testante Frodoardo in Chronico ad annum
DCCCC XXXI his verbis. *Interim quidam fi-
delium Heriberti Remensi ex urbe profecti,
quoddam Hugonis castrum super Vidulam, no-
mine Brainam, quod ipse Hugo ab Episcopo
Rotomagensi tulerat, capiunt atque subvertunt.*
quam subversionem Gerardus hoc loco præ
oculis habuisse videtur.



P R Æ F A T I O

PRÆFATIO
HELPERICI ABBATIS

In librum de Computo.

DOMINO Patri sanctissimo, nomine ASPRO, moribus autem placidissimo, HELPERICUS humilis vernula, aternæ prosperitatis adminicula. Dum paternitatis vestræ jussionibus libens pareo, multorum deridiculis me lacerandum expono: unde vestram summissus exoro paternitatem, ut meam super hoc excusetis temeritatem. Exigitis enim ut opusculum, quod nuper rogatu Fratrum nostrorum juniorum de arte Compoti rusticano sermone edideram, quodque eis solis legendum dederam, uni præcipuè eorum qui me pertinaci importunitate ad hoc præsumendum impulerat, & cui illud jam Grandi-valle posito direxeram; hoc, inquam, præcepistis, cum anno præterito legatione fratrum nostrorum Grandi-valle degentium ad vos Autisiodori fungerer, ut transcri-

Veterum Anal. Tom. I.

H

ptum vestræ paternitati examinandum dirigam: ut hoc facto, ac si forex, meo miser indicio peream. Ego enim decreveram nugarum mearum ineptias dignis oculere latebris: ne cum prodire cœperint, multorum in me fel commoveant, jure causantium, vanissimis naniis me occupare membranas.

Sed quis vestris non obtemperet jussis, licet cum detrimento sui? Ego præcipuè qui me vestris obsequiis ita mancipaverim, ut quod vobis ratum cognoverim, quantumlibet arduum, aggrediendum mihi esse non ambigam. Unum ergo à vestra paternitate deponco, ut quod vestra jussione coactus aggredior, vestro munimine fretus indemnus evadam. quod ita fieri poterit, si fastidiosis quibusque, & qui alios tantum reprehendere valent, hujus lectio subtrahatur: & vobis vestrique similibus, qui sine livore, oculo columbino, ut ita dicam, cuncta respicitis, examinandum præbeatur.

Verum hæc hæreticus quisque quomodo volet accipiat: mihi vestrum judicium satis idoneum constat, cui summa [Veritas] hoc anno perspicuè dignata est manifestare, quàm sit inutile sanctissimis

vestrae paternitatis imperiis repugnare. Evenire autem justissimè solet, ut qui patris salubria spreverit consilia, debita pertinaciae suae quandoque luat supplicia: quod eo verius possum fateri, quo saepius & hoc anno crebrius atque acerbius, immo & justius, non desino experiri.

Nec immeritò: cum enim me divina pietas loco illo restituisset, quo me ad sibi serviendum jam dudum delegerat, & unde ego infelix instabilitatis solummodo causa exieram, cum ibidem omnibus bonis abundarem, quodque ego super omnia duco, sanctissima sanctorum Patrum dilectione foverer; cum, inquam, me superna clementia post diuturnam evagationem illuc revocasset, vestraque erga me solito flagrans paternitas secum retinere voluisset: adversa, ut patet, impellente fortuna, non adquievi, sed pristina usus levitate redii, quo me & multa passum reolebam, & deteriora passurum non ignorabam. Quo facto & illud didici multum apud Deum valere preces, quas illi ex animo funditis, cum una eademque leviter fusa oratione tantum adversus me obtinueritis. Reminif-

cor enim vos , cùm me retinere nequiritetis , imprecatum mihi , ut invenirem aliquem , qui me acerrime verberaret in loco , ad quem tantopere festinabam. quam orationem effectus est è vestigio consecutus. Quanta enim contumeliarum verba , quot probrorum ludibria , quæ & qualia derisionum tormenta deinceps patiar ab his præcipuè , qui erant quondam pacifici mei , quosque ego apud vos summis laudibus extuli ; lingua non valet effari. Quod quia ob ulciscendam in me levitatem jure obtigisse cognosco , divinam super his laudem æquitatem : & ut ab his tandem eripi queam , vestrarum obnixè postulo suffragia precum : ut quem licèt nolens tanto malignus fasce gravitatis , orando tanto releveris ab onere , dexterioris manum orationis porrigendo. Verùm hæc plenius , si Dominus cupitum præbuerit colloquium , vivo sermone expedientur. Quod ut citius fieri valeat , vestra exorabilis oratio precibus crebris obtineat.

P R O L O G U S .

CUM quibusdam è fratribus nostris

adoleſcentulis quædam calculatoriæ artis rudimenta communi ſermone explicare cœpiſſem, huiusce quoque non contemnendæ, ut multi arbitrantur, doctrinæ aliquid impertirem, quos in arte grammatica, prout divina auxiliata eſt munificentia, aliquatenus introduxeram; neſcio quo accenſi deſiderio inſtare vehementer cœperunt, quatenus ea quæ viva voce deprompſeram, multorum utilitati profutura, qualitercumque ſcripto ederem: ut quando hæc, ut ſolet mens humana diverſis dedita curis multa obliſci, mente excideret, litterarum ſuſfragatus adiutorio, ea quoquo modo reparare valeret. Quibus obnixius renitens, id quod obtenderam, ſuperſeſſe ſcilicet libros de hac eadem re, tum dilucidè, tum venuſtè majorum noſtrorum lepore editos; præcipuè venerabilis viri Domni Bedæ Preſbyteri, qui cùm in aliis, tum & in hoc ſanctæ Eccleſiæ utilitatibus plurimùm deſudavit; illorum lectioni inſiſterent, illos divina meditatione perdiſcere ſtuderent, à me intentionem amoverent, nec aggredi cogerent opus omnium ſputis obnoxium, multorum ridiculis dignum: præſertim cùm ſim inge-

H. iij.

nio rudis, sermone impeditus, & ne rusticano quidem eloquio balbutire sufficiens; nedum litteris quippiam comminisci præsumam. Cùm hæc hujusmodique plura excusationis obtentu obicerem; tum verò pertinaciùs insistere, & non novum, inquiunt, aliquid cudere cupimus, quippe qui nil repperiri posse remur, quod ab aliis dictum non inveniatur: sed ex his quæ ab aliis sparsim copioseque tractata asseris, poscimus utiliora quæque, nobisque necessaria, tuo studio decerpta in unum colligi, & velut sertum quoddam ex diversis floribus compingi. In quo opere non pompaticas verborum phaleras exigimus, quas, ut ais, in antiquis est invenire commentariis: enimvero quæ ab illis sunt obscuriùs prolata, tuo quæsumus fiant manifestiora relatu. Hac evictus importunitate, & de divina præsumens largiflua bonitate, studiosa nihilo minus fratrum provocatus caritate, hoc opus eo tenore adtentare præsumpsi, ut illud nulli unquam ad legendum præbeant, vel auctorem operis publicare præsumant. Sed & si cui peritorum hæc aures offenderint, ne me temeritatis notent elogio: sed noverint ca-

ritatis paruisse imperio. Cotidiana igitur annuaque compoti argumenta vulgatoria, & quæ ne laicus quidem, nedum Clericus, impune ignoraverit, undecumque collecta, & planiore, quàm sunt ab aliis, sermone edita congeffi, de meo nil addens; sed quæ ab illis eo obfcurius, quo sunt prolata venustius, rusticano sermone enucleavi: ut si quis ita fuerit ab omni serio feriat, ut legere ista dignetur, facilius illa doctorum sublimia rimetur.

A D N O T A T I O.

HELPERICUM, mox laudati libri conditorem, Monachum fuisse Cœnobii sancti Galli, tradit Johannes Trithemius in lib. 2 de viris illustribus Ordinis sancti Benedicti cap. 76. Hunc librum habemus in apographo nostro Bibliothecæ Germanensis, sed sub nomine HERICI, & absque priori præfatione hic edita, quam ex membraneo codice Cœnobii Viconiensis prope Valentianas descripsimus. Eo in codice Helpericus Abbatis nomine donatur in operis titulo, qui sic habet: *HELPERICI Abbatis de Compoto*. ASPER, cui Præfatio inscripta est, Abbas erat, aut certè Decanus sub Abbate sæculari, Monasterii sancti Germani apud Autisiodorum. Istuc missus est

H. iiii.

Helpericus quorundam negotiorum causâ ex
 Cœnobio Grandivallensi, tum Ordinis sancti
 Benedicti, in diœcesi Basileensi, quod jamdu-
 dum ad sæculares Canonicos mutavit. Trithe-
 mius in loco jam citato scribit Helpericum
 floruisse anno M xx. At Helpericus ipse sub fi-
 nem libri sui designans tempus quo libro suo
 scribendo navabat operam, notat annum
 DCCCC LXXX, ut legitur in apographo no-
 stro, quod principatu Henrici Francorum Re-
 gis eo nomine primi exaratum est. Hoc idcir-
 co observo, quod Sigebertus in Chronico
 probet librum hunc ab auctore conditum esse
 anno M v. Verùm exempli verba quæ adducit,
 non comparent in apographo nostro, viden-
 turque addita à scriptore codicis, quo usus est
 Sigebertus. Is tum in Chronico ad annum
 præcitatum, tum in libro de Scriptoribus ec-
 clesiasticis cap. 145, CHILPERICUM vocat
 auctorem, de quo hîc agimus. Credide-
 rim cum ipsum esse HILPERICUM, cujus e-
 pistola refertur in lib. de divinis officiis apud
 Alcuinum cap. 18.



G. EPISCOPI

Præfatio

Ad OTTONEM Imperatorem,

In locum Porphyrii à se illustratum.

DOMINO & gloriosissimo O. C. semper Augusto Romano G. Episcopus debite servitutis obsequium. Cum in Germania ferventioris anni tempore demoraremur, imperialibus constricti obsequiis, ut semper sumus, semperque erimus, nescio quid arcani divina mens vestra secum tacitè retractans, motus animi divina in verba resolvit, & quæ ab Aristotele summisque viris difficillimis erant descripta sententiis, in medium protulit, ut miserum foret inter bellorum discrimina, quæ contra Sarmatas parabantur, aliquem mortalium hos mentis recessus habere potuisse, à quibus tam subtilia, tam præclara, velut quidam rivus à purissimo fonte profluentes. Meministis enim, & meminisse possumus, fuisse tunc multos novellos scholasticos

& eruditos, inter quos nonnulli aderant omnium sapientia præclari & eloquentiâ insignes. Eorum tamen vidimus neminem, qui earum quæstionum ullam dignè explicuerit: quòd quædam minùs ab usu remotæ, nec dubitationem antè habuerint, & quædam sæpenumero ventilatæ dissolvi non potuerint. Vestra itaque divina prudentia ignorantiam sacro palatio indignam judicans, ea quæ de rationali & rationanti diverso modo à diversis objectabantur, me discutere imperavit: quod quidem tunc & languor corporis, & graviora distulerunt negotia. Nunc secunda valitudine reddita, inter rei publicæ ac privatæ curas, in hoc ipso itinere Italico positus comesque individuus, quoad vita superfuerit, in omni obsequio futurus, quæ de hac quæstione concepi, breviter describo: ne sacrum palatium torpuisse putet Italia, & ne se solam jactet Græcia in Imperiali philosophia & Romana potentia. Nostro Romano Imperio dant vires ferax frugum Italia, ferax militum Gallia & Germania, nec Scythæ defunt nobis fortissima regna. Noster es, C. Romane Imperator & Auguste, qui summo Græco-

rum sanguine ortus , Græcos imperio superas , Romanis hereditario jure imperas ; utrosque ingenio & eloquentia prævenis. Dicemus ergo in præsentia tanti judicis , primùm quædam Scholasticorum præludia , vel potiùs sophistica ; tum Philosophorum in his inventa prosequemur. Deinde finem propositæ quæstionis multiplex & sinuosa complebit Dialectica.

QUÆRITUR , inquiunt , quid sit quod ait Porphyrius , differentiam velut ad cognatam sibi differentiam prædicari , ut ratione uti ad rationale , cùm majora sæpe de minoribus prædicentur , minora de majoribus numquam : ut animal , quoniam majus est equo & homine , prædicatur de equo & homine. Quomodo igitur ratione uti prædicetur de rationali , cùm majus videatur esse rationale , quàm ratione uti. Omne enim quod ratione utitur , rationalis est : sed omne rationale non videtur uti ratione , &c.

IN membranis nostris hæc præfatio & opusculum subsequens nomina auctoris & patroni, cui nuncupatus est libellus, initialibus dumtaxat litteris designantur. At ex contextu præfationis satis intelligitur, opusculum istud **O T T O N I Cæsari** nomine tertio, qui ex materna linea, Theophanzæ scilicet Imperatricis, Græcorum sanguine ortus erat, fuisse dedicatum, ac conditum eo tempore, quo Otto in Italiam profectus est. Tres ipsius Ottonis profectioes in Italiam lego apud Hermannum Contractum & alios: unam anno **ccccxcvi**, ut scilicet coronam Imperialem acciperet. alteram anno **ccccxcix**: tertiam anno **m i**. Ad postremam referendum puto hoc opus: nam in duabus prioribus Otto Italiam petiit comitante exercitu, ut tradit Hermannus. quæ barbarum molestiæ non satis cum Musis conveniunt. In tertia verò Italiam lustravit cum Episcopis & optimatibus suis. In **ms. Chronico Saxonico** simul cum Imperatore profecti memorantur **HERIBERTUS** Coloniensis Archiepiscopus, Leodicensis, Augustensis & Constantiensis Episcopi. Leodicensi Ecclesiæ tum præerat Notgerus, Constantiensi Lantpertus, Augustensi Gebhardus, qui hujus opusculi scriptor mihi videtur, initiali littera **G.** indicatus. Fuerat is ante initam episcopalem dignitatem Abbas Elewangelensis, *Abbatum egregius*. dictus in **ms. Chronico** mox citato.

ROBERTI ABBATIS

PROLOGUS

In Cantica canticorum.

SERVO Dei dilectissimo suo ANSFRIDO, quondam filio & amico, modò divina favente cui voluerit gratia Patri & domino, frater ROBERTUS hominum minimus, vitam, gaudium & gloriam, quæ verè gloria est. Multis jam nunciis inertiam meam fervor tuus in Deum sollicitat, ut tibi librum quem ante hos dies quàm plurimos super Cantica canticorum scripsi, mittam. Vix igitur nunc mitto, quem à nemine videri vellem, si omnibus abscondere possem. Quem enim rudis & impolitus artifex fecerit anulum, ab aliis videri formidat, omnes inspectores non laudaturos, sed judicatu- ros exspectat. Et ostendit itaque, & metuit. quia sibi & de opere suo minimè credit, & de alterius judicio non confidit, dum id quod soli sibi ante examen perfectè non placet, in examine

IN membranis nostris hæc præfatio & opusculum subsequens nomina auctoris & patroni, cui nuncupatus est libellus, initialibus dumtaxat litteris designantur. At ex contextu præfationis satis intelligitur, opusculum istud OTTONI *Cesari* nomine tertio, qui ex materna linea, Theophanz scilicet Imperatricis, Græcorum sanguine ortus erat, fuisse dedicatum, ac conditum eo tempore, quo Otto in Italiam profectus est. Tres ipsius Ottonis profectioes in Italiam lego apud Hermannum Contractum & alios: unam anno MCCCXCVI, ut scilicet coronam Imperialem acciperet. alteram anno MCCCXCIX: tertiam anno M I. Ad postremam referendum puto hoc opus: nam in duabus prioribus Otto Italiam petiit comitante exercitu, ut tradit Hermannus. quæ barbarum molestiæ non satis cum Musis conveniunt. In tertia verò Italiam lustravit cum Episcopis & optimatibus suis. In ms. Chronico Saxonico simul cum Imperatore profecti memorantur HERIBERTUS Colonienſis Archiepiſcopus, Leodicenſis, Auguſtenſis & Conſtanti-enſis Epſcopi. Leodicenſi Eccleſiæ tum præerat Notgerus, Conſtanti-enſi Lantpertus, Auguſtenſi Gebhardus, qui hujus opusculi ſcrip-tor mihi videtur, initiali littera G. indica-tus. Fuerat is ante initam episcopalem digni-tatem Abbas Elewangenſis, *Abbatum egregius*, dictus in ms. Chronico mox citato.

ROBERTI ABBATIS

PROLOGUS

In Cantica canticorum.

SERVO Dei dilectissimo suo ANSFRIDO, quondam filio & amico, modò divina favente cui voluerit gratia Patri & domino, frater ROBERTUS hominum minimus, vitam, gaudium & gloriam, quæ verè gloria est. Multis jam nunciis inertiam meam fervor tuus in Deum sollicitat, ut tibi librum quem ante hos dies quàm plurimos super Cantica canticorum scripsi, mittam. Vixigitur nunc mitto, quem à nemine videri vellem, si omnibus abscondere possem. Quem enim rudis & impolitus artifex fecerit anulum, ab aliis videri formidat, omnes inspectores non laudaturos, sed judicatu- ros exspectat. Et ostendit itaque, & metuit. quia sibi & de opere suo minimè credit, & de alterius judicio non confidit, dum id quod soli sibi ante examen perfectè non placet, in examine

displicere pluribus timet. Sic ostendentis, & sic paventis accipe opusculum amici tui: judica quod placuerit, & rescribe quod judicaveris. Videor forsitan pluribus, quod & tibi videri timeo, hoc opus præsumptione perfecisse: si tamen perfectum est dicendum, quod à doctioribus, melioribusque est adhuc viris examinandum, & utrique corrigendum. Mihi quippe, fateor, cum maxima indignatione fieri videtur, ut ego tam rudis studio, tam stolidus ingenio, tam sordidus peccato, in tam antiquum, tam doctum, tam nitidum opus proruperim, ut Salomonis verba exponerem, qui de Salomone nihil habeo, nisi forsitan quod de illo abominabile lego; scilicet, cum senex factus fuerit, tunc sapiens esse destiterit.

Mihi tamen amico tuo crede, quod hunc quem tibi mitto, multis ridendum libellulum rogatus cœpi, multotiens ammonitus perfeci. Rogavitque domnus ANASTASIUS dilectissimus frater & domnus meus; admonuerant verò cum illo & alii multi, non tantum pensantes mihi innatam stultitiam, quantum amantes verborum tam secretorum qualem-

cumque sibi clarere peritiam : quamvis nonnulli alii, & maximè domnus Beda, in hoc eodem laboraverunt, secreta patefecerunt, posterisque lectionem utilissimam reliquerunt. Sed non omnes omnia inveniunt. Tu ergo, serve Dei, humiliter lege quæ inveneris: &, si placuerit, transcribe quæ legeris.

Rogo verò ut in duo principia hoc opus dividas: quia dictamen istud, dum à seipso variatur, turpe est si sub uno principio universum concludatur. Dum enim ego in cella solitaria positus Cantica canticorum exponerem, contigit ut me quidam amici mei supervenientes exponentem invenirent. Cumque ea quæ jam exposueram, per partes legerent; laudaverunt quidem opus, sed quod canonicorum librorum exempla non infueram, quibus quæ dicerem probarentur, hoc minus inesse dixerunt. Ex illo mox tempore quæ memoriæ occurrerunt, pro re quam agebam, exempla apposui, quamvis non necessaria esse mihi viderentur. Maximè enim compunctioni in expositione intendens, non probanda, sed interiùs inserta dixeram. Unde postea exempla colligens, dum brevitati

studeo; strictius exposita, minus suavia legenti videntur. Dictaminis itaque varietas, quæ exemplorum insertione fit, ibi notatur, ubi dicitur: *Vadam ad montem myrrhæ, & ad collem thuris*. Hoc dicto & exposito finiatur primus liber: incipiatque servulus, sic oriens: *Tota pulchra es, amica mea, & macula non est in te*. Pargamentum autem si tibi defuerit, mittam quantum sufficiet.

Lege igitur, frater amicissime, sapientissimi verba Salomonis, Cantica canticorum, quæ ob reverentiam secretissimi sensus, ob excellentiam nuptialis amoris, ob sponsi & sponsæ suavissimam conglutinationem, non solum Cantica, sed etiam Cantica canticorum vocantur. In horum expositione si quid tibi displicuerit, ora pro ignorantia mea: si quid tibi placuerit, ora pro peccatis meis, qui bene loquor, & malè operor. Quòd si librum istum tibi scribere libuerit, non ita in marginibus, sicut hîc habetur, scribas: sed continuum in paginis, sicut alia expositiones scribi solent. Hæc verò epistola volo ut ponatur in capite.

T R I B U S

TRIBUS nominibus vocatus est Salomon; Salomon, id est, pacificus; Edida, id est, dilectus; Ecclesiastes, quod est Coëlet, id est, concionator, quod ecclesias congreget. Is juxta numerum vocabulorum suorum tria volumina edidit. Proverbia, id est, Maslot; Ecclesiastem; Cantica canticorum. In Proverbiis parvulum docens, & quasi de officiis præsentibus erudiens. In Ecclesiaste, maturæ ætatis virum instituens, ne quicquam in mundi rebus putet esse perpetuum; sed caduca & brevia omnia quæ cernimus. Ad extremum, jam consummatum virum, & calcato sæculo præparatum; in Cantica canticorum sponsi jungit amplexibus: quia nisi prius relinquamus vitia, & pompis sæculi renunciemus, non possumus dicere: *Osculetur me osculo oris sui.* Hoc ordine & Philosophi sectatores erudiunt, ut primum Ethicam doceant; deinde Physicam: & quem in his profecisse perspexerint, per Theoricam ad Theologicam usque perducant. Hoc notandum est. Titulus enim in Proverbiis adnotatur; *Proverbia Salomonis, filii David, Regis Israel.* In Ecclesiaste verò:

Veterum Analect. Tom. I.

I

Verba Ecclesiastis filii David, Regis Jerusalem. In Cantica canticorum nec filius David, nec Rex Israel sive Jerusalem præscribitur: quia ad incipientes & paterna dignitas, & regni proprium nomen sufficit: & æqualis magister est, & nescit se esse Regem. Pacificus Dei Patris, & Ecclesiastes noster Christus est, qui medio pariete destructo, & inimicitias in carne evacuans, fecit utraque unum. *Pacem meam do vobis.* De quo Pater ad discipulos: *Hic est filius meus dilectus, in quo mihi bene placuit, ipsum audite*, quia est caput Ecclesiæ.

INCIPIT LIBER PRIMUS.

OSCULETUR *me osculo oris sui.* Os sponsi, inspiratio Christi. Osculum oris, dulcis amor inspirationis. Dicit ergo sponsa desiderio æstuans, & in amplexum sponsi sui inardescens: *Osculetur me osculo oris sui.* ac si diceret: Ille quem super omnia, immo solum diligo, veniat, qui dulcedine suæ inspirationis me tangat: quia cum ejus osculum sentio, subita mutatione me relinquo, & in ejus similitudinem ilico liquefacta transfundor.

formor. Fastidit quippe mens sancta;
&c.

INCIPIT LIBER SECUNDUS.

TOTA pulcra es, amica mea, & macula non est in te. Cum scriptum sit: *Nemo vivit sine peccato, nec infans cujus vita est unius diei super terram*; quid est quod sponsa tota pulcra esse dicitur, in qua macula non habetur, &c. Sed dum anima à peccatis quotidianis se per pœnitentiam mundat, dum quotidie peccata minuta cum lacrymis abluit, & à majoribus se observat; quamvis frequenter peccet, per assiduam tamen pœnitentiam, munditiam suam assiduè servat, &c.

A D N O T A T I O.

QUIS sit hujus Commentarii auctor, discimus ex Orderici Vitalis lib. 8 ad annum 1087, ubi agens de Monasterio sancti Vigoris, quod situm est juxta murum urbis Bajocarum, scribit Monachis inibi institutis *religiosum & sapientem* ROBERTUM DE TUMBALANIA Patrem fuisse præpositum: *qui inter reliqua, inquit, peritia sua monumen-*

ta, brevem & luculentam, sensuque profundam, super Cantica canticorum expositionem dimisit in Ecclesia. Fuerat is Monachus in Monte sancti Michaelis de periculo maris, ut scribit idem auctor ad annum 1094, profectusque tandem Romam, à Gregorio VII Papa detentus honorificè, usque ad mortem Romana fideliter servivit Ecclesie, uti legitur in priori Orderici loco. Ansfridus, cui Robertus opus suum nuncupat, videtur esse Ansfridus Abbas Præstensis, aliis Aufridus dictus, cujus epitaphium refert Ordericus in loco posteriore mox citato: aut certè Ansfridus Abbas tertius Monasterii sancti Salvatoris Constantinienfis.

Quis verò sit Anastasius ille, cujus rogatu id aggressus est, necdum compertum habeo. Hujus Commentarii præfationem Petrus Franciscus Chiffletius, Societatis JESU Theologus eruditus, eruit ex ms. codice Balernensis Monasterii Ordinis Cisterciensis in Comitatu Burgundiæ, ac nostro Acherio transmisit: quo in codice mutila est expositio à medio capite seprimò Cantici canticorum.



JOHANNIS ABBATIS

PROLOGUS

Ad Imperatricem viduam HENRICI Imperatoris, in opus precum variarum à se compositum ex Patribus.

DU DUM quidem, Domina Imperatrix, tibi petere placuit, ut ex Scripturis colligerem luculentos brevesque sermones, in quibus juxta legem ordinis tui absque gravi labore discere posses normam bene vivendi. Omnis enim gradus, ætas & sexus ad informationem vitæ suæ in sacris litteris propriam habet doctrinam: ut unusquisque in vocatione qua vocatus est rectissime ambulans, pervenire valeat ad regnum in quo multæ sunt mansiones. Denique post obitum reverendæ memoriæ Domini HEINRICI clarissimi sapientisque Imperatoris, quondam viri tui, laudabile propositum laboriosæ viduitatis totis amplexa es viribus. Et quamquam nobilitas, opes & ætas ad repetendum thalamum

k iij

te invitarent; noluiſti tamen cor tuum inclinare ad verba hominum pro veris falſa contendentium: ſed creſta ſurſum, accinctis lumbis ſtetiſti fortiter ſuper pedes tuos, ut contemptis illecebris carnis, & mundi ſervias Chriſto Domino in caſtitate, & ceteris nobilibus matronis præbeas dignum imitationis exemplum: videlicet ut per continentiam tuam ad meliora provocata, defunctis maritis ſervent fidem, eiſque per cæleſte ſacrificium, necnon & per aſſiduas eleemoſynas petant à Domino peccatorum remiſſionem. Quàm decorum & honeſtum eſt, ut Chriſtiana mulier, poſt primam amiſſæ virginitatis palmam, ſic deinceps caſtè & ſobriè ſtudeat vivere, quatenus unius viri uxor, opitulante Domino, & eſſe & dici valeat. Hanc autem unius copulæ glorioſam virtutem, ni fallor, obſervandam pronunciat illa una coſta, quæ tulta eſt de corpore viri, ex qua formata eſt mulier.

Cognitis itaque piis deſideriis cordis tui, mox operam dedi, & nonnullas ex opusculis Patrum ſententias celeriter deſloravi: ut veridica ubique tecum habeas documenta, quæ rectum plenius oſten-

dant iter, per quod fidelis vidua justè & piè incedere debeat. Insuper & alium addidi sermonem de vita & moribus Virginum, ad instruendas Sanctimonialis, quæ in tuo Monasterio congregatæ sunt. Et quia te actibus misericordiæ deditam comperi; nec illud quoque me scribere piguit, quòd non Ecclesiasticis divitias multas possidentibus, sed viduis, orphanis, infirmis, peregrinis, illisque permaximè qui verè sunt pauperes Christi, proculdubio dispensandæ sunt eleemosynæ. Hæc verò omnia faciens, in laboribus meis propter multam caritatem tuam non sensi laborem.

Obmutescite, Syllæi canes, en ego obturata aure obstrepentem lacerationis vestræ rabiem pertransibo. In conventiculis vestris, ut ferunt, sonat littera hæc de nare canina. Cùm profitearis te Monachum, & monasticæ Religioni tacere sit proprium, quid ergo tibi & mulieribus? Unde tibi tanta auctoritas, ut in cathedra magistrorum sed eas, & ipsas etiam feminas absque rubore conscriptis schedulis doceas? Silete miseri: ideo istud dicitis, quia cæci estis, duces cæcorum. Redite prævaricatores ad cor; &

ubi turpiter jacetis, diligenter considera-
te. Utinam maliciosa mens vestra resipi-
sceret, & honestarum mulierum pia o-
pera aliquatenus imitari studeret. Nonne
mulier hæc totius venerationis digna est,
quæ divitiis & honoribus prætulit Chri-
sti amorem? Igitur cùm esset domina
regnorum, humiliavit se & facta est ser-
va pauperum. Taceam quòd totam fere
peragravit Italiam, devotissimè visitans
Sanctorum reliquias, & offerens eis pre-
tiosa donaria, plurimasque faciens elee-
mosynas in urbibus & vicis, & in omni-
bus locis, ad quæ orationis gratiâ pro-
peravit. Igitur quia epistolaris angustia
non finit me in ejus laudibus diutius im-
morari, libet & hoc præterire, quòd
Gallarum partes regressa, similiter pau-
peres & ecclesias Dei larga consolata est
manu, sicut scriptum est: *Dispersit, dedit
pauperibus, justitia ejus manet in sæculum
sæculi.*

Verùm his procul amotis qui in ter-
ram sufflant, & ne se videant, pulve-
rem in oculos excitant; ad te redeo,
venerabilis Christi ancilla, ut sermo
meus qui te cœpit instruere, tamquam præ-
sens colloquendo ad extremam suscepti

operis manum auctore Deo pertingat. Igitur licet illas parvitatibus meæ defloratiunculas, quarum superius memini, salutis tuæ posse sufficere arbitrer; tamen quia relatione amicorum didici te desiderare & poscere, ut ipse quoque, quem de contemplatione divina Christi quæ amore, & de illa superna Hierusalem omnium Fidelium matre editum habeo, tibi scribatur libellus; multum gaudet, fateor, cor meum, & in te magnificat datorem omnium bonorum Deum. Nisi enim Christo duce ad altiora conscenderes, ambulans de virtute in virtutem; nullo modo valeres talia petere. Quis non miretur animum tam ferventem, qui rivulos dulcium bibendo aquarum non cessat siti-
re? Satis stolidus est & nimis obstinatus, qui talis feminæ pias preces spernit, & votis justissimis non acquiescit. Ecce ego libens atque ovans pro scire quod mihi dedit Deus, paratus sum, mater veneranda, tuæ in omnibus obsequi voluntati. Utinam ille in me igniculus foret, qui vaporatæ menti aliquid incrementi addere posset!

Accipe igitur tu, bona anima, præclarum sanctæ viduitatis exemplar, acci-

pe, quæso, pervigili mente illud quod expectis meæ per Christi gratiam deflorationis opusculum: in quo videlicet reperiēs magna ex parte cælestis theoriæ dulcia verba, quæ reverenter legenda sunt, & cum timore debito meditanda, ne fortè de temeritate judicetur, qui tepidus & indevotus accesserit. Unde sciendum est, quod hujus libelli lectio illis præsertim debetur, qui mentes suas carnalibus desideriis & terrenis concupiscentiis obtenebrari non sinunt. Quando autem ista leguntur cum lacrymis & devotione nimia, tunc mitis lector ipso cordis palato sapit quid dulcedinis intus lateat. Si ita est, immo quia ita est, eloquiorum divinorum arcana & sublimia verba tangere non præsumat superba & fastidiosa mens, ne fortè labatur in errorem: quia cæcis oculis lumen intueri non potest. Hinc etenim actum est, ut plerique per hæresim in damnationis æternæ baratrum ruerent, alios secum in mortem trahentes: quia sacræ Scripturæ mysteria, quorum radices in cælo sunt, nemini perfectorum hic tota patent. Illi verò soli secundum Deum sapientes, qui profunda pollent humilitate, tan-

tum capiunt, quantum eis Spiritus-sanctus revelare dignatur. Hæc ergo frequenter lege, & tunc præcipuè cum mentem tuam cælesti afflatam desiderio vides. Justum namque est, ut tu quæ in actuali bene conversaris vita, contemplationis pennas assumes; & sursum volitans, de fonte supernæ dulcedinis haurias, dicens cum Propheta: *Apud te est fons vitæ, & in lumine tuo videbimus lumen. Sitivit anima mea ad Deum fontem vivum. Domine, dilexi decorem domus tuæ & locum habitationis gloriæ tuæ.* Similiter & illa quæ in amoris Cantico leguntur, ubi anima quæ solum Deum amat, loquitur Christo dilecto suo dicens: *Unguentum effusum nomen tuum, ideo adolescentulæ dilexerunt te. Trahe me post te, curremus in odore unguentorum tuorum. Dilectus meus mihi, & ego illi, qui pascitur inter lilia, donec adspiret dies, & removeantur umbrae.*

Inter hæc autem scire oportet, quod illa summa & incommutabilis essentia quæ Deus est, in hac terra morientium mortalibus oculis nullo modo conspici valet, nec aliquando visa est ab ullo mortalium, ex quo primus parens de para-

disi amœnitate in has ærurnas expulsus est. Hinc namque est quod contemplativa vita hîc incipit, sed illic perficitur, ubi Deus facie ad faciem cernitur. Mens etenim mitis & simplex, cùm in speculationem attollitur, & carnis angustias superans cœlestia rimatur; retrahente eam mole carnis ad ima, diu super se stare nequaquam permittitur. Sed licet ipsa superni luminis immensitate reverberata celeriter ad se revocetur, magna tamen proficit virtute ex eo ipso, quod divinam dulcedinem prælibare potest: quia mox amore nimio accensa ire super se festinat, & sublevata cernit, quia videre non possit hoc quod ardentè diligit; nec tamen ardentè diligeret, nisi aliquatenus inspiceret. Sunt aliqui minùs proficientes, qui Deum sibi imaginaliter fingunt: quia in hæc temporalia deformiter sparsi illam miram & incircumscriptam lucem contemplari intellectualiter nesciunt. Quid istis aliud est oculus contemplationis, nisi laqueus perditionis? Ammonendi quippe sunt tales, ut solius activæ vitæ exercitio contenti, contemplationis montem non præsumant ascendere, quia, sicut scriptum est, *Animalis*

homo non percipit ea quæ sunt spiritus Dei; & sapere secundum carnem, mors est. Humanus enim animus nisi exteriorum desideria à se repellat, interna non penetrat: quia tanto subtiliùs invisibilia conspicit, quanto perfectiùs visibilia contemnit. Idcirco quamvis invisibilis & incomprehensibilis in natura sua sit Deus, tamen per mentem mundam & sanctam quæ solis supernis inhiat, hîc sine adspectu cernitur, sine sono auditur, sine motu suscipitur, sine corpore tangitur, sine loco retinetur. His ita necessariò præmissis, rogo dilectionem tuam, ut si quolibet inveneris, qui libellum hunc velint habere; moneas eos & diligenter transscribere, & scriptum frequenter religare, usque adeo ut aliquid addi, vel subtrahi, aut immutari non patiantur in eo. Hoc autem dicimus propter incuriam librariorum, qui non solum veritatem corrumpunt, sed etiam mendacia mendaciis jungunt. Sit Deus tecum, & confortet te manus ejus, ut tamquam pennatum & oculatum animal effecta, per dies singulos in utraque proficias vita, modò cum Martha in activa serviens Christo in membris suis, modò cum

Maria in contemplativa sedens ad pedes Domini, & intentè audiens verbum ex ore ejus: quatenus bene operando & purè contemplando, ad illam beatissimam pervenias visionem, ubi palàm de Patre loquitur Filius. Ad hanc autem pro pietate & bonitate sua perducere dignetur servos & ancillas suas; ipse, qui descendit ad hæc ima, ut nos ascenderemus ad illa summa; qui inclinavit se, ut nos erigeret; qui infirmatus est, ut nos fortes faceret; qui suscepit vitam nostram, ut nobis donaret suam. Unigenitus quippe est omnipotenti Patri coæternus, qui cum eo vivit & regnat in unitate Spiritus-sancti Deus; per omnia sæcula sæculorum. Amen.

Ego JOHANNES ultimus servorum Christi, & qui mecum sunt Fratres, beatitudinem tuam salutamus in Christo, pia mater pauperum, & nobile decus viduarum. Vale.

Conservet te in voluntate sua semper omnipotens Trinitas.

INCIPIT LIBELLUS.

*De scripturis & verbis Patrum collectus,
ad eorum præsertim utilitatem, qui con-
templativæ vitæ sunt amatores.*

Psalm. Deus misereatur nostri.

SUMMA Trinitas, virtus una, & indiscreta Majestas, Deus noster, Deus omnipotens, confiteor tibi ego ultimus servorum tuorum, & exiguum membrum Ecclesiæ tuæ. Confiteor & honorifico te debito sacrificio laudis, pro scire & posse quod mihi tantillo donare dignatus es. Et quia cordis oblatio in conspectu tuo pretiosior est; ideo ea quæ in me sunt vota laudationis ex dono misericordiæ tuæ ecce libens atque ovens offero tibi de fide non ficta & conscientia pura. Credo igitur te toto corde, Rex cæli & terræ domine, & ore te confiteor Patrem & Filium & Spiritum sanctum, in personis trinum, & in substantia unum, verum Deum omnipotentem, unius, simplicis, incorporeæ, invisibilis & incircumscriptæ naturæ. Nihil in te majus aut inferius habentem: sed

per omnem modum sine deformitate perfectum, sine quantitate magnum, sine qualitate bonum; sine tempore sempiternum, sine morte vitam, sine infirmitate fortem, sine mendacio veritatem, sine loco ubique totum, sine situ ubique presentem, sine extensione omnia implentem, sine contractione ubique occurrentem, sine motu omnia transcendentem, sine statu intra omnia manentem, sine indigentia omnia creantem, sine labore omnia regentem, sine tui initio omnibus initium dantem, sine tui immutatione omnia mutabilia facientem; in magnitudine infinitum, in virtute omnipotentem; in bonitate summum, in sapientia inestimabilem, in consiliis terribilem, in judiciis justum, in cogitationibus secretissimum, in verbis veracem; in operibus sanctum, in misericordiis copiosum; erga delinquentes patientissimum, erga penitentes pius; semper idem ipsum, æternum, ac sempiternum, immortalem atque incommutabilem: quem nec spatia dilatant, nec brevitās locorum angustat, nec receptacula ulla coartant, nec voluntas variat, nec necessitudo corrumpit; nec mæsta perturbant

perturbant, nec læta demulcent: cui nec oblivio tollit, nec memoria reddit, nec præterita transeunt, nec futura succedunt; cui nec origo initium, nec tempora incrementum, nec casus finem dabit; sed antefæcula, & in sæculis, & per sæcula in æternum vivis, & est tibi perennis laus & æterna gloria, summa potestas, ac singularis honor, perpetuum regnum, & sine fine imperium per infinita & indefessa & immortalia sæcula sæculorum. Amen.

Hucusque omnipotens Deus, Trinitas, cordis mei inspector & scrutator, confessus sum omnipotentiam majestatis tuæ, & majestatem omnipotentix. Nunc autem qualiter humano generi in fine sæculorum subvenire dignatus es, sicut corde credo ad justitiam, ita ore coram te confiteor ad justæ salutem. Tu quidem, Pater Deus, solus nusquam legeris missus; de Filio autem tuo ita scribit Apostolus: *Cum venit plenitudo temporis, misit Deus Filium suum.* Cum dicitur *misit*, satis ostendit quod in hunc mundum missus advenit, cum de Maria semper Virgine natus, verus & perfectus homo in carne apparuit. Sed quod de illo præcipuus

Veterum Anal. Tom. I.

K

Evangelistarum ait : *In mundo erat , & mundus per ipsum factus est.* Illuc ergo missus est per humanitatem, ubi semper fuit & est per divinitatem. Quam videlicet missionem opus esse totius sanctæ Trinitatis corde credo , & ore confiteor , &c.

Desinit ; & beata tui sine fine visio & laudatio : ubi tu cum illo , & ille tecum in communione sancti Spiritus æternaliter ac sempiternaliter vivis & regnas Deus , &c.

INCIPIT PARS SECUNDA.

De Christi amore simul & de illa superna Hierusalem matre nostra.

Psal. Eruēta vit.

Spes mea , Christe Deus , &c. desinit & manifestabo me ipsum.

INCIPIT PARS TERTIA.

Ubi mens devota Deo ad altiore contemplationis gradum ascendit.

Psal. Te Deum laudamus , Psal. Benedicite omnia , Psal. Laudate Dominum.

I.

Benedic, anima mea, Domino, &c. desinit, Tibi honor, virtus & fortitudo Deo nostro in sæcula sæculorum. Amen.

II.

INCIPIUNT PRECES

Ardentis desiderii, ut fidelis anima solum Christum possit amare, quia bonus & malus amor non se simul in uno capiunt pectore, sicut scriptum est: Nemo potest duobus dominis servire.

Psal. Jubilate Deo omnis terra.

Jesu nostra redemptio. &c. desinit, impetrante gloriosa genitrice tua Domina mea cum omnibus Sanctis. Amen.

III.

Hic peccatrix anima gemit nimis & dolet, videntem terram sine aqua, & idcirco præ desiderio lacrimarum devotas preces fundit ad Dominum.

Psal. Quemadmodum.

Christe Domine, verbum Patris, &c.

K ij

desinit , precibus & meritis omnium sanctorum.

I V.

Hic optat ardore nimio mens pia , & datorem omnium bonorum Deum humiliter rogat , ut divina gratia fulta prasidio hoc constanter agere possit quod Apostolus præcipit dicens : Si consurrexistis cum Christo , quæ sursum sunt quærite , ubi Christus est in dextera Dei sedens ; quæ sursum sunt sapite , non quæ super terram.

Psalm. Quam dilecta !

J E S U Domine , J E S U pie , qui mori dignatus es propter peccata nostra , &c. *Desinit in hunc modum : In pace in idipsum dormiam & requiescam. Dormiat , obsecro , Deus meus , dormiat memoria mea ab omnibus quæ sub calo sunt , vigilans in te , sicut scriptum est : Ego dormio , & cor meum vigilat. Sit tuta , sit semper secura sub pennis protectionis tuæ anima mea , Deus meus. Maneat in te , & foveatur semper à te. Contempletur te in mentis excessu , & cantet laudes tuas in jubilatione , & hæc dulcia dona tua sint in-*

ter hos turbines consolatio mea. Interim donec veniam ad te, pacem veram ubi non est arcus, scutum, gladius & bellum: sed est summa & certa securitas & securitæ tranquillitas, & tranquilla securitas, & jocunda felicitas, & felix æternitas, & æterna beatitudo, & beata tui visio, & laudatio in sæcula sæculorum. Amen.

V.

Vir desideriorum, & cælestium contemplator, præsentia fastidians, futura desiderans, gemit ex fundo cordis, & implorat cotidie, dolens se ibi non esse, ubi dilectum suum revelata facie mereatur videre, sicut scriptum est: Cupio dissolvi, & esse cum Christo,

Psalm. Jubilate Domino.

Christe Domine, virtus & sapientia Patris, qui ponis nubem ascensum tuum, qui ambulas super pennas ventorum, qui facis Angelos tuos spiritus, & ministros tuos ignem urentem: obsecro & suppliciter rogo, da perpetes pennas fidei, da celeres alas virtutum, quibus erectus æterna & cælestia valeam contemplari. Adhæreat, quæso, anima mea post te, & suscipiat me dextera tua, sustollat me su-

K. iij.

per altitudine terræ, & cibet me illa cælesti hereditate, cui suspirat peregrinatio mea nocte ac die. Et quia moribunda membra vigorem animæ hebetant,

*Diffice terrena nebulas & pondera
molis;*

*Siste vagam mentem per devia multa
ruentem.*

Da cælestem menti conscendere sedem, ut superno lumine irradiata, terram despiciat, cælum aspiciat, peccata odiat, justitiam diligat. Quid enim pulcrius quidve dulcius, quàm inter tenebras hujus vitæ multasque amaritudines divinæ dulcedini inhiare, & æternæ beatitudinî suspirare: illicque teneri mentem, ubi haberi vera gaudia certissimum est, &c. *Desinit:* Ecce quod concupivi jam video, quod speravi jam teneo, quod desideravi jam habeo: illi jam in cælis junctus sum, quem in terris positus tota veritate dilexi, tota caritate amplexus sum, toto amore inhæsi. ipsum laudo, benedico atque adoro, qui vivit & regnat in sæcula sæculorum. Amen.

LIBELLUS ALTER

De divina contemplatione.

P A R S P R I M A.

*De divinitate Patris & Filii & Spiritus-
sancti.*

ADESTO mihi verum lumen...
unus Deus omnipotens. Te invo-
co in animam meam: intra rogo in eam,
& coapta eam tibi, ut possideas illam si-
ne macula & sine ruga.

Desinit: Nec casus finem dabit, sed an-
te sæcula, & in sæculis, & per sæcula in
æternum vivis, & est tibi perennis laus &
æterna gloria, &c.

P A R S S E C U N D A.

*De humanitate Domini nostri JESU-
CHRISTI, qui nos redemit pretio
sanguinis sui.*

Psalms. Cantate Domino 2.

Huc usque, omnipotens Deus, Tri-
nitas, cordis mei inspector & scrutator,
confessus sum omnipotentiam majestatis
tuæ, &c.

K iijj

Desinit : Ubi est dies æternus & unus omnium spiritus, ubi tu cum illo, & ille tecum in communione Spiritus-sancti æternaliter vivis, &c.

P A R T E S T E R T I A.

In qua mens devota nimio amore flagrans, Christo inhians, Christo suspirans, Christum quem solum amat, videre desiderans; nihil dulce habet, nisi gemere & flere, nisi fugere, tacere & quiescere, dicens: Quis dabit mihi pennas sicut columbæ, & volabo, & requiescam.

Spes mea, Christe Deus Te deprecor, supplico & rogo, ut te rectore, te duce, per te ambulem, ad te perveniam, in te requiescam, qui es via & veritas & vita. Deus meus, una spes & prægrandis misericordia mea, esto mihi in domum refugii & in locum munitum, &c.

Desinit : & temporalium sempiternæ vivunt rationes, æternæ sapientiæ confiteor, & nomini tuo laudem dico. Tibi benedictio & claritas, tibi gratiarum actio, tibi honor, virtus & fortitudo Domino Deo nostro in sæcula sæculorum. Amen.

ALIÆ ORATIONES.

I.

Isti versiculi ad excitandam cordis compunctionem de Scripturis collecti sunt.

Heu homo! Heu homo! Heu te, miser homo! cur vivis equum, cui non est intellectus, &c.

Desinit, ad cælum cum Rege suo ibunt Sancti. Gloria tibi, Christe, &c.!

II.

ORATIO.

De vitiis & virtutibus.

CHRISTE virtus salutis nostræ Deus, lux de luce, illumina me quæso lumine gratiæ tuæ. Concede pro pietate & bonitate tua, ut hæc me semper inhabitet, & ubique regat, &c.

Desinit: Ad vitam perveniam æternam, te miserante & donante, qui cum Patre, &c.

C I I I.

*Apologetici sermonis brevis & vera
responsio.*

Multa igitur sunt contemplationum genera, quibus anima tibi, Christe, devota delectatur & proficit: sed in nullo earum ita gaudet mens mea, sicut in illa quæ cunctis remotis, in te solum Deum attollit simplicem puri cordis intuitum.

Desinit, omnia bona nostra opera tu operatus es nobis.

C I V.

*Humilis confessio peccatoris & indigni
laudatoris.*

Ignosce, Domine, ignosce, pie, & noli me tanquam temerarium reprobare.

Desinit, in sæcula sæculorum laudabunt te.

V.

Quid sit jubilum.

Jubilum dicitur, quando ineffabile gaudium mente concipitur.

Desinit, sufficit lingua dicentis.

VI.

ORATIO

Ante Missarum celebrationem dicenda.

Summe Sacerdos & vere Pontifex,
qui te obtulisti Deo Patri hostiam pu-
ram, &c.

VII.

ORATIO

Domni WILLELMI Abbatis

*In Commemoratione sancti Augustini ante
consecrationem Missæ dicenda.*

Memento, Domine, animæ famuli tui
Patricii, &c. inferius edita.

VIII.

CONFESSIO HUMILIS

*Peccatoris in tempore angustiae &
infirmittatis.*

Miserere, Domine, miserere, pie, mi-
serere mihi miserrimo peccatori, indi-
gna agenti, & digna patienti.

Desinit, scis omnia, potes omnia.

I X.

INCIPIT ORATIO DECORA

Compilata per contemplationem , vel meditationem theoricam.

Spes mea , Christe Deus qui es via , veritas & vita. Sed quia in hoc magno hujus vitæ diluvio , ubi circumflantibus agitamur procellis , non invenitur fida statio , & locus eminentior , ubi pes columbæ valeat requiescere , nusquam tuta pax , nusquam secura quies , &c.

Desinit , gloria Patri qui fecit nos , gloria Filio qui redemit nos , gloria Spiritui-sancto qui sanctificavit nos. Sit laus , sit benedictio , &c. *Oratio prolixa est & devota.*

X.

ALIA ORATIO.

Domine Deus meus , da cordi meo te desiderare , desiderando quærere , quærendo invenire , inveniendò amare , &c. *Desinit* , secundùm multitudinem tuarum complaceat miserationum , per JESUM-CHRISTUM , &c.

X I.

GRATIARUM ACTIONES

Pro beneficiis misericordiae divinae.

Spes mea, Christe Deus Te deprecor, supplico & rogo, ut perficias in me cœptum opus misericordiae tuæ. Ego enim ultimus fervorum tuorum, non immemor beneficiorum miserationis tuæ, quæ mihi peccatori conlata sunt: gratias tibi ago qui me indignum pro tua sola clementia per aquam sacri baptismatis, & renovatione sancti Spiritus ab originalibus vinculis expedisti Tu Pastor & rector omnium, Christe Deus, qui nullis meis meritis, sed sola dignatione misericordiae tuæ vocasti parvitatem meam ad hoc pastorale officium, propter te & nomen tuum sanctum, fac me idoneum ad hoc ministerium, ut sapienter domum tuam regam, & in omnibus secundum voluntatem tuam gregem tuum pascere valeam. Concede propter honorem nominis tui, ut cum multo bono fructu fraternæ societatis pervenire merear ad gloriam tuam Scio & certus sum,

quodd tu vales fructus bonos & magnos
facere de grege tuo, per me exiguum &
infirmum. Parvulus quippe sum & nul-
lius virtutis homuncio, nihil habens in
me quod expeti debeat, vel quod di-
gnum sit tanti officii. Idcirco desperans
de parvitate mea, non respiro, nisi in
sola misericordia tua. sed licet sis ma-
gnus in magnis; gloriosius tamen ope-
raris magna in minimis. Erit certè laus
tua dulcior, & copiosior more hominum,
cùm per me tantillum operari dignatus
fueris magna de grege tuo. . . . Da mi-
hi cælestia & terrena subsidia ad omnem
sufficienciam, ut habeam unde gregem
tuum possim pascere & sustentare, tam
spiritaliter, quàm corporaliter, atque ve-
nientes in tuo nomine suscipere absque
ulla hæsitacione, simulque loca commissa
ordinare, & præparare ad quietem & sa-
lutem Fratrum, sicut decet & oportet. . .
Duo à te peto, unum horum pro tua
clementia non deneges mihi. Rogo te
per omnes miserationes tuas, da mihi
consolationem tuam cælestem in multis
tribulationibus meis: pondus enim istud
gravissimum quod impositum est super
infirmas cervices meas, ferre non valeo,

ANALECTA. 159

deponere timeo Gratias tibi ago,
Domine, qui me etiam à vano hujus
mundi consortio separasti, & ad tuum
servitium sanctum perduxisti, &c.

XII.

ORATIO

Ad sanctam Mariam.

Virgo mundo venerabilis, humano ge-
neri amabilis, &c.

XIII.

Ad Christum.

Domine JESU - CHRISTE, redem-
ptio mea, misericordia mea, &c.

XIV.

Ad sanctum Benedictum.

Sancte Benedicte, quem tam opulen-
ta benedictione virtutum superna gra-
tia ditavit, &c.

XV.

Pro amicis.

Domine JESU - CHRISTE, qui ex-

hibuisti caritatem qua majorem nemo
habet, &c.

X V I.

Pro inimicis.

Omnipotens & pie Domine J E S U-
C H R I S T E, quem opto propitium ami-
cis meis, &c.

X V I I.

Alia Oratio.

Terret me vita mea. Namque dili-
genter discussa, apparet mihi aut pecca-
tum aut sterilitas fere tota vita mea, &c.

X V I I I.

Ad sanctam Mariam.

Sancta Maria, & inter Sanctos post
Deum, &c.

X I X.

Ad sanctam Mariam.

Maria, tu illa magna Maria, tu illa
major beatarum Mariarum, &c.

XX.

Ad sanctum Johannem Baptistam.

Sancte Johannes, tu ille Johannes qui
Dominum baptizasti, &c.

XXI.

Ad sanctum Petrum.

Sancte Petre, benignissime & fidelis
pastor ovium Dei, &c.

XXII.

Ad sanctum Johannem Evangelistam.

Sancte & beate Johannes, altissime
Evangelistarum Dei, dilectissime Apo-
stolorum Dei, &c.

ADNOTATIONES.

HÆc omnia, quorum specimen hactenus
exhibui, integra exstant in vetusto co-
dice Mettensis Monasterii sancti Arnulfi, quem
codicem, annuente R. P. Priore ejus loci, mi-
hi transmisit Dominus Placidus Beuvilloni-
us, jam non semel à me laudatus. Ideo verò pro-
lixum hoc specimen exhibere visum est, quod
interesse putem Republicæ Christianæ, ut præ-
missa Opuscula accuratè discutiantur. Quam
ob rem quatuor aut quinque res hic exami-
nandæ sunt, scilicet codicis Mettensis ætas seu
Veterum Analect. Tom. I. L

antiquitas ; tum Imperatricis , cui prior libellus nuncupatus est , nomen ; dein Auctoris item nomen ac dignitas ; ad hæc , Opuscula ipsa in codice contenta : quæ demum cum libro Meditationum sub nomine Augustini vulgato comparanda sunt ; postremò cum Alcuini Confessione Chiffletiana.

I.

Codex Mettensis oblongus , optimæ notæ , sine dubio scriptus est sub finem sæculi x i , id est circiter annum m lxxx , ut probat ipsa scripturæ forma modusque scribendi illi ævo conveniens. Quippe minores litteræ r oblongæ , litteræ A majores absque lineola transversa , aliaque id genus in eo codice complura , quæ facilius est capere oculis , quàm verbis exprimere , post sæculum xi in usu esse desierunt. Ad hæc modus scribendi qui in eodem libro servatur , illis temporibus apprimè responderet. Exemplo sint syllaba & uno contextu in vocabulorum compositione inserta : *intellego* , *neglego* , *immensus* , *imperfectus* ; ubi posterius scribunt *intelligo* , *negligo* , *immensus* , *imperfectus*. Postremò in eo codice primaria manu descripta legitur Oratio Willelmi Abbatis , in festo sancti Augustini ante Missam dicenda , quam inferius referam post epistolas Willelmi Abbatis Mettensis , cui hanc Orationem tribuendam puto. Florebat verò Willelmus iste pontificatu Gregorii VII. quo tempore Johannis codex exaratus videtur , exceptis nonnullis , quæ recentiori manu adjecta sunt.

II.

Quatuor indiciis designatur Imperatrix, cui prior libellus inscriptus est: nimirum quod relicta fuerit *reverenda memoria Domni HENRICI clarissimi sapientisque Imperatoris*: quod *post primam amissa virginitatis palmam*, secundis nuptiis nuncium remiserit: quod *actibus misericordiae dedita, viduis, orphanis, aliisque indigentibus facultates suas dispensarit*: quod *totam fere peragravit Italiam, devotissime visitans Sanctorum reliquias, & eis offerens pretiosa donaria*; idque ipsum *in Galliarum partes regressa* praestiterit.

Atqui haec nullatenus conveniunt Mathildi Henrici primi uxori: tum quia Henricus iste sollemni more Imperator coronatus non est: tum quia Mathildis post conjugis obitum reliquum vitae in Saxonia exegit. Neque conveniunt Cunegundi Henrico secundo nuptae: quippe quae in conjugio virginitatem servasse memoratur, & post anniversarium mariti obitum in Confugiensi Monasterio usque ad mortem delituit. Certe haec omnia in unam conspirant Agnetem Augustam, quae Willelmi Comitis Pictavenfis filia, Henrico III Imperatori nupsit; eoque mortuo (quod anno M LVI contigit) totam Italiam devotionis causa perlustravit, maximè Fructuariense Monasterium, atque adeo Casinense, ubi per sex menses demorata est, pretiosis donariis sancto Benedicto oblatis. Eadem verò elogia, quae in superiori Praefatione ipsi tribuuntur, comme-

L ij

morat Petrus Damiani in epistola *Agneti Augusta Imperatrici* directa, à Baronio relata ad annum M L X I I , qua Agneti in Italia tum degenti salutaria monita præscribit Petrus. Eiusdem horiatu Agnes ex Germania , quò per aliquot peregrinationis annos receperat se se, reversa est Romam; ubi supremum vitæ absolvit diem anno M L X X V I I , quo anno Baronius ejus epitaphium refert. Exstat in Bibliothecæ Sebusianæ centuria 2 cap. 77 , ejusdem Imperatricis eximia epistola, Alberto, non Andree, Fructuariensi Abbati directa, cujus fragmentum huic loco illustrando adducere non erit otiosum.

A. Imperatrix & peccatrix A. Patri bono & Fratribus in Fructuario congregatis in nomine Domini, servitutem ancilla, cujus oculi in manibus dominae suæ sunt. Conscientia mea terret me pejus omni larva omniq; imagine. Ideo fugio per Sanctorum loca, quærens latibulum à facie timoris hujus, nec minimum desiderium est mihi veniendi ad vos, de quibus comperi quia vestra intercessio certa salus est: sed nostræ profectioes in manu Dei sunt, & non in nostra voluntate. Interim verò mente adoro ad pedes vestros, &c.

Agnetis varia in Italiam itinera distinguit Baronius: primum, post susceptum quidem velum, anno M L X I I , cui itineri fere triennium insumsit: alterum anno M L X V I , cui sex annos: tertium anno M L X X I I I : quartum denique anno M L X X I V . Itaque libellus

precum, qui ipsi post Italicam peregrinationem, regressumque in Galliarum partes, nuncupatus est, conditus fuit eo temporis intervallo, quod ab anno M LXXI ad M LXXV effluxit.

III.

Ex his intelligimus tempus, quo vixit istius libelli scriptor: de cuius nomine atque dignitate tertio loco agendum est. Utrumque in fine Præfationis, quæ titulo caret, exprimit his verbis: *Ego JOHANNES ultimus servorum Christi, & qui mecum sunt Fratres, beatitudinem tuam salutamus. Ergo hic Johannes Abbas erat, id quod clariùs explicat in gratiarum actionibus, quas Deo refert pro beneficiis acceptis, ubi orat hoc modo: Ego ultimus servorum tuorum, non immemor beneficiorum miserationis tue, quæ mihi peccatori collata sunt, gratias tibi ago, &c. Tu Pastor Pastorum, & rector omnium Christe Deus, qui nullis meis meritis, sed sola dignatione misericordia tue vocasti parvitatem meam ad hoc pastorale officium, &c. . . . Parvulus quippe sum & nullius virtutis homuncio, nihil habens in me quod expeti debeat, & quod dignum sit tanti officii. Idcirco desperans de parvitate mea, non respiro nisi in sola misericordia tua. Et infra: Da mihi celestia & terrena subsidia ad omnem sufficientiam, ut habeam unde gregem tuum possim pascere & sustentare, tam spiritaliter, quàm corporaliter, atque venientes in tuo nomine suscipere absque ulla hesitatione, simulque loca commissâ ordinare, &*

præparare ad quietem & salutem Fratrum, sicut decet & oportet. Certè hæc oratio ejusdem videtur esse auctoris, ac libellus precum.

Ex his colligitur, Johannem libelli conditorem Abbatis dignitate præditum fuisse, cui non unum, sed plura Monasteria *commissa* sint. At quis tandem ille fuerit, cujusve Monasterii Abbas, jam inquirendum,

Duos invenio Johannes Abbates eo tempore clarissimos, & quidem Italos ambos; nempe Johannem Gualbertum Vallumbrosani Ordinis institutorem, cujus nulla scripta invenio; & Johannem Abbatem Fiscamnensem, cui potius quàm alteri præcitatum libellumtribuendum existimo, his adductus conjecturis. Primò siquidem Auctor se idemtidem *homuncionem, homunculum, parvum pusillumque* dicit: Johannes verò Abbas Fiscamnensis statura pusillus erat, ab exilitate corporis *Johannelinus* appellatus. Deinde, non uni, sed pluribus Monasteriis præfectus erat, scilicet Fiscamnensi aliisque Fiscamno subiectis, simulque Abbatix, quæ in loco *Erbrestein* dicto sita. Ad hæc Henrico III is acceptus fuit, ut argumento est præfectura Erbrestensis, quam concedente Henrico in Suevia obtinuit. Hinc illa familiaritatis occasio cum Agnete, quæ ob eam causam Fructuariense Monasterium, utpote à Guillelmo Divionensi Abbate, Johannis institutore conditum, excoluisse videtur. Porro quantæ doctrinæ ac virtutis fuerit, testatur Johannes Chronographus Divionensis Cœnobii, (ubi Monachus fuerat Jo-

hannes Abbas) de eo tum superstitie agens in hunc modum : *Hic Italiâ partibus Ravenna ortus , litteris eruditus , ac medicinali arte per ipſum Patris juffionem edoctus , religioſa converſationis ejus , doctriâ quoque , ac omnium virtutum ipſius præcunâis aliis exſtitit imitator ſtudioſus. Qui ab exilitate JOHANNELINUS diminutivo nomine eſt dictus : ſed humilitatis , ſapientiæ , diſcretionis & ceterarum virtutum tanta in eo refulſit gratia , ut , ſicut ſanctus refert Gregorius in libro Dialogorum de Conſtantio Preſbytero , ita in hoc mirum eſſet intuentibus , in tam parvo corpore gratiæ Dei tanta dona exuberare. Sed quia adhuc domum habitat luteam , ſufficit hoc tantum dixiſſe.*

Hactenus Johannes Chronographus de æquali ac cognomine ſuo Johanne , qui primùm (ut dixi) Monachus in Cœnobio Benigniano , tum Fiſcamni Prior à Willelmo Abbate conſtitutus ; dein eodem cedente Abbas anno MXXVIII , poſt anno MLI in locum demortui Halinardi ſucceſſus in Abbatia , quæ dicitur *Erbſtein* ; tandemque vitâ deceſſit anno MLXXVII , qui annus ab obitu Agnetis Auguſtæ proximus eſt. Hæc conſtant ex duobus Chronicis , Divionenſi ſcilicet ſancti Benigni , & Fiſcamnenſi , editis in Bibliothecæ Labbeanæ tomo primo , ubi etiam in catalogo Abbatum Fiſcamnenſium Johannes , *Dalie* cognominatus , Hieroſolymam proſectus , ibique diu detentus in carcere , poſtmodum ad Monafterium rediiſſe dicitur. Hæc conjecturæ meæ de prioris libelli ſcriptore , cujus alia opuscula nunc inveſtigare neceſſe eſt.

Johannes in superiori Præfatione de quatuor aut quinque Opusculis suis mentionem facit. Primum est de institutione viduæ: 2 de vita & moribus virginum: 3 de eleemosynarum dispensatione: 4, & forsitan etiam 5, de divina contemplatione, & de superna Hierusalem. Triapriora defunt in codice Mettensi, in quo alia reperiuntur, quæ an Johanni tribuenda sint, dispiciendum est.

Quæ in Mettensi codice reperiuntur, alia manu prima, alia secunda descripta sunt. Prima quidem libellus prior Johannis ac posterior cum orationibus subsequenter usque ad duodecimam: quæ, sicut & sequentes, secundaria manu exarata est.

Quæ primi generis sunt, omnia (si Willelmi Abbatis orationem, quæ Auctoris sui nomen præfert in codice, excipias) Johannem auctorem habere mihi videntur: ceteras verò orationes secunda manu scriptas sancto Anselmo tribuo. In his orationibus tres inveniuntur ad sanctam Mariam, quas esse puto eas, de quibus mentionem facit Anselmus ipse in lib. 1. epistola 20 ad Gundulfum. Orationem xvii incipientem ab his verbis, *Terret me vita mea*, memorat tribuitque Anselmo Durandus Abbas in ejusdem libri epistola 61. An verò oratio ad sanctum Johannem Evangelistam eidem Anselmo tribuenda sit, dubium me reddunt hæc verba: *Si agnoscis nomen tuum, rogo te per ipsam dilectionem, agnoscam in tanta necessitate auxilium tuum. Johannes. Johannes.* &c. Ex quibus verbis aliisque consimilibus conjectura est Auctori nomen fuisse Johanui.

Ad Johannem pertinere videntur, ut dixi, non solum libellus prior, cui Johannis auctoris nomen adscriptum est: sed etiam libellus posterior, cum etiam subsequentes orationes usque ad duodecimam, excepta oratione Willielmi Abbatis.

Et quidem libellus posterior *de divina contemplatione* indubitanter Johanni auctori tribuendus est, in cujus fronte hic titulus legitur in codice mss. *Lege & istam aliam orationem, quæ simili modo de divina contemplatione edita est. Nam multa reperiuntur in ista, quæ in illa superiore non sunt.* Idem quippe tractandi modus, idemque ordo in hoc posteriori libello servatur, ac in priori. Posterior enim, uti & prior, dividitur in tres partes, quarum prima est de Divinitate ac Trinitate: altera de Christi Domini humanitate: tertia pars est de Christi amore. In his omnibus ad singulas partes in titulo præscribitur aliquis Psalmus, uti in priori libello. quæ omnia eundem arguunt auctorem.

In Oratione secunda *de vitiis & virtutibus*, quæ libello posteriori subjuncta est, Auctor à Deo postulat mentis puritatem, uti sibi corporis integritatem concesserat *ab ipso pubertatis tempore.* Huc sententias quasdam refert ex oratione sexta, quæ ante Missam dicenda præscribitur, & in consequentibus se se Monachum prodit.

Oratio tertia incipit ab his verbis, *Multa igitur sunt contemplationum genera*, &c. quibus consimilia leguntur in Alcuini Confessione Chiffletiana sub finem partis primæ, & apud Anselmum: at post tres aut quatuor versus nul-

la est cum istis auctoribus convenientia.

Oratio sexta ante Missam dicenda, cujus exordium, *Summe Sacerdos*, nullum auctoris nomen præfert in codice Mettensi. Hanc alii Ambrosio tribuunt, alii Anselmo: mihi verò Johanni tribuenda videtur. Certè ex ea idemtidem sententias adducit Johannes in libello posteriori, in oratione secunda, undecima & in aliis: & apud Anselmum prolixior est ea oratio post illa verba, *in commemoratione tua pro salute nostra*. Nam quæ sequuntur apud Anselmum & in aliis editis libris usque ad hæc, *Peto clementiam tuam, ut descendat super panem & calicem*, &c. apud Johannem desunt, videnturque alterius esse auctoris, qui episcopalem Fidelium curam habuerit. Superiora enim singulari numero, uti & posteriora, profert auctor: hæc verò intermedia in pluralem vertit interpolator, *oramus, rogamus*, &c. Ad hæc pro singulis hominum generibus sibi commissis, pro cunctorum necessitatibus orat, ut Episcopus. Ergo hæc oratio auctorem habet Johannem, aut certè alium ætate superiorem: amplificatorem verò forsitan sanctum Anselmum; ob idque Anselmo à posteris adscripta. Neque verò Anselmo indigna res putanda est, ut Johannis orationem auctiorem fecerit. Non enim eam sibi propterea vindicavit; & ejusmodi orationibus manualibus & quotidianis cuique tamquam suis uti licet, si ve addendo, si ve subtrahendo quod fuerit opportunum. Accedit quòd in ea oratione pleraque alia differunt à codice Johannis, ex qui-

bus duo tantum notare juvat. Primum ad illa verba, ubi legitur in editis, *mundo corde valeam tibi offerre*; Johannis codex habet, *mundo corde cotidie valeam tibi offerre*. Alterum est sub finem orationis, quæ hoc modo desinit in editis: *ad regnum tuum perveniam, ubi non in mysteriis, sicut in hoc tempore agitur, sed facie ad faciem te videbimus, cum tradideris regnum Deo & Patri, &c.* Sic verò apud Johannem: *ad regnum tuum perveniam, ubi facie ad faciem te videbimus. Interim hoc agendum, hoc certè frequentandum commendasti Ecclesiam, quousque venias in fine sæculi, quando erit Sanctorum requies, non adhuc in Sacramento, quo in tempore confortantur membra tua, quamdiu bibitur quod de latere tuo manavit: sed jam in ipsa perfectione salutis æternæ, cum tradideris regnum Deo & Patri, ut in illa perspicua contemplatione tui incommutabilis veritatis, nullis mysteriis egeamus. Tunc enim me de te satiabis, &c.* Ceterum non facile in animum induxerim, Johannem, qui ex antiquis Patribus, maximè ex Augustino, scripta sua derivat, quidquam delibasse ex Anselmo, qui Johanne sene juvenis erat. Quippe Anselmus annorum xxvii factus est Becci Monachus anno M Lx, post biennium Prior in quindecim annos: Abbas dein anno M Lxxvii, qui Johannis Abbatis Fiscamnenfis obitum præcessit. Ex quibus veri similis efficitur, Anselmum quædam à Johanne homine sene mutuatum fuisse, quàm Johannem ex Anselmo juniore. Et quidem Prologus decem Meditationum apud Ansel-

num, ordine tantisper immutato, acceptus est ex Johanne in libelli posterioris parte tertia, uti & caput primum earundem Meditationum ex parte prima ejusdem libelli: tametsi etiam in Alcuini Confessione Chiffletiana reperiuntur. At verò Johannes in locis præcitatis ex hac oratione sexta hinc inde versus interserit, uti solet ex propriis. quod argumento est cum hujus orationis sextæ esse conditorem.

Oratio nona, quæ prolixior, piis affectibus referta est, & multa repetit ex Johannis libello priori; maximè verò hæc verba, quibus se defloratorem probat. *Vnde mihi valde liberi de te loqui, de te audire, de te legere, de te scribere, de te conferre: ut sub dulcem umbram sinceritatis tuæ ingressus, ab hujus sæculi astibus in tui refrigerii temperamento abscondar. Hujus rei gratia umbrosam montem & condensum adscendo, amœna prata perlustro, viridissimas sententiarum herbas legendo carpo, frequentando rumino, exarando congrego, ut suavitatem dulcedinis & caritatis tuæ reponam in alta sede memoria mea. His consimilia scribit Johannes in parte secunda libri prioris. Libet sanè de te loqui, de te audire, de te scribere, de te conferre, de tua beatitudine & gloria cotidie legere, & lecta sæpius sub corde revolvere: ut vel sic possim ab hujus mortalis & peritura vitæ ardoribus, periculis & sudoribus sub tuæ vitalis aura dulce refrigerium transire, & transiens in sinu tuo fessum caput dormiturus vel paululum reclinare. Hujus rei gratia sanctarum scriptu-*

rarum amœna prata ingredior, viridissimas sententiarum herbas exarando carpo, legendo comedo, frequentando rumino, atque congregando tandem in alta memoria sede repono: ut tali modo iua dulcedine degustata, minus istius miserrime vite amaritudines sentiam. Ubi videas auctorem Orationis nonæ ex imitatione prioris libelli hæc verba usurpare, ut se excerptorem & defloratorem probet: at non ita esse verbis libelli prioris addictum, ut ea de verbo studiosè referat. quod argumento est, eundem utriusque esse auctorem, non verò alterutrum hac in parte quasi alieni operis defloratorem: cujus officium est syllabas & verba aliorum ad numerum referre. Eadem observatio etiam aliis orationibus adhibenda est, in quibus simili modo eadem sententiæ ad sensum, quæ in duobus libellis exstant, non semper ad verba studiosè repetuntur.

Oratio undecima in codice Johannis pro gratiarum actione de beneficiis divinis, incipiens ab his verbis, *Spes mea, Christe Deus*, &c. habetur quidem apud Anselmum, estque Alloquium xii. At certè Johanni potius tribuenda est, quàm Anselmo. In ea siquidem auctor gratiam à Deo postulat *loca commissa*, id est Monasteria regendi. (nam Abbas erat quisquis ille fuit, ut ex orationis serie liquiddò colligitur.) At verò Anselmus unum Becense Monasterium, Johannes duo administravit Abbas. Sed cùm fere æquales fuerint Johannes & Anselmus, facili errore quæ alte-

rius erant , nec auctoris præferebant nomen , alteri supponi potuere.

V.

Jam verò si tam priorem Johannis libellum , quàm sequentia opuscula conferamus cum libro Meditationum , qui sub nomine Augustini vulgatus est , eadem in utrisque de verbo repetita inueniemus. Itaque operæ pretium me facturum putavi , cumque harum adnotationum fructum mihi proposui , ut uter auctor ab altero hæc mutuatus sit , aperiā. Atqui in libro Meditationum Augustiniano manifesta apparent plagarii & consarcinatoris indicia. Nimirum hic liber pluribus constat partibus malè cohærentibus & confutis : quæ quidem singulæ præclaræ sunt juxta ac piæ , at simul colligatæ corpus malè contextum compactumque efficiunt. Nam diversa inconcinne in unum congeruntur , quæ apud Johannem rite in partes distributa sunt. Deinde in Meditationibus nonnulla intermiscuntur citra delectum , cum superioribus ac subsequētibz malè cohærentia , quæ Johanni desunt. Ad hæc quæ continua serie apud Johannem leguntur , mediis resectis obtorto collo conjungit consarcinator. Denique exemplaria Meditationum nulla inueniuntur supra Johannis ætatem , sed omnia posteriora.

Liber Meditationum pluribus constat partibus à se se divulsis. Prima pars est à capite 1 ad x , quæ quidem reperitur apud Anselmum , eademque est cum x oratione apud Johannem ,

nonnullis versibus reſectis poſt illa verba, in
ore urguentorum tuorum dulciter, quibus a-
 lia ſubdit codex Johannis, quæ Meditationum
 conſarcinator imperitè detraxit.

Secunda pars Meditationum eſt à capite XII
 (nam XI quatuor dumtaxat verſibus conſtans,
 glorificationem tantum Trinitatis continet)
 uſque ad cap. XXIII, exhibetque duas prior
 partes & primum articulum tertiæ partis
 prioris libelli, quem Johannes Agneti Impe-
 ratrici nuncupavit, excepto hymno *de gloria*
paradiſi, quem conſarcinator poſt caput XXV
 inſeruit.

Tertiam partem Meditationum deſinit ca-
 pite XXXIV, quod idem eſt cum oratione
 IV, quæ in codice Johannis libro poſteriori
 adjuncta eſt.

Quarta pars Meditationum complectitur ca-
 put XXXV cum duobus ſubſequentibus: qui-
 bus reſpondent articuli ſecundus, tertius, quar-
 tus & quintus tertiæ partis libelli prioris a-
 pud Johannem, exceptis ſine articuli quarti
 ab his verbis, *Dormiat memoria mea*; & ini-
 tio ſequentis, quæ Meditationum conſarcina-
 tor reſecuit.

Quinta pars Meditationum conſtat capite
 XXXVII, eſtque oratio octava in codice Jo-
 hannis.

Sexta pars continet capita XXXIX & XL
 Meditationum, quæ deſunt apud Johannem,
 præter verſus non paucos capitis XL, quibus
 conſimiles leguntur in Johannis oratione ſe-
 cunda.

Denique septima pars complectitur caput
xli Meditationum, estque eadem cum Met-
tensis codicis oratione xv, quæ Anselmo in
libris editis tribuitur.

Ex hac collatione manifestè conficitur id,
quod hætenus demonstrandum suscepì, scili-
cet Meditationum collectorem ex variis Johan-
nis opusculis unum corpus Meditationum com-
pegisse, exceptis uno & altero capitulis; ac
proinde Johanne esse posteriorem Itaque sic
res processisse videtur. Johannes ex Patribus,
maximè ex Augustino & Alcuino, sententias
decerpendo, libellos precum duos aliasque
orationes composuit. Hæc ut ad manum ha-
beret, continua serie malè digesta in unum
collegit aliquis confarcinator. quæ collectio,
quia Augustini genium sententiasque refere-
bat, Augustino à posteris adscripta est. Qua in
re nescio quo fato id Johanni accidit, quod
ne accideret studiosè præcaverat in Præfatione
libri prioris, Agnet in Augustam obtestatus,
uti daret operam, ne quis librariorum scri-
pta sua viciaret, sive aliquid addendo, seu sub-
trahendo, aut immutando. quæ nihilo minus
omnia passus est à Meditationum compilatore.

At quis tandem ille compilator? certè non
facile est definire. Lovaniensium censura hæc
est: *Aut est, vel beatus Augustinus, vel qui
ejus libros non indiligenter legit.* Atqui jam su-
perius demonstravi, hanc collectionem fere in-
tegram conflatam esse ex opusculis Johannis
Abbatis, qui Augustini sententiis identidem
usus

usus est. Non ergo Augustinus harum Meditationum auctor : sed aliquis alius Johanne posterior. Anselmo eam tribuit Theophilus Rainaudus, hæc adductus ratione, quod nonnulla ex Anselmi genuinis libris desumpta sint. Verum nequæ hæc ratio id evincit, neque tam Anselmi, quàm Johannis Abbatis scriptis constat hæc collectio. Neque sanè crediderim, Anselmum, hominem tantum, ex meris auctorum æqualium plagiis libros consarcinasse, qui ex propriis ingenii sui fontibus propria condere natus erat : aut, si id tentasset, tam malè rem exsecuturum fuisse. Quisquis verò collector ille sit, ceriè Monachus fuit. cujus rei argumentum est, quod in cap. v. i Meditationum, ubi Johannes habet *cum veris & perfectis servis tuis*, collector reposuit, *cum veris & perfectis Monachis, quorum vestigia imitari nequeo*, &c.

Ceterum si quis has Meditationes & auctiores & emendatiores, atque adeo meliiori ordine digestas habere voluerit ; consulat codicem Mettensem, in quo habentur opuscula Johannis Abbatis (ut quidem puto) Fiscamensis, ejus epistolas tres inferiùs referam.

Nunc, quoniam tum in opusculis Johannis, tum in Meditationibus Augustinianis reperiuntur permulta, quæ itidem exstant in Confessione fidei, sub Alcuini nomine non ita pridem vulgata, juvat exponere hoc loco, quæ ipsi Confessionis illustrandæ assequi mihi licuit.

DE CONFESSIO FIDEI,

SUB ALCUINI NOMINE NUPER EDITA,

id est

De ejus antiquitate & Auctore,

DISQUISITIO.

ANNO M DC LVI Petrus Franciscus Chifflerius Societatis JESU, vir doctus, Divione typis mandavit Scriptorum veterum de Fide catholica opuscula quinque, in quibus primum locum tenet ALCUINI CONFESSIO FIDEI SUÆ. In hoc opere Auctor scriptis tradit, quid sentiat de Deo uno & trino, de Incarnatione, ac de Sacramentis, deque aliis Religionis nostræ principiis; & maximè quidem de Eucharistia, ubi Fidem Ecclesiæ catholicæ clarissimè explicat.

Ex hoc opere fragmentum de Eucharistia excerptit qui officium sanctissimi Sacramenti adornavit anno M DC LIX, idque Alcuini nomine prætitulavit: sed tamen in Notis suis varias protulit conjecturas, quibus sincerè confiteretur moveri se, ut ne opus istud Alcuino constanter adscribat.

Hanc dubitationem pro vera atque indubitata sententia exceperunt Calvinistæ: quos in-

ter Johannes Dallæus Dissertatione singulari probare conatus est, hanc Confessionem non esse Alcuini, sed alterius Auctoris sancto Anselmo posterioris. quæ Dissertatio posthuma hoc ipso anno Rotomagi prodit in lucem.

Lectis argumentis quæ eum in Notationibus prædictis, tum in Dallæi Dissertatione ea de re proferuntur; visum est mihi ea omnia facili negotio dilui ac revinci posse, nimirum sola inspectione veteris codicis, qui Chiffletio usui fuit: siquidem eum Alcuini ætate (ut ipse Chiffletius censet) manu exaratum, adeoque ipsius Alcuini nomine primitus insignitum fuisse constet. Quapropter quia Confessio ista magni momenti est ad illustrandas Eucharistiæ controversias, dedi operam, ut prædictum codicem nancisci & inspicere mihi liceret: tandemque diligentia R. P. Domni Claudii *Bretagne*, in Divionensi sancti Benigni Cœnobio Prioris, repertus est in insigni Bibliotheca Illustrissimi Boërii, in supremo Senatu Divionensi Præsidis, qui præclarum hoc antiquitatis *καύχημα* nobis liberaliter commodavit.

Accepto hoc exemplari, ac diligenter inspecto, quatuor adverti mihi penitus conspicua atque probata. Primum est, titulum seu inscriptionem operis, tum in primo folio vacuo, tum in fronte libri, sic se habere: **ALBINI CONFESSIO FIDEL**. Alterum, hunc titulum recentiori manu & atramento suppositum fuisse in locum alterius, qui minio descriptus erat, uti vestigia relicta testantur. Ter-

tium, hujus codicis scripturam accedere ad ævum Caroli Magni, neque sæculo nono posterio-rem videri; eamque per totum opus æqualem esse, præter duodecim extremos versus, qui dilutiori atramento exarati sunt. Quartum, Chifletii editionem optimè cum exemplari convenire, si minuta quædam errata excipias, quæ in typographica opera cadere necesse est. Hic satis mihi fuerit agere de titulo, ac de antiquitate operis, quæ duo potissimum in controversiam veniunt. Antiquitatem primum expedio, de Auctoris nomine posteriori loco dicturus.

I.

Eam probat in primis characterum elegantia, qualis Caroli Magni ævo recepta erat: tum scripturæ forma scribendique modus, quod utrumque sæculum nonum sapit. Hoc argumentum tametsi unum sufficiat ad demonstrandam istius operis antiquitatem; id tamen habet incommodi, quod eo non æquè moveantur omnes. Cùm enim non ex communi sensu aut ex ratione, sed ex oculorum judicio & librorum antiquorum usu atque scientia pendeat; fit ut ei fidem ægre accommodent, si ve rei antiquariæ periti, si codicem non viderint; si ve qui in ejusmodi rebus versati non sunt, etiamsi viderint. Cui duplici incommodo ut occurram, unis codicem Boërianum, qui modò penes nos est, intuentum & examinandum offero: alteris exhibeo peritorum virorum testimonium, qui de ipsius codicis antiquitate suffragium tu-

lere: quatenus illi credant oculis suis; hi gravissimorum virorum auctoritati acquiescant. Nam unicuique in sua arte credendum esse facile concedent æqui rerum æstimatores, quibus solis hæc scribo. Utrisque verò insuper hîc appono quasdam conjecturas probabilesque rationes, quibus ejusdem operis antiquitas magis magisque illustrari possit.

Nimirum istius Opusculi scriptor vivebat longè ante Scholasticorum ætatem, ut probant quædam ipsius sententiæ non satis pro Scholasticorum captu accuratæ. qualis est in partis primæ cap. 2 in hæc verba: *Rogo Patrem per Filium, rogo Filium per Patrem, rogo Spiritum-sanctum per Patrem & Filium.* quod nemo Scholasticorum ætate dixisset. Tum quòd *ὁμοῦς* vertit *coessentialis*. Scholastici dixissent *consubstantialis*.

Deinde si vixisset auctor post exortam Berengarii hæresim, cavisset procul dubio ab his erroribus, quos Berengariani propugnabant: ex quibus nonnulli asseriebant, panis & vini partem in carnem & sanguinem Domini transmutari propter dignos; partem verò propter indignos immutabilem retineri, restantibus Guitmundo in lib. 3 de Eucharistiæ sacramento, & Algero in lib. 1 cap. 21. Cùm ergo Confessionis auctor (quod etiam Calvinistæ confitentur) eam professus sit de Eucharistia Fidem, quam hodie nos Catholici sequimur; multum abhorruisset ab ea doctrina, quæ in Berengarianis nonnullis damnata est: ac proinde

de temperasset hæc verba, quæ habentur in Confessionis parte 4 cap. 7. *Tanta est virtus hujus sacrificii, ut solis iustis, [non] peccatoribus, corpus sit & sanguis Christi.* Quæ verba argumento sunt, Auctorem ante hos Berengarii errores floruisse, tametsi alio in loco mentem suam rectè explicat.

Ad hæc, Johannes Abbas in libello precum, quem in gratiam Agnetis Augustæ vivente Berengario condidit, & ex Patrum sententiis defloravit; quamplura multorum versuum fragmenta refert ex Chiffletiana Confessione. Unum superius protuli ex eo libello, quod fragmentum Johannes ex fine primæ & initio secundæ partis Confessionis istius defloravit, ut in consequentibus ampliùs declarabo. Atqui non Confessionis Auctor ex Johanne, sed Johannes ex Confessione hæc mutuatus est: tum quia Johannes omnes libelli sui sententias derivat ex Patribus, sicut ipse profitetur: tum quia Boërianus codex superat Johannis ætatem, & quidem annis bene ducentis.

Denique antiquitatem prædictæ Confessionis adstruunt sententiæ seu dogmata quædam, quæ nonnisi sæculo 1x ventilata sunt. Nimirum Auctor censet in parte 3 cap. 28, Catechumenos, si ante baptismum decesserint, non pervenire ad vitam æternam. Confessionis Chiffletianæ hæc verba sunt: *Nullum quidem Catechumenum, quamvis in bonis operibus defunctum, vitam æternam habere dicimus, exce-*

pto martyrio, ubi tota baptismi sacramenta complentur. Sanguine enim, vel igne, vel pœnis aliis baptizantur Confessores. Eandem verò sententiam iisdem omnino verbis asseruit HRabanus in lib. 4 de Universo cap. 10, quam ex Alcuino præceptore suo accepisse non immeritò videri possit.

Item ad ævum Caroli Magni pertinet controversia de duplici prædestinatione, una ad gloriam, altera ad pœnam: quo ex dogmate adversarii consequi affirmabant, ut homines ad malum seu peccatum à Deo prædestinarentur. Nascentem hujus erroris opinionem designare videtur Chiffletiana Confessio in loco mox citato his verbis: *Aliquos verò ad malum divina potestate prædestinatos esse, non solum non credo; sed etiam, si sunt qui tantum mali credere velint, cum omni detestatione anathema illis dico.* Hujus controversiæ fomitem primus excitavit Mingentius quidam in Hispania, tum Egila ipsius discipulus, regnante Carolo Magno, Alcuino vivente. Testis Hadrianus Papa in duabus epistolis, una *Egila Episcopo, seu Johanni Presbytero*; altera *omnibus Orthodoxis Episcopis per Spaniam commorantibus* directa. in quarum priori hæc leguntur: *Illud autem quod alii ex ipsis dicunt, quòd prædestinatio ad vitam, sive ad mortem in Dei sit potestate. Alii iterum dicunt: Vt quid rogamus Deum, ne vincamur tentatione, quod in nostra est potestate, quasi libertate arbitrii?* Eadem verba leguntur in posteriori epistola, sed cum additamento in hunc modum:

M iiij.

*Illud quod alii ex ipsis dicunt , quòd prædestinatio ad vitam sive ad mortem in Dei sit potestate , & non in nostra. Isti dicunt : Ut quid conamur vivere , quod in Dei sit potestate ? Alii iterum dicunt : Ut quid rogamus Deum , ne vincamur tentatione , quod in nostra est potestate , quasi libertate arbitrii ? Hinc patet apud Hispanos tum fuisse duas factionum partes , aliis statuentibus duplicem prædestinationem , negantibus aliis : aliis item bonos & malos mores in humana libertate citra auxilium Dei respondentibus : aliis non in nostra , sed in Dei prædestinantis potestate , sive ita sentirent nonnulli , sive ita sentire crederentur. Certè Hadriano Papæ hoc persuasum fuisse , scilicet esse nonnullos qui dicerent , homines à Deo prædestinari in malum ; non solum ex superioribus verbis conficitur , sed etiam ex antidoto quod opponit Hadrianus , adducta sancti Fulgentii auctoritate in hæc verba : *Adverte quibus impietatis se nexibus ligant. si ad bonum prædestinatus sum , contra malum resistere necesse mihi non erit : si verò ad malum natus , bonum mihi exercere nihil proderit.* Eadem fere controversia quinquaginta post annis recruduit occasione Gothescalci : sed ab eo tempore penitus extincta est. Ergo Confessionis Chiffletianæ scriptor vivebat tempore vel Hadriani Papæ , vel certè Gothescalci , sanè potiùs tempore Hadriani : cum Boërianus codex , qui autographus non est , ad Caroli Magni tempus proximè accedat.*

Quæ hæcenus dixi, manifestè, ni fallor, istius operis antiquitatem demonstrant: nunc jam de titulo agendum est.

I I.

Nomen auctoris vetus codex Boërianus præfert in hunc modum: *ALBINI CONFESSIO FIDEI*. Qui titulus, tum initio codicis in folio vacuo, tum in fronte operis præfixus est. Posteriores tantum expendo, eo quòd prius altero scriptus videatur: alter verò ad posterioris imitationem & fidem efformatus. Hic ergo titulus in fronte operis recentiori manu & atramento, ut jam dixi, substitutus est in locum alterius, qui minio scriptus erat. At quis ejus rei auctor, quove tempore id factum sit, non facile est divinare.

Hac de re litteris pulsatus à me Chiffletius, qui in editionem suam hoc exemplari usus est, respondit se ante annos quinquaginta inventum codicem à Lugdunensi Bibliopola comparasse, ac bona fide & titulum & contextum operis, prout in eo codice habebantur, in editos libros retulisse. Sanè omnem doli mali aut fraudis suspensionem à religioso viro, optimè de republica literaria merito, amoliri par est. Nam quod pro *Albini* substituit *Alcuini*, nihil interest ad personam, quæ binominis fuit. siquidem patrio nomine *Alchwinus*, Latino & adsciticio *Albinus Flaccus* dictus est. Immo verò hoc facit ad removendam suspensionem. Si enim Editor titulum supposuisset, eandem utrobique supposuisset inscriptionem. Fuerit

ergo aliquis alius, qui incerto tempore recentiorum titulum veteri libro præfixit. quod non mala fide, sed ex æquo bonoque factum existimare licet. Nam cur in hac re mentitus sit quisquam, nulla causa fingi potest. Ergo id fecisse videtur, quicumque est ille, ad fidem alicujus veteris codicis, aut fortè ipsiusmet exemplaris, cujus fugientes litteras novo atramento restituerit. At sive hoc, sive alio modo id commissum sit, (quod certè commissum nollem) multa sunt in ea Confessione, quæ ad opus istud Alcuino tribuendum inducant. Supponamus enim nullum operi præfixum titulum. sanè probata ejus antiquitate, nullum Caroli Magni tempore auctorem invenio, quàm Alcuinum, cui hæc Confessio meritò adscribi possit. In eum siquidem apprimè conveniunt indicia omnia, quæ de auctore in ipsa Confessione leguntur.

In primis Auctor Deum precatur, ut *necessariis famulantium obsequiis, & impensâ à Fratribus reverentiâ* numquam extollatur. Quod quidem apprimè competit Alcuino, cui Elipandus Toletanus Episcopus exprobravit, quòd *viginti millia servorum* haberet: nec Alcuinus ipse diffiteretur in responsione ad Elipandum.

Deinde pag. 130 ingemiscit, quòd amiserit *locum dilectæ solitudinis, amicum maroris, quietis & penitudinis*, quem ab ineunte ætate semper dilexerat. Idcirco, inquit, *in angustia & marore multo posita est anima mea, tuum super*

se ignorans iudicium : quia secretum solita quietis & opportuna ad te vacationis , quod semel incautus amisi , denuo invenire non potui . Hoc autem opus adhuc , suspiro & quero ; sed prapedientibus peccatis meis reperire non valeo .

Eandem animi sui agitationem exprimit Alcuinus pluribus in locis , maximè verò in epistola 23 , in qua hæc verba : *Fere ante hoc quinquennium occupationes , Deum testor , non ficto corde declinare cogitavi , sed vestra pia providentia consilio translatus sum in servitium sancti Martini , Fidei Catholica & ecclesiastica sanctiõni , donante Deo , proficuum . Non recessit tamen de corde meo prioris voluntatis affectus , sicut transacto anno vestra pietati jam prædixi .* Hæc ad Carolum : cui aliam scripsit epistolam , nimirum 17 , de eodem argumento . Voti compos factus , alias misit litteras ad Fratres in Gothiæ partibus Deo servientes : *Ego verò , ait , sæculi tempestatibus turbatus , casso multis in locis labore desudavi : sed modò quasi naufragus Deo miserante ad portum dejectus [sum] quietis .*

Postremò easdem passim sententias eademque verba reperias in hac Confessione , quæ in genuino ipsius Alcuini libro de Fide sanctæ Trinitatis . Confessionem controversam orditur Auctor ab his verbis : *Adesto mihi verum lumen , Deus Pater omnipotens ; adesto mihi verum lumen de lumine , &c .* Eadem omnino verba habet Alcuinus in invocatione ad sanctissimam Trinitatem in operum suorum columna 756 . Mitto alia ejusmodi quamplura .

His adde antiquitatem operis superius assertam: quod cum Caroli Magni tempore conditum sit, nulli potius, quam Alcuino, ut jam dixi, assignari potest. Id. verò amplius elucefcet ex solutione argumentorum, quæ tum adversus operis antiquitatem, tum adversus Alcuinum adducuntur.

I I I.

Primum argumentum in Notis ad officium sanctissimi Sacramenti num. 70 proponitur in hunc fere modum. Hæc Confessio maxima ex parte desumpta est ex Pelagii Confessione Fidei, & ex libro Gennadii de Dogmatibus ecclesiasticis, tamen loca illa quæ Pelagianam aut Semipelagianam doctrinam sapiunt, correctæ deprehenduntur. Deinde priores duæ partes præclaræ sunt & piæ: at tertia pars non cohæret cum duabus prioribus, ex quibus multa repetit ad verbum, quod in uno eodemque opere nullus auctor fecerit. Huc fere conjecturæ illius Anonymi rediguntur, qui nihilominus fatetur stilum istius Confessionis accedere ad stilum Alcuini, atque ejus conditorem vixisse ante Scholasticorum ætatem, ac proinde nihil certi ex his conjecturis confici posse.

Et si hæc Anonymi confessio fere sufficiat ad solvendas conjecturas quas adduxit; nonnulla tamen reponere juvat ad ampliorem veritatis confirmationem.

Primo nullus moveri debet, quod Confessionis auctor usus sit Confessione Pelagii. Si-

quidem tempore Alcuini pro vero sancti Hieronymi fetu agnoscebatur. Id patet tum ex libri 3 Carolini cap. 1, ubi hæc Confessio sub nomine Hieronymi adducitur; tum ex mss. codice Cæsareæ Bibliothecæ, qui codex Psalmos & Cantica variasque Confessiones complectens, jussu Caroli Magni à Dagulfo Notario scriptus, atque Hadriano Papæ oblatuſ est, testante Lambecio in Cæsareæ Bibliothecæ tomo 2, continetque inter alia ipsissimam Pelagii Confessionem cum hoc titulo: CONFESSIO FIDEI CATHOLICÆ SANCTI HIERONYMI. tum subsequitur Confessio in hæc verba: *Credimus in Deum Patrem omnipotentem creatorum visibilem & invisibilem conditorem, &c.* quæ ipsissima est Pelagii Confessio. Nemini itaque mirum esse debet, si Pelagii Confessionem transcripserit in suam Alcuinus, qui eam reputabat esse Hieronymi, quem in suis scriptis passim transcribere solet.

Neque mirum, quod etiam usus est testimonio libri de Dogmatibus ecclesiasticis, quem Gennadii Massiliensis, hominis Semipelagiani, fetum esse nunc constat apud eruditos. tum quia liber iste olim sancto Augustino suppositus est, relatusque à posteris in ejus operum appendicem: tum quia ante annos octingentos cum honorifica auctoris præfatione laudatus est etiam ab his, qui ejus parentem Gennadium agnoscebant. Hujus rei luculentus testis est Hadrianus Papa primus, Alcuini æqualis, in epistola ad Carolum Magnum de cultu sancta-

rum Imaginum: cui probando inter alias Patrum auctoritates etiam Gennadii sententiam adducit his verbis: *In sacris prædictis Conciliis prædecessorum meorum sanctissimorum Pontificum hæc oblata sunt testimonia. id est sancti Gennadii Massiliensis Episcopi, qualiter veneranda sint corpora vel reliquia Sanctorum capitulo 40.*

- » *Sacrorum corpora, & præcipuè beatorum Martyrum reliquias, ac si Christi membra sincerissimè*
 » *honoranda, &c.* quæ Gennadii verba habentur in ejus vulgato libro de Dogmatibus ecclesiasticis cap. 73. Ubi vides, non tantum Gennadium, sed etiam ejus librum de Dogmatibus ecclesiasticis ab Hadriano laudatum: nec proinde mirum esse, quod ab Alcuino in Confessione sua & liber & auctor itidem lauderetur; neque inde sumi posse argumentum, ut hæc Confessio detrahatur Alcuino, immo potius ut ipsi asseratur. Nam post controversias Gothescalci occasione exortas jam tum demum suspectus, ac Semipelagianorum errore infectus, probatus est iste Gennadii libellus, ut patet ex Flori & Ecclesiæ Lugdunensis scriptis in causa Prædestinationis. Cum ergo tam Gennadii libellum, quam Gennadium ipsum magni faciat Confessionis Chiffletianæ scriptor; inde consequens est, ut is ante Gothescalci controversias vixerit.

Neque obstat quòd tertia pars istius Confessionis, cum duabus prioribus non satis coherere dicatur, & ex illis nonnulla repetat. Nam in codice Boëriano duæ posteriores par-

res eadem manu, qua priores duæ, descriptæ sunt: & repetitio hæc non nisi recapitulatio præmissorum est.

II. Alterum objectum, quod ex Dallæanis primum est, inde petitur, quod in Chiffletiana Confessione multa de verbo excerpuntur tum ex tractatu de Speculo, qui inter notha Augustini opera relatus est; tum ex libro Meditationum eidem Augustino perperam adscripto: quod utrumque opus recentiorum esse temporum Dallæus contendit. Et Speculi quidém tractatum Meditationibus posteriorem esse; Meditationum verò librum confarcinatum post sanctum Anselmum, ex cujus variis opusculis fere conflatus est.

Concedo hosce duos libros, id est Speculi & Meditationum, sancto Anselmo posteriores esse. At inde antiquitatis prærogativam sibi vindicat Confessio Chiffletiana: cùm codex Boërianus annis minimùm ducentis ante Anselmum exaratus sit, uti superiùs demonstravi. Et quidem Meditationum librum ex Johannis Abbatis Opusculis fere totum constare paullo antè probatum est. Ad Speculum quod attinet, si quis rem propiùs consideret, ex Chiffletiana Confessione desumptum sine dubio videbitur. Cùm enim hic tractatus Confessionis Christianæ specimen promittat, solamque de Trinitate Fidem complectatur; imperfectum sanè opus est, si à Confessionis secunda parte, quæ de Incarnatione agit, divellatur. Hinc consequens est, ut potiùs Speculum ex Confessio-

ne, tamquam imperfectum opus ex perfecto, quam Confessio ex Speculo, derivatum dicatur. Ad hæc Johannes Abbas libellum precum oritur à duplici fragmento, quorum unum est in fine partis primæ Confessionis, (itidemque in fine Speculi Augustiniani;) alteram initio secundæ, iterumque fusiùs in cap. 10 quartæ partis. Posterius fragmentum decerpfit ex Confessione, ac proinde prius, non ex Speculo. Denique qui de Speculi tractatu supersunt codices mss. recentiores sunt omnes. Nec mirum, cum post Anselmum seorsim editus sit tractatus ipse, uti etiam Dallæus confitetur. At Confessionis Boërianum exemplar Caroli Magni tempore in membranis descriptum, fontem indicat, ex quo Speculum, tamquam rivus, manavit.

III. Aliud opponit Dallæus, nimirum in vulgaris Alcuini operum indicibus nullam fieri mentionem de Chiffletiana Confessione. Namque quos indices Chiffletius huc adducit, de alia Confessione Alcuini esse interpretandos, quæ ab iisdem verbis incipiat, ac Chiffletiana.

Ita sit vero: sed quis nesciat, quàm manca & mutili sint veterum Scriptorum catalogi, quamvis ab auctoribus æqualibus ordinati. Opera sancti Augustini in numerum retulit Possidius, Anselmi Eadmerus, Bernardi Abbatis Clarævallensis Gaufridus; omnes Auctoribus ætate pares. Et tamen indices isti quàm in multis deficiant, jam dudum eruditus viris persuasum est.

iv. At, inquit Dallæus, scriptor Chiffletianus Alcuinum sæpius expilat, quod non commisisset Alcuinus. Non enim solent Florilegi vel Defloratores ex suis ipsi libris, sed ex alienis, ea decerpere quæ litteris mandant.

Immo verò hoc maximè arguit non alium esse auctorem hunc, quàm Alcuinum; ut qui pressius & suis ipsius verbis & sententiis inhæreat. Nam si Dallæi argumentatio valeret; Tertulliano abjudicandus esset liber ad Nationes, qui totus ex ejusdem Apologiæ (si tamen alius) verbis & rationibus constat. Quod etiam de Augustini nonnullis, aliisque aliorum Auctorum operibus dicendum est.

Sed video Dallæum incumbere in nomen Florilegi seu Defloratoris. Verùm nego Confessorem (sic loqui mihi liceat) merum esse Florilegum seu Defloratorem, cum propria verba propriasque sententias fusiùs alienis intermiscet. Opus quidem suum *Defloratiunculam* vocat: at hoc vocabulo præ modestia usus est, rationem habens non tam eorum quos seligit auctorum, quàm argumenti quod delibet, qui sanè loquendi modus hoc in sensu hætenus familiaris est.

v. Quod subdit Dallæus, levioris est momenti, uti ipse fatetur, nimirum quæ habet vulgata Confessio in part. 4 cap. 7 initio de panis & calicis oblatione, desumpta esse ex libro de divinis officiis Alcuino perperam adscripto. Cur enim potius hæc à prædicto libro decer-

Veterum Analect. Tom. I. N

plisse dicatur Confessionis scriptor, quàm libri confarcinator ex Confessione, nulla causa probabilis adduci potest.

v. i. Præterea prædictam Confessionem vexat Disceptator hoc argumento, quòd apud Chiffletianum Alcuinum occurrant nonnulla, quæ à veri Alcuini sententiis discedant. Quippe ille, ubi de eo cælo philosophatur, quòd Moses in principio creatum à Deo fuisse cum terra dicit; duas quidem profert sententias, quas verus Alcuinus itidem adducit: sed eam præfert, quam Alcuinus ipse secundo tantùm loco, uno atque altero verbo indicare satis habuit, aliâ fusiùs expositâ.

Verùm & id argumento est utrumque unum & eundem esse auctorem, quòd easdem uterque refert sententias. Quòd verò Auctor in Confessione unam alteri præfert, cùm Alcuinus utramque reliquisset in medio; id ipsi contrigit, quòd aliis auctoribus sæpenumero contingere videmus, cùm aliquod argumentum retractant. Fit enim ut cùm ante accuratum rei propositæ examen in diversas fluctuassent partes; postea re maturiùs expensâ, unam præ altera sententiam amplectantur, immo aliquando contrariam. Atqui Alcuinus in Interrogationibus super Genesim leviter tantùm propositas difficultates enodat, & maximè quidem istam, quam Confessionis Auctor accuratiùs pèrpendit.

v. ii. Subsequens oppositum continet communem locum à Calvinistis centies recanta-

rum. Fatetur nempe Dallæus vulgatæ Confessionis verba, ubi de Eucharistia tractat, valde ad catholicam Fidem accedere; *immo vix posse* (quæ Dallæi ipsissima verba sunt) *verè quidem ac sincerè aliter nisi ex ea explicari.* Sed hinc validum argumentum sumere sibi videtur, hunc Chiffletianum hominem planè aliū esse à vero Alcuino, qui Christi corpus in terris toto hoc quod decurrit sæculo præsens haberi negat. Huc Alcuini verba torquet ex Commentario in Johannem lib. 5 cap. 28, ubi Alcuinus exponens hæc verba, *Pauperes semper habetis vobiscum, me autem non semper habebitis;* demonstrat non esse culpandos eos, qui ei inter homines conversanti de facultatibus suis ministrarent: *cum tam parvo tempore ipse apud Ecclesiam CORPORALITER mansurus, pauperes autem quibus elemosyna fieri posset, in ea semper essent habendi.* Hic vim facit Dallæus in voce CORPORALITER, quam majoribus litteris exhibet. quasi verò nos jam Catholici omnes id ipsum quod profert Alcuinus, palàm non profiteamur, confitentes Christum Dominum, secundum externam speciem & conversationem in terris esse desiisse; tamen si verè in Eucharistia sub panis & vini specie residere credamus.

Quod de accidentibus subdit Dallæus, nimirum ex veri Alcuini mente ea necesse esse in qualibet substantia; refellere otiosum est: cum istic agat Alcuinus de naturali rerum statu; omnia verò in Eucharistia præternaturam sint:

¶ III. Ad hæc minutias complures congerit Dallæus. in primis, quod Confessionis scriptor *Patrem* Ambrosium, *Patrem* Gregorium dicat: quos Alcuinus *sanctos* aut *beatos* more veterum dicit; & alia hujus momenti nonnulla, quibus si immorer, nimius sim.

Miror verò quòd ex tam levi causa vir doctus argumentum desumat. Si enim ex eo quòd Confessionis Auctor *Patrem* Ambrosium, *Patrem* Gregorium vocet, alius dicendus est ab Alcuino, qui *beatos* appellat; conficiat etiam necesse est Auctorem à seipso diversum esse, cum initio partis quartæ *beatum* Gregorium commemoret. Sed hæc jejuna & exilia sunt: at illud, quod longè gravissimum putat Dallæus, videamus.

IX. Quippe objicit nonnulla in prædicta Confessione contineri, quæ ab Alcuini temporibus aliena sunt: quale est illud quod ejus Auctor de suo sæculo, velut infelicissimo, flebiliter conqueritur, ac pæne tragicè exclamat: *O infelicia tempora nostra*, inquit, *que nec Deum timent, nec vim sacrorum Canonum reverentur! Nullus modo sacrilegus vel criminofus, ne ad sacri Ordinis officium accedat, inhibetur.* Tum mox: *Heu miser ego! qualia tempora mihi contigit videre.* Hæc, inquit Dallæus, à Carolinorum temporum felicitate abhorrent, quibus se natum non dubito, quin Alcuinus sibi gratulatus sit; nedum ut ingratus, tamque optimo Principi ac Mæcenati suo invidiosas voces chartis suis umquam illeverit.

En gravissimum illud argumentum, cujus pondere pressus Alcuinus, jure suo cadat necesse est, si Dallæo credimus. Verum hoc levissimum esse quivis facile concedet, qui naturæ humanæ corruptum statum attenderit. Quantumvis enim aurea Caroli Magni tempora fuerint, quàm multa nihilo minùs vitia grassata sunt, quæ pio cuique justî doloris materiam præbere possint. Quis enim felicior umquam morum status fuit, quàm in primitiva Ecclesia? Et tamen quanta flagitia in primis illis Christianis carpit Paulus? quanta alii istius ævi auctores? Age verò, videamus an germanus Alcuinus in sinceris scriptis suis Carolicæ ævum ab omni labe immune fuisse crediderit. Immo verò longè contrarium docet in epistola vi ad ipsum Carolum scripta. *Vidimus, inquit, aliquibus in locis altaria Dei absque tecto, avium stercoribus, vel canum mictu fœdarta. Quod faciliè vestra veneranda in Deum voluntas per Episcopos emendare valeat, ut cum honore condigno maneat mensa Domini in loco suo, vel portetur in ecclesiam majorem, secundum sanctam Sacerdotum Dei providentiam. Et honorificè tractetur, seu altare Christi, seu consecratio corporis & sanguinis illius, & præcipuum nostræ salutis sacramentum omni veneratione consecratur, habeatur & custodiatur. Quid censes, Dallæe? negabisne hæc à vero Alcuino dicta? Non ita comparatus es ut id committas. An hæc leviora putas? neque id tibi veniet in mentem. Tamen enim de Eucharistia non catho-*

licè sentias; ramen altaria & templa religioſè tractanda eſſe ultro ipſe fateberis; & qui eò uſque proceſſerit, ut ea impluvio, ne dicam avium ſtercoribus, vel canum mictui obnoxia reliquerit, violatâ religionis reum eſſe. Atqui id perpetrabatur non uno in loco impune aureo illo ſæculo, regnante ſcilicet Carolo Magno.

Sed ne fortè id unum fuiſſe reponas, quod reprehenderet Alcuinus; audi non jam unum, ſed *plurima* quæ aureo illo ſæculo emendanda eidem Imperatori ſignificat in Carmine 271, ita Carolum affatus.

*Plurima nempe tibi ſunt emendanda per orbem,
O Rex, o rector, o decus Eccleſiæ.*

*Simoniaca quidem pululat malè peſtis in orbe,
Muneribus dantur myſtica dona Dei.*

*Quæ Deus æternus cunctis impendere gratis,
Juſſerat, ut gratiæ accipit ipſe dator.*

*Stat quoque judicium cauſæ ſub munere dantis,
Sportula juſtitiam vertit in ore ſenis.*

*Muneribusque datis veniunt ad pocula teſtes,
Impia tum purgat ebrietasque reum.*

*Opprimis & miſeros quorundam ſæva poteſtas,
Impleat ut ſæcos dives ab ore ſuos.*

*Impune diſcunt facientes furta latrones,
Piores ſcelorum ſunt etiam ſocii.*

*Talia compeſcat tua, Rex, veneranda poteſtas,
Rectorem regni te Deus inſtituit.*

I nunc, & ingratum Alcuinum aſſere ſi po-

tes, qui *optimo suo Principi & Mecenati tam invidiosas voces* ingerere non veritus sit, nedum *charis suis illinere*; aut si non audes, fatere tandem aliquando non esse alienum à vero Alcuino, quòd memoratæ Confessionis scriptor in sæculi sui vitia exclamando invehitur. Plura hac de re lege sis apud Theodulfum Aurelianensem Episcopum in Parænesi ad iudices.

x. Aliud ex vulgata Confessione opponit Dallæus, quod Alcuini sæculo repugnare contendit: nempe hoc quod de Judæis legitur in part. 2 cap. 3: *Quibus etiam nec adv: narum ju-
re terram patriam saltem vestigio salutare conce-
ditur.* Quæ verba sic commentatur Dallæus: Si vel Hadriani, vel Constantini, & Christianorum Principum, qui ei in Oriente tribus quatuorve sæculis successerunt, vel Latinorum denique qui Judæam anno M c armis quæsitam aliquamdiu tenuerunt, temporibus vixit, veri speciem habet oratio: ab Alcuini verò sæculo aliena est, quo Saraceni in omni Judæa imperitabant.

Quid sibi velit hoc commentario Dallæus, non capio. Si enim Confessio per modum improperantis & corripientis hæc ingereret, speciem aliquam haberet Dallæi argumentum. Nunc verò de pœnis divinitus Judæis inflictis cum agat hoc loco; nihil continet, quòd non usurpare possimus hoc tempore, quo etiam infideles sacris locis dominantur.

x1. Affine est huic argumento, quod Disce-

N. iiii.

prator fumit ex Confessionis parte 4 cap. 4. ubi scribitur, *eucharistici mysterii veritatem*, id est realem corporis Domini præsentiam, *nonnumquam divina revelatione aliquibus manifestatam esse*. Intelligit autem, inquit Dallæus, quibusdam divinitus concessum fuisse, ut carnem & sanguinem pro pane & vino in Eucharistia corporeis oculis viderent. Quod neque anteriori, neque Alcuini tempore accidisse Dallæus asseverat: sed hujus generis prodigia nono demum adultæ sæculo, ad Paschasiani (ut putat) erroris commendationem spargi cœpta.

Si altercandi occasionem quærere esset animus, hîc causari possem non constare, an Confessionis scriptor hoc loco de sensili corporis Christi in Eucharistia visione agat, an de spiritali aliqua revelatione, qua vera Christi in Sacramento præsentia confirmetur: quales sanè revelationes ab Auctoribus Alcuino superioribus huc adducere non esset operosum. Verùm Dallæi commentarium lubens admitto: at ejus pace dixerim, ejusmodi prodigia longè ante Paschasii tempus legebantur, nempe illud quod de Plegisto religioso Sacerdote memorat idem Paschasius. quod certè non commentus est vir religiosus, sed ex antiquo auctore accepit. Aliud item Alcuini tempore Paulus Diaconus, Casinensis Monachus, litteris mandavit in vita Gregorii Magni, quod ei accidit in factæ Matronæ Romanæ. Sed ante hoc, aliud item in vita sancti Basilii Cæsareæ Episcopi,

Amphilochio Iconii Episcopo adscripta, legebatur de Hebræo quodam, cui communicantibus Christianis *infantulus membratim incidit* in manibus Basilii visus est. Hæc, inquam, legebantur ante Alcuini ætatem, quæ proinde præ oculis, cum Confessionem scriberet, habere potuit.

Basilii, inquis, vita Latinis auribus incognita fuit ante Nicolai primi pontificatum, cum scilicet ab Urso S. R. E. Archidiacono Latinitate donata est. Immo verò ante Ursi versionem alia legebatur, quæ in vitis Patrum edita est, à Surio politiori stilo reddita. Cujus rei certissimum sumo argumentum ex *Æneæ* Parisiensis Episcopi libro adversus Græcos, quæstione secunda, ubi vita sancti Basilii de Græco in Latinum *a quodam Græco, vocabulo Eveimio, de verbo ad verbum translata* laudatur. Ergo regnante Carolo Calvo; hoc est medio sæculo nono, apud Gallos circumferebatur hæc vita, quam Alcuinus legisse potuit.

Ad hæc Alcuino suppetebat insigne exemplum, quod refertur in lib. 5 de vitis Patrum, cap. 18. ubi legitur Arsenii dictum de quodam sene (in Sciti habitante, ut habet mss. codex Corbeiensis) qui cum secus, quam Ecclesia catholica tradit, de Christi corpore in Eucharistia sentiret; idque *non naturale corpus Christi, sed tantum figuram ejus* esse crederet; tribus Patribus ob eam causam convocatis, & pro senis conversione orantibus; facta re

sacra, tandem ad rectam Fidem reductus est. Nam quando positi sunt panes in altari, videbatur illis tantummodo tribus tamquam puerulus jacens super altare. Et cum extendisset Presbyter manum ut frangeret panem, descendit Angelus Domini de celo habens cultrum in manu, & secavit puerulum illum; sanguinem verò illum excipiebat in calice. Tum accedente sene ut acciperet sanctam communionem, data est ipsi soli caro sanguine cruentata. quod cum vidisset, perterritus, & clamavit dicens: Credo, Domine, quia panis, qui in altari ponitur, corpus tuum est; & calix, tuus est sanguis. Et statim facta est caro illa in manu ejus panis secundum mysterium, & sumpsit illud cum honore gratias agens Deo. Eximium hunc locum legisse potuit Alcuinus sive ex codice Græco, qualem Photius laudat, sive ex versione Pelagii S. R. E. Diaconi, qui hos quinque libros Latini juris fecit.

xii. Sed jam demum post vexatam variis artibus atque modis Confessionem, veniamus ad palmare argumentum, quo Dallæus sæpe dictæ Confessionis antiquitatem penitus labefactare sibi visus est. nempe quod idem Confessionis Auctor de eorum sententia, qui realem Dominici corporis in Eucharistia præsentiam negant, non aliter loquitur, quàm de doctrina publico Ecclesiæ judicio damnata, & inter hæreses relata; atque ita cum ipsis agit, ut cum hominibus sectariis & hæreticis. Tum huic rei probandæ adducit hunc locum ex Confessionis parte 4. cap. 5. *Adversus jam tandem.*

à pravissimarum mentium perversa doctrina, & noli surda aure & incircumciso corde præterire quod dicitur: Qui manducat me. suam nimirum, non aliam carnem demonstrat. Mox paucis interjectis: Verum quia longè aliter se habet veritas tanti mysterii, quam in HÆRETICO deceptus spiritu arbitraris, rectè dicitur mysterium Fidei, &c. Quibus apertissimè, inquit « Dallæus, significat fuisse, quo ipse tempore « scribebat, qui aliter, quam ipse sentiebat, de « Eucharistia DOCEBANT, quique HÆRE- « SE OS ea de causa damnati erant. Cujusmodi « homines ullos ante Berengarii tempus existisse negat Dallæus.

Hoc argumentum colorem quidem habet præ aliis à Dallæo adductis: sed si fucum detrahas, inane prorsus, uti cetera, apparebit. Quod ut assequare, rem propiùs intueri necesse est, ac demonstrare, jam dudum ante damnatum Berengarium hæreticos habitos, eoque nomine affectos, qui secus, quam modò catholica Ecclesia tradit, de Eucharistia sentirent.

Huic rei probandæ unus sufficit Deoduinus seu Theoduinus Leodiensis Episcopus, qui in epistola ad Philippum Francorum Regem scripta contra Berengarii errorem jam tum primum exoriri cœptum, censet Berengarium ejusque sequaces non esse audiendos, neque tam pro illis Concilium convocandum, quam de illorum supplicio exquirendum: propterea quòd creberrimis sanctorum Patrum Conciliis,

tum etiam venerabilium Doctorum clarissimis sententiis proscripti damnatique essent eorum errores. Ergo ante Berengarii damnatum errorem creberrima Concilia catholicam de Eucharistia Fidem definierant, ac secus sentientes pro hæreticis habendos decreverant, ut censet testaturque Deoduinus. Ex quibus Conciliis etsi unum Toletanum proferat in medium; plura tamen alia in Eucharistiæ causa congregata fuisse manifestè asseruit.

Et quidem regnante apud Francos Rotberto, id est *anno M xxv, Indictione viii*, Gerardus Cameracensis atque Atrebatensis Episcopus Fidem catholicam de Eucharistia sancivit adversus hæreticos nonnullos, qui Domini corporis & sanguinis sacramentum rejiciebant, uti legitur in Synodo contra eos Cameraci habita, quam propediem typis editurus est noster Acherius in Spicilegii tomo *xiii*. Cum enim idem Episcopus in ea urbe diebus Nativitatis & Apparitionis Domini de rebus ecclesiasticis tractaret; *relatum est ei quosdam ab Italia finibus viros eo loci advenisse, qui quamdam novæ hereseos sectam introducentes, evangelica atque apostolica sanctionis disciplinam pervertere tentabant; & quamdam justitiam præferentes, hac sola purificari homines asserabant; nullumque in sancta Ecclesia aliud esse Sacramentum, per quod ad salutem pervenire potuissent. Hi coram Episcopo adducti, referunt se esse auditores GANDULFI cujusdam ab Italia partibus viri, & ab eo evangelicis mandatis &*

apostolicis informatos : nullamque præter hanc scripturam se recipere , sed hanc verbo & opere tenere. Tum accuratiùs interrogati , sacri Baptisimatis mysterium negant, simulque Eucharistiæ , Pænitentia & Matrimonii sacramenta. Pro erroribus singulis singula capitula condit Gerardus, primum quidem de Baptismo, secundum de corpore & sanguine Domini , in quo hæreticos compellat his verbis : Jam nunc his omissis, transitum faciamus ad illud sacrum & innotabile Dominici corporis & sanguinis sacramentum, quod vòs ad vestram confusionem, nisi resipueritis , adversum divinam & apostolicam traditionem impugnantes evertere tentatis. Tum ipsius Sacramenti naturam explicans, post aliqua hæc subdit: Quod quidem sacrificium dum de pane & vino cum aqua mixto ineffabili sanctificatione, cruce & verbis illius in altari consecrato, dumque Passionis & Resurrectionis ejus atque in calum Assensionis , ibidem salutifera memoria agitur; verum ac proprium corpus ipsius Domini nostri JESU-CHRISTI, & sanguis verus & proprius efficitur, quamvis aliud esse videatur. Videtur namque panis materialis : sed verissimè efficitur corpus Christi, sicut ipsa eadem Veritate attestante didicimus. Ex quibus intelligimus , in Synodo Cameracensi assertam fuisse Eucharistiæ veritatem annis ampliùs xxv ante damnatum Berengarium. Hunc locum paullo fusiùs retuli, tum quia hæc Synodus antehac (si non fallor) incognita fuit, tum quia rebus subsequentiùs illustrandis plurimum conducit.

Sub idem tempus, hoc est anno M XLVII, testante Glabro Rodulfo in Historiarum lib. 3 cap. 8, in urbe Aurelianorum flammis traditi sunt ejusdem hæreseos assertores: quorum præcipui erant Herbertus atque Lisoius. Horum errores fucatæ sanctitatis simulacro, palliatos detexit Arefastus, qui præsentē Rotberto Rege, ut Synodi Acta probant in Spicilegii tomo secundo, inter cetera contestatus est ab eis se didicisse, *panem & vinum. quod super altare manibus Sacerdotum sancti Spiritus sanctificatione effici videtur sacramentum, converti non posse in corpus & sanguinem Christi.* Quod cum illi confiterentur, nec ab eo errore aliisque revocari potuissent, jubente Rege extra urbem cremati sunt. Hic nullus canon nullumve decretum conditum legitur, sed tantum pœna hæreticis inflicta: ob eam videlicet causam, quod communi Ecclesiæ catholicæ præjudicio proscriptus esset eorum error, qui veritatem corporis & sanguinis Domini in Eucharistia negassent; atque hujusmodi homines in hæreticorum classem amandati. Qua persuasione commoti prædicti hæretici, errorem suum publicis concionibus committere non audebant: sed occultis cuniculis furtivisque colloquiis in fidos probatosque quorundam animos eum inspirabant. Tantum apud eos prævalebat erroris sui præconcepta damnatio.

Mitiùs cum aliis ejusdem farinae hominibus egit sanctus Odo Cantuariensis Archiepiscopus circiter annum DCCCC L. quo tempo-

re quidam Clerici maligno errore seducti asseverare conabantur, panem & vinum, quæ in altari ponuntur, post consecrationem in priori substantia permanere, & figuram tantummodo esse corporis & sanguinis Christi, non verum Christi corpus & sanguinem. Quorum ENORMEM PERFIDIAM beatus Odo destruere cupiens, dum quadam die in conspectu totius populi sacrosanctis Missarum sollemniis devotus intenderet, expressis lacrymis Dei omnipotentis clementiam in suo ministerio affore postulavit, quæ ad depellendos hominum ERRORES substantivam divinorum mysteriorum declararet proprietatem. Cumque ad confractionem vivifici panis ventum fuisset, confestim inter manus Pontificis, fragmenta corporis Christi tenentis, sanguis guttatim desfluere cœpit. Cujus rei consideratione perculsi omnes, maximè verò Clerici sectarii, errorem suum incunctanter abjecere. Ipse autem Pontifex cum suis in magna gratiarum actione lætitiâ egit, propterea quod omnis error de Dominico corpore in pectore suorum abolitus fuisset; nec ultra panem in altari positum verum Christi corpus esse diffiderent, qui verum sanguinem inde manare conspexissent. Hæc verba sunt pervetusti auctoris, qui libellum de ipsius Odonis vita nondum editum composuit: quem locum Willelmus Malmesburiensis Monachus compendio retulit. Ergo eo tempore, id est medio sæculo x, *enormis perfidia errorque* censebatur, si quis de corporis Christi Domini in Eucharistia veritate dubitasset.

Sæculo præcedenti eadem fuit Catholicorum sententia, qui hæreticos appellabant ejusmodi erroris sectatores. Testis in primis Paschasius Radbertus in lib. de Sacramento altaris cap. xi. *Noſ autem catholicè sensum ipsius Domini requirētes, non HÆRETICORUM nanius sequāmur, sed ejus qui ait: Accipite & comedite ex hoc omnes.* At novator erat Paschasius. Immo verò Fidei catholicæ assertor: tum quia hoc nomine cum semper honoravit catholica Ecclesia; tum quia non solent novatores eos qui à se se dissentiunt, hæreticos appellare, sed priscæ Fidei corruptores. Verum hîc non agimus de re ipsa, sed de nomine hæretico, quod Eucharisticæ veritatis infitiatoribus à Paschasio disertè impactum est ante Berengarii censuram.

Cum Paschasio consentit Hincmarus Remorum Archiepiscopus in prioris opusculi de Prædestinatione cap. 31, ubi loquitur in hunc modum: *Sunt & alia, quæ vocum novitatibus delectantes, unde sibi inanes comparent rumusculos, contra Fidei catholice veritatem dicunt, videlicet quòd trîna sit Deitas: quòd Sacramenta altaris non verum corpus & verus sanguis sit Domini, sed tantùm memoria veri corporis & sanguinis ejus.* Itaque censebat Hincmarus hujusmodi homines pugnare contra Fidei catholice veritatem, ac proinde hæreticos esse. Eundemmet errorem (ut id obiter observem) notasse mihi videtur Anastasius Bibliothecarius, cum ait Nicolaum Papam primum fecisse in basilica

ea Salvatoris, quæ Cæsarea dicta, cruces de argento purissimo, *quæ pendent ante Sacramentum substantia carnis ejusdem Domini nostri JESU-CHRISTI*. Cur enim, quæso, addidit SUBSTANTIÆ vocem, nisi ut eam opponeret figuræ vocabulo, quò hæretici tunc temporis abutebantur? Nimirum hæc verba *Sacramentum substantia carnis Christi*, opponuntur istis, *sacramentum figura carnis Christi*; tantumdemque sonant, ac si dixisset Anastasius, *Sacramentum continens substantiam carnis Christi, non figuram*. aliàs inanis & absurda esset ejusmodi vocabulorum geminatio.

Ex his omnibus liquidò conficitur, tempore Hincmari ac Paschasii Radberti, id est paullo post mortem Alcuini, hæreticos dictos fuisse eos, qui de veritate corporis Christi in Eucharistia dubitassent: ac proinde immeritò Johannem Dallæum Alcuino abjudicare Confessionem Chiffletianam ea ratione, quòd *hæretico spiritu deceptos* hujusmodi homines appellet.

Duplici verò ex causa eos ab antiquis hæreticos dictos existimo, nimirum, quòdeò nomine dignos æstimarent eos, qui à recepta Catholicorum fide recederent: & quòd antiquorum Patrum decretis damnati crederentur. Scilicet hæc fuit veterum quorundam Catholicorum persuasio, in Concilio Ephesino sancitam fuisse de Eucharistia Fidem nostram, atque diris addictos, qui contrarium dogma secuti essent. In hac sententia fuit Lanfrancus,

Veterum Analect. Tom. I.

O

ut patet ex Dialogo adversus Berengarium edito: ubi notat hæreses duas antiquis temporibus ortas fuisse, omnibus tamen tum consentientibus, *quod panis & vinum in veram Filii hominis carnem, verumque ejus sanguinem converterentur*: sed quis esset iste Filius hominis aliis in alios pugnantibus. Quidam enim, inquit, *arbitrati sunt hunc oportere intelligi quemlibet hominem, sive justum, sive peccatorem. alii non hunc esse de turba quemlibet hominem, sed virum justum, sanctificatum, à communi hominum vita per suam vitæ celsitudinem segregatum.* Tum subdit Lanfrancus damnatas in ea Synodo utrasque has letales pestes, decretumque Nestorio in hæc verba transmissum: *Ad benedictiones mysticas accedimus & sanctificamur, participes sancti corporis & pretiosi sanguinis Christi omnium nostrum Redemptoris effecti: non ut communem carnem percipientes, quod absit, nec ut viri sanctificati & Verbo conjuncti secundum dignitatis unitatem, aut sicut divinam possidentis habitationem: sed verè vivificatricem, & ipsius Verbi propriam factam.* Tum addit Lanfrancus Concilii canonem iis anathema dicentis qui secus sentirent. Ex quibus nemini dubium esse debet, Lanfrancum in ea fuisse persuasione, Ephesinos Patres de Eucharistiæ Fide adversus Novarianos statuisse, eosque pro hæreticis habuisse qui ab ea definitione recederent. Hic jam non inquirō, an Lanfrancus Concilii sensum assecutus sit. Certè Ephesini Patres hoc loco veram Christi cor-

poris in Eucharistia præsentiam, si non definiunt, saltem manifestè supponunt. At permitto Lanfrancum in explicando Concilii decreto falsum esse, eique plus, quàm verba præ se ferant, tribuisse. Hic tantum expendo quid senserit de mente Concilii: cujus decreto Sacramentariorum errorem sine dubio damnatum fuisse persuasum habuit.

Atqui in eadem etiam persuasione fuit Herigerus Laubiensis Abbas in libello de Eucharistia, qui sine auctoris nomine à Cellotio editus est in appendice ad historiam Gothescalci: cujus libelli auctorem esse Herigerum Abbatem Laubiensem, qui anno M V I I mortuus est, certis aliàs documentis, Deo dante, demonstrabò. Is quippe inter argumenta quæ adducit ad probandam Eucharistiæ Fidem, etiam hunc locum à Lanfranco relatum profert ex Concilio Ephesino. Quid si Chiffletianæ Confessionis scriptor, eodem præjudicio affectus, eodem modo Ephesini Concilii decretum interpretatus est; atque ob id *heretico spiritu deceptos* appellavit eos, qui de hujus Sacramenti veritate dubitarent? Certè ad hunc locum manifestè alludere videtur in hæc verba: *Adverte jam tandem, ô praviſſimarum mentium perversa doctrina, & noli surda aure & incircumciso corde præterire quod dicitur: Qui manducat me. suam nimirum, & non aliam carnem demonſtrat.* Cur enim dixit suam, & non aliam carnem, nisi ut excluderet errorem illum, quem ab Ephesinis Patribus damnatum esse putabat?

Hæc ergo causa est, cur *hæretico spiritu deceptos* appellet hujusmodi erroris sectatores.

Verum fac scriptorem Chiffletianæ Confessionis non respexisse ad Ephelinum, aliudve Concilium: cur non potuit hæreticos appellare eos, qui contra Scripturæ sacræ seu Christi Domini manifestam assertionem, contra majorum traditionem, ac demum contra receptam sui temporis Fidem, corporis Dominici veram in Eucharistia præsentiam negarent? Certè qui adversus Claudium Taurinensem Episcopum de cultu sacrarum Imaginum scribere sæculi noni auctores Gallicani, cum hæretici nomine afficiunt, quamvis hunc cultum nulla Synodus eo tempore statuisset nam quod hac de re habitum est Concilium Nicænum secundum, veluti profanum tum repudiabat Gallicana Ecclesia. Sic Ratramnus eos, qui Christum Dominum communi via ex beatissimæ Virginis utero prodiisse negabant, ut *nova & inaudita hæreseos* auctores non semel suggillat, nullo suffragante Conciliorum decreto: propterea quòd adversariorum sententiam à Scripturæ sacræ & Patrum auctoritate deflectere arbitraretur. Quidni potiori jure hæreticos Chiffletiana Confessio dixerit eos, qui ab Eucharistiæ recta fide recessissent, reclamante non solùm Scriptura & Patrum traditione, sed etiam communi Catholicorum consensu? Adde in ista Confessione hujusmodi homines non dici hæreticos, sed tantum *hæretico spiritu*, id est diaboli hæreseôn auctoris instinctu dece-

ptos. quo nomine notare videtur, non quidem hæreticos ullos, qui errorem suum in vulgus spargerent; sed nonnullos dubiæ fidei Catholicos, qui humanis ratiunculis & sensibus plus æquo addicti, de hoc divino Sacramento non rectè sentirent. Sit ergo hæc nostræ responsionis summa, nempe ante damnatum Berengarium, realis (ut vocamus) in Eucharistia præsentia impugnatores hæreseos nota pœnisque affectos fuisse in Conciliis Cameracensi & Aurelianensi; eosdemque pro hæreticis sæculo x habitos ab Odone Cantuariensi, tum sæculo nono ab Hincmaro Remensi Archiepiscopis, à Paschasio Radberto & aliis. Ad hæc visum fuisse Lanfranco, Herigero & Confessionis Chiffletianæ Auctori, eos itidem in Concilio Ephesino diris addictos; ac denique meritò in ea Confessione *hæretico spiritu deceptos* dici, quippe qui in fide Eucharistiæ à sacræ Scripturæ Patrumque auctoritate destiterent, quin etiam à recepta omnium tunc temporis Catholicorum confessione.

xiii. Immo verò, inquis, nullus, non tantum superiorum temporum auctor, sed nec Alcuini tempore, hanc de Eucharistiæ veritate Fidem tenuit docuitve, qualem ipsa Confessio profitetur.

At hanc objectionem manifestè refellit Paulus Diaconus in Vita Gregorii Magni, qui catholicam veritatem tam disertè exponit, ut nemo clariùs hoc tempore explicare possit. Sic enim occasione facti, quod Matrona Romanæ

Q. iij.

in Eucharistiam perpetravit, Paulus Gregorium, loquentem inducit. *Disce, inquam, Veritati jam modo credere contestanti: Panis quem ego do, caro mea est; & sanguis meus est vere potus. sed præscius Conditor noster infirmitatis nostre, ea potestate qua cuncta fecit ex nihilo, & corpus sibi ex carne semper Virginis operante sancto Spiritu fabricavit, panem & vinum aqua mixtum, manente propria specie, in carnem & sanguinem suum, ad catholicam precem, ob reparationem nostram sancti Spiritus sanctificatione convertit. Tum subdit Paulus: Indequè universos jussit divinam precari potentiam, ut in formam pristinam sacrosanctum reformaret mysterium, quatenus mulieri ad sumendum fuisset possibile. quod & factum est. Unde sæpe fata mulier plurimum in sancta Religione & Fide proficiens, participatione Dominici sacramenti consecrata est, & omnes qui viderant, in divino amore & orthodoxa credulitate excreverunt. Hactenus Paulus in Vita sancti Gregorii Magni, quæ in Sæculo primo Benedictino typis edita est: quem locum adduxit Gerardus in prælaudata Synodo Cameracensi. Ex quo intelligimus, eam fuisse tum de Eucharistia receptam Fidem, panem scilicet & vinum, manente propria specie, in carnem & sanguinem Domini converti, atque in ea persuasione orthodoxam credulitatem fuisse collocatam.*

Eandem adstruit Haimo Halsberstadenſis Episcopus, Pauli & Alcuini suppar, in tractatu de corpore & sanguine Domini, quem

recens edidit noster Acherius in Spicilegii tomo xii. Hic enim suam, immo & Catholicorum sui temporis omnium Fidem explicat in hunc modum: *Credimus itaque & fideliter confitemur & tenemus, quod substantia illa, panis scilicet & vini, per operationem divina virtutis, ut jam dictum est, id est natura panis & vini, substantialiter convertatur in aliam substantiam, id est in carnem & sanguinem. Et infra: Commutat ergo invisibilis Sacerdos suas visibiles creaturas in substantiam sue carnis & sanguinis secreta potestate. In quo quidem Christi corpore & sanguine propter sumentium horrorem sapor panis & vini remanet & figura, substantiarum natura in corpus Christi & sanguinem omnino conversa: sed aliud renunciant sensus carnis, aliud renunciat fides mentis, &c. Mitto plura hanc in rem hujusmodi testimonia, quæ jam adduxere eximii perpetuæ de Eucharistia Fidei Defensores. Hunc verò Haimonis locum insignem hîc visum est attexere, utpote à nemine hætenus prolatus: quo luculentior nullum ad probandam Ecclesiæ Fidem reperire fas est. Prædictum verò Haimonis tractatum inveni in Bibliothecæ nostræ sancti Germani membraneo codice annorum sexcentorum, qui ejusdem Haimonis expositionem in epistolas per totum annum in Missa recitari solitas complectitur. Insertus porro est in eodem codice tractatus iste post expositionem in epistolam Cænæ Domini, quæ epistola de Eucharistiæ mysterio tota est: cujus epistolæ ex-*

O iijj

positionem subsequitur iste tractatus cum hoc titulo: *INCIPIT TRACTATUS AIMONIS de corpore & sanguine Domini*. Tum Auctor tractatum suum cum epistolæ prædictæ expositione continuando in hunc modum orditur: *Sed quoniam hujus epistola opportunitas offert, ut aliquid de tanto Sacramento latius dicatur, &c.* quod quidem hoc loco monuisse visum est operæ pretium. Itaque, ut modò dicebam, tempore Alcuini recepta erat ea, quam profiteremur, de Eucharistia Fides, qualem professus est Alcuinus ipse in Confessione controversa.

xiv. Cur ergo, inquis, Paschasius in Patrum testimoniis, quæ ad sententiam suam constituendam adducit, Alcuinum indictum & illaudatum prætermisit, siquidem hæc Confessio Alcuini fetus est?

Nempe quodd Paschasius ab antiquis dumtaxat Patribus auctoritatem sumit: Alcuinus verò tum, cum librum suum conderet Paschasius, ante paucos annos defunctus erat. Deinde multa alia veterum testimonia omisit Paschasius, ex sinceris eorum operibus facillè repetenda: quæ quidem opera eadem ratione negare posset Dallæus, si ipsius argumentatio quid efficeret. Denique Alcuini Confessionem prætermisit, fortasse quodd in ipsius notitiam (quæ librorum tum inopia & difficilis communicatio erat) non venisset.

Hæc fere sunt argumenta quæ Dallæus congerit adversus Confessionis Auctorem & anti-

quiratem, si nonnullas exceperis minutias, quas consulto prætermisi; qualia sunt quæ profert de stili dissimilitudine à veris Alcuini operibus: cùm alii docti viri eandem, cùm in ipsa Confessione, tum in sinceris Alcuini operibus, orationis æqualitatem agnoscant. Hæc, inquam, quæ *minuta neque satis certa* ipsi Dallæo visa sunt, prudens dissimulavi, ne longius progredierentur nostræ concertationes.

Hæc pro modulo dicta sint de hujus operis Auctore & antiquitate: quorum unum ita propugnandum suscepi, ut alterum tamquam certissimum demonstrari posse confidam. Quod si non penitus assecutus sim, vel id mihi satis erit pro fructu operis, quod hanc provinciam studiosis aperuerim, reperto exemplari, cujus sola inspectio operis antiquitatem persuadere potest. Huc eruditorum omnium oculos & judicium appello, quibus codicem Boërianum inspicere licet, sive in Monasterio sancti Germani, quamdiu penes nos erit; sive Divione in Bibliotheca Boëriana, quò brevi remittendum est.

Quæ de Auctore protuli argumenta, si rem penitus non evincunt, saltem maximè probabilem efficiunt. Hæc si quis refutare velit, non ita mecum agat, quasi hac in re controversiæ caput constituam: sed Confessionis impugnet antiquitatem, quam potissimum defendo. Certè haud multum interest Reipublicæ Christianæ, quis istius operis auctor sit, Alcuinus an alius, si modò cum Alcuini æquæ

lem agnoscant omnes. Neque tamen Alcuini patrocinium deferere est animus, sed justos controversiæ limites definire.

Ceterum, quod in me receperam, hoc loco apponendum duxi virorum peritorum testimonium de codicis Boëriani antiquitate, ut ii, quibus codicem istum videre non licet, hominum in Republica litteraria clarissimorum auctoritati acquiescant.

• T E S T I M O N I U M

De Boëriani codicis antiquitate.

NOs infrà scripti omnibus quorum intererit, notum facimus, visum à nobis ac diligenter inspectum membraneum codicem pervetustum, cui titulus est recentiori manu in primarii locum substitutus: **ALBINI CONFESSIO FIDEI.** quæ ipsissima est Confessio sub nomine Alcuini a R. P. Petro Francisco Chiffletio typis edita. testamurque istius codicis scripturam proximè accedere ad tempus Caroli Magni, nec sæculo nono posteriorem videri. In quorum fidem huic instrumento subscripsimus Idibus Decembris anno Domini **M DC LXXIV.**

Subscripserunt in Originali A. FAURE.

ANALECTA.

219.

Doctor ac Socius Sorbonicus. JOANNES
GARNIER, *Societatis JESU Presbyter, ac*
Theologiæ Professor. CAROLUS LE COIN-
TE, *Oratorii Presbyter.* DE VYON
D'HEROUVAL, *Camera computorum Au-*
ditor. DU FRESNE DU CANGE, *Quæstor*
Ambianensis. HADRIANUS VALESIIUS,
Historiographus Regius. STEPHANUS
BALUZE, *Bibliothecæ Colbertinæ Præse-*
ctus. COTELIER, *Societatis Sorbonicæ.*
DE LAUNAY *in supremo Parisiensi Se-*
natu Advocatus.

WILLELMI

ANGLORUM REGIS

EPISTOLA

Ad JOHANNEM Abbatem Fiscam-
nensem.

W. Rex Anglorum JOHANNI Ab-
bati salutem. Diu mecum cogitavi, mi
dilecte, in cujus manu & custodia pos-
sem mittere & commendare Abbatiam
sancti Petri de West-monasterio: quia
in maxima veneratione & habeo, & ex
debito habere debeo. Ibi enim jacet vir
beatae memoriæ dominus meus Rex

ETHWARDUS; ibi etiam tumultata est Regina ETGITH uxor ejus inclita: ego etiam ibidem, Dei clementia providente, sceptrum & coronam totius regni Anglici suscepi. Tandem consilio LANFRANNI Archiepiscopi, meorumque Procerum, VITALEM Abbatem, quamvis invitum, ad hoc coëgi ut illam assumeret. Cùm enim Abbatiam de Bernaco ex minimo multum, ut patet, sublimaverit; intellexi illum dignum esse Abbatia de Westmonasterio, & utilitate & prudentia. Quapropter liceat mihi istud fieri, quod de eo communi consilio meorum providi Procerum, licentia tua & bona voluntate, & conventus fratrum. Volo etiam tibi notum esse me elegisse OSBERNUM fratrem, scilicet Vitalis Abbatis, ut habeat Abbatiam de Bernaco: & hoc tuâ licentiâ mihi fieri liceat. Vale.



JOHANNIS ABBATIS

Epistola I

Ad WILLELMUM Angliæ Regem.

W. divina favente gratia Anglorum Regi in magna gloria, JOHANNES Fiscamnensis Cœnobii Pater, victoriam de inimicis in gladio Domini & Gedeonis. Rex inclite gentis Anglicæ, & Dux Normannorum, bellicosa virtute; ecce ego Johannes, vester totus in Domino, humiliter vobis suggero & litteris significo, quoniam molestè acciperem, quòd frater noster Domnus VITALIS sine licentia nostra de Abbatia ad Abbatiam migraret, nisi quòd vos diligo, & vestra consilia honorare volo. Idcirco laudo & confirmo quod vestra regalis sancivit auctoritas. Jam verò quòd OSBERNUM suum fratrem germanum, non Fiscamnensem Monachum, in juris nostri loco elegistis Abbatem, annuo libenter ad vestram fidelitatem; ita tamen, ut fiat secundum auctoritatem, videlicet ut, accepta licentia à suo Abbate, noster fiat Monachus, & obediens se-

cundum Regulam sancti Benedicti & Ordinem. His ita prælibatis, rogo dominum meum, ut memor meæ senectutis jam me ad terminum vitæ curvantis, judicet causas nostras, & faciat nobis justitiam, ut ego latus in Domino moriar. Quæ sunt hæc causæ? Primum, ut ex promisso, quod perdimus in Astingo, recompenset corde pleno & animo benivolo. Sunt aliæ plures causarum nostrarum necessitates, quas rogo pius Rex judicet & finiat, dum vivit & vacat, ad summæ Trinitatis honorem & gloriam: quatinus ipsa Deus Trinitas illum de Angelis provehat ad gloriam, quæ est in Angelis. Vale.

J O H A N N I S A B B A T I S

Epistola I I

Ad V I T A L E M Abbatem Bernacensem.

J O H A N N E S Fiscamnenfis Abbas confratri V I T A L I salutem. Scire te volo, utilis & honeste Frater, quoniam pro amore Regis & merito tuæ dilectionis auctorizo tuam promotionem, & fratris O S B E R N I in nostro Bernaco ordinatio-

nem. Sed ego & totus conventus sanctæ Trinitatis rogamus & monemus, ut memor tuæ professionis, memor nostræ societatis, locum tuum melius recognoscas & honores, quàm plures q̄ti de nobis exierunt fratres, & per nostrum locum venerunt ad magnos honores. Vale.

ADNOTATIO.

EODEM collimant superiores epistolæ tres, nempe ut Vitalis Abbas Bernacensis transferretur ad regimen Westmonasterii in suburbio Londiniensi: tum ut Osbernus, Vitalis germanus frater & Monachus Troarnensis, in locum fratris Bernaco sufficeretur. Bernacum Neustriæ opidum est ad Carentonam fluvium, diœcesis Lexoviensis, ubi Monasterium inchoavit Judith Ricardo secundo Nortmannorum Duci nupta; absolvitque Ricardus ipsius maritus, *committens illud venerabili Guillelmo Abbati (Fiscamnenſi) perficiendum, & monasticè ordinandum, qui in locandis fundamentis modicum præstiterat consilii auxilium*, uti Ricardus ipse testatur diplomate dato in Fiscamnenſi palatio anno ab Incarnatione Domini MXXVII, Indictione octava. Hinc est quòd cùm Monasterium illud juris esset Fiscamnenſium Monachorum; Willelmus Anglorum Rex, idemque Dux Nortmannorum, Conquæstor vulgo appellatus, non nisi habito Ab-

batis Fiscamnenſis ejuſque Monachorum conſenſu, Vitalem Bernacenſem Abbatem in Weſtmonaſterium tranſtulerit, ejuſque loco præſecerit Oſbernium. Qua in re obſervandum venit, Principes atque Reges, etſi in Abbatias à Majoribus ſuis conditas ſibiſque ſubjectas aliquando Abbates nominarent, ad rem tamen exſequendam poſtulaviſſe conſenſum & confirmationem Monachorum, quibus electio compete-
bat. Porro Johannes Abbas, cujus ſunt ſuperiores epistolæ duæ atque infra ſubſequens, Fiſcamno præfuit poſt Guillelmum ab anno MXXVIII, obiitque anno MLXXVIII, uti ſuperius obſervabam. Has verò epistolâs noſter Guillelmus Foliaſtrius eruit ex mſ. codice Fiſcamnenſi.

JOHANNIS ABBATIS

Epistola III

Ad WARINUM Abbatem Mettenſis
Monasterii ſancti Arnulfi.

Repetit Benedictum Monachum ſuum.

DOMINO Patri W. venerando
Abbati, frater JOHANNES, crucis Chriſti ſervulus, quidquid in Chriſto felicius. Sæpius & verbis & ſcriptis, deprecatus ſum veſtram paternitatem pro noſtro Monacho, nomine BENEDICTO,

NEDICTO,

BENEDICTO, ut mihi redderetis: & audire renuistis. quod non maximæ fuit caritatis. Scriptum quippe nostis: *Quod tibi non vis fieri, alii ne feceris.* &, *Caritas omnia suffert.* Adhuc ergo vestram paternitatem convenio humili supplicatione, quatinus eum non differatis mihi remittere. Quod si nolueritis, vos non excommunico, sed ipsum ab omni Christianitatis officio auctoritate Dei, & sancti Patris nostri BENEDICTI & omnium Sanctorum, quantum mihi licet, separo & sequestro, donec docear quo mihi aufertur pacto. Valete dicere, si nostram non defenderetis ovem. Verumtamen valete dicam, eâ convenientiâ, ut ovem reddatis omni occasione postposita.

WARINI ABBATIS

Epistola

Superiori respondens.

DOMNO Abbati I. secundum nomen suum Dei gratia pleno, Frater W. ejus servorumque Dei servus, cum fidelibus orationibus caritatem &

Veterum Analect. Tom. I. P

pacem. Apostoli verba sunt : *Servum Domini non oportet litigare, sed mansuetum esse ad omnes*. Hoc ideo dico, ut tali tanti Doctoris sententia meipsum moneam & castigem, ne responsurus litteris vestris, quibus nos dudum pro libitu & potestate vestra nimis acriter convenistis, aliquid quod vobis, id est tantæ majestati, indecens sit, (quod absit) saltem provocatus, velut stultus effutiam. Sed quia, ut dicitis, *caritas omnia suffert*, voto Apostoli precor, ut si ego ut insipiens in insipientia aliquid locutus fuero, sustineatis modicum quid ipsi insipientiæ meæ, & supportetis me. Ego enim nihil propono, nihil præcipio, nil minor: sed coactus ad scripta vestra simplici sermone sic rescribo. Litteras vestras frater noster Domnus W I M U N D U S mihi detulit, dicens eas sibi à vobis missas, ut per eum mihi præsentarentur. Quas coram eodem fratre qui eas attulit, & Domino GRIMARIO Besuensi, sine ullo salutationis procæmio (quod non, ut dicitis, maximæ fuit caritatis) præsentavit: subjunxitque vos ea mandare, ut fratrem nostrum Domnum B E N E D I C T U M, quem vi auferre volebatis, vel-

ut jam vestrum, vestris sumptibus, equis & famulis ad vos quantocius deduceret. quod certè si alius præter vestram personam ageret, non maximæ esset religionis.

Ut enim de persona vestra interim taceam, cui omnis honor, utpote majori, priori, sanctiori, ac prudentiori atque religiosiori impendendus est; de me dicam, quia si ego tale quid de aliquo vestro Fratre attemptassem, & eum ad me venire scriptis nostris tam longo terrarum spatio, & maximè pro damno vestro, clam vobis monerem; meritò & à vobis, & à cunctis hæc audientibus reprehensibilis & contrarius sanctæ Regulæ judicaretur: cum sciamus sanctum Patrem nostrum BENEDICTUM prohibere Monachum litteras vel eulogia nesciente Abbate suo à quocumque suscipere; justiusque mihi in tali culpa impingeretur id, quod in scriptis vestris opposuistis: *Quod tibi non vis fieri, alii ne feceris.*

Verùm his omissis, quæ vel leviter ferrentur, vel omnino nil penderentur; ni alia graviora nos stimulant: ad ipsa verba quibus interminamur, si placet;

veniamus, ut his absque contentione respondentes, vel noxii vel innoxii inveniamur. Querimini vos sapius & verbis & scriptis nos expetisse, ut vestrum, sicut dicitis, Monachum, nomine Benedictum, vobis redderemus, & audire renuimus; & hoc non maximæ caritatis esse. Ubi ego respondeo, me (si bene meminini) à nescio (Deo teste) qua persona litteras quasdam, transacto jam, ut puto, biennio, suscepisse, quibus de remissione ejusdem fratris monebar. quas, ut æstimo, ipse idem, & quicumque legit & intellexit, ut vanas irrisit, quas vestras fuisse nec credidi, nec credo. Ita frivola erant quæ in eis continebantur, ut potius eas à quocumque scurra irrisoriè fectas, quàm vel à vobis, vel ab aliquo sapiente missas crederem, adeoque pro eis respondere vel rescribere parvipendi.

Quod verò dicitis, vos verbis me de hac re expetisse: salva veritate sermonis vestri, quem ego falsum dicere nec debeo, nec volo, me non recordari confirmo aliquando hinc vobiscum, vel cum aliquo vestrorum me aliquod habuisse colloquium. Quòd si habuissem; quod

modò respondeo , tunc quoque respondissem , scilicet me libentissimè vestrum & vestrorum consilium , adjutorium & cohabitationem , si tanta re dignus essem , habiturum , & id servitio nostro , si juberetis , repensurum.

In præsentī tamen , quia hoc tanta vi exigitur , nullum Monachum vestrum habere : Domnum verò Benedictum non vestrum , sed sanctæ memoriæ Domni Abbatis WILLELMI conversum , nutritum & professum fuisse : quem ipse (quod nemo negare valet) in primo quo locum Gorziensem regendum accepit , ad idem Cœnobium cum multis aliis , quorum nonnulli jam vita defuncti ibidem humati quiescunt , ut suum venire , ac inibi manere præcepit. Quod & fecit , usquedum transactis nonnullis annis , conhibentia Domni Abbatis Gorziensis SIGIFRIDI & Domni Abbatis ODDONIS tunc Priorum , pòst Abbatum , & jussione prædicti Domni Abbatis Willelmi ad Monasterium sancti Arnulfi , cui Deo auctore , licèt peccator , inservio , directus & destinatus est : ubi hactenus deguit & degit , & Deo volente (nisi omnia antiquorum statuta irrita-

fiant) deget. qui obitum Patris nostri, saepe dicendi Domni Abbatis Willelmi praestolatus est, & successoris ejus, id est Domni Abbatis Oddonis, electioni & ordinationi interfuit, laudavit, & absque alicujus interdictione primum ipsi, post decessum autem ejus, mihi, licet indignissimo, nullo monente, nullo cogente, sua sponte, voluntariè, ut dixi, obedientiam, ut Monachus Abbati promisit, & scripto, ut videri perfacile est, firmavit. Cum e diverso (quod pace vestra dictum sit) nec electioni, nec ordinationi vestrae, nec animo, nec corpore interfuerit : & vos postmodum per has regiones nostras transitum & hospitium habentes, nullam omnino vel tenuem famam sonuistis; & nobis jam praeteritis annis orationis causa sanctum Michaëlem adeuntibus, & per vos transitum habentibus, ubi etiam benignè satis & liberalissimè cum omni caritate & suscepistis & refovistis, nullam penitus mentionem fecistis, nec, ut puto, faceretis, nisi Doeck, non primus ille Idumaeus, sed nunc alter semi-Judæus, cujus nomen vel faciem non cognovi; sed utinam ita vitam ejus laudabilem in bo-

na fama ex veritate cognoscerem ; sicut notatur & vituperatur apud nos in mala fama. non , inquam , ille aut infamis , sicut dicitur ; aut laudabilis , sicut cupe- rem , ex transmarinis partibus ad cor- rumpendam inter nos pacem , ad vos nunc nuper emerfisset : qui , ut audiui , relicto habitu & vita monachica , diu vo- lutatus in volutabro sæculi , jam tandem inebriatus fœtore carnalis delectationis , quam ex aureo calice Babylonis usque ad feces epotavit ; nunc tandem pulsatus plus precibus , quàm minis , non se taliter Christo servitutum , & à via & vita per- versa convertendum minatur , nisi in primo initio , non conversionis , sed re- versionis suæ contra Christi præcepta agat. Nam Christus ad se venientibus di- cit : *Si quis venit ad me , & non odit pa- trem suum & matrem & fratres , &c.* Iste autem prædicat se non posse sine fratre carnali servire.

Animadvertite , quæso , insidias diaboli. Lupus ovibus insidians , non libero , sed suspenso incessu ovilia circuit : ita dia- bolus quos decipere quærit , non aperta , sed simulata fronte impetit. Verumta- men Paulus devitandos eos docet , qui

P.iiiij.

primam fidem irritam fecerunt. ideoque discipulis dicit : *Timeo , ne sicut serpens. Evam seduxit astutia sua , ita & vestri sensus corrumpantur , & excidant à simplicitate , quæ est in Christo.* Ego quoque timeo talem horum societatem plus parituram istius (quod absit) perditionem , quàm illius salutem. Sed dicit aliquis : Quid si aliter haberi vel teneri non potest ? Huic non ego , sed Apostolus respondeat : *Infidelis si discedit , discedat.* Quod enim lucrum est Deo animam unam acquirere , & aliam perdere ? quod si aurum suum , utinam non malè adquisitum , quo , ut audivi , abundat , secum abstulerit ; tollat. Utinam , non ipse , sed , si eum impedire debet , pecunia ejus eat in perditionem. Non dignatur sancta Ecclesia tales pecunias atque munera impiorum perversa : nec Christus aurum querit , sed animas , qui diabolum divitias offerentem , ut nos eadem facere doceret , repulit , & in vocatione apostolica eadem trutina pensavit aurum & argentum Matthæi & Zacchæi , quæ navim & retia Andreæ & Petri.

Sed ô dolendus error hominum ! non potuit , inquiunt , Abbas Willelmus Mo-

nachum in alio, quàm ubi professus est, constituere loco, nisi diebus vitæ suæ. Christus Dominus noluit diutius Apostolos in conclavi residere, sed misit eos in univèrsam orbem prædicare regnum Dei. Ipsi Apostoli per totum mundum divisi discipulos suos ad prædicandum ad diversas orbis plagas dispersos direxerunt, ut Petrus APOLLINAREM Ravennæ, CLEMENTEM Metti, EUCHARIUM Treveri, & plures alios, quos enumerare longum est circumquaque: & Paulus Timotheum & Sylvanum & ceteros. Alii quoque Apostoli creditas sibi à Deo partes mundi discipulis Fidem Christi annuntiantibus repleverunt: & Pater Monasterii, quicumque est ille, vices Christi agens, non potest vel pro lucrandis animabus, vel pro aliqua alia utilitate, dummodo pro Deo & secundùm Deum fiat, Monachum mundo mortuum & Deo soli viventem, in quocumque necesse fuerit loco stabilire?

Non, inquiunt, sed Monachus redeat ad locum suum. Concedo Monachum redire ad locum suum: sed eum qui malè exiit, non eum qui obedienter exiit, & obedienter ubi jussus est, stetit: sed

BERNARDUM , qui fugitivus contra præceptum Abbatis sui evasit ; non **B**ENEDICTUM , qui jussu Abbatis sui à Monasterio professionis suæ obedienter exiens & ad nos veniens , obedienter inter nos conversatur. Quàm melius vester iste Bernardus cum eodem fratre suo apud nos mansisset , quàm ut alibi degens inter alia facta sua , quæ vos me meliùs nostis , hoc incendium discordiæ , quod nunc inter nos , nisi Deus pacis prohibuerit , conflagravit , longo jam ex tempore in transmarina officina enutrisset. Quòd si id quod dicimus , videlicet ut Monachus cum licentia & jussione spiritualis Patris in quocumque Monasterio possit secundùm Deum degere , non conceditur ; ut tandem litigiosum hunc funem rumpamus , concedatur igitur secundum hæresim , quæ vel à Catholicis , si reus est , justè ; vel si innoxius est , injustè ab invidis Origeni impingitur , ut scilicet præterita sæcula denuo in idem quod fuerint revolvantur. Sic iterum vel idem , vel alius Adam & Eva , iterum à serpente decipiantur : fiant iterum Sodomitica incendia , iterum omnia viventia diluvio pereant , iterum Saül asinas

querat, David oves pascat: postremo (quod cogitatu & dictu horridum est) iterum Christus de Maria virgine nascatur, adolescat, tradatur, patiatur, moriatur, resurgat. cum è contrario Paulus dicat: *Christus resurgens à mortuis, jam non moritur*. Redeant omnia ad prima initia, BENEDICTUS ad Fiscamnum, WARINUS Gorziam, Domnus Abbas JOHANNES Divioni, & ceteri quicumque fideles Christi per diversa loca in sancta Ecclesia ad pascendum, regendum, ordinandum, docendumque gregem Domini distributi & promoti sunt, ut luceant velut luminaria magna in domo; redeant unde processerunt, recondantur & lateant sub modio, e contradicente Domino: *Non potest civitas abscondi supra montem posita*, &c. Animæ etiam defunctorum secundum somnia Poëtarum, quæ mille rotas volvere per annos lætæo flumine potatæ, rursus incipiant in corpora velle reverti: ut compos votorum suorum vester ille Bernardus cum Mantuano pastore nobis insultans lætus decantet:

Magnus ab integro sæclorum nascitur ordo.

Hæc si absurda sunt , immo quia absurda & Fidei catholicæ contraria ; respuatur falsitas , & teneatur veritas. Sanctæ Ecclesiæ firmissima columna Papa GREGORIUS AUGUSTINUM, MELLITUM cum plurimis Monasterii sui Monachis ad prædicandam veram Fidem Anglorum gentibus destinavit : quod & ipsi fideliter impleverunt. Quis , rogo , post tanti viri felicem obitum , quis , inquam , successorum ejus horum quemque vel Monachum ad Monasterium , vel Clericum ad Ecclesiam venire , aut monuit , aut coëgit ; & non potius sancti viri prædicabile factum laudavit , fovit , & juvit ? Quod vos facere sperabam , primò zelo & amore Dei , dein desiderio & caritate pii Patris , & maximè vestri , Domni Abbatis Wilhelmi , qui vos unica caritate inter ceteros enutrivit , dilexit , promovit , honoravit : nec quod ipse statuit aliquando , à vobis destituendum , sed potius confirmandum putavi.

Haberem plura , quæ paternitati vestræ ad horribilia dicta & facta quæ mandastis (neque enim res parva excommunicatio est) rescriberem , nisi reverentia vestri & disciplina regularis , quæ

nos Monachos in loquendo temperantiam habere monet, me constringeret. Hæc tamen pauca dixi, ut ostenderem & probarem, me nec Monachum, nec ovem vobis auferre; sed mihi commendatam in ovili Christi justè tenere & servare: ubi si ita vixerit in bono, sicut potest; non patebit morsibus lupi, sed servabitur pascuis Christi. Etenim etsi peccatores sumus, Christum tamen confitemur; catholicam Fidem tenemus, Baptismum & Eucharistiam Christi suscepimus, Regulam sancti BENEDICTI legimus, & pro posse servamus; in acie Christi contra communem hostem stamus; ferimus, & ferimur aliquando; Deo sustinente stamus, aliquando infirmitate impediante vacillamus; si fragilitate cadimus, Deo relevante resurgimus, nec tamen usque ad desperationem deficimus. Et credo ita in nostro & divitiis, & (quod periculosius est) religione exiguo & paupere loco, quemque Monachum fidelem posse animam suam cum Dei adjutorio servare & salvare; sicut in quocumque ditiori & religiosiori. nisi fortè aliquis plus sapiens quàm oportet sapere, hæresim Donatistarum, qui di-

xerunt in sola Africa veram esse religionem, eandem pestem ab Africa in Normanniam transferat, & asserat nullum Monachum, nisi in solo Fiscamni Monasterio, posse salvari. Qui hæc dicit vel credit, nimium coartat illum, qui est excelsus super omnes gentes, & cujus gloria super caelos est, cujusque nomen à solis ortu usque ad occasum laudabile est. Apostolus enim intelligens omnem hominem adversus communem hostem semper pavidum esse debere, vestrates quoque sicut & nostrates ammonet dicens: *Sobrii estote & vigilate, quia adversarius vester diabolus, tamquam leo rugiens, circuit quærens quem devoret: cui resistite fortes in fide.* Nisi fortè Angelorum custodia, Cherubim quoque romphæa ita jam munivit locum vestrum, (quod non puto in hac vita futurum) ut jam non possit eum irrumpere princeps hujus mundi, qui ut tentaret illum in quo nihil habebat, illum in deserto, in pinnaculo templi, in monte valde excelso invenit & tentavit, sed fugatus abscessit. Hæc nos timemus, hæc patimur, sed confidimus nos quoque, sicut & alios, liberari posse ab illo qui dixit:

Confidite, ego vici mundum. Hæc non exprobrando, sed ratiocinando, & ad scripta vestra duriter ferientia patienter respondendo diximus: ut si non possumus ad credendum, saltem ad æstimandum vos inducere valeamus, ovem illam quam vestram dicitis, etiamsi sine contradictione aliqua vestra esset, non inter nos nisi sua culpa perituram fore.

Sed tabella jam plena nil se amplius fuscipere posse ostendit: querimonia tamen e corde nostro justè, ut puto, ebulliens se aperiri, etsi non ex toto, saltem ex parte exposcit. Quid, quæso, Pater, quid adversum vos commeruimus, quod tam subitò, tam improvisè, tam præcipitanter, tam sævissimè telum acutissimum excommunicationis in nos voluistis jaculari! Sperabamus nos velut fratres vestris orationibus adjuvandos, quò Christo mereremur incorporari: & nunc à Christi corpore & sancta Ecclesia, cujus filii gratia Dei per baptismum esse meruimus, anathemate vultis separare? Gratia & pietate sua Dominus hanc potestatem Sacerdotibus dedit, ut quod ligarent in terris, ligaretur & in cælis; & quod solverent in terris, solveretur & in

cælis: sed benedictus Agnus ille, qui pro peccatoribus immolatus est, id sibi soli servavit, ut solus tolleret peccata mundi, ne fortè homo rabidus & phreneticus præcipitatione animi innocentes perderet, & nocentes servaret. Ipse Dominus Israëlitis inimicis, latroni in cruce percit, & apertis misericordiæ januis nos ad se etiam nolentes invitat, dicens: *Venite ad me omnes qui laboratis & onerati estis, & ego vos requiescere faciam.* Et homo dubius de se, qui nescit utrum odio, an amore dignus sit, vi quadam homini & fratri, quem ut se diligere jubetur, claudere laborat portas vitæ, de quibus nescit utrum aperiendæ sibi sint. Ego memor fragilitatis meæ, plus timens peccatis meis, quàm alicujus excommunicatione (quod absit) à gratia Dei excludi; gratias Deo & vobis reddo, quòd me interim ab excommunicatione, sive id facere, sive non debuistis, aut debetis facere, sustinuitis. Fratrem tamen illum, quem, ut scribitis, ab omni officio Christianitatis auctoritate Dei & sancti BENEDICTI, & omnium sanctorum separatis; non video qua ratione, quove justo aliquo judicio id facere debuistis

debuistis, aut debeatis. Monachus enim sub Regula sancti BENEDICTI, quem nobis auctorem in tali sententia advocastis, in Monasterio regulariter vivens, prohibetur penitus proprii cordis sequi voluntatem; & non solum sæpta Monasterii, sed nec claustrum egredi. Quomodo ergo vestra excommunicatione potest obligari is, qui nullam potestatem sui, vel in corpore, vel in animo habens, etiamsi velit, non potest implere id, propter quod excommunicatur ut faciat? JESUS in Phariseis vituperabat, quòd alligarent onera gravia & importabilia. Sed si illa vituperabilia, quia importabilia: ista magis reprehensibilia, quia impossibilia.

Sed dicitis vos id facere, quia licet. Sed Paulus dicit omnia sibi licere, sed non expedire. Utinam juxta beneplacitum Dei nemini liceret, nisi quod expedit. Sed quia in arbitrio nostro positum est bonum & malum, vita & mors; cavendum est in quam partem deflectamus, timendumque quod dicitur: *Væ qui dicunt bonum malum, & malum bonum.* Sed si ita agendum erat, directiùs in illum hæc sententia dirigeretur, qui malè à domo paterna exiens, nec rectè red-

iens, patris offensam non mitigat, sed exacerbat. Ille nunc duris pungionum aculeis castigandus, nunc blandis monitionum fomentis adhortandus, postremo jaculo anathematis meritò esset feriendus, donec in se reversus diceret: *Pater, peccavi in calum & coram te., jam non sum dignus vocari filius tuus, fac me sicut unum de mercenariis tuis.* Nunc mutato ordine, qui patrem recedendo offendit, pro malis bona recipiens cum patre epulatur: & ille qui cum patre semper mansit, nec ejus mandatum praterivit, pro hædo quem exspectabat, anathematizatur. Clamare cum Propheta compellor: *Quia impius prævalet adversus justum, ideo egreditur judicium perversum.*

Verùm quia querelosus iste sermo noster jam claudendus est; petimus, domine Pater, ut mitiorem in nobis animum & habeatis & ostendatis. Decet Dei & crucis Christi servum, quod vos esse vobiscum nos quoque fatemur, id facere, quod fecit ipse qui crucem, id est signum mortis, moriendo in ea, nosque redimendo in signum vitæ mutavit, implendo id quod Apostolus & docet, & monet nos quoque facere debere, ubi

ait : *Christus passus est pro nobis , vobis relinquens exemplum ut sequamini vestigia ejus qui peccatum non fecit , nec inventus est dolus in ore ejus . qui cum malediceretur , non maledicebat ; cum pateretur , non comminabatur : tradebat autem judicanti se injustè . qui peccata nostra ipse pertulit in corpore suo super lignum , ut peccatis mortui justitiæ vivamus : cujus livore sanati sumus . Sancti quique à principio mundi paratiores ad benedicendum quàm ad maledicendum fuerunt : quo exemplo idem nos facere docuerunt .* Quid memorem Isaac Jacob benedicentem ? quid ipsum Jacob non solum filios , sed & Pharaonem benedicentem ? Moysen duodecim Tribus , Symeonem quoque , eum à quo cuncta benedictio venit , Dominum benedicentem ? cum legamus etiam alienigenam Balaam tenuisse maledicere populum Domini . *Quomodo , inquit , maledicam cui benedixit Dominus ?* Si bene memini , in sancto Evangelio Dominus ipse soli ficulneæ infructuosæ maledixisse legitur , cum multos & in veteri & in nova lege benedixisse legitur . quam unam de ficulnea maledictionem cur fecerit , vos me melius nostis . Ecce iste frater , quem tanta anim-

adversione ab omni Christianitatis officio vultis anathemate separare, quanto labore, quanta arte & ingenio ex ultimis Judaïci populi favillis, quæ solæ olim salvandæ prænuntiatae sunt, vix ad Fidem collectus sit, & Christo copulatus, vos melius nostis: & nunc pro vilissima, immo nulla causa, à corpore Christi (quod absit) præcidetur! Non ita sanguis Christi vilipendendus est, qui posuit animam suam pro ovibus suis, & pro suo grege mori dignatus est, cui gloria in sæcula.

In calce epistolæ peto cum omni humilitate & subjectione, ut gratiam & caritatem vestram nobis concedatis, & sicut fratres & socios, vel (quod malumus) ut servos suscipiatis & teneatis: & quia infirmi & peccatores sumus, magis nos precibus vestris adjuvetis, ut Christi præsentiam & Sanctorum cohabitationem mereamur, quàm à tanta gratia ulla maledictione aut anathemate, quod absit, excludamur. Quod si vobis facere, non nostro merito, sed Christi respectu & fraterna caritate placuerit, gratias agimus; sin aliter, id nos nostris peccatis reputabimus, nec tamen de Dei diffusi mi-

fericordia, qua plena est terra, precabimur eum qui aperit, & nemo claudit; claudit, & nemo aperit; ut sola sua gratia nos recipiat in æterna tabernacula.

In fine Epistolæ vestræ, ubi ad valetudinem ventum est, diu in verbo valedictionis hæsitastis; postremo cum quadam convenientia, ut dicitis, valete illud per effudistis, quasi cum hæretico vobis esset sermo, de quo fideli præcipitur: *Nolite recipere eum in domo, nec ave ei dixeritis.* Ego valedicturus vobis, in verbo valedictionis nil hæsito: sed, ut fidelis & Catholicus Christianus, vobis Patri & domino sinceriter dico, Valete, & verbum Apostoli in corde sæpe, ut facitis, revolvite: *Benedicite persequentibus vos.* Ego autem dico: Benedicite non persequentibus, sed diligentibus vos, benedicite & nolite maledicere. Iterum valete, & siquid in loquendo peccavi, ignoscite, quia in amaritudine cordis locutus sum.



ADNOTATIONES.

TOTA Johannis expostulatio cum Warino est de repetendo Benedicto Fiscamenensi Monacho, qui ex Judæo Christianus, tum Fiscamni Monachus effectus, dein transmissus ad Mettense sancti Arnulfi Monasterium, ibidem residebat jam à multis annis. Hujus contentionis artifex erat Bernardus quidam, ob id à Warino Doeck appellatus: qui ex sancti Arnulfi Monasterio transfuga Fiscamnum sese receperat.

Ex Warini autem epistola constat, Guillelmum ipsum, qui Fiscamni Abbas fuit, etiam sancti Arnulfi Monasterio præfuisse, nimirum post Benedictum Johannis secundi successorem: tum ei successisse Oddonem, qui successus Warinus hujus epistolæ auctor. Warino verò subrogatus est Willelmus, qui sequentes epistolas scripsit. Ex quibus corrigendus est vulgatus index Abbatum Monasterii sancti Arnulfi.

Ad hæc, docet nos Warini epistola, Warinum ipsum Gorziæ; Johannem verò Fiscamenensem Abbatem Divionensis Monasterii, quod superius notabam, Monachum fuisse ante initam præfecturam. Denique Warinus ante monachatum Leodicensis Clericus fuit, testante Adelmanno in versibus rhythmicis inferius edendis.

WILLELMI ABBATIS

METTENSIS

Epistola I.

Gregorio Papæ VII de electione ejus gratulatur anno M LXXIII.

DOMINO venerabili & universali Papæ G. W. peccator devotionis affectionem & humilis servitutis effectum. Licet sapientia Dei universa quæ per ipsam facta sunt, dispositione mirabili & ordine imperturbabili moderetur; numquam tamen commodius consulit rebus humanis, quam cum eligens virum de plebe, in populi eum sui caput constituit, in cujus nimirum vita & moribus, quo nitendum sit, plebs inferior valeat intueri. Quod quidem beneficium nostris Dominum concessisse temporibus, quisquis non invidet, videt, dum te jam olim disciplinis ecclesiasticis eruditum, illius nunc cathedræ fecit effectorem, à qua per orbem terrarum omnium virtutum lumina diffunduntur, & ad quam, velut in circulo lineæ ad il-

Q. iij.

lud medium, quod centrum Geometrici vocant, universa convergunt. Tantis autem, ut nobis relatum est, totius populi electioni tuæ conspiravit assensus, ut nullus omnino ex tanta multitudine visus fuerit dissentire. Et unde, quæso, tanta unanimitas, tanta potuit esse concordia, nisi ex Spiritus illius instinctu, cujus olim adspiratione plebs primitiva credentium unum cor & unam animam habuisse describitur? Ea est enim illi Spiritui familiaris virtus atque potentia, ut corda quæcumque repleverit, levet; levata verò indissolubili amore conjungat sibi que subjungat. Gratias ergo Deo, præcellentissime Pater, gratias Deo, qui sic tuæ favit electioni, ut non pateret Ecclesia scissioni. Quisquis jam igitur tuo sacerdotio adversatur, cujuslibet esse meriti vel scientiæ videatur, ad illud calcæste ædificium non adspirat, qui per tumoris vitium atque discordiæ, omnium pace membrorum & unione se privat. quod quidem neminem ausurum esse confidimus, nisi qui respectu miseræ conscientiæ, pondus tuæ sibi formidat imminere sententiæ. Unde & ille diabolus Vercellensis cum suis complicibus elabo-

rat, ut tu in sede non debeas confirmari: metuens miser ne illo zelo tuo, quo in hostes Ecclesiæ exardescere soles, nunc ejus flagitia, ejus dedecora, ejus debeant probra damnari. Verum omnibus bonis eo ipso plus places, quo pessimis displices: quia non leve vel minimum est testimonium probitatis, displicuisse filii iniquitatis. Nunc ergo accingere gladio tuo super femur tuum, potentissime; illo, inquam, gladio, quem non prohibendum esse à sanguine Propheta proclamat, quémque devoraturum carnes Dominus salubriter pollicetur. Vides certè in Israëlita castra Amalechitas & Madianitas, ceterasque pestes pariter conspissasse. Magna sollicitudine, grandi consilio, continuoque studio opus est, ut tot monstra aut bestię possint vel jugulari, vel subjugari. Nullius ergo metu, nullius minis ab hoc spirituali conflictu sanctoque certamine retarderis: & Gedeonis illius in morem ad prælium processurus, lagunculæ ne timeas fractionem. Ecce te in sublimi & in specula positum oculi omnium vultusque suspiciunt: singuli magna de te audire desiderant, ex præteritis colligentes, quid nunc in ma-

jori officio sis acturus, qui quondam positus in minori non sine gloria militasti. At ineptus ego, qui te ammonere præsumam, currentemque nitar impellere, cum tu fervore mirabili majora moliaris, quàm nostra suspicetur infirmitas; & aquilino more omnia inferiora transvolitans, in ipsius solis ardorem tuos infingere coneris obtutus.

Scire autem te cupio, quorundam consilio me deceptum Abbatix sancti Remigii pondus pestiferum suscepisse. quod quidem tam impatienter graviterque & iniquo animo fero, ut illud à me longius propellere cogitem, si tamen in hoc opus tuum potero impetrare favorem. Sunt enim multa, quibus sic misera mens mea contunditur, ut nec ad meipsum jam mihi redire sit liberum. Nihil verò miseriùs, quàm frustra niti & inutiliter laborare; cumque grana purissima seve-
ris, nihil præter steriles avenas loliumque colligere. Scis enim quia perversi difficilè corriguntur, præsertim hi qui in monastico proposito tepuerunt; & vitia quæ à tenera sunt ætate imbibita, nec ullo studio, nullaque ratione cohibita, vix umquam aliqua portione, vel aliquo.

medicamine egeruntur. Huic autem calamitosæ sterilitati, & sterili calamitati illius singularis feri accedit immanitas, cui si quid projecero, plus acuit dentes; si subtraxero manum, ictus non effugio favientes. Inter tales igitur mihi angustias periculosaque tam sæva contrufo auxilii tui porrige dexteram: qualiterque revocare gradum, superasque ad auras possim emergere, tuis me, quæso, litteris facias certiolem, desque consilium quo præpolles; neque despicias animam pro qua Vita suscepit occasum.

WILLELMI ABBATIS

Epistola II

Ad MANASSEN Remorum Archiepiscopum.

Ei resignat prælationem Monasterii Remigiani.

DOMNO M. Remorum Archiepiscopo frater W. orationem, servitium. Plurimas tibi & ingentes gratias agimus, cum propter benevolentiam tuam, qua nobis in Christo statum

optatæ quietis es imprecatus, tum quia nos à tuæ dominationis jugo, quo miserabiliter premebamur, maturius absolvisti. quod quidem ad illam imperturbabilem quietem, cui nostra suspirat intentio, comparandam non minimas vires adjiciet. Sicut enim fulgor iste visibilis sanis oculis est delectamentum, lip-pientibus verò tormentum: sic nimirum illud intelligibile & oblecticium lumen nonnisi ei menti se dignatur ostendere, quæ ab omni terrena caligine suos enubilare contendit obtutus. Satis igitur eminet, quantum beneficii nobis contuleris, qui id præstitisti, ut illud summum bonum, summum gaudium, summamque lætitiā, sanctarumque mentium lumen frequentius & familiarius attingamus. Gratias ergo tibi, gratias tibi.

Baculum autem tuum, quem nimis minaciter tibi jubes remitti, nos noveris non habere: indignum prorsus ducentes illum nobiscum baculum exportare, quem numquam libuit omnino portare. Quis enim, quæso, est iste baculus tuus, nisi ille baculus arundinis, de quo Propheta proclamatur non eum esse idoneum ad sustinendum: cui quicumque innititur,

vulnerari potest facilius, quàm sustentari. **J**esu bone, quàm amarissimum illum baculum experti sumus! quantas in illo passi sumus contumelias & terrores! Profectò vix nos vivere credimus. Averterit Dominus hujusmodi baculum à servo suo, & tradat illum hosti suo. Et hæc quidem diximus non tuum accusando rigorem, sed nostrum ostendendo dolorem.

Abrenunciamus ergo baculo tuo, abrenunciamus etiam Abbatix; non tamen, si tibi placuerit, amicitix: abrenunciamus tuæ prælationi, nullatenus tamen dilectioni. Scimus enim inspirante Domino & illos amare, quorum animos ad dilectionem non possumus provocare.

Quod verò potestatem subjectionis in nos exsecuturum te canonicè minitaris; prius ipse debes canonicè vivere, ut id canonicè prosequaris. Nemo quippe jure potest canonicam exercere censuram, qui divinos canones contemnendo, vitam ducit impuram; nec ad aliena judicanda valet esse idoneus, qui per illicita aliena diffluendo, in suis moribus invenitur erroneus. Hæc interim pauca

tibi conscripsimus , te impensius deprecantes , ut petulantissimam linguam tuam freno temperantiæ modereris , ne si te nobis exhibueris Lusciū lanuinum , cogamur in te nostrum acutissimum infigere genuinum. Scis enim jam nos posse liberius scribere , quia non est unde tu possis proscribere.

W I L L E L M I A B B A T I S

Epistola III

Ad eundem de eodem argumento.

MANASSÆ Remensis Ecclesiæ obfessori W. peccator. Quid dulcedinis , quid amoris , postquam tuo jugo nescio quæ fortuna me subdidit , erga te semper habuerim ; hinc evidenter elucet , quod à te frequentissimè passus contumelias & terrores , sic tamen justæ indignationis impetum refrenavi , ut numquam in odium tui , numquam in derogationem , numquam in amariora verba proruperim. Certè mirabantur id etiam conlaterales tui , & me inter turbulentissimas minas tuas & horridas animi tempestates inhabitare mente tranquilla ani-

moque imperturbabili consistere, miris laudibus efferebant: & re vera sedebam in quodam securissimo portu, & illi petrae, de qua quondam Israëlitica plebs bibebat, & à qua Petrus vocabulum traxit, anchoram cordis habens affixam. Omnes turbulentias tuas impetusque minarum verberumque procellas, velut evanescentem fumum spumamque gurgitis, contemnebam.

Verùm quia quisquis veræ dilectionis movetur affectu, non potest de cujusslibet proximi erratibus non dolere; plus tuis, fateor, furiis, quàm meis ingemiscbam injuriis, illumque versiculum mecum sæpe convolvens, *Erue à framea, Deus, animam meam, & de manu canis unicam meam*; pro te quoque ignitas ad Dominum preces interdum cum lacrimis effundebam. Non enim ita cupiebam de canis hujus manibus liberari, ut tu in caninis moribus permaneres: sed ut, si fieri posset, mentis sævitia morumque bestialitate deposita, tu quoque mecum de suavissima caritate, & de carissima suavitate gauderes. O quotiens adhibui tibi medicamina Scripturarum! quotiens cælestibus verbis, quasi quibusdam car-

minibus , tuum tentavi mitigare furorem! quotiens etiam Threicia & Davidica cithara conatus sum illud vel expellere , vel sedare dæmonium , quo vexaris. At tu , immanissime hominum , plūs aloës quàm mellis habens , numquam dulcia monita suscepisti , nec in pectoris tui agro divīna semina coalescere permisti , in quo impiissimæ cupiditatis , & cupidissimæ impietatis planta convalluit.

Certè olim apud quosdam Philosophos de revolutionibus animarum grandis erat opinio : quæ per te non inaniter confirmatur , dum , sicut illi , Euphorbum in Pythagoram , sic in te GERVASIUM putent nostri temporis homines esse transfusum. Verùm non id ego tibi concesserim , ut ille in te totus transferit : cùm in illo tyranno quondam bonarum artium vestigia fuerint , quibus omnino tu cares , ille excelluit. Et ille quidem ecclesias construebat , tu destruis : ille templa Domini adornabat , tu spoliās : ille religiosos viros non mediocriter honorabat , tu verò persequeris. Nihil igitur in te ex bonis illius , sed sola vitia demigrarunt.

Ali

Ah pudet recordari miseriarum, quas sub tuo servili barbaroque dominio passus sum: pudet reminisci, quanta mihi mala pro bonis, quantaque pro dilectione mea conviciorum mihi jacula vulneraque jurgiorum retuleris! Prætereo minas tuas, prætereo quòd in ipsa festivitate beati Remigii follem me verbo rustico appellasti. Nec injuria id quidem. Nisi enim ego follis fuisset, ad te tam imitem, tam trucem, tam violentam, tam immanem bestiam, non venissem. At certè omnino stupendum fuit, ut qui follis exstiteris ad te veniendo, non fierem follior sub tua tyrannide remanendo. Prætereo quanta improbitate tentaveris à me pecuniam, quam Romano itineri paraveram, extorquere; quibus artibus, quibus dolis me per Sarabaitas tuos & circumcelliones circumveneris. Prætereo illas litteras tuas, quas super persona mea domino meo Mettensi Episcopo conscripsisti: prætereo illas quas Gipuino Clerico transmisisti. Illas parumper attingam, quas Domino Apostolico tui nuncii prætulerunt; in quibus sic vecordia tua & improbitas mentis apparuit, ut cùm venerabili Papæ, tum

sacro Senatui fueris ludibrio & horrōri.

Afferebas enim in illis litteris tuis , me
„ hominem esse pacificum , humilem &
„ quietum , lectioni semper intentum ; ac
„ per hoc non me Francigenarum tuisque
„ moribus convenire : te quadam opinionis
„ meæ fragrantia (quam tamen in me
„ pax , non virtus pepererat) inductum ,
„ ut mihi Abbatiam sancti Remigii com-
„ mendarēs. O monstrum nulla virtute red-
emtum à vitiis ! putasne inferioris es-
se virtutis in pace temperanter , mode-
stè & sobriè conversari , quàm in bello
acriter & fortiter præliari ? cùm pax so-
leat fortes etiam animos enervare : pu-
gna verò imbelles & desides roborare.
Unde non immeritò ille insignis Orator
arma togæ cedere persuadet subtiliter ,
nimirum considerans pauciores esse qui
possint in pace vivere continenter , quàm
qui pati bellorum labores & pericula pa-
tienter.

Verùm fiducialiter dixerim cum non
posse bello succumbere , quem non po-
tuit pax longa corrumpere ; & testa quæ
in aquis posita non mollescit , dissilire in
ignibus nescit. Risit igitur Dominus A-
postolicus illas litteras tuas : & quæ in

injuriam meam transmissæ sunt, laudem mihi & gloriam pepererunt. Contulit ergo mihi idem venerabilis Papa Abbatiam sancti Remigii vel retinendi, vel deferendi liberam potestatem: isque tibi litterarum suarum auctoritate mandavit, ut nihil ex supradicta Abbazia faceres, nisi quod voluntas mea consiliumque præscriberet. Ego in redeundo diu mecum multumque deliberans, meosque mores tuosque collibrans, summum duxi nefas, si vel ex visione tua meus umquam ulterius commacularetur aspectus. Non est itaque levitati & inconstantiae deputandum, quod Abbatiam tuam consortiumque tuum aufugerim; idque mihi perfacile, quisquis te agnoscit, ignoscit.



W I L L E L M I A B B A T I S

Epistola 1 v

Ad quemdam Abbatem.

Ejusdem argumenti ac duæ superiores.

DESIDERABILITER venerabili & venerabiliter desiderabili Domino & Patri H. W. peccator, orationem, servitium. Accepi litteras tuas, litteras puræ benevolentiae, litteras sincerissimi amoris igne ferventes, & intimæ dilectionis ineffabili splendore lucentes. In his autem litteris tuis asserebas te non mediocriter admirari, me sic falli, sic decipi potuisse, ut in terra Francorum, quasi in lacu leonum, me passus sim tam temere facileque contrudi: præfertim cum me ab hoc letali facinore illius cruentissimæ bestiae immanitas revocare debuerit, etiamsi cetera satis quietata tutaque forent. Fateor ita esse, tibi que veraciter meam temeritatem meamque stultitiam objurganti, quid excusationis, quid defensionis obtendam, me non habere confiteor. Verum debes me-

minisse infirmitatis humanæ, neminemque, dum in hoc corpore mortis vivitur, ita fore perfectum, ut non subiaceat mutabilitatis incerto. Quid enim mirum me alienis cecidisse consiliis, & à stabilitatis propriæ firmitate paululum titubasse, cum & David prudentissimus Prophetarum, servi in dominum Miphiboseth accusationi falsæ crediderit; & Josias Rex ille sanctissimus, unicæque pietatis in Dominum, pro Rege Assyriorum in Nechao Regem Ægypti consurgens Domini provocaverit iram? quæ tamen, ne tanti viri meritum deperiret, transitoria pœna morteque sedata est temporali. Non est igitur admirandum, si & nos qui involvîmur tenebris peccatorum, in lubrico itinere labimur, & in nostris consiliis caligamus: cum tales tantique viri ignorantix potuerint nubilò obscurari, in quorum vita & moribus lumen justitiæ & solis etiam claritas refulgebat.

Et ego quidem quadam virtutis imagine sum deceptus, & ut illius feræ pessimæ monstrique horribilis sævitia minùs prospectaretur, prospectaque caveretur, miseris Monachis & afflicto loco causa

R iij

fuit intentio consulendi. Pollicebatur enim ille aper de silva crebris, multumque terribilibus juramentis, se vineam Domini numquam ulterius depasturum, nec de ea quicquam ablatum, nisi quod ei manus meæ spontanea largitio contulisset. Credidi, fateor, promissionibus ejus, non levis meriti minimæ remunerationis arbitrans fore, si per me posset illius truculentia temperari. At ille rapacissimus lupo callidè blandiendo & falsa pollicendo, omnino moliebatur Abbatioræ nostræ, quæ pro modulo suo satis ordinata satisque composita videbatur, dentem infigere; & quæ pestilentia sua protriverat, in malitiæ suæ ventrem quoquo modo aliena consciscere. qui postquam se vidit frustra niti, artesque suas sibi parum procedere; in apertam insaniam solitumque furorem profiliens, nec me terrere minis, nec subplantare insidiis, nesciens miser sub illius me capitis umbra infatigabiliter decertare, a quo conculcari leonem & draconem tuba prophetica præconatur. Ut igitur non illi virulentæ insidiæ, sic nec mihi Deo propitio, quibus eas repellerem, doli & astutiæ defuere. Licet ergo illius me ju-

go subjecerim imprudenter ad modicum, tamen toleravi patienter, evasi sapienter.

Verùm non minimo pudore confundor, me plus credidisse verbis alienis, quàm oculis meis: & cùm in illo mihi totius malignitatis indicia apparerent, me cum illo vel sub illo consensisse puncto temporis immorari miserabiliter erubescō. Certè videbam in illo cervicem inflexibilem & erectam, oculos plenos furiiis huc illucque currentes, nares spirantes contemptum, sermonem varium sibi que dissimilem, nulla consequentia nulla que ratione constantem, humeros jactabiles, pedes instabiles, incessum inaequalem, in compositum, indecorum, manus rapaces, violentas, promptas ad eadem & ad injuriam proximorum. Cùm igitur hæc in illo venenatæ mentis signa perspexerim, ultimæ omnino miseriæ fuit sic me potuisse mihi metipsi absentari, ut umquam me passus sim ejus vel convictu vel colloquio maculari. Spero autem jam me de cetero prospectiorem, purgatiorem, cautioremque futurum; si tamen tu mihi opitulari non abnuas, precibusque potentissimis agere, ut hæc

R. iiii

mihî, quæ ex quadam mentis ovilitate contracta est, prolapsio remittatur. Vale.

W I L L E L M I A B B A T I S.

Epistola v.

Monachum quemdam ad unum Deum querendum hortatur.

DILECTISSIMO fratri A. W. peccator intimæ dilectionis affectum. Omnes quidem homines qui sacrae fidei & agnitionis divinæ munere gloriantur, decet sanctè & laudabiliter conversari. Hujus tamen negotii majus his pondus incumbit, qui excellentiori proposito suas animas voluntariè subjugantes, animique fervore mirabili omnium præceptorum cacumina supergressi, in Christi corpore quasi quædam clarissima lumina emicant. Cum enim conjugia Apostolico ore laudentur, & ex facultatibus suis partem pauperibus erogantes, sedes beatorum, camposque Elysios consequantur; isti tamen vitæ perfectioris amore omnia visibilia contemnentes, ipsam subito monadem arripere maluerunt,

quàm ex his temporalibus gradus efficere, quibus ad illam conscenditur. Sanè quòd omnia referantur ad monadem, & quia super universa quæ per ipsam facta sunt, teneat principatum; Scriptura illa satis evidenter ostendit, quæ de sapientia loquens, *Cùm una*, inquit, *sit, omnia potest*. Et unam se à Domino petere Psalmista testatur: & arca quæ à Noë constructa est, ubi mensuræ cælitus dantur, in inferioribus trecentorum cubitorum longitudinem, & quinquaginta latitudinem habuisse describitur: quæ tamen ad altiora consurgens cogitur in angustum, ita ut summitas ejus in unius cubiti spatium terminetur.

Vides ergo quomodo universa redigantur ad monadem: quam qui in præsententi potuerit obtinere, jam profectò illud in hac mortalitate consequitur, ad quod in illa resurrectione communi omnis creatura rationalis sancta & munda devenire contendit. Tunc, ut divinæ litteræ pollicentur, erit Deus omnia in omnibus, cùm tradiderit Filius regnum Deo & Patri, id est cùm Fideles, in quibus nunc regnat ille per Fidem, ad contemplationem Dei & Patris optabiliter

feliciterque perduxerit. Huic excellentissimæ visioni Moyſes ille legiſſator , & ardentiffimus divinitatis amator , liberum cupiebat adhibere conſpectum , quando cum Domino loquens , ut & ſemetipſum dignaretur oſtendere , devotiſſimè precabatur. Noverat enim vir ille mirabilis ſummam beatitudinem fore rerum omnium principium contueri , & illam monadem mentis complecti , à qua univerſa ſumunt originem , & in qua habent omnia finem.

Claret igitur quantæ virtutis quantæque præſtantiæ ſit , omni ſæculari ſpe mundique felicitate rejeſta , illud unicum bonum appetere , ad quod tanti viri ſuſpirabat intentio. Unde & in regeneratione cùm ſederit Filius hominis in ſedè majestatis ſuæ , jure à Domino judicariam accipient poteſtatem , qui ejus dilectionis intuitu omnia reliquerint : quia & id congruere æquitati , quicumque ſanum ſapit , intelligit ; ut qui in peregrinatione veraciter humiles exſtiterint , ſint in patria glorioſi.

Inter hujuscemodi ergo heroas ſedem te eminentiſſimam adepturum , certa me cogit ratio opinari : quia ut ad tantam

humilitatem descenderes , non te , ut quosdam , recordatio peccatorum , sed laudabiliter acta vita superior patriæque cælestis desiderium invitavit. Semper igitur sis circumspectus , semper sis providus , omnique studio totaque intentione cordis enitere , ut de bonis semper ad optima transeundo , finem facias concordare principio ; nec ulla hostis antiqui fraudulentia violetur , quod ab integritate sumpsit exordium. Non aliorum quæso torpor tuum faciat tepere fervorem , nec eorum exempla te negligentiores efficiant , qui prætendunt habitu quod moribus insequuntur. Multi etenim tales , quod te latere non arbitror , sub angelico habitu delitescunt , quorum sic misera est conversatio tantæque vitæ perversitas , ut bonis etiam mentibus plerumque sacri propositi pænitundinem ingerant , vitæque deterioris contactu sanctæ cælestisque militiæ non desinant obscurare nitorem : qui per se quidem semper præclarus , semper lucidus , semper egregius est.

At bene fundatum animum res non ista perturbat , nec cum à summo amore disjungere cujuslibet malitiæ valet im-

probitas. Scit enim in Dominica arca grana inter paleas gemere, nec eam oportere divinæ discussionis ventilabro, nisi in fine sæculi, permundari: scit in præsentis piscatura verbi fagina bonos malosque pisces concludi, nec eos posse nisi in litore separari. Sic ergo debemus animum moderari, sic impatientiæ virus longanimitatis antidoto temperare, ut & patienter malorum improbitatem feramus, nec umquam bonos propter peffimos deferamus.

Hic tu me forsitan argues, cur ipse beati Remigii Abbatiam tam citò facileque reliquerim; cùm in illo collegio dubitari non possit quosdam viros honestissimos inveniri, ex quorum benevolentissima caritate ceteri debuerunt tolerabiles judicari. Fateor partim iusta hæc tua objurgatio videretur, nisi ille pestilens truncus ficulnus, inutile lignum, terram illam miserabiliter occupasset, sub cujus umbra nulla quidem bona possunt semina exoriri, sed & si qua exorta fuerant, enecantur. Ita enim illa venenata & amarissima arbor tenebrosa est & condensa, ut quocumque brachia tortuosa mortiferosque ramos extenderit,

Nullum illic sol justitiæ lumenque veritatis habere possit accessum. Tale igitur monstrum & hujuscemodi aufugisse portentum, non impatientiæ & inconstantiæ vitio, sed summæ virtuti summæque est prudentiæ deputandum.

WILLELMI ABBATIS

Epistola VI.

*Eidem Monacho à proposito fervore deficienti
exponit arcana judicia Dei.*

FRATRI A. W. peccator sole vestiri, & lunam habere sub pedibus. Quoniam quisquis veræ dilectionis stimulatur affectu, non minùs proximorum quàm suis provectibus conlætatur; congratulatorias tibi litteras nuper transmississe me memini, sperans tuæ conversionis principio totius vitæ tenorem finemque propositi responsurum. At, ut mihi relatum est, longè aliter se res habet, teque malorum improbitate devictum, patientiæ clypeum projecisse: quo si vellet tua fraternitas communiri, cum ex quorundam melioratione, tum ex tolerantia pessimorum non minimum

tibi lucrum virtutis adcrederet.

Agitur enim modo ineffabili ordineque mirabili, ut semper electorum utilitati reproborum serviât omnis improbitas; eoque purius veri Israelitæ celesti divinoque lumine perfruantur, quo profundius suis tenebris suæque caligini Ægyptii immerguntur. Mentior si non ita esse ipsa sacra contestatur historia, quæ in illa percussione Memphitica apud Ægyptios palpabiles tenebras, apud plebem verò Fidelium clarissimam lucem fuisse commemorat. Sic nimirum hi duo populi discernuntur, ut licet in una provincia sint, licet eadem commorentur in domo; alter tamen semper in lumine, alter in tenebris obversetur. Nec mirum id quidem. Tanta est enim illius oblecticii luminis, divinique fulgoris potentia, ut corda quæcumque tetigerit, statim inluminet & accendat: quæ verò suo judicaverit indigna contactu, in sua caligine tenebrosa & frigida perseverent. Cur verò ex una perditionis massa omnium hominum genus emerferit, & originali peccato priusquam renascantur omnes teneantur obnoxii; cur aliis gratia conversionis divina inspiratione præ-

stetur, alii autem in propria obscuratione permaneant; non humanæ rationis examine, nec mortalis ingenii est trutina ponderandum.

Verùm ex hac ipsa divini profunditate judicii illud salubriter admonemur, ne facilè temereque infirmorum fratrum consortia deseramus: quia quid de his Judex ille secretissimus in occulto disponat, non est idoneus noster comprehendere intellectus. Fit enim plerumque, ut hi qui videntur opprimi pondere delictorum, & in aquilonis lateribus residere; subitò divina inspiratione compuncti, culparum sordes excutiant, & in terra australi per opera virtutum sibi domos ædificent.

Quod cùm ita sit, immanissimæ est omnino intolerabilisque superbix interni & æterni Judicis velle prævenire sententiam, & discretionem piscium, qui eorumdem sacramentorum retibus concluduntur, in præsentis exercere conari, priusquam maris litora contingantur. Certè hoc divinæ litteræ docent, hoc omnis series Scripturarum bene consulta respondet, bonos à malis interim corde separari debere, non corpore; nec loco.

rūm longinquitate, sed affectuum qualitate. Veniet profectò, veniet illa dies, in qua inter pecus macilentum & pingue, inter pecus arietum & hircorum, Pastor ille falli nescius judicabit. Tunc occulta tenebrarum omnino producentur in luce, nec sub ovinis pellibus lupinacorda se contegent: quia ex ipsius beatissimæ resurrectionis virtute potentiaque proveniet, ut quales hîc singuli fuere in moribus, tales illic appareant in ipsis corporibus. Denique ideo vitro mundo illa luminosa civitas comparatur, quoniam clarissimi vitri in morem, quidquid ibi interiùs erit, exteriùs eminebit, ipsæque conceptiones animorum mirabiliter subjacebunt conspectui oculorum. Ergo, dilectissime frater, ad illam ineffabilem puritatem sanctis moribus nos paremus, boni ipsi simus; quosque trahere ad meliora non possumus, patientissimè toleremus. Vale.



WILLELMI

WILLELMI ABBATIS

Epistola VII.

A. præceptorem suum, qui de sua conversione tristis erat, ad sæculi contemptum hortatur.

PRÆCEPTORI suo A. W. peccator fugere à facie arcus. Consideranti mihi studia cupiditatesque mortaliū, tanta ammiratio, tantusque stupor offunditur, ut cum Satyrico exclamare compellar:

O cæras hominum, ô quantum est in rebus inane!

Quis enim non vehementissimè ammiratur tanta miseros homines cupiditate raptari, ut eorum aviditati non ratio, non voluntas, non denique timor Domini finem imponat? Fit enim mirum in modum, ut quanto plura congesse-
rint, tanto magis cupiditatis facibus inardescant, crescatque amor nummi, quantum ipsa pecunia crescit. Unde ineffabiliter divina est prædicanda justitia, quæ sic morti hominem peccantem addixit, ut ei propter incertos casus cotidie immineret; propter brevitatem autem lon-

Veterum Analect. Tom. I.

S

ge non posset abesse. Providit nimirum summa Divinitas hominem posse cupiditatibus relictari, illicitasque cohibere laceratias, si pœnæ formido semper ejus ante oculos versaretur. Quis enim sub mortis metu positus vel minimam de rebus temporalibus capiat voluptatem, quas velit, nolit, ipse sit relicturus?

Jam ergo videre perfacile est, quantis illi descendendi sint fluminibus lacrimarum, qui medicinali Domini severitate contempta, ita semel se iniquitatis dedere profundo, ut revocare gradum superasque emergere ad auras nec valeant, nec velint ulterius. Quorum mirabilem, immo miserabilem tæcitatem cæcitatique supplicium quo facilius evitarem, ad veræ philosophiæ sinum, gremiumque me contuli. Medetur enim illa animis, inanes sollicitudines detrahit, cupiditatibus liberat, pellit timores. Tanta autem jocunditas, tamque inæstimabilis est ejus pulcritudo, ut unus dies bene & ex præceptis ejus actus, peccanti immortalitati dignissimè præponatur.

Vides igitur, si me diligis, quanta sit tibi cum exultatione lætandum, qui mihi talem sponsam elegerim, cujus cum

forma, tum suavitas rebus omnibus antecellit. Jam ergo sicca lacrimas, cohibe fletum, omnem marorem expellito: pro certo noveris me partem optimam elegisse. Credito, credito mihi, succedet humilitati sublimitas, lacrimis risus, divitiarum paupertati: magna sunt enim quæ suis illa amatoribus pollicetur. Et re vera quis cogitare sufficiat, quantas sapientia dilectoribus suis opes sit collatura, cum ejus amore suscepta paupertas ipsa delectet? Huic ergo adhærere mihi bonum est, nullusque umquam fuerit dies, qui me ab ejus amplexibus & amore divellat.

Verum si nosse desideras, quali in castris ejus regula militemus, breviter tibi illam describimus. Sunt nobis cuncta communia, unum cor, una anima, unum idemque propositum: virtus autem obedientiarum sic præpollet, ut cum nobis incredibile sit studium legendi, nullus tamen obedientiarum præferre audeat lectionem. De gratuita verò paupertate quid referam? cum omne quod corporeus sensus attingit, sit nobis omnino contemptui, animumque avocantes a corpore consueamus mori. Arduum id quidem atque difficile, quis negat? Sed ta-

men hoc duce philosophia nos credimus effecturos. Hæc est vita laudabilis, quam tenemus: hæc vera philosophia, ad quam re, ô amice, invitamus. Quòd si te ad hanc adducere non valuerò, tu me ab illa numquam abduces. Vale, & misere-re animæ tuæ.

A D N O T A T I O N E S

In Wilhelmi Abbatis epistolas.

I N E P I S T O L A M I.

IN prima hac epistola Willelmus Gregorio Papæ VII gratulatur de ejus electione, quæ contigit anno M L X X I I I. tum significat se postulatum ad regimen Abbatiae sancti Remigii apud Remos, quæ post obitum Herimari anno M L X X I Pastore vacaverat, quod onus subire refugit. Huc spectant Gregorii Papæ VII epistolæ quædam, nimirum libri primi epistola X I I I ad Manassen Remorum Pontificem, qua eum monet, ut ne Monachos Remigianos amplius vexet, utque juxta canonicas sanctiones Abbatem ibi ordinandum curet. Eamdem rem commendat epistola sequenti ad Hugonem Abbatem Cluniacensem. Utraque epistola data Indictione undecima, hoc est anno M L X X I I I.

Propius Willelmum nostrum spectant ejusdem libri epistolæ 52 & 53, scriptæ Indictione duodecima: prior quidem ad Manassen, quem

laudat, quodd Monasterio sancti Remigii *honestum moribus & eruditum litteris hominem* præfecerit, scilicet Willelmum nostrum, de quo hæc subdit: *Abbas quidem nobis admodum placet: & si posset ferre onus, ut utrasque Abbatias regeret, Mettensem scilicet & Remensem, laudassem pro eo, quia vir religiosus & sapiens est.* Verùm quia Willelmus in hac epistola onus istud à se amoliri conatur, subjicit Gregorius: *Alioquin si pondus utrarumque regiminis supra posse sibi est, ut ipse fatetur; ne nimia gravedine pressus succumbat, rogamus prudentiam tuam, immo apostolica auctoritate monemus, quatenus suo consilio & consensu per electionem congregationis, secundum Regulam sancti Benedicti, idoneum ibi rectorem Deo concedente constituas.* Denique Gregorius epistolam 53 ad Herimannum Mettensem Episcopum de eadem re scribit, scilicet *Abbatem sancti Arnulfi*, nempe Willelmum (non verò Abbatem Arnulfum, ut perperam legitur in lemmate vulgatæ epistolæ) velle renunciare Abbatia sancti Remigii, & Mettensi esse contentum.

DIABOLUS ILLE VERCELLENSIS.

Gregorius scilicet Episcopus Vercellensis, primum a Leone Papa IX ob adulterium aliaque flagitia excommunicatus, dein absolutus: qui Henrici IV Imperatoris Cancellarius in Italia factus, ita ejus factioni semper adhæsit, ut eo instigante Cadeloum Parmensem Episcopum, conspirante Placentino Pontifice, Antipapam creaverit post mortem Nicolai I I.

S. iij.

idemque Romam àb eodem Imperatore missus ad confirmandam Gregorii VII electionem, cui primùm restiterat; demum Synodo adversus eum convocata miserè expiravit.

In fine epistolæ Willelmus non ita bene sentit de Monachis Remigianis: at in fine epistolæ quintæ judicium suum temperat; testatus in illo collegio quosdam viros honestissimos inveniri, ex quorum benevolentissima caritate, ceteri debuerunt tolerabiles judicari.

I N E P I S T O L A M I I.

In hac duabusque sequentibus epistolis Willelmus acerbius ac durius fortasse, quàm par esset, in Manassen invehitur. Facilius tamen Willelmo veniam dabit, qui Manassæ mores perspectos habuerit. Legendi hac de re tum Hugo Flavinianensis Abbas, ejus æquatis in Chronico, tum Guibertus Abbas de Novigento in lib. I de vita sua cap. XI, ubi sancti Brunonis secessum ex urbe Remensi refundit in flagitiosam Manassæ vitam. *Manasses*, inquit, *post Gervasii famosissimi Archiepiscopi decessum, prædictæ urbis regimini simoniacè se intrusit: vir quidem nobilis, sed nihil prorsus serenitatis, quæ prima ingenuitatem decet, habens. . . Is cum milites summo opere affectaret, Clerum negligeret; dixisse aliquando refertur: Bonus, ait, esset Remensis Archiepiscopatus, si non Missas inde cantari oporteret, &c.* Eo verò processit Manassæ flagitiosa vita, ut in ordinem redactus sit an-

no MLXXX in Concilio Lugdunensi. Ex quibus intelligas, non sine causa Willelmum exarsisse in ipsum, tametsi hic auctor ingenii paullo ferventioris ac mordacioris fuisse videtur.

IN EPISTOLAM III.

Hic Gervasium Remorum Archiepiscopum Willelmus comparat cum Manasse ejus successore, longè tamen præferendo Gervasium. Hunc quippe laudat, tum ob bonarum artium studium, quibus excelluit; tum ob constructas ecclesias & templa exornata, scilicet ecclesias sancti Nicasii & sancti Dionysii, quas instauravit; tum denique ob religiosorum virorum cultum. Nam Monachos Ordinis sancti Benedicti in sancti Nicasii; Canonicos regulares in sancti Dionysii Monasteria primus induxit. Cur verò cum *tyrannum* vocet, non comperio, nisi quòd ipsius demortui animam è dæmonum potestate per sanctos Martyres Dionysium & Nicasium ereptam veteres ferunt.

FOLLIS nomine, quo auctor utitur hoc loco, veteres Galli insanum & stultum significabant, teste Johanne Diacono in *lib. 4 de vita sancti Gregorii cap. 96. At ille*, inquit, *more Gallico sanctum senem increpitans fultem*, &c.

IN EPISTOLAM VII.

Quis fuerit Willelmi præceptor, cui septima ejus epistola inscripta est, incertum nobis reddit decurtatum istius præceptoris nomen, sola prima littera A, indicatum. Conjicio tamen fuisse Alestanum Fulberti Carnotensis Episcopi discipulum, quem Adelmanus laudat in versibus rythmicis inferius edendis.

Vix amissum quereremur Odulfo superstitute

Alestanum: quantus erat veteris scientia,

Sicut hi quos eruditur satis possent hodie.

Ceterum quam solida pietate imburus fuerit Willelmus noster, intelligimus maximè ex tribus postremis epistolis: quas cum quatuor aliis ex ms. codice Mettensis Monasterii S. Arnulfi descripsit, mihiq; transmisit vir religiosissimus Dominus Josephus Homassellius, ejusdem loci tum Subprior, Congregationis sancti Vitoni. Porro inter poetica in consequentibus referam epitaphium hujus Willelmi Abbatis, quem inter Abbates Monasterii sancti Arnulfi prætermisum miror.

Hic subjungendam duxi Orationem Willelmi Abbatis in festo sancti Augustini recitandam, hujus Willelmi, an alterius ætate superioris, scilicet beati Willelmi Abbatis Fiscamnenfis ac Divionensis, qui collapsam monasticæ Religionis disciplinam, cum in pluribus aliis, tum in Mettensi S. Arnulfi Monasterio instauravit. Ut potius alteri Willelmo, cujus episto-

has hæcenus retuli, subjectam Orationem adscribam, his conjecturis moveor. Primò, quòd Mettensis codex in Monasterio S. Arnulfi. co Willelmo Abbate scriptus sit. Deinde, quòd hæc Oratio inscribatur *Domni Willelmi Abbatis*, absque alia honoris præfatione: cùm Willelmus antiquior jam tum beatus ac sanctæ memoriæ Abbas diceretur. Sic Warinus in epistola superiùs edita hunc *sanctæ memoriæ Domnum Abbatem WILLELMUM* appellat. Ad hæc, quòd Willelmus junior sancti Augustini doctrinæ maximè addictus fuerit, ut patet in primis ex superiori epistola sexta.

ORATIO DOMNI WILLELMI
ABBATIS

In commemoratione sancti Augustini ante consecrationem Missæ dicenda.

MEMENTO, Domine, animæ famuli tui PATRICII, & famulæ tuæ MONNICÆ: & si quid pro anima filii ipsorum domini mei AUGUSTINI, dilectissimi Confessoris tui, mihi misero peccatori licet vel intimo cordis affectu desiderare; utinam non omni modo inutiliter ipsa tibi mea loquatur voluntas. Scio quidem, Domine, & pro certo agnosco esse me peccatorem, & infeli-

cissimum , & cunctis criminibus obnoxium , atque inmensis sceleribus coinquinatum ; illum autem fuisse in hac præfenti vita sanctum , justum & pium , omnibusque virtutibus mirabiliter exornatum ; nunc autem omni honore & gloria in conspectu tuo mirifice sublimatum , ubi magis ac magis glorificetur & magnificetur desidero & opto , & in quantum præsumere audeo , exoro. Quod verò per eum ingenti necessitate , tamen cum quantulacumque fide exposco , tu benignissime occultorum cognitor , scrutans corda & renes Deus , intende placatus , quatinus meritis & intercessionibus ejus , omniumque Sanctorum tuorum , absolvas me & omnes fratres nostros ab omni vinculo delictorum , & denuo tam nobis , quàm omnibus , pro quibus tuam clementiam exoramus , facias secundum multitudinem miserationum tuarum. Mihi quoque obsecro de ejus intercessionibus & meritis donari , quod certè meis non mereor adipisci , videlicet ut de divinitate atque humanitate dilectissimi filii tui Domini nostri JESU CHRISTI id merear sentire quod ipse sensit , scire quod scivit , intellegere quod in-

tellexit, credere quod credidit, diligere quod dilexit, prædicare etiam valeam, quod docuit. Precor, Domine, ut subveniente & succurrente cum tua pietate omnium Sanctorum tuorum supplicatione, cum sincera fide, cum spe secura, cum caritate non ficta ultimum valeam spiritum efflare. Sed & diem illum & horam, migrationis videlicet animæ meæ de corpore, peto, Domine, ut non permittas me pernicioso timore horrere, sed sic potius facias vivere, ut mihi congruum, & proficuum, & utile sit velle dissolvi & cum Christo esse. Dissolvi enim & cum Christo esse, certè nihil melius, nihil gloriosius, nihil felicius, nihil jucundius, nihil delectabilius, nihil dulcius, nihil suavius, nihil amabilius, nihil optabilius, nihil desiderabilius. Tamen si adhuc permanere in carne propter quoscumque necessarium est, quid dicam? certè quamvis torquente conscientia valde sibi malè conscia, dicam, Pater, dicam, fiat voluntas tua. Tu enim qui nosti etiam bene uti malis, tu solus scis, quare hoc fecisti, habens potestatem ex eadem luti massa aliud vas facere in honorem, aliud in contumeliam, potestati

tuæ nemine resistente, nemine prohibente, nemine contradicente. Et quid contradicere potest creatura creatori, factura factori? numquid dicit figmentum ei qui se finxit: Quare me sic finxisti? Quippe cui vis misereris, & quem vis induras. Quapropter nescit homo mortalis utrum odio, an amore dignus sit, sed omnia in futuro reservantur incerta. Unum autem certum, firmum, stabile & perpetua constat æternitate inmutabile, scilicet quòd Deus es, quòd omnipotens es, quòd bonus es. Ergo in nobis & de nobis quod bonum est in conspectu tuo, clementissime Pater, fiat, fiat. In ditione quidem tua cuncta sunt posita, & non est qui possit resistere voluntati tuæ. Si decreveris salvare nos, continuò liberabimur: à cujus liberationis gratia, ne multitudo ac magnitudo peccatorum meorum faciant extorem & indignum, jube, Domine, miseriam animam meam consolari, quòd misereris omnium, & nihil odisti omnium quæ fecisti, dissimulans peccata hominum propter pænitentiam. Fac ergo me, Domine, fructum dignum pænitiæ facere. Fac, piissime, ut antequam in desperationis baratrum incidam, antequam,

me mors occupet, antequam dies ultima mihi aditum intercludat, da ut inveniat servus tuus cor suum ad satis tibi faciendum pro tantis tamque horribilibus ac nefandis criminibus, quibus me confiteor obnoxium Majestati tuæ, & quàm gravissime, heu heu quàm damnabiliter. Sed tu, clementissime & piissime Deus, avertens faciem tuam ab his malis, noli me secundum actum meum judicare, sed clementer satisfactionem meam suscipiens exaudi me, ut vel nunc prope finem meum, cum jam multum non laboraturus sum, omnia interiora mea tuis sanctis jam non neglegam neque differam occupare obsequiis. Inlumina, quæso, Domine, mentem meam ad investigandam, & inquirendam, & scrutandam semitam mandatorum tuorum, ut nulla mihi jam dominetur iniquitas, neque possideant me domini absque te: sed tu possideas rogo, tu domineris mei. Peto tu, benignissime, doce me facere voluntatem tuam, quia tu es Dominus Deus meus, & ego servus tuus & filius ancillæ tuæ. Fiat igitur nunc mihi, Domine, per gratiam tuam, ut abdicata omni dominatione vitiorum, non superbia, non

avaritia, non luxuria, non ille omnium iniquissimorum iniquissimus, omnium nequissimorum nequissimus, impiissima crudelitate, & crudelissima importunitate intolerabilis, pessimus blasphemiarum spiritus, non ulla vitiorum pestis valeat mentem meam ullo modo evellere, aut avertere à fiducia immensæ bonitatis tuæ. Verum de immensitate misericordiarum tuarum fidei confidentia roboratus, quæso ut audeam de te securiùs dicere: Tuus sum ego, ita ut tu me agnoscens membrum illius sancti corporis tui, cui dicere dulce habes: Audi, Jacob serve meus, & Israël, quem elegi, faciens & formans te ab utero, auxiliator tuus, quia ego sum, qui deleo iniquitates tuas propter me, & peccatorum tuorum non recorder. Non recorderis amplius peccata mea, sed propter te, precor, deleas iniquitates meas, propter te tribuas mihi gratiam tuam, ut ad tanti Sacramenti mysterium accedenti dimittas quæ conscientia metuit, & adjicias quod oratio non præsumit.



OSMUNDI EPISCOPI

ASTORICENSIS

Epistola

Ad IDAM Comitissam Bononiensem.

OSMUNDUS, Dei gratia Astoricensis Episcopus, IDÆ nobili Bolonienfi Comitissæ salutem in Christo. Quoniam tua summa prudentia investigare, insuper invenire desiderat, qualiter civitas Astorica reliquias tantas capillorum sanctæ MARIÆ Dei genitricis habuerit, & unde invenerit; sanctæ petitioni tuæ & investigationi piissimæ fatagere, prout in sententiis librorum nostrorum invenimus, sub brevitate decrevimus. Invenimus namque, quod persecutione gentilium urgente Hierosolymam septem discipuli, TORQUATUS & ISCIVS cum ceteris quinque, Hispaniam navigarent, deferentes eas & alias quàm plurimas usque Toletam pervenerunt. Rex verò Hispaniæ & omnis populus ejus honorificè susceperunt eas: &

in magna reverentia læti eas, sicuti decebat, habuerunt. Cumque iterum gens Saracenorum Hispaniam perurgeret, Episcopi & omnes viri religiosi ad nostras Alpes, videlicet Astoricenses, quæ ab Astorica habent nomen, confugere, & quidquid præcipuum ducebant, asportaverunt, & in civitate nostra Astoricâ atque Oveto omnia recondierunt. Nos verò posteri sic eas habentes, & præcepto nostri Regis, videlicet ADEPHONSI, non obviantes, misimus vobis de melioribus & dignioribus magnam partem, obsecrantes ut sitis memoratrix Astoricensis Ecclesiæ. Valet. Ego verò ADEPHONSVS Rex hæc cartam vidi & legi, & quæcumque in ea scripta sunt, propria manu confirmavi.

A D N O T A T I O.

SCRIPTA est hæc epistola circiter annum **S**M LIX, quo Ida Eustachii Comitis Bononiensis vxor in castro Lenensi pagi Atrebatensis, recentioribus Lenis, Deiparæ Virginis templum construxit, instituitque Canonorum collégium. Præterea reliquias undique conquisivit, easque intulit in basilicam à se ædificatam, scilicet reliquias sancti Vulgani, cuius corpus in Lenensi Monasterio Canon-

Canonicorum quiescere testatur Baldericus in Chronici lib. 2 cap. 22. Hinc factum puto, ut Ida ex Hispania per Osmundum Episcopum obtinuerit capillos beatæ Mariæ, de quibus in hac epistola agitur. Lege Jacobum Malbrancum in lib. 8 de Morinis cap. 49, ubi de ecclesia Lenfienfi.

GALTERI EPISCOPI

MAGALONENSIS

Epistola

Ad ROBERTUM Præpositum Insulanum,

De Floribus Psalmorum à Lietberto collectis.

GALTERUS Magalonensis Episcopus, & sanctæ Romanæ Ecclesiæ Legatus, dilectissimo consanguineo suo R. Insulano Præposito, & universis ejusdem ecclesiæ Canonicis, in Domino salutem. Cùm vobiscum dudum apud Insulam moraremur, Concanonicus vester HESCELINUS inter alia verba, quæ nobiscum familiariter habuit, cœpit diligenter inquirere de Floribus Psalmorum, quos à sanctæ memoriæ LETBERTO,

Veterum Analect. Tom. I. T

olim Canonico vestro, postmodum sancti Ruffi Abbate, audierat exceptos, & in unum collectos. Cui nos in quantum ex ipsa Scriptura percepimus, qui & religionem & intentionem illius beati viri novimus, respondimus animum suum in hoc opere fuisse, ut quod moribus corrigendis magis esset Ecclesiæ Dei necessarium, hoc tantum de diversis expositoribus traheret, & in duobus corporibus poneret. Magnam quippe & diffusam expositionem super Psalmos à beato Augustino editam noverat, & Cassiodoro, & reliquis Ecclesiæ Dei Doctoribus: sed qui totus igne divini amoris inflammatus cælestibus inhiabat, & in animarum lucro temporalibus curis omnino postpositis tantum intendebat, totum studium & ingenium suum ad hoc vertit, ut omnipotenti Deo, sive scribendo, sive loquendo, quas posset animas acquireret. quod studiosus lector in eisdem Floribus animadvertere potest. Audito itaque beatissimi viri studio, audita etiam utilitate illius lectionis, cœpit vehementer idem Concanonicus vester precibus instare, ut si quem locum familiaritatis, si quam gratiam a-

pud nos obtinebat; aut totum, aut partem illius operis per nos habere mereatur, ex promissione nostra illud Psalmi frequenter replicans: *Memento verbi tui servo tuo, in quo mihi spem dedisti.*

Verum nos occasione curæ pastoralis & nobis injunctæ legationis in multis & diversis negotiis extunc occupati, desiderium & promissionem nostram implere hætenus minimè potuimus. Ceterum caritas illa, quâ nos in Deo & propter Deum diligimus, hujus debiti nos nequaquam sinit esse immemores. In duobus igitur corporibus, sicut ab illo sancto viro iidem Flores excepti sunt & divisi, non singulariter alicui personæ, sed toti Ecclesiæ vestræ mittimus, fraternitatem vestram præsentibus litteris adhortantes, quatinus semper memores vitæ illius, dudum alumni vestri, & studii, eandem scripturam & frequenter legâtis, & memoriæ commendetis, tanti viri conversationem ante oculos habentes & imitantes. Nec attendatis quid, quantumve à nobis vobis offertur, sed ex quanto vobis offeratur. Testis est enim mihi Deus, quomodo omnes cupiam vos in visceribus JESU-CHRISTI: & hoc o-

ro, ut omnipotens Deus per condignum penitentiae fructum vos ad pascua vitae aeternae perducere dignetur. Neque enim vestri oblivisci aliquando possumus. Volumus & rogamus, ut quotiens Dominus Hescelinus ad legendum eosdem libros postulaverit, pro sua petitione & nostra promissione semper habere mereatur.

Gratia Dei praecedente per importunum laborem & instantiam nostram pax inter Principes nostros reformata est, unde tota patria nostra laetatur. Valete, & amici vestri memoriam semper habetote.

A D N O T A T I O.

EX hac epistola seu praefatione, quam ex Belgica Dunensis Monasterii Bibliotheca eruimus, confirmatur sententia Roberti in breviori Gallia Christiana, consentis Galterum Magalonensem Episcopum eundem esse cum Galtero, qui Flores Psalmorum vulgavit. Immerito proinde hoc in loco Robertum erroris postulant Sancta-Marthani in fusiori Gallia Christiana, ac Petrus Gabriel in serie Praesulum Magalonensium, qui Galteros duos distinctos volunt. Praeterea, ex hac epistola constat, Galterum Magalonensem Episcopum Le-

gati Apostolici dignitate functum esse: quod nullus eorum notavit. Ad hæc, consanguineus fuit Roberti Insulani Præpositi, uti ipse disertè agnoscit. Sedit Galterus ab anno M C III ad annum M C XIX, tempore sancti Bernardi Clarævallis Abbatis, qui in epistola 98 laudat Fratrem Hescelinum, non alium, ut puto, quàm qui hîc à Galtero memoratur Canonicus Insulanus.

HILDEBERTI EPISCOPI

CENOMANNENSIS.

Epistola

Ad REGINOLDUM Monachum Cantuariensem.

Laudat ejus carmen de historia Malchi.

HUMILIS Cenomannorum Sacerdos HILDEBERTUS, REGINOLDO beati Augustini Monacho, quicquid sibi. Malchum tuum occupatus quidem suscepi, sed invitus dereliqui: quem licèt ecclesiasticis impeditus negotiis, ad finem tamen usque perlegi, in eo & venustatem ordinis admiratus & virtutem. In quo satis competenter poetica

T iiij

evagatus licentia, rei gestæ non solum
figmentis subvenisti fabularum, sed &
naturæ pariter & veri officia succincto
sunt sermone demonstrata. Silvestris o-
leaster & olea naturalis ita in unum sti-
pittem cohaeserunt, ut cum neuter sit
idem quod alter; uterque tamen effe-
ctus sit unus alter. Unde factum est, ut
& operi tuo laudes debeam, quia dignis-
simo legi; & auctori gratias, quia di-
gnum me cui legenda mitterentur judi-
cavit. Habebis ergo me alterum Pyla-
dem, nisi tu mihi alter Orestes fieri de-
digneris. Socium tamen profiteri non
audeo, sed amicum promitto. Ad æqua-
litatem quippe, quam notat societas, af-
scendere mihi non licet; licet autem ad
benevolentiam, quæ amicitiae fructus est,
pervenire: quæ incepta temporaliter, in
æternum permanet. Oremus pro invicem
ut salvemur; ut augeatur quotidie, scriptis
frequentioribus colloquamur. Interjecta
maria caritatis officium non impedi-
ant, quod terrarum spatio aliquamdiu dila-
tum manus amica gratus accipiet. Hoc
autem non me solum non reprehende-
re noveris, sed venerari pariter & am-
plexi, quod aliquas positiones, ingenio-

li mei filias , aut nostrorum particulas
versuum tuo te operi inseruisse notasti.
Tunc enim placere mihi incipio , cùm
video scripta mea majoribus minimè dis-
plicere. Vale , Frater , & dilige diligen-
tem te , scribe scripturo ad te.

ADNOTATIO.

HÆc epistola , quæ deest in editis , desum-
pta est ex apographo Monasterii sancti Tau-
rini apud Ebroicas. Quis sit Reginoldus iste ,
cui inscripta est , docet nos Johannes Pitseus
in appendice illustrium Angliæ scriptorum , his
verbis : *Reginaldus , natione Angelus , Ordinis
sancti Benedicti Monachus Cantuariensis in Co-
nobia sancti Augustini , vir bonarum artium
studiosissimus , & lingua Latina peritissimus , im-
mo in elegantia Romana mirè floruit. Selectio-
ribus enim Auctoribus perlustrandis omne tempus
quod poterat impendit : evasitque rhetor & poe-
ta inter suos insignis. Græcæ etiam linguæ , ut vi-
detur , non ignarus. Nam Malchi cujusdam Græ-
ci historias Græcæ vertit in poemata Latina , &
operi hanc præfixit notam : Super Malchum By-
zantinum librum unum.*

Prælia gesturus ludo pius , &c.

*Horum omnium testem habeo Nicolaum Bri-
ghamum , qui tamen nec plura ejus opera , nec
tempus quo floruit , ponit. Hæc Pitseus. Nos ve-*

T iijj

id ex hac epistola intelligimus, Reginaldum
sen Reginoldum initio sæculi xii floruisse, quo
tempore florebat Hildebertus, primum Ceno-
mannensis Antistes, dein Turonensis Archiepi-
scopus, qui obiit anno M C XXXVI.

EJUSDEM HILDEBERTI

P R O L O G U S

In Vitam S. RADEGUNDIS Reginae.

SAPIENTIS est metiri vires, nec
aliquid ultrà profiteri. Hanc mihi
providentiam dilectio tua, carissime
SEIMARE, excussit: quia malui ridicu-
lus scriptor, quàm tibi inobediens inve-
niri. Tuis nimirum exhortationibus Vi-
tam beatissimæ Radegundis ausus sum
describere: cùm dare operam studio non
magis tarditas ingenii, quàm pontifica-
lis administrationis occupatio prohibe-
rent. De ejus tamen gratia præsumens,
qui linguas infantium facit disertas, ad
FORTUNATI & BAUDONIVIÆ San-
ctimonialis scripta recurri: quorum u-
terque præfatam profecutus vitam, de
pretioso apparatu pretiosa parum, sicut
tibi videtur, fercula confecerunt. Eorum
scriptis diligenter evolutis, Fortunatum

sequi disposui : cui non minùs ex vita , quàm ex dignitate Pontificis plurimum auctoritatis accedit. Quædam tamen miracula , quorum Fortunatus quidem nullum attigit , Sanctimonialis verò memoriæ reperitur commendasse , superaddere disposui : nec tamen omnia , sed ea solummodo , quæ relatu digniora beatissimæ mulieris & meritum declarant & præmium. Cetera nosse cupientem volumina Baudoniviæ revolvere non tædebit. Tu itaque laboratum tibi consules opusculum : nec priùs in aliorum manus incidet , quàm tuo examine vel rejiciendum supprimi , vel approbatum publicis adspectibus offerri mereatur. Magna mihi rependes præmia , si subducas ab oculis hominum , quidquid senseris eorum linguas formidare. Erit igitur non solum tui arbitrii , sed eorum etiam quos decreveris admittendos , vel correctum producere , vel penitus occultare vitiosum.



INCIPIT VITA.

SICUT sacra Evangelii testatur auctoritas: *Beati mites, &c.*

ADNOTATIO.

DUM se se offerat occasio edendi libelli de vita sanctæ Radegundis, quem Hildebertus composuit; ejus Prologum hîc præmittere visum est, tamquam specimen integri opusculi, quod nescio an hætenus incognitum fuit. Sperabam istius ope libelli illustratum iri quasdam voces obscurissimas, quæ apud Fortunatum in Vita ejusdem Radegundis occurrunt: at comparatis Hildeberti & Fortunati scriptis deprehendi, Hildebertum aut loca salebrosa præteriisse, aut easdem voces obscuras retulisse; nihilque fere, præter stili elegantiam, apud Hildebertum inveniri, quod in Fortunati & Baudoniviæ libris non habeatur. Hanc verò Hildeberti scriptionem ex mss. codice Pictavensi mihi communicavit noster Claudius Stephanotius, rerum antiquarum studiosissimus, idemque mihi transmisit Capitulare Ludovici Augusti pro Pictavensi Monasterio sanctæ Crucis à beata Radegunde constructo: quod Capitulare occasione Vitæ sanctæ Radegundis hoc loco subjicere non erit à proposito alienum.

CAPITULARE

DE MONASTERIO SANCTÆ CRUCIS,
quod est situm intra Pictavensem urbem, quod piissimus Imperator LUGDOVICUS fieri præcepit; atque ut idem ab omnibus observaretur, glorioso filio suo PIPINO commisit.

I.

UT à nemine prædictæ Sanctimonialiales opprimantur injustè, vel condemnentur, ab ipso Domino PIPINO Rege provideatur.

II.

Ut à nemine temporale servitium exterius ullo modo quærat, nisi quantum ab eis quæsi, postquam eas sub regulari norma vivere constitui.

III.

Similiter ut res Monasterii, quas modò habent, non priùs ab ullo auferantur, quàm aut ante Dominum PIPINUM, aut ante Comitem palatii illius, præfata ratio reddatur.

IV.

Ut temporale servitium in opere femineo ab eis ad partem dominicam,

nullatenus quæratur. quia si hoc fieri cœperit , omnino Ordo regularis stare non poterit.

V.

De ceteris verò quæstionibus , quas aut alii ab ipsis , aut ipsæ quærunt ab aliis , secundum consuetudinem ante Commitem vel Vicarios ejus justitiam reddant , & accipiant : tantum ut justè fiant.

V I.

Ut omnino caveatur , ne ultra centenarium numerum Congregatio illa percujuscumque petitionem multiplicetur.

V I I.

Ut omnino provideatur , ne Clericorum numerus plusquam xxx augeatur : & ipsi per omnia ad dictam congregationem sanctæ Crucis honestè & perfectè obediens sint atque subjecti sin autem , liber discedat. Colonius autem vel servus ad naturale servitium , velit , nolit , redeat.

V I I I.

Item si quando necesse fuerit , per jussionem Domni P I P I N I Regis R A M N U L F U M specialiter Missum habeant. Quando verò necesse non fuerit , Advoca-

catus earum per se iustitiam faciat , & accipiat.

ADNOTATIONES.

HOc Capitulare defumtum est ex libro ms. Parthenonis sanctæ Crucis, cui titulus est, TESTAMENTUM S. RADEGUNDIS: quò in Capitulari hæc pauca observo.

In articulo secundo testatur Ludovicus, se ejus Monasterii Sanctimoniales *sub regulari norma vivere constituisse*, id est revocasse ad Regulæ sancti Benedicti observationem, quæ temporum lapsu ibi defecerat. Etsi enim Radegundis ejus loci Virginibus sancti Cæsarii Regulam initio præscripserit; procedente tamen tempore Regula sancti Benedicti istic admissa est. Exstat apud Frodoardum in Historiæ lib. 3 cap. 26 præclarum fragmentum epistolæ, quam Hincmarus Remorum Archiepiscopus ROTRUDI Deo sacrata & ceteris Sororibus Monasterii sanctæ Crucis & sanctæ Radegundis scribit pro electione Abbatissæ ipsius Monasterii: qua in epistola Hincmarus eas ad concordiam & caritatem hortatur ex præscripto Regulæ, quam professæ erant, nimirum Benedictinæ, cujus verba refert ex cap. 13.

Articuli quarti intelligentia pender ex Capitulari, quod Ludovicus Augustus de Monasteriis Regni Francorum edidit anno DCCC XVII. ubi Monasteria distinguit in duas classes: una, quæ *dona & militiam* Regi debebant; a-

ria, quæ nec dona, nec militiam dare tenebantur, sed solas orationes. quo in genere, commemorando Aquitanix Monasteria, accenset *Monasterium sanctæ Crucis Puellarum*, quod à donis Regi faciendis & à militiæ oneribus immune esse jubet, solas ab eo exigens orationes pro salute Imperatoris & Regni.

In articulo septimo cavetur, ne *Clericorum numerus* ultra tricenarium augeatur: qui Clerici, sive tum sæculares fuerint, sive Monachi, incolebant basilicam sanctæ Mariæ, quæ postea sanctæ Radegundis ab ejusdem Reginæ tumulto dicta est. Constat verò in eadem basilica olim fuisse Monachos cum Abbate, testante Baudonivia Sanctimoniali in supplemento Vitæ sanctæ Radegundis, his verbis: *Postquam inde vir venerabilis ARNEGESILUS Abbas basilicæ beata Regina cum suis Monachis exivit, &c.* Conjicio tamen Ludovici Augusti principatu Canonicos sæculares eo loci deguisse: de quibus statuit Imperator, ut Congregationi sanctæ Crucis *honestè & perfectè per omnia obedientes sint atque subjeeti*. Moris quippe ab initio fuit, ut qui Sanctimonialibus adjuncti erant, sive Monachi, sive Clerici; Abbatissæ & Sanctimonialibus obsequerentur & obedirent. quod de Monasterio Streaneshalensi disertè scribit Beda in Historiæ lib. 4 cap. 23.

Ex articulo octavo intelligimus, Advocatos Monasteriorum sub Missis Dominicis justitiam dixisse. quod etiam aliis ex locis illustrari potest.

ALGERI SCHOLASTICI
ELOGIUM

Auctore NICOLAO Leodiensi Canonico ,
ejus æquali.

ALGERUS Leodiensis ab ipsa infantia totum se litterarum studio tradens, sub clarissimis viris, quorum scientia & honestis moribus tunc temporis Leodiensis fulgebat Ecclesia, & Francia illustrabatur, nobiliter floruit, adeo ut nulla ei Christianæ fidei regula videretur incognita, nulla liberalium artium aliena.

Et ut de moribus ejus aliquid memoriarum tradamus; primò in ecclesia sancti Bartholomæi Apostoli, quæ est in suburbio Leodii, Deo militavit, professione & habitu Clericus, gradu Diaconus, officio Scholasticus. Procedente verò tempore in majorem ecclesiam sanctæ Mariæ sanctique Lamberti ab OBERTO Episcopo honorabiliter translatus, & à prioribus gratanter acceptus, usque ad obitum felicitis memoriæ FRIDERICI

Episcopi annis fere viginti pro ecclesiasticis negotiis ad diversas personas & ecclesias multas insignes conscripsit epistolas, quæ à plerisque summo conservantur & leguntur studio.

Et quoniam ei in omni vita sua aurea mediocritas familiaris exstitit; in appetenda divitiarum extollentia prorsus ab omni ambitione alienus apparuit. Nam cum à nonnullis Episcopis Saxonix seu Germanix ob egregiam tam in Philosophis, quàm in sacris litteris famam expecteretur, & copiosis possessionum redditibus, & magnis ecclesiasticis dignitatibus invitaretur; privatum quem tenebat locum sublimiori prætulit, dicens illud Salomonis: *Qui amat divitias, fructum non capiet ex eis.*

Erat autem subtilis ingenio, facundus eloquio, in consilio prudens, in dispensatione rei domesticæ diligens; in commisso fidelis, in proposito stabilis; &, quod his omnibus est pretiosius, æstimabatur, & erat, tam fide, quam doctrinâ Catholicus.

Antiquam dignitatem Leodiensis Ecclesiæ relatione & scriptis majorum adeo diligenter habuit cognitam, ut eam totam

tam ad subsidium memoriæ scriptam posteritati reliquerit , ne quorundam Clericorum seditionibus , qui novis rebus student , aliquando labefactaretur , aut veniret in dubium , quod propter communis concordiae bonum ad majoris Ecclesiae spectat privilegium.

Hic itaque post obitum Friderici Episcopi cum rebus abundaret , & firmo corpore & integris sensibus plurimum valeret ; ordinatis rebus suis , nudum Christum nudus sequens , artio rem , & ideo felicior em vitam sub sancti BENEDICTI Regula aggressus est in Cluniacensi Conobio , ubi nunc usque superesse dicitur non sine magno sanctae conversationis & doctrinae praconio.

Inter cetera ingenii sui monimenta , in Clericatu adhuc positus , duos tractatus edidit ecclesiasticis negotiis & catholicae Fidei certè valde utiles : quorum primum intitulavit *De misericordia & justitia* , Auctoris nomine humilitatis gratia suppresso , quem tribus divisit particulis : quarum prima temperando justitiam misericordia , sufficienter agit de malorum tolerantia : secunda de ecclesiasticis peccatoribus , & eorum canonica correctio-

ne: tertia verò de his qui extra Ecclesiam sunt, & eorum sacrilega communionem. Horum quatuor sunt species, excommunicati, damnati, schismatici, hæretici. Prologi ejus initium sic se habet: *Quisquis sim, non pondus vel momentum temporis, quod fethro Moyfi, pro modulo suo omnibus Catholicis.*

Alium verò tractatum edidit tanto nobiliorem, quanto sublimiorem, utpote de re mirifica & necessaria, de sacramento scilicet corporis & sanguinis Domini, de quo varii errores variæque proveniebant hæreses: quod quidem mysterium, ut in præfatione ejusdem operis invenitur, quamvis sit incomprehensibile, non tamen Fidelibus videatur incredibile, quod non humana ratione, quæ ad hoc non suppetit; sed ipsius Christi, Sanctorumque suorum testimoniis, quibus Ecclesia roboratur, affirmat & adstruit. Hoc opus in tres partes dividitur: prima expeditè agit de veritate & virtute corporis Christi, continens viginti duo capitula: secunda de ipsius sacramenti variis questionibus, distincta decem capitulis: tertia, quæ ad investigandum videtur difficilior, sub quatuordecim capitulis agit de

ministris extra-ecclesiasticis peccatoribus; hæreticis scilicet; vel schismaticis; si vera, si rata sint, quæ celebrare videntur sacramenta, an potius vocentur & sint sacrilegia.

Complectamur igitur summo desiderio præclari ingenii opus laudabile, in quo nihil invenitur Sanctorum dictis dissonum, nihil catholicæ Fidei contrarium.

ALGERI PRÆFATIO

in librum

De misericordia & justitiâ.

QUISQUIS sim, non pondus vel momentum temporis, quod Jerthro Moysi, pro modulo suo omnibus Catholicis. Perpendens sanctæ Ecclesiæ statum variis erroribus variisque schismaticis concuti, pro eo quod præcepta Canonum à pravis vel nesciuntur, vel negliguntur; à simplicioribus verò vel non suo intellectu, vel non sua discretionē non capiuntur, prout votis meis adspiravit gratia, ita omnibus deduxi ad medium, ut discretionē veritatis bonorum adjuvaretur devotio, & canonicæ auctoritatis

V ij

ritatis evidentiâ perverforum vincere-
tur contentio. Quia enim præcepta cano-
nica alia sunt misericordiæ, alia justitiæ,
adeo discreta variis ordinibus, personis
& temporibus, ut nec misericordia om-
nino remittat justitiam, nec justitia om-
nino dissimulet misericordiam; qui per
discretionem nesciunt tam diversa tem-
perare, putant ea sibi per contrarieta-
tem discorditer obviare: non attenden-
tes hunc esse modum ecclesiastici regi-
minis, seu indulgendo, seu puniendo,
eamdem intentionem caritatis, eamdem
operationem servare salutis. Ideoque can-
onicis regulis non canonicè utentes, sic
præcepta præceptis diverberant & impu-
gnant, ut aliquando per intemperatam
justitiam suum misericordiæ locum au-
ferant.

Quia igitur præcepta canonica variis
personis, euntibus temporibus, vario
ordine, varia discretionem, contempera-
da sunt, ut aliter hæreticus, aliter pec-
cator; aliter subditus, aliter prælatus;
sed & aliter & aliter arguendus sit qui-
cumque varia intentione, vel operatio-
ne, vel conditione discretus; ad hæc,
quantum Deus dedit, discernendum ela-

boravi, ut in Canonibus adeo intentionis, utilitatis, veritatis eluceret unitas, ut nullam contrarietatis discordiam pararet aliqua eorum diversitas. Cum enim universæ viæ Domini sint misericordia & veritas; quia pœnitentibus venia, induratis debetur vindicta; quò sua discretionem altera non præjudicet alteri, ipsis Canonum sacrorum auctoritatibus conatus sum exponere, prout potui, ita ut quod pium est, nonnisi justè; quod justum est, nonnisi piè dispensandum esse comprobans: non istius illi, non illius isti, sed suum cuique modum pro hæresi vel crimine, pro persona vel tempore, non confuso jure vel ordine distinguerem ad judicium vel gratiam. In tanta autem rei evidentia aqua auctoritate Sanctorum facta, sicut etiam edicta posui: quia sicut eorum præceptis obediendum est, sic etiam & facta eorum imitanda sunt. quia cum etiam Dominus JESUS prius cœpisset facere quàm docere; quis eos aliter credat docuisse quàm fecisse?

Tres igitur particulas divisi, ut in prima agam de gratia, quomodo scilicet, & quamdiu tolerandis malis sit exhiben-

da. In secunda de justitia , quo scilicet tempore , vel ordine , vel discretione contra eosdem sit exercenda. In tertia verò de variis hæresibus , quomodo scilicet in sua suorumve sacramentorum differant damnatione , aliquo modo quidem à Catholicis , aliquo autem à seip-
sis.

„ Sed quia , ut ait Augustinus ad Hiero-
 „ nimum , poterit fieri , ut tibi aliud vi-
 „ deatur , quàm habet veritas ; dum ta-
 „ men abs te aliud non fiat quàm habet
 „ caritas ; si fortè minùs discretè Sanctorum ,
 „ dicta distorsisse videor , ut errori meo ,
 „ si quis est , nullam defendam auctorita-
 „ tem ; caritati tamen suam reposco vicif-
 „ situdinem : ut quia fraternæ utilitatis
 „ causa hoc opusculum composui , si ne-
 „ gligitur quid negligenter ; non saltem
 „ negligatur , si quid ego tantillus Sancto-
 „ rum decretis salubriter adstruere potui.
 „ Ut enim ait Augustinus in epistola sua
 „ ad Bonifacium : Non quorumlibet dispu-
 „ tationes , quamvis catholicorum & lau-
 „ datorum virorum , velut scripturas ca-
 „ nonicas habere debemus ; ut nobis non
 „ liceat , salva honorificentia quæ illis de-
 „ betur , aliquid in eorum scriptis impro-

bare vel respuere, si fortè invenerimus, «
quòd aliter senserint quàm habet veritas «
divino adjutorio vel aliis intellecta, vel «
nobis. Talis ego sum in scriptis alio- «
rum, tales volo esse intellectores meo- «
rum. Item Isidorus ad Mesanum Epi-
scopum capitulo decimo. In fine autem «
hujus epistolæ hoc adjiciendum putavi, «
ut quotiescumque in gestis Conciliorum. «
discors sententia invenitur; illius Con- «
cilii magis teneatur sententia, cujus an- «
tiquior & potior exstat auctoritas. Cùm «
ergo tanti talesque viri sua vel aliorum
scripta, vel etiam quorumlibet Concilio-
rum sententias, aliorum discretionis reli-
querint examinandas vel corrigendas;
quis ego sum, ut meis correctoribus suc-
censere audeam; dum non propter me-
mea, si qua sunt, bonæ respuentes sibi-
met noceant? Suis ergo titulis quaslibet
sententias annotare curavi, ut eis studio-
sis promptiores essent ad inveniendum,
tardis sereniore ad intelligendum. Inter
quas & quasdam quia ex abundanti ad-
miscui, quæ & his quasi à latere subser-
virent, & suis plena fronte suam vicem
defenderent.

ADNOTATIO.

HOc Algeri elogium, quod Nicolaus Ecodicensis Canonicus ipso Algero etiam tum superstite composuit, præfationis vice appositum est in fronte libri, quem Algerus edidit *de misericordia & iustitia*, uti apparet ex codicibus mss. Clarevallensi & Alnensi, in quibus refertur cum hoc titulo: *Incipit præfatio Domni Nicolai Leodiensis in libros magistri Algeri*. Superfluum fuerit hîc alia de ipso Algero adtexere, cujus præfationem in librum ipsius *de misericordia & iustitia* huc retuli in prægustum futuræ ejusdem libri editionis.

ALULFI MONACHI

PROLOGUS

In librum qui dicitur GREGORIALIS.

POST restaurationem Cœnobii sancti Martini Tornacensis, quæ facta est anno millesimo nonagesimo secundo Dominicæ Incarnationis, cum ego Frater ALULFUS, ejusdem loci Monachus, beatissimi atque Apostolici Gregorii dicta sapius lectione percurrerem, & in libris ejus legendis aliquantum intentus

& avidus essem propter luculentissimam verborum ejus satisfactionem; quiddam in eis repperi sine comparatione potissimum, quod mirabiliter meum excitavit & accendit animum. Dum enim unius sancti viri, hoc est beati Job historiam, abstrusis mysteriorum opacitatibus triam, sub triplici, id est typica, morali, atque historica, studuit expositione discutere, ac repulso ignorantiae nubilo, in aperto cunctis luce clarius patefactione serena monstrare; pæne totam veteris ac novi Testamenti seriem rerum explanandarum necessitate coactus est exponere. Nam ubi nimis occultæ rei dilucidandæ necessitas incumbibat, ne aut obscurum, aut apud audientium animos remaneret, quod ipse non liquidissima satisfactione obscuritatis interna ad lucem videretur eicere; non solum disertissimis verborum assertionibus quod clausum erat aperuit; sed etiam ne prolatis quoque testimonii non intellecta (si forsitan inesset) rei obscuritas rei explanandæ auget potius caliginem, quàm auferret; id quoque testimonium studuit additæ expositionis explanatione differere. In quibusdam namque locis in expositione

etiam testimonii non solam verborum satisfactionem sufficere sibi posse iudicavit, nisi alterius iterum deducti ad medium testimonii interpretatione evidenti latius edoceret. Actumque est ut hac occasione, sicut præfatus sum, veteris Testamenti tota pæne series occulta pateficeret, quæ divinitatis adspiratione resecrata, nostræ famis esuriem superni pabuli copia satiaret.

Hujus ergo rei desiderio nimis ardentissimè provocatus. Dehinc etiam à Domino ODONE nostri Cœnobii fundatore & primo Abbate, qui postea Pontifex Ecclesiæ Cameracensi præfuit, & apud Aquicinctum sepultus requiescit, verbis suasoriis sum rogatus, quatinus testimonia de libris Salomonis de prædicti Pontificis opusculis extraherem, & de multis collecta voluminibus, uno volumine coartarem.

Quia igitur P A T E R I U M, beati Gregorii discipulum, ejusdem jussu Præfulis opus simile fecisse cognoveram, cujus quidem principium super Genesim libentissimè legeram, sequentes autem libros nequaquam invenire poteram; gratanter & ardentius Abbatis mei horta-

mentum & imperium suscepi: & hujus occasione præcepti, quo valui studio, non solum Salomonis, sed etiam totius veteris ac novi Testamenti (de omnibus opusculis beati Gregorii in unum testimonia congesta collegi. Quæ dum dispersè, sicut reperta fuerant, in schedis suis relata transcurrerem; licet laboris esset non modici, uniuscujusque tamen rei testimonia, juxta quod in suis ex ordine sunt sita codicibus, per libros suos ordinando composui: quatinus studiosi lectoris desiderium ad elucidandam sibi quam velit obscuritatem, invento libri titulo quem requireret, nihil moræ vel ad parum aliquo modo præpediret. Præterea ad unumquodque testimonium, in quo opere vel in quo libro positum legeretur, in ejus tituli prænotatione signavi. Dehinc etiam, ut ex qua re ortum esset sciretur, paulo altius in-
cepi: & ut ad ipsum copiosius descendendo venirem, quædam prætermittendo transsilivi; nonnulla verò transposui; quædam etiam decerpendo verbis brevioribus transmutavi. Sciendum etiam, quod in quibusdam locis, quia sic satisfactionis norma poscebat; hoc idem bea-

tus Gregorius de eodem testimonio retextuit, quod dudum explanasse legitur. Alicubi autem quædam quæ de eo minùs pridem dixerat, inter repetita addens verba supplevit. Quod ego de jam dictis excerpens, eidem testimonio, ubi poposcit locus, inferendum aptavi: quia res non erat, quæ poni separatim utiliter potuisset, dum ex præcedentibus, quæ dicta jam fuerant, subsequenter penderet. Si igitur expositionis, unde hæc excerpta sunt, recurrens ordinem, plus in quibusdam operis hujus locis aliquid, quàm in textu libri positum est, minusve aut aliter repereris; scias quòd hoc causæ fecit ratio quam præmissi.

Perpendens autem quod si utriusque Testamenti vellem in unum testimonia redacta colligere, & magnitudo voluminis normam excederet, & legentis desiderium impediret; in tribus hoc voluminibus Domino cooperante disposui, ut duo veteris, tertium novi dicta contineat. Quartum etiam, quod his tribus superaddidi, non jam testimonia, sed sententias diversas & non inutiles habeat. Et quoniam hoc opus, quod in partes dividitur, ex opusculis tantum

Gregorii Papæ constat esse defloratum; justè tanti Pontificis nomine est insignitum, & à beato Gregorio nomen ei GREGORIALIS est impositum. Quicumque igitur hoc opus legerit, & in eo laboris nostri cura placuerit; humili eum obsecro prece qua valeo, ut ad Dominum pro me dignetur esse intercessor: quatinus hoc pondere corruptionis exutus, à meorum inveniri merear vinculis peccatorum absolutus. Amen.

ADNOTATIONES

GREGORII Magni opera tanti semper fecit Ecclesia, ut in iis legendis, meditando, colligendisque partem sapientiæ atque religionis ejus æquales & posterì collocasse videantur. Hinc ex sancti Pontificis dictis & sententiis Paterius ipsius discipulus commentarios in universam sacram Scripturam; libros sententiarum quinque Tàius Cæsaraugustanus Episcopus contexuere: hinc sanctus Odo Cluniacensis Abbas, libros Moraliùm in compendium redegit; idemque præstiterè Adalbertus Levita, & Lathcen, uterque hætenus, si non fallor, ignotus. Prioris collectaneum Hairmanno Presbytero dicatum reperi in Bibliotheca Præmonstratensi: posterioris in codice Corbeiensi perverusto, cum hoc titulo:

Egloga, quam scripsit LATHGEN, filius HAITH, de Moralibus Job, quas Gregorius fecit. Defloratio sic incipit: Inter multos sæpe quaritur, &c.

Paterii exemplum secutus est Alulfus, qui ex scriptis Gregorianis novum vetusque Testamentum commentatus est. Is ante monachatum Clericus, Sigeri Præcentoris Tornacensis filius, diu reclamante patre tandem Odoni Monasterii sancti Martini instauratori socius adjunctus est. Dein *Armarii seu Cantoris officium* XLVII annis tenuit: omnesque libros beati Gregorii sæpius relegens, imitatus Paterium, *universas tam veteris quam novi Testamenti sententias ab eo expositas excerptens, tres exinde codices composuit, & quartum de diversis & valde utilibus sententiis superaddidit: eisque GREGORIALIS nomen indidit: sicque XLVIII conversionis sue anno in bono proposito vitam terminavit.* Hæc Herimannus Monachus in historia restorationis Monasterii sancti Martini Tornacensis, quæ recens typis edita est in Spicilegii tomo XII. Gregorialis sola secunda pars vulgata est Parisiis anno MDXVI.

Alulfi vestigiis insistens Willelmus, (ut id obiter observem) ejusdem Abbatæ Monachus, selectas sancti Bernardi Abbatis Clarevallis sententias in communes locos scitè distribuit, opusque suum BERNARDINUM inscripsit, tametsi in editis titulus est *Flores sancti Bernardi*, absque nomine Auctoris. Id verò mihi suggessit Cisterciensis codex, in quo Willelmi Collectaneum hunc titulum præfert:

*Incipit Prologus Domni WILLERMI Monachi sancti Martini Tornacensis in Bernardino, quem idem excepit, & compilavit de libris & dictis S. Bernardi Clarevallie. Tum incipit Prologus: Cum non essem alicui exercitio magno-
pere occupatus, &c. Willermus sæculo XIII floruisse videtur.*

Occasione Gregorii operæ pretium puto hîc Paulo Diacono asserere Vitam sancti Doctoris, quam Paulo ipsi adscripsi in Sæculo primo Benedictino. Huc objecta seu dubia nonnulla movet vir doctus, qui Gregorii operum editionem magno labore accuratorem novissimè adornavit. Ea hîc refellere, nulla animi offensione adductus, sed solius veritatis causa incunctanter aggredior, ne longius serpat Editoris censura.

VINDICIÆ

VITÆ GREGORIANÆ,

PAULUM Diaconum auctorem præferentis.

HANC Vitam Paulo Diacono asserui tribus inductus argumentis. Primum, quòd Paulum Diaconum, Monachum Casinensem, libellum de beati Gregorii gestis scripsisse constat ex ejusdem Pauli lib. 3 cap. 25 de gestis Langobardorum. *Ideo, inquit, de beato Gregorio plura dicere omittimus, quia jam ante a-*

liquot annos ejus vitam texuimus. Alterum, quod Johannes Diaconus in lib. 4 de vita sancti Gregorii cap. 99, quædam verba refert ex ipsius Pauli scriptione Gregoriana, quæ in vita à me edita reperiuntur. Johannis hæc verba sunt: *Cujus nimirum venerabile meritum, quousque mundi hujus orbita volvitur, ut cum Paulo viro disertissimo fatear, semper accipiet incrementum.* quæ totidem verba in vita Paulo Diacono à me inscripta sub finem legere licet. Tercium argumentum est, quod codex Conchenlis Monasterii eandemmet vitam Paulo Diacono auctori adscribit in titulo vitæ præfixo. Quartum nobis suggerit Editor Gregorianus, nimirum ex Garetio Canonico regulari Ordinis S. Augustini, qui Garetius in libro de vera præsentia corporis Christi in sacramento Eucharistiæ Parisiis impresso anno M D L X I I, classe sexta profert testimonium de vita sancti Gregorii his verbis: *Aliud testimonium ex Paulo Diacono. Mater familias quadam nobilis, &c.*

-Nihilo minus Editori probabilius videtur, vitam à Paulo Diacono scriptam periisse: eam verò quam ipsi tribuimus esse, anonymi Scriptoris antiquioris. Age videamus quibus id rationibus probet.

- » Prima Editoris ratio hæc est. Omnes quot-
- » quot videre licuit istius vitæ mss. quotquot et-
- » iam memorat Bollandus ad sancti Gregorii vi-
- » tam die 12 Martii, quotquot Canisius tom 6
- » antiquarum lectionum vidit; hunc præ se fe-
- runt

hnt titulum, *Vita S. Gregorii auctore incerto.* cc
 vel absolute, *Vita S. Gregorii.* Idem observat cc
 Editor in editione Veneta anni 1504, Pari- cc
 sienti 1508, & pluribus aliis. cc

Hæc argumentandi forma probabilis videretur, si varii illi codices alium à Paulo Diacono auctorem præferrent. Nunc verò cum constet Gregorii vitam à Paulo Diacono scriptam fuisse; multiplices illi cōdices qui Paulinam vitam absque auctoris nomine exhibent, nullatenus Pauli causæ officiunt, maxime si eam ipsi tribuendam esse alia argumenta persuadeant. Certè si Editoris procedendi modus obtineret, concludendum esset istius vitæ nullum esse certum auctorem. Nam quemcumque demum protuleris, recurret Editoris objectio. Estò verò nullum viderit codicem Editor Pauli nomine insignitum, nullum viderit Bollandus, nullum Canisius. At viderat unum Garetius; vidi ego quoque Conchensem, qui Paulo hanc descriptionem tribuunt. Quot nuper incertorum scriptorum opera vel unius codicis ope viri docti genuinis auctoribus restituerunt?

At dubitant, inquit, an titulus manuscri- cc
 pti Conchensis eadem fuerit manu exaratus; cc
 qua reliquus codex. cc

Ab hac religione facile se lectoresque suos Editor exemisset, ne dicam meipsum à male fidei suspicione, si (ut par erat) codicem Conchensem, quem nullo negotio à nobis obtinere poterat, consulisset. Verùm gravissimi laboris varia impedimenta excusari volo.

Veterum Analect. Tom. I. X

Ego verò huc advehi curavi Conchenſe exemplar, ante annos quingentos exaratum, in quo habetur vita contròverſa cum hoc titulo :
 INCIPIT VITA S. GREGORII PAPÆ
 URBIS ROMÆ, EDITA A PAULO CAS-
 SINIENSI MONACHO. qui titulus, neque
 recens eſt, neque interpolatus; ſed eadem ma-
 nu, qua totus liber, minio deſcriptus. Hoc
 tandem inſpecto Editor à propoſita dubitatio-
 ne reſceſſit, ultro pollicitus ſe prima quaque
 occasione rem, uti eſt, publicè conteſtaturum.
 Si quis adhuc hæere pergit, codex penes me
 eſt : fidei meæ periculum faciat qui volet.

Poſtremam rationem Editor ſic exponit.
 » Injicit religionem, quòd ad finem vitæ ſic lo-
 » quatur Auſtor: *Id quod ſcribimus, à fideli & re-*
 » *ligioſo viro & huic Patri noſtro ſanctiſſimo no-*
 » *bis narratum didicimus, &c.* Ex quibus verbis
 » non malè concluditur, Paulum Diaconum, qui
 » anno 801 obiit, alium eſſe ab auſtore, qui quæ
 » refert, ab eo didicerat, quo ſanctus Gregorius
 » familiariffimè fuerat uſus dum viveret: quibus
 » verbis Petrum Diaconum, ni fallor, intelligit.

Hoc argumentum, quod unum ſpeciem ha-
 bet, nititur quibuſdam Pauli verbis, quæ
 tantisper immutata Editor repræſentat. Sic
 enim legitur in vitæ contextu: *Denique à*
fideli & religioſo viro, &c. Jam verò
 non ſatis conſtat, num hanc narrationem au-
 ſtor à Petro ſcriptis acceptam didicerit, an
 viva voce. Atque ut viva voce acceptam dicat;
 hoc loco non ſolùm in perſona ſua loquitur,

sed etiam (ut alibi passim) in persona Romanorum, quorum majoribus hoc factum narratum sit , ac deinde traditione ad posteros transmissum. Certè in subsequentiis satis innuit Auctor, se istius facti narrationem non accepisse ex ore loquentis Petri, sed ex traditione aliorum, ubi absolute de Petro scribit: *Hac ita se per omnia vidisse fideliter enarravit*, non exprimendò nomen personæ, cui narratio facta est. Ad hæc, Auctor multa de verbo desumit ex Beda, quò proinde ætate inferior fuit. Neque dici potest, Bedam ea hausisse ab ipso Auctore. Nam Paulina vita longè plura continet Gregorii facta, quæ Beda omisurus non fuisset, si hanc vitam habuisset præ oculis. Denique tempore quo Johannes Diacōnus scribendis Gregorii gestis manum admovit, id est annis à mortuò Paulo fere septuaginta, constat duas tantùm exstitisse Gregorii vitas, unam apud Saxones, alteram apud Langobardos; nullam apud Romanos. Ita enim Johannes præfatur ad Johannem Papam VIII. *Nuper ad vigilias beati Gregorii Romani Pontificis, Anglorum scilicet gentis Apostoli, lectione de Paulino civitatis Nolane Prasule consuetudinaliter personante, visus es à venerabilibus Episcopis, divino quodammodo instinctu commotus, requirere, cur tantus Pontifex, qui multorum Sanctorum vitas texuerat, gestis propriis in propria dumtaxat ecclesia carnisset: præsertim cum & apud Saxones, & apud Langobardorum sibi prorsus infensissimam gentem, gestis propriis*

ubique polleret, &c. Itaque duæ tantum, ut jam dixi, eo tempore circumferebantur Gregorii vitæ, altera apud Saxonos seu Anglos, quæ Bedæ; altera apud Langobardos, quæ Pauli Diaconi, hominis genere Langobardi, lucubratio erat. Nulla ergo apud Romanos, quibus utique consimilis vita non defuisset, si aliquis alius Gregorii æqualis, Petro Diacono Gregorii discipulo referente, in scripta retulisset.

Hæc de istius vitæ auctore hoc loco dicere necessarium duxi: tum quia hæc vita alicujus momenti est: tum quia dictis meis, ubi par est, fidem asserere mihi incumbit.

HUGONIS A S. VICTORE

Opusculi

DE STUDIO LEGENDI

Caput ultimum,

De Ingenio.

MULTI sunt, quos ipsa adeo natura ingenio destitutos reliquit, ut ea etiam quæ facilia sunt, intellectu vix capere possint. Et horum duo gene-

ra esse videntur. Nam sunt quidam, qui licet suam hebetudinem non ignorent, eo tamen quo valent conamine ad scientiam anhelant; & indefinenter studio insudantes, quod minus habent effectu operis, obtinere videntur affectu voluntatis. Ast alii quoniam summa se comprehendere nequaquam posse sentiunt, minima etiam negligunt; & quasi in suo torpore securi quiescentes, eo amplius in maximis lumen veritatis perdunt, quo minima quæ intelligere possent, discere fugiunt. Unde Psalmista: *Noluerunt*, inquit, *intelligere ut bene agerent*. Longè enim aliud est nescire, atque aliud nolle scire. Nescire siquidem infirmitatis est: scientiam verò detestari, pravi voluntatis. Est aliud genus hominum, quos admodum natura ingenio ditavit, & facilem ad veritatem veniendi aditum præstitit: quibus etsi par sit valetudo ingenii, non eadem tamen omnibus virtus aut voluntas est per exercitia & doctrinam naturalem sensum excolendi. Nam sunt plerique, qui negotiis hujus sæculi & curis supra quàm necesse sit impliciti, aut vitiis & voluptatibus corporis dediti, talentum Dei terra obruunt, & ex eo

dominus Hugo Canonicus S. Victoris, III Id. Febr. qui ex Iprensi territorio oriens, à puero exulavit, & hac & plura alia sui ingenii monumenta reliquit. Tum subditur vulgatum Epitaphium Magistri Hugonis Theologi:

Dormit in hoc tumulo Doctor celeberrimus Hugo, &c.

Hunc locum si legisset eruditus vir Auber-tus Miræus, sanè correxisset id, quod ad Hen-ricum Gandavensem adnotavit, Hugonem na-tione Saxonem fuisse: quin potius eum Bel-gicis Scriptoribus accensuisset pro magno pa-triæ suæ ornamento. Ne quis verò vetustis membranæ auctoris nomine destitutis integram non habeat fidem, alium testem adhibeo, Ro-bertum scilicet de Torinneio, Abbatem in Monte sancti Michaëlis de periculo maris, qui auctor in cap. 5 tractatus de immutatio-ne Ordinis Monachorum agens de Parisiensi Monasterio S. Victoris, ait multos Clericos nobiles in illum locum convenisse: *Inter quos, inquit, Magister Hugo Lothariensis, & scientia litterarum, & humili religione maximè ef-floruit.* Erat ergo Hugo Lothariensis, testante auctore ejus fere æquali, id est de regno Lo-tharii, sub quo etiam Flandria, atque adeo territorium Iprensè continebatur; non verò Saxonia, quæ ad Germaniæ regnum pertinebat.



LIBELLI
SUGERII ABBATIS.

De consecratione Ecclesiæ suæ.

SUPPLEMENTUM.

AGBATUR etiam de aliis tam gloriose, quàm sollemniter aris viginti consecrandis: quarum illam quæ in medio, Salvatori nostro, & sanctorum choro Angelorum & sanctæ Crucis assignatur, domino Cantuariensi Archiepiscopo, THEOBALDO; beatæ semperque Virginis Dei genitricis Mariæ domino HUGONI Rotomagensi Archiepiscopo; sancti Peregrini domino HUGONI Autisiodorensi Episcopo; S. Eustachii domino WERDONI Catalaunensi Episcopo; sanctæ Osmannæ domino PETRO Silvanectensi Episcopo; sancti Innocentii domino SIMONI Noviomensi Episcopo; sancti Cucuphatis domino ALVISO Atrebatensi Episcopo; S. Eugenii domino ALGARO Constantiarum Episcopo;

S. Hilari domino ROTROGO Ebroicensi Episcopo; S. Johannis Baptistæ & S. Johannis Evangelistæ domino NICOLAO Cameracensi Episcopo sacrandam imposuimus. In crypta verò inferius majus altare in honore sanctæ Dei genitricis Mariæ Virginis domino GAUFFREDO Burdegalensi Archiepiscopo; in dextra parte altare S. Christophori Martyris domino HELIÆ Aurelianensi Episcopo; S. Stephani Protomartyris domino GAUFFREDO Carnotensi Episcopo; S. Eadmundi Regis domino WERDONI Senonensi Archiepiscopo; sancti Benedicti domino JOSLENO Suesſionensi Episcopo. In sinistra parte sanctorum Sixti, Felicissimi & Agapiti domino MILONI Tarvanensi Episcopo; sancti Barnabæ Apostoli domino MANASSÆ Meldensi Episcopo; item & S. Georgii Martyris & Gauburgis virginis eidem Episcopo; sancti Luca Evangelistæ domino ODONI Belvacensi Episcopo consecrandam assignavimus. Qui omnes tam festivè, tam sollemniter, tam diversi, tam concorditer, tam propinqui, tam hilariter ipsam altarium consecratione Missarum sollemnem celebrationem superius inferiusque

peragebant , ut ex ipsa sui consonantia
& cohærente harmoniæ grata melodia
potius angelicus quàm , humanus concén-
tus æstimaretur , & ab omnibus corde &
» ore acclamaretur : Benedicta gloria Do-
» mini de loco suo ; benedictum & lauda-
» bile & superexaltatum nomen tuum , Do-
» mine J E S U - C H R I S T E , quem Sum-
» mum Pontificem unxit Deus Pater oleo
» exultationis præ participibus tuis. Quæ
» sacramentali sanctissimi chrismatis deli-
» batione & sacratissimæ Eucharistiæ sus-
» ceptione materialia immaterialibus , cor-
» poralia spiritualibus , humana divinis uni-
» formiter concopulas , sacramentaliter re-
» formas ad suum puriores principium. His
» & hujusmodi benedictionibus visibilibus
» invisibiliter restauras , etiam præsentem
» in regnum cæleste mirabiliter transfor-
» mas , ut cùm tradideris regnum Deo &
» Patri , nos & angelicam creaturam , cæ-
» lum & terram , unam rempublicam po-
» tenter & misericorditer efficias. qui vi-
» vis & regnas Deus per omnia sæcula sæ-
» culorum. Amen.



ADNOTATIO.

SUGERII Abbatis Dionysiani Libellus de consecratione ecclesiæ à se ædificatæ exstat cum aliis ejus opusculis in tomo. IV. Historiæ Francicæ Scriptorum apud Chesnium; sed mutilus ab his verbis, *sanctorum choro Angelorum & sancta Cruci*. Hujus verò libelli supplementum, quod deerat in codice Petraviano, suppeditat codex Victorinus, cujus ope libellum istum in integrum restituo.

GUIGONIS CARTUSIÆ

PRIORIS

Epistola

Ad Durbonenses Fratres.

De suppositiciis beati Hieronymi epistolis.

AMICIS & Fratribus in Christo dilectissimis, LAZARO Durbonensi Priori, & ceteris in eadem eremo Deo famulantibus, Cartusiæ Prior vocatus GUIGO, æternam à Domino salutem. Inter cetera Catholicorum viro- rum, quæ ad eruditionem Fidelium elaboraverunt

opera, quæ nostra quoque parvitas congregare studuit velemendare; etiam epistolas beati Hieronymi, quotquot potuimus, undecumque quasitas, & pro concessa à Deo facultate mendaciis expurgatas, in unum grande volumen rede-
gimus. Abscidimus autem ab eis quasdam, quas vel ex aliorum Doctorum scriptis, vel ex stili sententiarumque distantia, titulo tanti viri comperimus indignas: ex quibus illa est, cujus est titulus ad Demetriadem, hoc habens initium: *Si summo ingenio parique fretus scientia.* Hanc quippe beatus Augustinus in opere contra Pelagium de gratia Christi & de peccato originali, ejusdem Pelagii esse dicit, quædam ipsius frustra tractatui suo interserens atque redarguens. Huic adduntur & istæ, Ad Titatium de morte filix, cujus initium tale est: *Caritatis tuæ scripta percepi.* Ad Oceanum consolatoria, talè habens initium: *Diversorum opprobria, tribulationes multiplices.* Ad viduam, quæ sic incipit: *Magnam humilitati nostræ fiduciam scribendi.* Ad virginem, five ad filiam Mauricii, (dupliciter quippe intitulata reperitur) exordium istud accipiens: *Quantam in celestibus beatitu-*

clinem. Item de lapsu virginis, sive de penitentia ad Susannam: vterque enim titulus in diversis codicibus invenitur. Quæ tam diversis titulatur auctoribus, ut eorum nullius sit decoranda vocabubulo, ejus hoc est in quibusdam libris initium: *Puto leve esse crimen.* In aliis istud: *Quid agis, anima? quid cogitationibus æstuas?* Ad Desiderium de XII Lectoribus à nescio quo in irrisionem Doctorum composita. Ad Celantiam sic incipiens: *Veteris scripturæ celebrata sententia est.* Hæc stilo quidem nobiliore est scripta: sed nec sic beato Hieronymo digna. Postrema est de origine animæ disputatio, quasi inter beatos Hieronymum & Augustinum: ubi licet multa ex eorum scriptis ponantur, falsa tamen est: tum quia præfati Doctores numquam inter se præsentialiter sunt locuti: tum quia eadem quæstio nec apud eos, nec apud ceteros Fidei catholicæ sectatores adhuc usque potuit liquidò definiri. Hujus disputationis tale reperitur principium: *Cum apud vos cælestis eloquentia purissimi fontis.* Ne autem prædicti Doctoris epistolæ sine rationabili causa apud imperitos suo videantur numero diminutæ, has no-

stræ parvitatîs litteras in principio collocare. Valete. Orate pro nobis.

A D N O T A T I O.

GU I G O, Cartusie majoris Prior quintus, vir pietate & doctrina celebris, S. Bernardi Abbatis Clarevallis æqualis & amicus, hanc scripsit epistolam ad Fratres suos Durboni degentes, quæ Cartusia est Provinciæ in pago Massiliensi, à Petro venerabili laudata in lib. 6 epist. 12 ad Eugenium Papam.

D O M N I O D D O N I S

A B B A T I S S. R E M I G I I

Epistola

A d T H O M A M Comitem

De quodam miraculo S. Thomæ Apostoli.

SALUTARE est omnibus Christiani nominis cultoribus semper querere & audire aliquid edificativum, & quantum sit Dominus in Sanctis suis mirabilis cognoscere relatione Fidelium. Cum enim te avidum super hoc cognoverim;

juxta petitionis tuæ ammonitionem, quæ in curia Romana vidi & audiui, scripto tibi intimare volui. Aderam anno præfenti, feria scilicet sexta post Dominicæ Ascensionis sollemnitatem, ante Domni Papæ præsentiam, de nostris videlicet negotiis locuturus: cum subitò affuit quidam, qui Legatos Byzantei, id est Constantinopolitani Imperatoris, adesse pro foribus nuntiaret. Exhilaratus verò Dominus Papa super tanti nominis Legatis, ex latere suo Episcopum misit, ut eos honorificè introduceret, sibique præsentaret. Veniunt, salutatoque Papa universalis & plerisque curialibus, de salute Imperatoris suorumque qualitate, prout fuerant sciscitati, satis honestè retulerunt. Causa autem eorum hæc fuit. Intererat cum eis Indiæ Archiepiscopus, vir satis honestæ formæ, & juxta linguæ suæ notitiam eloquentissimus, qui sociali adjutorio defuncti sui Principis destitutus, consilii causa ad prædictum Imperatorem jam pridie venerat. Cumque Imperator petitionem ejus audisset, & ex familiaribus suis unum Principem dedisset; quasi perfectò negotio ad propria redire disposuit. Cumque iter ageret, novum

Principem morte impediēte amisit. Quō
tūmūlato, Imperatorem repetiit, dolo-
ris sui causam nuntiaturus. Imperator
verō consolatus eum, nē doleret ammo-
nuit, Principem recepit alterum Impe-
ratoris munificentia. Tūc Archiepisco-
pus aliquantulum mitigato dolore agit
iter, sed non peragit. Repentinus enim
secundi interitus Principis duplicato do-
lore vehementer eum turbavit. Quid a-
geret, ignorabat: incertum quippe ha-
bebat, an Imperatorem repeteret, an in-
cceptum iter imperfecto negotio perage-
re deberet. Vicit tandem virilis consilii
strenuitas imminentis periculi jacturam;
suorumque exhortationibus relevatus, &
nē desperaret ammonitus, retrogradum
iter arripuit, seque pii Imperatoris ocu-
lis diri infortunii bajulus representavit:
Cognito igitur Imperator inopinatæ rei
eventu obstupuit, & petitioni Archiepi-
scopi satisfecisse se dicens, tertium mit-
tere denegavit. Humilis autem Archie-
piscopus vix multis lacrimis impetravit;
ut Romanam curiam ei visitare consilii
gratia liceret, & Legatos Imperatoris cum
litteris deprecatoriis secum ducere vale-
ret. Cumque in curia esset, quibusdam
Palatinis

Palatinis præesse se ecclesiæ illi referebat, in qua beati Apostoli Thomæ corpus requiescere dicebatur. Inter cetera verò, quæ de situ ecclesiæ thesaurorumque opulentiâ & ornamentorum varietate enarravit, unum differuit, quod non sine ammiratione aures audientium capere possunt. Prædicti Apostoli ecclesia magnæ altitudinis fluvio ex omni parte clauditur, qui discurrentibus aquis, septenni etiam puerulo, octo ante festivitatem Apostoli diebus, totidemque post festivitatem, præ nimia siccitate se viabilem præbet. In ipsa autem sollemni die collectis in vnum totius provinciæ proceribus, omnique clero & populo, post multas lacrimas altaque suspiria Archiepiscopus cum sui sociis ordinis ad beati Apostoli feretrum accedit, & ex eo cum magna reverentia corpus levatum in cathedra pontificali decenter collocat, primusque tanti Advocati pedibus advolutus, oblationis suæ munere Apostolum honorat. Beatus verò Apostolus brachium erigit, manumque aperit; & quidquid ei ab vniuersis nostræ Fidei cultoribus offertur, gratanter accipit. Si quis verò hæreticus populo admixtus, quasi

pro devotione in manu Apostoli aliquid ponere nititur, claudit Sanctus manum, & nefanda munera accipere denegat. Cumque talia relatione quorundam in auribus domini Papæ sonuissent, adesse iussit Episcopum, & ne amplius in palatio falsa seminaret, sub anathemate prohibere voluit. Veritati enim contrarium esse videbatur, quod de Apostolo divulgasset. Episcopus autem coram omnibus nil esse verius affirmabat, & assensu domini Papæ sacrosancti Evangelii iuramento ita esse comprobavit. Credidit tandem dominus Papa, credidit & omnis curia, & apud omnipotentiam divinam Apostolum maiora impetrare posse acclamabant.

A D N O T A T I O.

HÆc Oddonis Abbatis Remigiani apud Remos epistola scripta est circiter annum M C XXXV. Nam anno sequenti ex Italia reversus, construendæ Montis-Dei Cartusiæ fundum concessit. Thomas Comes, cui epistola inscripta est, videtur esse Thomas de Marla, Codiciaci castri dominus.



WASELINI ABBATIS

EPISTOLA

Ad Florinensem Abbatem,

De continentia conjugatorum ante Communionem.

W. gratia Dei id quod est, ecclesiae S. Laurentii in Leodio, venerabili confratri Floriensis ecclesiae Abbati N. salutem in Domino. Quoniam apud vos eadem, quae & apud nos, quaestio de animae consilio agitari noscitur, de eadem quaestione vobiscum aliqua conferre utile arbitrati sumus; & quid purè sentiendum, quid securè tenendum sit, à sancto consilii spiritu humiliter addiscere quaerimus. Est enim quaestio ejusmodi, quae non contentiosa disputatione ad publicum perferri, sed discreta ratione oporteat in consilio tractari. De conjugatis sermo est nobis, illis videlicet, qualium adseruit Apostolus honorabile connubium, & torum immaculatum. De talibus, inquam, a viris religiosis & discretis non otiosè in consilio quaeritur, si

Y ij

fortè nocte celebri , nocte observabili , propria superati fragilitate se non continuerint ; an illis ipsa die pro sollempnitatis reverentia & plebis adstantis frequentia , discretionem aliqua credenda sint divina mysteria , videlicet ne publicè in ecclesia confundantur , & minùs Catholici judicentur. Fatentur quod verum est , quia conjugum copula , quamvis licita , tamen non caret culpa : sed hæc venialis est , & levi solvitur pænitentia. Hac ergo quæstione proposita , quærunt hi vel illi , consulunt alterutrum , & conferunt ad invicem , & quisque quod sentit , quærentibus aperit. Quærimus autem & nos de verbo hoc : & quia itidem quæritur & apud vos , quid sentiamus discretionem vestræ paucis aperimus.

Itaque usus legitimæ copulæ licitus , & ad propagandam sobolem divinâ Creatoris providentiâ concessus vel institutus , habet tam ex antiqua legis auctoritate , quàm ex reverenda Canonum sanctione præfixam sibi legem continentiam. In umbra legis esus victimæ paschalis , ingressus tabernaculi , seu templi cœtus frequens Neomeniæ aut sabbati ; participatio sacrificii , sive pro peccato , sive pro paci-

ficis, five holocausti oblatio fit, prorsus eis interdicitur, nisi certo dierum numero continentia munditia purificati ex arbitrio Sacerdotis comprobentur. Illic qui mundus non fuerit, & per hoc non occurrerit ut faciat Phase mense primo, eo ritu purificari jubetur, ut facere possit mense secundo. Quisquis item immundum quid comederit, tetigerit, aut potaverit; dicitur ut lavet vestimenta sua, & sit immundus usque ad vesperam. Sic per totum legis textum docentur filii Israël cavere ab omni immunditia, ut sint castra eorum sancta.

Porro in luce clarescentis gratia, ubi non umbratica, sed vera sunt omnia, nec typicus, ut ante, sed verus ceditur Agnus, qui tollit peccatum mundi; cujus caro, non mortua, sed viva & verè vivificatrix, cujusque sanguis in Sacramento altaris à Fidelibus piè sumitur; artior continentia observantia jure exigitur: quoniam ubi profusior impenditur misericordia, & amplior præstatur gratia; ibi necessariò plus timenda est offensa, ne gravior subsequenter sentiatur & ira. Dicitur ab Apostolo, ut qui habent uxores, sint quasi non habentes: quia &

tempus brevè est, & mundus humanæ stirpis propagine superabundanter jam plenus est. Docentur exhibere corpora sua hostiam viventem, sanctam, Deo placentem; & non conformari huic sæculo, sed reformari in novitate sensus sui, ut probent quæ sit voluntas Dei bona, & bene placens, & perfectæ. Ex hac institutione apostolica salubriter erudita sinceritas ecclesiastica, regulam figit, quam teneant conjugati: scilicet ut non verint quo tempore sibi invicem debitum reddere debeant, quo tempore item abstinentium, ut vacent orationi; & iterum in idipsum redeant. Indicit generaliter, ut ante perceptionem Eucharistiæ omnimoda se præparent devotione, id est in castitate, in continentia, in sobrietate, in jejuniis, in vigiliis, in orationibus, in eleemosynis; & in omni exercitio pietatis expurgare verus fermentum ore apostolico jubentur: ut in azy-
mis sinceritatis & veritatis epulari digni inveniatur. Qui enim hoc ritu purificati non fuerint, ab esu Agni paschalis jure prohibentur, veluti in quorum domibus fermentatum inveniatur. Illis verò prorsus communio sancta denegatur.

quorum conscientia qualis sit nescitur. Hanc sanctionis ecclesiasticæ regulam omnes amplectimur, nec est qui huic refragari velit, eo quòd rationalis & discreta sit. nisi fortè aliquis est, qui in sordibus suis sibi complacet, & plus veterem hominem amplectitur, qui secundum desideria sua corrumpitur, quàm cum qui de die in diem renovatur secundum imaginem ejus qui creavit eum.

Cùm hac ita sint, quarunt adhuc viri discretiores, ut in exordio præmissum est, si quis intra terminos legitimæ copulæ nocte observabili, ut dictum est, lapsum incurrat, & in luce matutina compunctus ad deprecandam faciem Domini totum se conferat, atque oblata ei per manum Sacerdotis legitimi puræ confessionis hostia, & in ara devoti pectoris igne indictæ sibi penitentiae piè concremata; utrum participatio vivifici sacramenti ipsa die illi ex discretionem aliqua annui debeat, videlicet ne abundantiori tristitia absorbeatur; & publicam non sufferens confusionem, dolenda forte in desperationis concidat voraginem. Memorant mulieri peccatrici flenti ad

Y iij.

pedes Domini unius horæ pænitentia remissa fuisse peccata multa, indubitanter obtenta pariter salute perpetua. Afferunt latronem, pro suis sceleribus cruci appensum, in ipso mortis articulo unius vocis confessione, Salvatore sibi propitio, ingressum paradisi meruisse: nectacent Clavigerum cæli post trinam Magistri negationem, quia egressus foras flevit amarè, apostolico principatui retentum, ac deinceps à pio Domino curam excepisse pascendarum ovium suarum.

Ista dicentibus nos ad omnia sponte consentimus, & pium studium quo circa salutem animarum infirmarum solliciti sunt, approbamus. Norunt hi tales purgato mentis oculo clariùs intueri, quale quantumve pretium solutum sit pro salute mundi; qualis in cruce medicina vulnorum nostrorum pependit; quid cruor ille de latere Crucifixi effusus, & aqua profluens pariter efficere possunt. Tractant & retractant prudenter, quid habeat ponderis, quod solutis legibus mortis apparens suis discipulis, præmittit: *Pax vobis*. Ut ergo clausulam verbi sensu nostro inferamus, videtur

nobis indiscretum, ut dicat quis negandam illi in Ecclesia participationem sacramentorum divinorum, cujus negare non potest ante Deum per pœnitentiam solutum esse peccatum. Erit autem in arbitrio Sacerdotis, ut judicet & faciat secundum quod viderit animum & cor pœnitentis. Suffragatur huic sensui vetus auctoritas cœlestis oraculi, cum per Moysen dicit: *Ad arbitrium Sacerdotis separabitur qui separandus est.* Ad ipsius enim examen spectat & iudicium, quo tempore mundum quid æstimari debeat, aut immundum. Superexcellit autem auctoritas dicentis in Evangelio suis discipulis, & in illis utique ipsorum vicariis: *Quodcumque solveritis super terram, erit solutum & in cælis.* Et post resurrectionem suam proflua sancti Spiritus emissionem eos confirmans, *Quorum, inquit, remiseritis peccata, remittuntur eis.* Ad firmamentum huius rationis plura de scripturis proferri poterant testimonia: sed quia eruditius loquimur, sufficere credimus hæc pro declaranda sensus nostri intelligentia. Si quis perfectior est, & altius sapit; sciat, quia sapere ad sobrietatem semper utile sit. Vale.

ADNOTATIONES.

HUjus epistolæ scriptor est Waselinus Abbas Monasterii sancti Laurentii in suburbio Leodiensi, cognomento Momalius, qui *ecclesiastica disciplina studio insignis* fuisse, & anno M C XLVII obiisse memoratur apud Bartholomæum Fissenum in Floribus Leodiensibus: aut certè Waselinus alter, prioris successor, qui *nonnulla ingenii sui monumenta reliquisse* fertur. Eo tempore Florinensi ejusdem diocesis Monasterio præerat Guaselinus, qui nescio an à Waselino posteriori alius fuit.

Ex hac verò epistola patet etiam sæculo XII viguisse leges continentie conjugalis, quam certis diebus præscribunt canones, nimirum diebus Dominicis & festis, Quadragesimæ & jejuniorum, minimùm triduo ante Communionem, & prima die benedictionis conjugalis. Hæc constant tum ex canonibus & libris pœnitentialibus, tum etiam ex auctoribus antiquis. Insignis est locus de Dominicæ religionis conjugatis servanda apud Gregorium Turonensem Episcopum in lib. 2 de miraculis S. Martini cap. 24, ubi agit de sanatione hominis qui contractus natus erat, eo quòd *nocte dominica generatus* fuisset. Tum Gregorius monet conjuges, ut hanc diem in laudibus Dei impolluti deducant: *quia qui in ea conjuges simul convenerint, exinde aut contracti, aut epileptici, aut leprosi filii nascuntur.* Jejunii Quadragesi-

malis continentiam ideo præscribit Theodulfus Aurelianensis Episcopus, *quia pane nihil valet jejunium, quod conjugali opere polluitur.* Eandem legem ad festos dies & statuta jejunia extendit canon 25 inter eos, qui sub Eadgaro Britanniae Rege sæculo x conditi sunt. Plures dies ante Communionem Augustinus in sermone 216 de tempore; tres, quinque aut septem dies exigit canon, qui Eliberitano Concilio tribuitur apud Burcardum in lib. 5 cap. 22, & apud Ivonem & Gratianum: qua de re legendæ Ferdinandi Mendozæ observationes in idem Concilium lib. 1 cap. 6. Diem benedictionis conjugalis statuit Concilium Carthaginense quartum c. 13. Verùm has leges, forrè nec etiam hujusmodi observationes, sustinent nostri sæculi mores. Sed tamen præterire non possum insigne exemplum de parentibus Isonis Monachi Sancti-Gallensis, qui cum Quadragesimam totam cum summa rerum vi-ctualium abstinentia duxissent separatim cubantes, nihilo minus ipso Sabbati sancti die tentatione victi, eruperunt in lamentum. Tum cineribus adpersi, *Presbyteri loci nudipedes circum omnibus civibus vestigiis procidunt.* Ille verò pœnitentia eorum accepta, pro foribus basilicæ eo die & nocte insequente *incommunicatos* jussit stare. Officio diei peracto ad proximæ villæ Presbyterum famâ sanctum profecti sunt, precati, ut crastino Paschæ die sibi communicare liceret. Ille primò severiùs objurgare, & rejicere; hi reversi in sua *jejunii*

vigilem flentes duxerunt noctem. Die Paschæ matutini pro foribus stant, cruce ante Missas exportata extremi sequuntur: Presbyter autem illos, rogante populo, extremos locat. Communione omnium finita, Presbyter manibus apprehensos ad aram duxit, pyxide communionis aperta lacrymis perfusos communicavit. Acta hæc sub finem sæculi IX, testante Ekkeharde juniori in lib. de casibus Monasterii sancti Galli cap. 2.

Redeo ad Waselinum, quem ipsum esse puto Waselinum Monasterii sancti Laurentii Priorem, cui epistolas duas à Reimbaldo Canonico Leodiensi directas legi in Alnensi codice ms. ubi habetur tractatus Reimbaldi Canonici ecclesiæ sanctæ Mariæ & sancti Lamberti, de vita Canonica, cujus prologus inscribitur *Venerabili Patri suo Richero Ecclesiæ Dei, quæ est in Rode, Abbati Canonico.*



DOMNI ODONIS

MONACHI CANTUARIENSIS

Epistola

Ad ADAM fratrem suum novitium
Igniacensem.

FRATER fratri fraternum consilium. Plures tibi ex itinere, & sine litteris nuntios jam misi: quorum quia nec regressum, nec responsum accepi, hunc tibi directo cum litteris mitto. qui quoniam talis est, ut eum invicem nostrum non dubitemus; sicut ego eum ad te securè transmittō, ita tu illum ex me securè suscipito, & quasi ex meo ore prolata, quæcumque ille tibi dixerit, credito. Formam autem verborum ejus ut cognoscas, quæ ex me tibi loquidebeat, litteris committo.

Primū ergo gratias ago Deo Patri, qui te de tenebris hujus sæculi vocavit in admirabile lumen Filii sui. Sentio enim orationem meam exauditam à Domino, qua pro te cotidie orare solebam

dicens : Domine J E S U - C H R I S T E ,
qui es lux vera illuminans omnem hominem venientem in hunc mundum ,
illumina cor ejus ; quique Dei Patris sapientia diceris , aperi sensum & intellectum illius , & infunde ei lumen veræ sapientiæ , ut te intelligat , te diligat , in te ambulans ad te perveniat . Cum igitur cælitus tuæ illuminationis famam audissem , statim magnificavit anima mea Deum , & exultavit spiritus meus in Deo salutari meo . Nam cum te philosophandi gratia in Gallias misissem , tuque hujus studii causa libenter obedisses ; audito quòd contempta vana hujus mundi philosophia veram Christi philosophiam elegisses , injustè agerem meoque voto contrarium , si non tam de completo desiderio meo , quàm de tuo initiato profectu magnificè gauderem . Gaudeo utique de infuso tibi cælitus veræ sapientiæ lumine , & magnificè gaudeo : in quo lumine , sicut cœpisti , rogò ut ambules , sciens quia non est aliud lumen sub cælo , in quo ambulans ad vitam pervenias , si ab isto recesseris . Hæc est enim lux quæ lucet in tenebris , sed tenebræ eam non comprehenderunt .

Fuit autem homo missus à Deo , cui nomen erat BENEDICTUS. Hic venit in testimonium, ut testimonium perhiberet de lumine isto: & scimus quia testimonium ejus verum est. Habet enim & ipse testimonium sui, testimonium à Moyse quidem ab initio mundi; & à JESU-CHRISTO, qui est testis fidelis, in fine mundi. Nam quia nullus nisi benedictus, & qui sequitur doctrinam Benedicti salvabitur; (hæc est autem doctrina Benedicti, sæculo & omnibus pompis ejus abrenuntiare, & soli Deo vacare) intelligi dat Moyses loquens de principio mundi, ubi dicit, quòd benedixit Deus diei septimo, eo quòd in eo requievit ab omnibus operibus suis: testatur & Christus dicens, se dicturum in fine mundi, *Venite benedicti Patris mei, percipite regnum quod vobis paratum est ab initio sæculi*, in benedictione septimi diei. De hujus Benedicti benedictione dictum est ad Abraham: *In semine tuo benedicentur omnes gentes*. Dictum est etiam per Gabrielem ad Mariam: *Benedicta tu in mulieribus*. & per Elizabeth: *Benedictus fructus ventris tui*. De eodem quoque: *Benedictionem omnium gentium dedit illi Dominus*.

Ut autem quis est in quo omnes benedictiones conveniunt, intelligas, testatur de eo egregius pastor Ecclesiæ Gregorius, dicens: Fuit vir vitæ venerabilis, gratia Benedictus & nomine. Et de benedictionis ejus plenitudine idem testatur: Vir Domini Benedictus spiritu omnium justorum plenus fuit. Omnia Spiritus-sancti dona, quæ aliis dividuntur per singula, huic uni collata sunt omnia. Ad hoc namque omnium benedictiones unus suscepit à Domino, ut easdem benedictiones cunctis ad se venientibus post ipse divideret. Nam cum benedicens illi Dominus omnium gentium benedictiones illi daret, omniumque justorum ipsum spiritu repleret; completa benedictione, testamentum suum confirmavit super caput ejus, tradens illi librum testamenti novissimi, ut de pleno divinarum benedictionum fonte hauriret gratiam, quam aliis abundanter infunderet.

O admirabile mysterium, & admirabile sacramentum! Primum testamentum dedit Deus in cordibus hominum, quod vocatum est lex naturalis: quod si servassent, secundo non indigerent. Sed
quia

quā novitatum amatores sunt homines per inveterationem ; primo testamento neglecto, secundum dedit in circumcissione, quod propter sui novitatem paulo libentiùs amplexati sunt quidam. Sed hoc iterum inveterato atque neglecto, tertium dedit in baptismo, quod prædestinatum est ut stet in æternum. Sed quia longa consuetudine inveteratum cœpit ab hominibus paulatim in negligentiam duci ; quartum dedit in cuculla, ad cuius novitatem amator novitatum pæne totus jam confluit mundus. Post hoc quintum non erit, quia in hoc novo & mirabili modo omnium gentium benedictiones continentur. Quidquid enim religionis & sanctitatis in tribus præcedentibus testamentis continetur, totum in testamento Benediæti constringitur.

Hinc est quod ad eum omnes gentes, nationes, tribus & linguæ benedictionum ejus accipiendarum gratiâ currunt : adeo ut ipsi derisores, qui huic Religioni in vita sua detrahunt, in morte tamen absque hujus Religionis habitu, scilicet cuculla, saltem ad succurrendum, securi esse non audeant. Hinc etiam est quod omnes Ordines qui sunt in Ecclesia, ab e-

Veterum Analect. Tom. I. Z

jus institutione augmentum Religionis assumunt. Nam cum ejus institutio Monachorum sit propria; præterea tamen eandem ceteræ conditiones, Canonicorum, Clericorum, Sanctimonialium, etiam laïcorum, in magna parte sequuntur. Sentit nimirum Ecclesia hunc illum esse Benedictum, in cujus præsignanda benedictione benedictionum numeris præcessit innumeris. Nam quia soli benedicti benedictionem consequantur, secundum quod à Christo in fine mundi dicetur, *Venite benedicti*; oportebat ut aliquis æternæ benedictionis magister præcederet, qui cum omnes ad suam benedictionem vocaret, ipse suæ benedictionis irreprobabile testimonium haberet. Licet enim Christus semen sit Abraham, in quo omnes gentes benedictiones consecutæ sunt, ipseque fructus ventris Mariæ, qui principaliter benedictus dicitur, & ipsa propter eum benedicta; hunc tamen nostrum Benedictum ille principaliter benedictus discipulum elegit, quem monasticæ benedictionis ducem constituit, ut omnes qui gratiam Spiritus-sancti, quam in benedictione Baptismi acceperant, postea prævaricando amiserant;

ad ipsum venientes, eandem in benedictione cucullæ recuperarent. Unde & eundem spiritum super cucullam quidam Sanctorum se testatur vidisse, qui visus est à Johanne super baptismum. Quippe cum benedictiones omnium gentium dederit illi Dominus, quod præter ceteros intellectus, quibus dictum est, eum omnibus his modis benedictum, quibus omnes homines benedicerentur; itemque habere omnes benedictiones, quas ad se venientibus omnibus distribuat; etiam sic certâ ratione intelligi fas est, ut Christus scilicet omnes benedictiones suas, quibus à Patriarchis atque Prophetis præsignatus est, atque ab omnibus gentibus benedictus, omnes discipulo suo tradidit Benedicto: ut idem sit testimonium benedictionis discipuli ab origine mundi, quod & Magistri: sicut idem spiritus operatur in benedictione cucullæ, qui & in benedictione baptismi. Hæc cucullæ benedictio lux est quæ lucet in tenebris, sicut gratiam baptismi Evangelista luxisse testatur in tenebris: & sicut illam lucem tenebræ non comprehenderunt, scilicet excæcati Judæi sive pagani; ita & istam lucem tenebræ non

comprehenderunt, quia virtutem monasticæ Religionis non intelligunt, qui ei detrahunt, falsi Christiani. Et sicut fuit homo missus à Deo, cui nomen erat Johannes, ut testimonium perhiberet de lumine illo: ita fuit homo missus à Deo, cui nomen est Benedictus, ut testimonium perhiberet de lumine isto. Prædicavit autem ille baptismum pænitentiae: prædicat verò iste cucullam pænitentis. Utriusque testimonium verum: quia is cui testimonium uterque perhibet, ipse utrique testi suo testimonium perhibet, Christus videlicet, qui est testis fidelis. De Johanne enim quid dicit? *Inter natos mulierum non surrexit major Johanne Baptista.* De Benedicto autem quid? Desiderabile est quod se dicturum promittit: Venite benedicti.

Hoc ergo gaudium meum impletum est, Frater dilectissime, quoniam cum testimonio Johannis primò perfectè credideris, nunc etiam Benedicti testimonio credere incipis: & qui benedictionem baptismi priùs accepisti, licet sollemni more non sine offensa servaveris; nunc ad benedictionem cucullæ cum magna affectione (benedictus Deus) ac-

cedis. Accedis, inquam, nondum enim pervenisti: adhuc enim talis est novitius ante professionem, qualis esse solet catechumenus ante baptismum. Festina rogo te, carissime, in professione benedici, si vis in æternum benedictus haberi.

Nec est quòd voto obligari in professione debeas vereri. Nihil enim aliud in professione vovebis, quàm quod in baptismo vovisti; id est abrenuntiare satanæ & omnibus pompis ejus. Ab hoc voto non te retrahant lacrimæ patris tui, non revocent suspiria matris tuæ, non omnium parentum tuorum vota retardent, non ipsæ litteræ patris tui moveant, quas tibi plenas lacrimis, meisque litteris contrarias mittit. Scis enim quid dixerit Dominus: *Si quis venit ad me, & non odit patrem suum, & matrem suam, & filios, & sorores, adhuc autem & animam suam, non potest meus esse discipulus.* In hoc quoque apparet similitudo baptismi atque cucullæ: quia sicut carnalis affectio retardare solebat olim ad baptismum currentes, ita nunc etiam ad cucullam accedentes retrahere conatur. Sed sicut eam contemnere præcipiebat

tunc Dominus his qui volebant fieri discipuli Christi ; ita & nunc eandem contemnere præcipit his , qui volunt fieri discipuli Benedicti.

Sic ergo non te moveant omnium parentum tuorum lacrimæ ad recedendum à proposito sancto , sicut me movere non potuerunt , cùm tibi similiter facerem ; nec nunc quidem movent , ut te revocantibus illis consentiam : quin potius ad hoc me illorum lacrimæ movent , ut hac de causa firmitus te stare in proposito sancto persuadeam : ut qui nunc de tua separatione lugent , tuæ sanctitatis meritis adjuti , cùm tandem mercedem laboris tui viderint , tecum in cælo sine fide gaudeant.

Hoc autem solum fortasse carnaliter dico , quia si professionem non relicturus , ob aliquam consolationem mecum commanere malueris , paratus est dominus Archiepiscopus te libenter suscipere , dum adhuc secundum Regulam sancti Benedicti liberè potes inde recedere. quod tamen ut facias non persuadeo , sed quid tibi ab amicis vel consularatur , vel offeratur , ostendo. Ætatem habes , tu te consule. Ego enim credo

quòd Deus Abraham tecum sit , cujus vocem audiens egressus es de terra tua , & de cognatione tua , & de domo patris tui , & venisti in terram quam monstravit tibi. Ipsi te commendo , orans ut sic ut cœpit , sic te in omnibus dirigat.

ADNOTATIO.

O D O N E M hujus epistolæ scriptorem Johannes Pitseus laudat in libro de illustribus Angliæ scriptoribus ad annum M C L X , his verbis: *Sanctus Odo , natione Anglus , patria Cantianus , Benedictina familie ad fanum Salvatoris Cantuaria Monachus ; vir teste Lelando spectata virtutis & eminentis eruditio- nis Unde primum sui Cœnobii constitutus est Preses , & tandem Abbas Monasterii de Bello. Singularem fautorem & patronum habuit sanctum Thomam Archiepiscopum Cantuariensem , laudumque suarum insignem praconem Johannem Salesberiensem.* Deinde recensito operum Odonis catalogo , ait ipsum decessisse circa annum Domini M C L X , nec multo post tempore in numerum Sanctorum relatum. At seriùs vitam produxit Odo , supervixitque sancto Thomæ , ac penes ipsum ferè sterit totum negotium eligendi Archiepiscopi post sanctum Thomam , uti pluribus narrat Gervasius Monachus in Chronico ad annum M C L X X I I . quo tempore necdum Abbas erat Odo , sed

tantum Prior Monachorum Ordinis sancti Benedicti in cathedrali Ecclesia Cantuariensi. Sanctum Odonem itidem laudant Harpesfeldius, & Eduardus Maiheuuius in Martyrologio ad diem 2 Junii. Hæc epistola, quam ex ms. codice Alnensis Monasterii Ordinis Cisterciensis in Belgio rogatu meo describi curavit humanissimus juxta ac doctissimus Abbas Innocentius Doctor Lovaniensis, in apographo sic inscribitur : *Epistola Domni Odonis Monachi Cantuariensis ad fratrem suum Novitium Igniacensem.*





ANALECTA POETICA.

BELLESARII SCHOLASTICI

VERSUS ACROSTICHE

De SEDULIO Poëta.

SEDULIUS Christi miracula versibus eden
 Eficat, invitans parvæ ad sollemnia mensæ
 Dignū convivā; non hunc qui carperet illu-
 Arix quod nobilium triplici fert aula parat
 Flatum quod ponet sub aurea tecta tribuna-
 In quo gemmiferi totque aurea vasa canistr-
 Aivi pro modico portant sibi prandia vict-
 Sed quod olus vile producit pauperis hortu.

At post delicias properant qui sumere magn
 Nituntur parvum miserorū spernere germe
 Tutū quod nihil est, dū cū nil vētre tumesci
 Insidias mēbris movens animæque ludent
 Si tamen his dapibus vesci dignatur egeni
 Hemnat divitias animus, paucisque quiescat
 Exēplo adsūptus Domini, qui milia quinqu
 Semotis cunctis modicis saturavit ab esci
 Sedulius Domini per cuncta novalia pergen
 En loca prospexit multo radiantia flore
 Discurrit p̄ prata libēs, quod gramine Davi
 Vidit divino modulantem carmina cant
 Laudabili psallēte viro resfluunt citharæ me
 Ille ubi grandifoni captus dulcedine plectr
 Aritur, & celeri graditur per lilia pass
 Sacratosque iterum latè conspexit amœno
 Veterna Christi fluvio quos abluit und
 Nam passus torpere diu Doctoris acume
 Hunc sua Daviticus dilectus plectrā poposci
 Irrita polluti contemnens numina mund
 Signa crucis fronti ponit, breviterq; triūpho
 Hāgit, Christe, tuos, numerosaq; præmia liba
 Ergo dum vario decorat vera color
 Stabunt hi garula dicti testudine versu



HIERONYMUS IN CATALOGO.

SEDULIUS versificus , primò laïcus in Italia Philosophiam didicit , postea cum aliis metrorum [generibus] heroïcum Macedonio consulante docuit. In Achaïa libros suos scripsit in tempore Valentiniani & Theodosii.

ADNOTATIONES.

PRÆMISSI versus exstant in veteri ms. codice Corbœiensis Bibliothecæ post Sedulii carmen Paschale , cum titulo his versibus præfixo: *VERSUS BELLESARII SCHOLASTICI*. qui Bellefarius seu Bellifarius , quisquis tandem ille sit , hocce gemino acrosticho docet nos , (id quod Sigebertus Gemblacensis Monachus postea adnotavit in lib. de Scriptoribus ecclesiasticis cap. 6) Sedulium Antistitem seu Episcopum fuisse. Observatio versibus postposita , quæ Hieronymum auctorem in apographo præfert , non existat in vulgato Hieronymi libro de Scriptoribus ecclesiasticis. Eamdẽ ego quondam legi in vetusto exemplari Monasterii Lirensis in hunc modum: *Incipit ars Sedulii Poëtæ , qui primo laïcus in Italia Philosophiam didicit ; postea cum aliis metrorum generibus heroïcum metrum Macedonio consulante docuit , in Achaïa libros suos scripsit tempore Imperatorum minoris Theodosii filii Arcadii , & Valentiniani filii Constantii*. Ex quibus apparet quan-

tum à vero aberrant, qui hunc Sedulium eundem esse putant cum Sedulio Scotto seu Hiberno Presbytero, itidem Poëta, quem sæculo octavo floruisse constat.

HONORII SCHOLASTICI

V E R S U S

Ad JORDANEM Ravennensem Episcopum.

SI fontis brevis unda latens demersa tenetur,
 Ignotæ & viles esse putantur aquæ.
 Quas cū docta manus produxerit arte magistra,
 Pura fit exsiliens nympha vocata manu.
 Tunc prægnantis humi laxantur viscera partu,
 Et subito sterilis flumina terra creat.
 Non aliter validum genuino robore lignum
 Imbutis digitis dextra domare solet.
 Arboris & speciem, humanis non usibus aptam,
 Cogit in externum crescere factor opus.
 Sed cū te potior Seneca meliore magistro,
 Quem ut moneas, lucem cordis habere facis:
 Non dubitare queam Lucillo clarius illo,
 Æternas Christi sumere dantis opes.
 Cedat opus priscum, vera nec luce coruscans,
 Nec de catholici dogmatis ore fluens.
 Ille mihi monumenta dedit: te vera docente
 Nec dedit, infida quæ sibi mente tulit.

Nam cū de pretio mortis regnante perenni
 Lucillum imbueret, hac sine morte perit.
 At tu cū doceas homines superesse beato
 Ex obito, Christum morte sequendo pia;
 Erigis, & Senecam dominus verusque magister
 Ingeniis fidei me superare facis.
 Unde precor Lucillū alium, nec pectore talem,
 Quæ me nosse cupis, scire precando jube.
 Discipulumque tuum prius isto nomine dictans,
 Conforta, revoca, corripe, discas, mone.

ADNOTATIO.

HI versus ad librum Jordanis Episcopi de summa
 temporum præmittuntur in codice Elnonensi
 cum hac inscriptione: *Rescriptum HONORII Scho-*
lastici contra illas epistolas exhortatorias Seneca. Et
 in fine versuum hæc adduntur: *Expliciunt versus*
Honorii Scholastici ad Iordanem Episcopum ad re-
scripta Seneca ad Lucillum, quam ei scripserat exhor-
tatoria seculum relinquere, & veram amplectere Phi-
losofiam. Quis fuerit ille Honorius Scholasticus,
 mihi est incompertum. Jordanes verò Ravennensis
 Antistes fuit medio sæculo VI, qui prædictum Ho-
 norium ad contemptum sæculi & ad veram Philoso-
 phiam, id est monasticam vitam, amplectendam ad-
 duxit.



V E N A N T I I F O R T U N A T I

V E R S U S

Ad CHILDEBERTUM Regem Sigiberti R.
filium.

R Ex regionis apex & supra regnâ regimen,
 Qui caput es capitû, vir, capitale bonum.
 Ornamentorum ornatus ornatius ornans,
 Qui decus atque decens cuncta decenter agis.
 Primus & à primis, prior & primoribus ipsis;
 Qui potes ipse potens, quē juvat Omnipotens.
 Dulcia delectans, dulcis, dilecta potestas,
 Spes bona vel bonitas, de bonitate bonus.
 Dignè nec indignâs, dignus, dignatio dignans,
 Florum flos, florens florea, flore fluens;
 CHILDEBERTE cliens hæc FORTUNATUS amore
 Paupere de censu pauper & ipse fero.
 AUD' LE IM famulum commendo supplice voto,
 Me quoque: sic nobis hîc domineris apex.

A D N O T A T I O.

H I versus, ni fallor, desunt in editis, à me excepti ex codice Vitdunensis Cœnobii S. Vitoni ab annis fere octingentis manu scripto, in quo Theodulfi carmina continentur.

VERSUS

In velo quod a CHINTILANE Rege Romanam directum est.

DISCIPULIS cūctis Domini prælatus amore,
Dignus Apostolico primus honore coli;
Sancte tuis Petre meritis hæc munera supplex
CHINTILA Rex offert, pande salutis opem.
Aurea concordi quæ fulgent fila metallo,
Sectarum cumulis consociare volo.
Sericeum tegmen gemmantia testæ Laconum,
Pellibus hircinis æquiperanda loquor.
Nobilis horribili jungatur purpura byræ,
Nectatur plumba fulgida gemma gravi.
Sit captiva sui nunc margarita nitoris,
Et clausa obscuro fulgeat in calyce.
Leucónico pariter claudatur in ære smaragdus,
Compar filicibus nunc hiacynthus adest.
Rupibus atque molis similis dicatur iaspis,
Eligat infernum jam modò luna chaos.
Nunc etiam urticis mandemus lilia jungi,
Perspicuamque rosam dira cicuta premat.
Nunc simul optemus dispectis piscibus ergo
Divitias magni mellificare freti.

Auratam Crassantus amet saxatilis anguem,
 Limacem pariter nunc sibi Tructa petat.
 Altaque jungatur vili cum vulpe leæna,
 Perspicuam lyncem simius accipiat.
 Jungatur nunc cerva asino, nunc tigris onagro,
 Jungatur fesso concita dama bovi.
 Nectareum vitiet nunc lausera tetra rosatum,
 Mellaque cum fellis sint modò mixta malis.
 Gemmantem sociemus aquã, luteūq; baratrum,
 Stercoribus mixtis fons eat irriguus.
 Præpes funereo cum vulture ludat hirundo,
 Cum bubone gravi nunc philomela sonet.
 Tristis perspicua sit cum perdice cavanus,
 Junctaque cum corvo pulcra columba cubet.
 Hæc monstra incestis mutent sibi tēpora factis,
 Rusticus & servus sic petat Euceriam.

A D N O T A T I O.

CHINTILA, Vesigothorum in Hispania Rex,
 qui prædictum velum Romam ad sanctum Pe-
 trum transmisit, regnavit ab anno DCXXXV ad DC
 XXXIX. Hos versus mihi exhibuit codex Monaste-
 rii Elnonensis in Belgio.



ALCUINI

ALCUINI VERSUS

De Cuculo.

[nostrum ,
PLANGAMUS Cuculum, Daphnin dulcissime,
Quem subitò rapuit sæva noverca suis.
Plangamus pariter querelosis vocibus illum ,
Incipe tu senior , quæso , Menalca prior.
Heu Cuculus nobis fuerat cantare suetus ,
Quæ te nunc rapuit hora nefanda tuis ?
Heu Cuculus , Cuculus, qua te regione reliqui ,
Infelix nobis illa dies fuerat. [ubique ,
Omne genus hominum Cuculum cùm plangat
Perditus est Cuculus , heu perit ecce meus.
Non pereat Cuculus, veniet sub tempore veris ,
Et nobis veniens carmina læta ciet. [dis ,
Quis scit si veniat , timeo , est summersus in un-
Vorticibus raptus , atque necatus aquis.
Heu mihi si Cuculum Bachus demersit in undis ,
Qui rapiet juvenes vortice pestifero.
Si vivat , redeat , nidosque recurrat ad almos ,
Nec corvus Cuculum dissecet ungue fero.
Heu quis te Cuculus nido rapit ecce paterno ?
Heu rapuit , rapuit , nescio si veniat.
Carmina si curas Cuculus , dum currere possis ,
Te Daphnin juvenis optat habere tuus.

Veterum Analect. Tom. I.

A a

Tēpus adest veris Cuculus, modo rūpe foporem,
 Te cupit & senior, atque Menalca pater.
 En tandem nostri librorum prata juvenci,
 Solus abest Cuculus, quis rogo pascit eum?
 Heu male pascit eum Bachus, reor, impius ille,
 Qui sub cuncta cupit vertere corda malè.
 Plangite nunc Cuculū, Cuculū nunc plangite
 Ille recūsit ovans, flens redit ille puto. [cuncti,
 Opto tamen flentem Cuculū habeamus, ut illū
 Et nos plangamus cum Cuculo pariter.
 Plange tuos casus lacrimis, puer inclite, plange,
 Et casus plangunt viscera tota tuos.

A D N O T A T I O.

CUCULUS, Menalca, Daphnin seu Daphnis, nomina sunt suppositicia pro veris, qualia de more usurpat Alcuinus, & Theodulfus Episcopus Aurelianensis, qui in libri tertii carmine 3 Menalcam Poëtam laudat & carmine 1 ejusdem libri Regiæ mensæ præpositum fuisse innuit. Daphnis discipulus fuit Alcuini, is cui ipse expositionem in quemdam versum Cantici canticorum dedicavit. Sed quis fuerit sive Menalca, sive Daphnis, aliis inquirendum relinquo. De Cuculo nihil aliud succurrit, nisi quod existimo eum esse filium illum prodigum, cujus intemperantiam & casum plangit Alcuinus in epistolis 103 & 114. Hos versus itidem erui ex eodem codice Elnonensi.



VERONÆ

RHYTHMICA DESCRIPTIO ANTIQUA.

MAGNA & præclara pollet urbs hæc in Italia, in partibus Venetiarum, ut docet Isidorus, quæ Verona vocitatur olim antiquitus.

Per quadrum est compaginata, murificata. firmiter, quadraginta & octo turres præfulgent per circuitum: ex quibus octo sunt excelsæ, quæ eminent omnibus.

Habet altum laberinthum, magnum, per circuitum, in qua nescius egressus non valet egredi, nisi igne lucernæ vel à filo glomere.

Foro lato specioso sternuto lapidibus, ubi in quatuor cantus magnus instat forniceps plateæ mirè sternutæ defectis lapidibus.

Fana tempora constructa ad Deorum nomina Lunis, Martis, & Minervis, Jovis atque Veneris, Saturni, sive Solis, qui præfulget omnibus.

Et dicere lingua non valet hujus urb's schemata: intus nitet, foris candet circumse-

Aa ij

pta laminis, in ære pondos deauratos metal-
la communia.

Castro magno & excelso & firma pugna-
cula, pontes lapideos fundatos super flumen
Adefis, quorum capita pertingunt in orbem
ad oppidum.

Ecce quàm bene est fundata à malis homi-
nibus, qui nesciebant legem Dei, nova at-
que vetera simulacra venerabant, lignea la-
pidea.

Sed postquam venit plenitudo tem-
porum, incarnavit Deitatem nascendo ex vir-
gine, exinanivit semetipsum, ascendit pati-
bulum.

Inde depositus ad plebem Judæorum pessi-
mam, in monumento conlocatus, ibi mansit
triduo, inde resurgens cum triumpho, sedit
Patris dextera.

Gentilitas hoc dum cognovit, festinavit cre-
dere, quare ipse Deus cæli terræ conditor,
qui apparuit in mundo per Mariæ uterum.

Ex qua stirpe processerunt Martyres, Apo-
stoli, Confessores, & Doctores, & Vates
sanctissimi, qui concordaverunt mundum ad
Fidem catholicam.

Sic factus adimpletus est sermo Daviticus,
quod cæli clariter enarrant gloriam Altissimi
à summo cælorum usque terræ terminum.

Primum Verona prædicavit EUPREUS Episcopus, secundus DIMIDRIANUS, tertius SIMPLICIUS, quartus PROCULUS Confessor, Pastor & egregius.

Quintus fuit SATURNINUS, & sextus LUCILIUS, septimus fuit GRICINUS Doctor & Episcopus, octavus Pastor & Confessor ZENO Martyr inclitus.

Qui Veronam prædicando reduxit ad baptismum, à malo spiritu sanavit Galli filiam, boves cum vergentem reduxit à pelago.

Et quidem multos liberavit ab hoste pestifero Non queo multa narrare hujus Sancti opera, quæ à Syria veniendo usque in Italia, per ipsum omnipotens Deus ostendit mirabilia.

O felicem te Verona ditata & inclita, qualis es circumvallata custodibus sanctissimis, qui te defendant & expugnent ab hoste nequissimo.

Ab Oriente habet primum Martyrem Stephanum, Florentium, Vindemialem, & Maurum Episcopum, Mammam, Andronicum & Probum cum quadraginta Martyribus.

Deinde Petrum & Paulum, Jacobum Apostolum, Præcursores & Baptistam Johannem, & Martyrem Nazarium, unà cum Celso, Victore, Ambrosio.

Inclitos Martyres Christi Gervasium & Protasium, Faustinum atque Jovitam, Eupolum, Calocerum, Domini matrem Mariam, Vitalem, Agricolam.

In partibus meridianis Firmum & Rusticum, qui olim in te susceperunt coronas martyrii: quorum corpora ablata sunt in maris Insulis.

Quando complacuit Deo Regi invisibili, in te sunt facta renovata per HANNONEM Præsulem, temporibus Principum Regum DESIDERII & ADELCHIS.

Qui diu moraverunt Sancti non reversi sunt, quorum corpora insimul condidit Episcopus aromata & galbanen, stacten, & argoido, myrrha, gutta, & cassia, & thus lucidissimus.

Tumulum aureum coopertum circumdat præconibus, color stritus mulget sensus hominum: modo albus, modo niger inter duos purpureos.

Hæc, ut valuit, paravit HANNO Præsul inclitus, per cujus flamma claret de bonis operibus ab Austræ finibus terræ usque nostri terminus.

Ab Occidente custodit Syxtus & Laurentius, Hippolytus, Apollenaris, duodecim Apostoli Domini, magnus Confessor Martinus sanctissimus.

Jam laudanda non est tibi urbis in Auxonia, splendens, pollens & redolens à Sanctorum corpora, opulenta inter centum sola in Italia.

Nam te conlaudant Aquilegia, te conlaudant Mantua, Brixia, Papia, Roma, simul Ravenna, per te portus est undique in fines Ligoriæ.

Magnus habitat in te Rex PIPPINUS piissimus, non oblitus pietatem aut rectum judicium, qui bonis agens semper cunctis facit prospera.

Gloria canamus Deo Regi invisibili, qui talibus te adornavit floribus mysticis, in quantis & resplendes, sicut solis radiis.

A. D. N. O. T. A. T. I. O.

HANC Veronæ descriptionem, quæ rhythmicis numeris inconcinne fabricata est regnante apud Langobardos Pippino Caroli-Magni filio, ex Italiæ re-tulit Ratherius Veronensis Episcopus, eamque in Lau-bienſi autographo, ex quo eam erui, apponi curavit cum iconographia ejusdem civitatis minio depicta. Ex hac verò descriptione discimus, quænam antiquitus Veronæ templa fuerint, quive primi ejusdem urbis Episcopi: quorum seriem penitus diversam texit Ughellus in Italiæ sacræ tomo 5, primos Veronenses Episcopos recensens hoc ordine, 1 Eupreprium, 2 Cris-ſinum, 3 Agapium, 4 N, id est ignoti nominis, 5.

Aa iiij.

Saturninum, 6 Lucillum, 7 Diomidianum, 8 Zenonem, 9 Proculum. Ubi vides Dimidrianum, qui Ughello Diomidianus, ordine septimus est; in hac descriptione secundus: & Proculus, qui hic quartus; Ughello nonus: ac Gricinus, qui hic septimus; Ughello Criscinus, secundus est Episcopus. Denique Ughellus plures numerat, quorum nomina in hoc indice non comparent.

T H E O D U L F I

E P I S C O P I A U R E L I A N E N S I S

C A R M I N A.

I.

De adventu LUDOVICI Augusti Aurelianos.

EN adest Cæsar pius & benignus,
Orbe qui toto rutilat coruscus,
Arque præ cunctis bonitate pollet
Munere Christi.

Cernuus, prudens, sapiens, modestus,
Mitis & clemens, moderatus actu,
Temperans, fortis, probus & honestus,
Censor & iudex.

Hic decus [Sudam Ecclesiæ paterque,]
Ornat hanc follers, recreat, fovetque,
Erudit, munit, colit, instruitque
Dogmate largo.

Hic potens armis Domino favente,
 Viribus gentes reprimat superbas,
 Harum & hic victor subigendo calcat
 Colla triumphans.

Cujus adventus, miserante Christo,
 Et nitens multum facies serenat
 Civitas temet populosa, nempe
 Aurelianis.

Hinc Deo laudes agito per annos *,
 Cujus hic nutu properavit ad te,
 Hujus & vultum tibi met videndum
 Præbuit ecce.

* C. pe-
rennes

Has canat Clerus, simul omnis & plebs,
 Has senex pangat puer atque parvus,
 Pauper & dives reboent ovanter
 Pectore puro.

Hoc chorus Cleri populoque turba
 Saphicum * carmen recinens precetur,
 Det HLudowico Deus operandi

* C. Sup-
plicum

Tempora longa.

Prosperum clemens ferat omne semper
 Pellat adversum procul & repellat,
 Hujus & vitam tueatur ævo

Tempore clemens.

Cæsaris hujus valeat per ævum
 Nobilis conjux seu clara proles,
 Gaudeat felix populus domusque
 Pace perenni.

Muniant urbem hanc proceres fideles,

*C. Qui Qua * pio Christo sua dedicarunt
Hostis adversi toleranda bella
Corpora casta.

*C. Hi Hic duces sancti reducesque sunt,
Ut tui, Cæsar, faveantque temet,
Horum & obtentu superes duelles
Poscimus omnes.

*C. Ar- Aëtibus cunctis placeas Tonanti,
cibus Et Dei leges mediteris almas,

*C. Quo * viam vitæ valeas tenere
Queis Tramite recto.

Temporis hujus spatio peracto,
Alta conscendens sub eas polorum,
Te pius captet chorus Angelorum,
Et sibi jungat.

O decus Regni, Imperii propago,
Maeste tu semper vigeas H L O T H A R I,

*C. po- Et patris sedem teneas potenter *
tentem Sæcla per ampla.

Sit Patri & Nato, tibi Spiritusque
Splendor æternus, honor atque perpes,
Nunc & in præsens, ita & in futura
Sæcula semper.



I I.

De eadem re.

O Pater Cleri populiue decus,
Cæsar, insigni pietate pollens,
Ut fores nostras adeas libenter,

Poscimus omnes.

O Dei cultor, miserorum & altor,
O pupillorum viduæque tutor,
Summe Rex, clemens, precibus rogamus

Annue nostris.

Ergo jam tandem precibus rogatus,
Redde te nostris domibus paratis,
Et dies lætos habeas in ipsis

Rex benedicte.

Te Sacerdotum chorus atque Cleri
Totius multum, populiue turba;
Namque te major pariter minorque

Cernere gestit.

Rex vale prudens, venerande, salve,
Rex ave nostrum capito precamur,
Poscimus Christum ut tibi det salutem

Poplite plexo.

Salvet ALBINI precibus beati

Te, tuam prolem, sociamque vitæ
Sorte felici tibi mancipatam

Christus ubique.

Post dies sæcli subeas Tonantis
 Regna tu felix , habeas quietem
 Inter electos tribuente Christo
 Fine perenni.

I I I.

De Bilingue.

Ecce nugax labiis FILO quidam certa susurrans,
 Nunc joca, nunc fletus, nunc quoq; turpe canit.
 Blandicias tremulat, volitat nunc more cicadis:
 Auribus ingeminat, quas petit ortivagus.
 Dura satis rostro ceu pulsat pectora cornix,
 Imbriferos luxus quum vorat ore procax.
 Aut rapidis pressas pennis lustrare lacunas
 Temptat hirundo celer dulcia voce canens.
 Haud secus instabiles percurrit elluo mentes
 Infestus juvenum, quos agit aura levis.

I V.

Ad quemdam de muneribus.

Eia meum solito noli convertere carmen;
 Ne vacuum redeat, more caveto tuo.
 Aut spumantis equi tua nunc vestigia retro
 Inpatiens calcet ungula, dona refer.
 Ceu rubicundo ostro Romæ de nomine vestis,
 Quam vocitare Patres, fac tibi colla premat.

Veneris ut felix donatus munere pulcro,
 Recipias * grates mille suave meas. * l. Accipias
 Veneris at vacuus nostram si forsan ad ædem,
 Mille flagris casus ibis, inepte, foras.

V.

De Passione Domini.

Onnipotentis opus sacrum facer ore popellus
 Laudibus efferri tam bene tale decet.
 Infima quòd magni dignatus conditor orbis
 Sponte sua patier, laude boare decet.
 Pertulit humanæ in humano denique natus
 Corpore quæ Christus cuncta salutis erant.

VI.

In die Resurrectionis.

Eia camena libens nunc dicito carmina quæso,
 Nunc cane posco melos eia camena libens.
 Festa decora satis nunc mecum promere certa,
 Postmodo ut accipias festa decora satis. [Æti:
 Carmine dignus inest, pangamus carmina cun-
 Ilte dies rutilus carmine dignus inest.
 Mors quia victa jacet Christo surgente percepta:
 Lætetur cuncti, mors quia victa jacet.
 Tartara victa jacent, Christo visente beatos:
 Principe devicto, tartara victa jacent.

Expulit inde probos, reprobos dimisit ibidē :

Calcatoque hoste expulit inde probos.

Cælica regna petunt post tartara dira beati,

Erepti à tenebris cælica regna petunt.

Verte camena gradū, ne tædia fratribus addas,

* leg.
Hinc

* Hic te quæso citò verte camena gradum.

Dicito, Præsul ave colloque genuque reflexo,

Hic & in æternum dicito, Præsul ave.

V I I.

De Tabella.

Parva brevis gemino potiorque fruorque tabella

Officio, specie intus & apta foris.

Ornatum exterius habitus superaddo ferenti,

Interius servo verba ligata notis.

V I I I.

De Talamafca.

Pusio personæ cum vultū obducit inanem, [gat.

Quod tremit, hinc terret; quod fugit, inde fu-

Credo & postratus jacuit, palmasque tetendit,

Ante Redemptorē parvula membra movens.



IX.

Versus in altari.

Hoc altare tibi, cæli terræque Creator,
 TEUDULFUS voto cernuus orno pio. [cesve,
 Hoc rogo quisquis adis, revehes* sacra dona pre- * f. re-
 Tu memor esto mei, si Deus ipse tui. ferens
 Pastor oves Domini dapibus hinc pascere supernis,
 Quis pia vita datur, quis patet aula Dei.
 Est super astra pius Pastor, quo pascimur omnes:
 Quæ * dum Pastor amas, pars es & ipse gregis. * foris
 Cernis anhelantem hoc ad præsepe catervam? Quem
 Hinc alimenta Agni sanguine, carne capit.
 Quæ draco sæve tremis, qui te leo perfide vicit,
 Crimina ceu mundi qui inveterata tulit.
 Et nos æthereo potuque ciboque sacrato,
 Hicque suæ mensæ participare dedit. [itur:
 Qui est via, vita, salus, quâ, ad quâ, in qua tutius
 Cum quo est regnandum jam sine fine piis.

X.

In Xenodochio.

En patet ista domus mediocri exacta paratu,
 Utcumque humanis usibus apta tamen. [sat:
 Quam Deus arce poli famulos miserando reviv-
 Cuncta adversa fuget, prospera cuncta ferat.

Hic pudor & verū, pietas probitasque redundēt,
 Sit præsto alma fides, & procul omne nefas.
 Esuriens epulas, sitiens potum, hospes honorē,
 Nudus operimentum hinc reperire queat. [stus
 Fessus opē, languens medicamen, gaudia mæ-
 Hinc ferat, & cunctis consulat ista domus.
 Det Pater altithronus donū hoc habitātib⁹ istic,
 Civibus ut pateat, & peregrine tibi.
 Ut fratrum atque Dei regnet dilectio semper,
 Virtutesque omnes hac duce conveniāt. [tur,
 Quas miserante Deo mox cōmoda cūcta sequan-
 Livori & sævis sit via nulla dolis. [rerum,
 Jus regat hinc mentes, maneatque opulentia
 Et procul adque procul sit sitis atque fames.
 Qui petis has sedes, THEODULFI quæso memento,
 Hæc qui construxit tecta favente Deo.

A D N O T A T I O N E S.

JACOBUS Sirmondus, Societatis JESU Presbyter,
 Theodulfi Aurelianensis Episcopi opera typis man-
 davit Parisiis anno M D C XLVI. & metrica quidem
 in sex libros distinxit, notisque illustravit. Eadem
 Theodulfi carmina continua serie habentur in per-
 verusto codice, quem ex Bibliotheca Monasterii san-
 cti Vitoni mihi utendum commodavit religiosus vir
 Bartholomæus Senocus amicus meus, jam superiùs
 à me laudatus, quo indicante Willelmi Mettensis Ab-
 batis epistolas superiùs editas accepi. Eadem, in-

quam, in Vitoniano illo apographo carmina referuntur; sed & alia plura, quæ defunt in editione Sirmondi, pauculis aliorum versibus hinc inde absque auctorum nomine insertis. Ex iis quæ Theodulfi esse visa sunt, ea tantum selegi, quæ rei litterariæ prodesse possunt: alia verò, quæ de rebus moralibus tractant, hæc solum notare satis esse duxi.

IN CARMEN I.

Carmen primum de adventu Ludovici Augusti in urbem Aurelianos, jam typis editum est in tomo 6 Canisii sub nomine Jonæ, Theodulfi decessoris. Verum potius Theodulfo auctoritribuendum est, tum quia in ms. Vitoniano inter ejus opera metrica refertur: tum quia adventus iste Ludovici Augusti in prædictam civitatem contigit pontificatu Theodulfi, ut discimus ex ipsius Ludovici vita ad annum DCCCXIV, ubi de Ludovico hæc leguntur: *Qui cum Aurelianam devenisset ad urbem, Theodulfus ejusdem urbis Episcopus, vir undecumque doctissimus, causam ejus adventus præsensit; & velocissimè misso perlatore, Imperatori innotescere studuit, hoc tantummodo ei suggerendum jubens, utrum præstolaretur ventientem in urbem, an itinere aliquo ei occurreret venturo ad urbem, &c.* Qua occasione primum carmen ac secundum Theodulfus cecinisse videtur. Hæc recusum est primum ob variantes lectiones: tametsi fortasse potius omitendum fuisset. Porro primus versus tertiæ strophæ mutilus est in codice Vitoniano.



IN CARMEN VIII.

Quid sit Talamasca seu Talamascæ, jam dudum explicarunt viri docti, Vossius in lib. 2 de vitiiis sermonis, & præcipuè V. C. Stephanus Baluzius in Notis ad Reginonem. Huc adducunt locum vetusti Concilii Remensis: *Larvas demonum, quas vulgus Talamascas vocat, sub anathemate prohibemus.* Hinc vulgatum apud nostrates Gallos *masque* pro larva. Immo etiam occultæ litterarum notæ vocantur *talamascæ*, ut observat Baluzius: propterea quòd aliud præ se ferant, quàm significant. Hic ergo Theodulfus agit de pusione larvato.

Præter superiora carmina hîc edita referuntur & alia quæ consulto omisi, nempe Passio Christi, incipiens ab his versibus:

*Premia saltatrix poscit funebria virgo,
Johannis caput abscisum quod lance reportat.*

deinde post nonum carmen hîc relatum duodecim versus de Paradiso. tum post decimum varii versus de gratia Dei, de venatione, de somno, de quibusdam lapidibus moraliter pertractatis, de quatuor coloribus & quatuor elementis. Denique versus complures in Psalmos quosdam graduales. Hæc indicasse sufficiat.

De Theodulfi Capitulari hîc subnotandum existimo quod legisse me recolo in ms. codice Gemblacensi, scilicet Hildegarium Meldensem Episcopum in frequenti Synodo subjectis sibi Clericis præcepit

ſe, ut Capitularis illius decreta accuratè obſervarentur. Rem ſic exponit vetus ille codex.

Anno Dominica Incarnationis octingenteſimo ſexageſimo octavo, regni verò glorioſi Regis Karoli viceſimo octavo, Indictione ſecunda, ſub die quintodecimo Kalendarum Novembrium, convocavit HILDEGARIUS Episcopus Concilium Sacerdotum ſuæ diœceſis, apud eccleſiam ſancta Celinia, in ſuburbio civitatis ſitam: quibus poſt multa ſalutifera admonitionis exhortamenta etiam hæc capitula contulit obſervanda.

INCIPIT CAPITULUM SEU CONCILIUM.

Fratribus & Compresbyteris noſtris Meldenſis parochia Sacerdotibus in Domino ſalutem. Obſecro vos, fratres dilectiſſimi, ut ſubditarum plebium proſectum, &c. omnino ut in Capitulari Theodulfi.



FLORI

DIACONI LUGDUNENSIS

Carmina varia.

I.

QUERELA

*De divisione Imperii post mortem LUDOVICI
PII.*

MONTES & colles, silvæque, & flumi-
na, fontes,
Præruptæque rupes, pariter vallesque pro-
fundæ,
Francorum lugete genus: quod munere
Christi

* *al.* Imperio celsum, jacet ecce in pulvere mer-
versum sum*.

5 Hunc elementa sibi sumant compuncta dolorẽ,
Terrarum tractus, maris æquora, sidera cali,
Ventorum flatus, pluviarum denique guttæ:
Et doleant homines hominum quia corda ri-
gescunt.

10 Omnia concrepitant divinis cincta flagellis,
Omnia vastantur horrendæ cladis erumnis:

Omne bonum pacis odiis laniatur acerbis:

Omne decus regni furiis fuscatur iniquis.

Ecclesiæ dejectus honos jacet ecce sepultus.

Jura Sacerdotum penitus everfa ruerunt.

Divinæ jam legis amor terrorque recessit,

Et scita jam canonum cunctorum calce teruntur.

Vexantur claræ assiduis conflictibus urbes,

Basilicæ Christi prisco spoliantur honore:

Martyribus jam nullus honos: altaribus ipsis

Nemo metum defert, sacris reverentia nulla est.

Continuis prædis plebes miseranda laborat:

Nobilitas discors in mutua funera sævit.

Sanguine terra madet, fervere cuncta rapinis,

Et rabies scelerum ruptis discurrit habenis.

Flagrat adulterium, perjuria nulla timentur.

Funditur innocuus nullo jam vindice sanguis:

Jam Regum legumque metus mortalia liquit.

Tartareum clausis oculis jamque itur ad ignem.

Quis dignè expediat Monachorum sæpta revulsa,

Sacratas Domini famulas laicale subisse

Infami ditione jugum; rectoribus ipsis

Ecclesiæ armorum impositum cædisque periculum?

Præsulibus plebes viduæ, doctore cathedræ

Bb iij

Pluribus & plures jacuerunt funditus annis.

35 Principis hoc terror misera tunc clade coëgit :
Nunc ad tale mahum quosdam atra superbia
ducit.

Tristis adhuc veteri tabescit vulnere Narbo :
Tristia Remorum pariter quoque mœnia lu-
gent.

40 Egregios doctosque viros misera fata fatigant
Exsilia ; improbitas sævo sedem obtinet auro.

Floruit egregium claro diademate regnum :
Princeps unus erat , populus quoque subditus
unus.

Lex simul & iudex totas ornaverât urbes.

Pax cives tenuit , virtus exterruit hostes ,

45 Alma Sacerdotum certatim cura vigebat
Conciliis crebris , populis pia jura ministrans.
Hinc sacris Cleris , hinc plebibus eximiisque
Principibus latè resonabat sermo salutis.

Discebant juvenes divina volumina passim.

50 Littereas artes puerorum corda bibebant.

Crimina tætra vigil crebrò censura fugabat :
Hos timor , hos & amor ad fœdera iusta vo-
cabat.

Quin etiam externas Fidei conjungere gen-
tes

Cura erat , & domitis imponere frena salutis.

55 Hinc pagana manus juga religionis inibat :
Hinc heresis surgens , pèdibus substrata gemebat.

Claruit hinc nimium toto gens Francica
mundo:

Famaque virtutum fines penetravit ad imos.
Legatos hinc inde suos procul extera regna,
Barbara, Græca, simul Latium misere tribunal. 60
Huic etenim cessit etiam gens Romula genti,
Regnorumque simul mater Roma inclita cessit.

Hujus ibi Princeps regni diademata sumpsit
Munere Apostolico, Christi munimine fretus.

O fortunatum, nosset sua si bona, regnum, 65
Cujus Roma arx est, & cæli Claviger auctor,
Tutor & æternus cælorum in sæcula Rector,
Qui terrestre valet in cælum tollere regnum.

At nunc tantus apex tanto de culmine lapsus,
Floreæ ceu quondam capiti dejecta corona, 70
Quam varius texit redolenti gramine fulgor,
Cunctorum teritur pedibus: diademate nudus
Perdidit Imperii pariter nomenque decusque,

Et regnum unitum concidit sorte triformi.
Induperator ibi prorsus jam nemo putatur. 75
Pro Rege est Regulus, pro regno fragmina
regni.

Consiliis crebris quærantur furta nocendi:
Conventu assiduo populantur jura salutis.
Cassatur generale bonum, sua quisque tuetur.
Omnia sunt curæ: Deus est oblivio solus. 80

Bb iii

Pastores Domini soliti concurrere in unum;
Discidio rerum, synodalia nulla frequentant.
Concio jam populi nulla est, jus omne recessit.

Frustra huc Legatus, aula est ubi nulla, recurrat.

35 Quid faciant populi, quos ingens alluit Hister,
Quos Rhenus Rhodanusque rigant, Ligerisque,
Padusve?

Quos omnes dudum tenuit concordia nexos,
Fœdere nunc rupto divortia mæsta fatigant.

Sæpe malum hoc nobis cælestia signa canebant,

90 Cùm totiens ignitæ acies, ceu luce, pavendæ,
Per medias noctis dirum fulsere tenebras,
Partibus & variis micuerunt igne sinistro.
Cùm mediante die populis jejunia festa
Devotasque preces per templa agitantibus alma;

95 Sol nitidum tristi textit ferrugine vultum,
Ac stellas radiare polo miro omine fecit.
Quod monstrum scimus bellum ferale secutum,

Quo se Christicolæ ferro petiere nefando,
Et consanguineus rupit pia fœdera mucro:
100 Atque feræ, volucresque simul pia membra vorarunt:

Cùm diri calo totiens arfere cometæ,

Humano cladem generi excidiumque minantes.
Inter quos unus flammanti crine coruscus
Mense fere toto truculento lumine fulsit.

Quem regionum atrox vastatio , motio Re- 105
gum ,

Et rabies belli , & regni scissura secuta ,
Continuis miserum quatunt terroribus orbem.

Quis finis , quæve ira Dei mala tanta sequa-
tur ?

Quæ jam vix aliquis pavitanti corde volutat ,
Vix recolit , vix inde dolens suspiria fundit. 110

Gaudetur fessi sæva inter vulnera regni :

Et pacem vocitant , nulla est ubi gratia pacis.

Stat paries subitam minitans validamque rui-
nam ,

Jam dudum inclinus , scissuris undique plenus.

Inliniturque luto fluido , citiusque casuro. 115

Mistura hîc paleæ nulla est , membra omnia
nutant.

Jam vatis sancti metuendum cernimus Amos *Amos*
Compleri in nobis deslendo ex ordine visum. 8, 1.

Jam Dominus murum linquit , deponere trul-
lam

Jam parat , & nullam iratus vult ferre litu- 120
ram.

Jamque etiam uncinum pomorum conspicit
ille ,

Quo tota evulsis nudetur fructibus arbor.

Jam remanet quercus foliorum tegmine nuda:
Jam Domini egregius flaret sine fontibus
hortus.

125 En fitis atque fames, cecinit quam præcius
idem,

Judicio Domini terris immissa perurget.

Cælestis verbi defunt jam pabula & imbres.

Hoc Oriens Boreasque malum, hoc maria un-
dique clamant.

Vocem evangelicam divino ex ore tonantem.

130 Quis non jam videat doleatque instare pio-
rum?

Filius en hominis veniens ex arce polorum,

Invenietne, putas, fidei vestigia terris?

Cordibus humanis latebrosa foramina vulpes

Inmunda & cæli nidos fecere volucres.

135 Fraus hæc atque tumor diri latè obtinet hostis:
Nec locus est Christo, quo vel caput ille re-
clinat.

Hæc inter gemat & fidat Grex ille pusillus,

Cui Pater æterni conservat gaudia regni,

Deducatque oculis lacrimas noctuque dieque,

140 Ac precibus vitæ pulsans ad limina perftet.

Exposcat veros inhianti pectore panes

Tres, evangelici memorat quos pagina verbi.

Vera fides confessa Deum per sæcula trinum,

His fruitur dapibus, his fidum pascit amicum.

145 Non lapidem sumet, si panem postulet umquam:

Nec pro pisce caput virosi sentiet hydri:
Nec pro ovo fallax inludet scorpius olli,
Fronte velut mitis, sed cauda vulnere sævus.
Nam pius ille Pater, qui fons bonitatis habetur,

Ut sol sponte micat, ceu fons uberrimè manat, 150

Utque ultro placidus rorat de nubibus imber:
Sic bona cuncta suis prono dat numine natis,
Qui tamen hunc vera fidei pietate requirunt:
Qui quod spe sitiunt, puro amplectuntur amore:

Qui bona sive mala fluitantis temnere mundi 155
Norunt, instantique Deum virtute secuntur.

O Domine omnipotens, da nobis mente videre

Tot mala, tot clades; & tot lacrimanda pericla

Da gemere, & toto fac nos ea corde dolere,
Assiduisque tuum precibus deposcere numen. 160

Qui regis Israhel, cui non dormitat in ævum
Omnia conspiciens oculus: qui lege perenni
Erigis elisos, elidis & ipse superbos,
Supplicibus veniam, tumidis properando ruinam.

Tu nos sancte Pater, hinc verberare cæde paterno: 165

Tu virgâ baculoque tuo nos corripe, firma:

Omne malum mundi fiat purgatio nostri.

Qui te semper amant, omni discrimine crescant,

Quatinus crepti pelagi de fluctibus atris,

170 Teque gubernante jam portum pacis adepti,

Carpamus dulcem tristi de semine frugem,

Perpetuaque tuos recinamus laude triumphos.

E J U S D E M F L O R I

Epistola seu carmen

I I.

Ad MODUINUM Augustodunensem Episcopum.

De injusta vexatione Ecclesie Lugdunensis.

E GREGIO, MODUINE, viro tibi mitto salutē,
Exiguus magnos, vilis & eximio.

Sū modicus, sed magna loquar: quia maximus

Cujus res parvo carmine nūc agitur. [ille est,

5 Res divina tibi cantabitur: arrige, quæso,

Sollicitas aures; & pia corda adhibe.

Esto memor, quoniā duras qui pręgravat aures,

Ad Domini legem vota odiosa facit:

Et vacuas defert ad Christi altaria voces,

10 Pauperis ad vocem viscera cruda gerens.

Quid, quæso, sacrosancta tibi nutricula nostra,
Atque eadem genetrix Ecclesia hæc meruit?
Ut furiale odium ferali pectore versans,
Moliri hanc contra talia non metuas.
Discindis leges, canonum sacra jura revellis, 15
Dum materna modò viscera prò! subigis.
Nec metuis demens calces inlidere Christo,
De cujus stimulo terga cruenta geris.
Terga cruenta geris, nec sulcum corrigis, & bos
Cornipeta in Dominum turgida colla vibras. 20
Dum phrenesis furiale malum tua viscera ferro
Te proprio expetere cogit, & ipse nescis.
Justius invidiâ nihil est, quæ protinus ipsum
Auctorem rodit, excruciatque animum.
Ecclesiæ reverendus honos à tempore prisco, 25
Principibus summis Præfulibusque piis,
Curricula annorum florens per plurima fulsit,
Sub pietate Patrum pignora cara fovens:
Et gallina pios pennarum tegmine fetus
Mystica mundanis textit ab insidiis. 30
Agnoscis, ni fallor, enim quæ nomine tali
Voce evangelica sancta notetur avis.
Illa dolenter avis etiam nunc garrula clamat,
Et nostro gemitus promit ab ore pios.
Teque priùs quàm calce secet, quàm verberet alis, 35
Quamque oculis spoliet, sic pietate vocat.
O fili Moduine, tibi (nam pignus & ipse
Es nostrum, nostro fatus & in gremio)

- Quid rogo commerui, tanto quòd tēpore tuta,
40 Sedibus è placidis pignora nostra fugas?
Quid mihi tristitias cumulas? quid gaudia trūcas?
Cur gaudere mea me sobole haud pateris?
Me pietas, me prisca fides munimine forti
Cinxerat, & certis sæpserat auxiliis.
45 Quique etiā accipitres fuerant milvique rapaces,
Ac soliti natos dilaniare meos;
In placidas versi subita pietate columbas,
Cursu avido nostros expetiere sinus:
Depositoque truci ingenio seu nomine torvo,
50 Nomine & ingenio complacuerè meo.
Hospitiis hæserè meis, mea parva secuti
Pabula, & innocuis vivere deliciis.
Rostra unguesque feros quīs me vastare solebāt,
Vertèrè in nostrum dulcitèr obsequium.
55 Adversas volucres virtute atque ore repellunt,
Me vigili studio, me pietate fovent.
Agnoscisne, rogo, venerāda ænigmata matris?
Et mea quid signent mystica verba capis?
An miserande meam nec vis cognoscere vocē,
60 Displicet atque oculis hispida forma tuis?
Te gemitus noster peperit, te parvulus ortum
Nidulus excepit, te calor hīc aluit;
In lucemque trahens, tenebrosa ergastula rupit:
Atque dedit vita, luce, salute frui.
65 Hære igitur matri, dulces ne desere fratres:
Horum solus amor est tibi certa salus.

Cur hæc persequeris, cur dulcia pignora carpis?

Non hæc rostra tibi nostra figura dedit.

Tunde igitur tætrum rostri damnabilis uncum:

Et fuge germana vivere carne ferox.

70

Utere simplicibus nobiscum dulciter escis,

Et miti mitem pectore quære cibum. [tum:

Sunt pia jura Ducum; pia sunt præcepta paren-

Quis ego ab initio munior atque regor. [sces?

Quid tenebras luci, quid melli absinthia mi-

75

Ista tibi semper dissociata manent.

Ex quo conspicuus Christi per sæcula cultus

Fulsit, & idolica fugit ab vrbe lues:

Numquã prisca meos vexarunt jura ministros,

Pondere nec sæcli resonerata sacra est.

80

Semper distinctus duplex hic ordo cucurrit,

Judicibusque suis utraque pars viguit.

Ordinibus sacris reverentia debita cessit:

Plebeios rexit lex sua quemque viros.

Quid mihi nunc veterẽ tu vis subvertere sæpẽ?

85

Quid mihi maceriam diruis oppositam?

Cur veteres fines nostro convellere fundo

Niteris, & cunctis pervia rura facis?

Audi veridico Salomon quid personet ore,

Et mucrone time te jugulare tuo.

90

Everfor sæpis colubro mordente peribit,

Seque suo qui fert saxa labore premet.

Te preme, te perime: nam me spoliare nequibis,

Auxiliis fultam semper vbique Dei.

- 95 Post evangelicos clypeos, post tela corusca.
 Oris apostolici, post pia jura Dei,
 Me Constantinus reverendo munit ab ore:
 Me quoque Theodosius protegit ore pio.
 Archadio dulci perdulcis Honorius hærens
 100 Me dulci eloquio laudat, honorat, amat.
 Quid veterana loquar? nostronūc ecce sub ævo
 Qua placidus Princeps me pietate colit?
 Pro me Conciliis sudavit sæpe verendis,
 Et valido pressit colla superba iugo.
 105 Legibus antiquis edicta recentia junxit,
 Et bona prisca novis auxit ubique bonis:
 Ne me per pelagus mundi, per turbida saxa
 Obrueret subito nox fera naufragio.
 Verè clara micant sacri mysteria Christi,
 110 Quæ veterum signant gesta beata Patrum.
 Jam validū Samson, dum vult peregrina subire
 Connubia, impetiit horrifono ore leo.
 Quem, veluti tenerū frustatim carperet hedum,
 Ille necans, dulces sumpsit ab ore favos.
 115 Sumpsit ab ore favos & dulcia mella leonis,
 Qui fremuit pridem, dulciter ecce sapit.
 Infremuit mundi Christo veniente potestas,
 Gentilem ut plebem neceret ipse sibi.
 Infremuit terrore gravi, legesque feroces
 120 Edidit, ac toto terruit orbe pios.
 In servis tamen ille suis virtute potenti,
 Dum superat mundum, robora dira necat.

Ut

Ut malè quod vixit, moriatur; mortua porro
 Impietas dulcem promat ab ore fidem:
 Quodque olim rabido fremitu laniare parabat, 125
 Hoc modo jam dulci prædicet ore melos:
 Jáque hedus Christi, qui tūc leo torvus abibat,
 Peccator veniam postulet ipse sibi.
 Sic mundana sibi subjecit culmina Christus,
 Cuncta & in obsequium traxit ubique suum. 130
 At tu si vetetum nescis pia jura piorum,
 Desine quod nescis dilaniare bonum.
 Et cape tràquillus, brevibus quod pagina verbis
 Altera pacifico suggerit en studio:
 Cumque serenato perlegeris omnia vultu, 135
 Et quam non noras videris ipse viam;
 Sub Christi terrore tremens, pietate fideli
 Corrigere quod pravam perspicis ipse tuum.
 Nempe etiam si nulla usquam hæc jura vetarēt,
 Num gessisse decet talia Pontificem? 140
 Rem bene constructam tanto sudore, tot annis
 Subruere, & sceleri pandere sponte viam?
 Dicere, nullus honos debetur (credite) sacris
 Ordinibus: cunctos pulset ubique forum.
 Nam nisi Cœnobii Mater muliebre gubernans, 145
 Et sacer Antistes, cetera pulvis erunt.
 Si pater es Cleri, noli contemnere Clerum:
 Nec te sic ut eos erige deicias. [atro
 Hæc quoniam non sanctus amor, sed turgidus
 Fumi fluum spirans ruet ab ore furor: 150

Hæc si mente pia rel'gas, si pectore puro
 Accipias, prodest potio sacra tibi.
 Est subamara quidem: sed si patiare, salubris.
 Insunt gallinæ zelus amorque simul.
 155 Æstimo, vir prudens nullo te felle moveri,
 Cum videas FLORUM te sic amare tuum.
 Nam meliora pii sunt vulnera semper amoris,
 Subdola quàm fictis oscula pressa labris.
 Et bene non notus, malè si increbrescere cunctis
 160 Cœperis, infamis fabula semper eris.

III.

H Y M N U S

In Natale sanctorum Johannis & Pauli.

JOHANNIS PAULIQUE diem sol attulit orbi,
 Qui rubra martyrii ferta cruore gerunt.
 Unicus hos sanguis germano fœdere junxit,
 Unica mox fratres morsque fidesque parit.
 Olim Romulei servantes mœnia regni
 Barbaricos strarant sæpe mucrone globos:
 Nunc ovium Christi purissima sæpta tuentes,
 Dæmonicas arcent vi precibusque minas.
 Hos morti addixit sacra pro lege tyrannus
 Contemptor Christi JULIANUS rabidus:
 Unius ille Dei cultum prius ore ferebat,
 Donec ad culmen scanderet imperii.

Ast ubi convaluit misero terrena potestas,
 Idolum verò prætulit ille Deo. [stus
 Tum famulos Christi Ianians, & sanguine pa-
 Innocuo, horrendis sævit vbique modis.
 Verùm ubi cælesti prospexit Christus ab arce,
 Audivitque pii sanguinis ille preces;
 Confestim misero cladem exitiabilis horæ
 Destinât, hostili hostis ut ense ruat.
 Vastatâ Ecclesiâ Persas in bella vocarat,
 Ac multis sæptus milibus ibat atrox:
 Cùm subitò arentes deserti ruris in agros
 Devenit, & cuneos perdit ubique suos. [da,
 Quia neq; victus erat, nec fons, nec fluminis un-
 Caumate sed nimio tota jacebat humus. [grat,
 Dumq; fremens montes, valles, camposq; pera-
 Sicubi vel modico stilla liquore fluat;
 Incidit adversas condigno errore phalanges,
 Perfossusque atra cuspide pectus obit.
 Sed rabidus semper, & in ipsa morte rebellis,
 Infremit, & summū hac voce laceffit herum;
 Ebibe nunc nostrū quē quæris, Christe, cruorē,
 Atque avidus læto jam satiare meo.
 Ille quidem tales justo sub iudice pœnas
 Exsolvit, post hæc tartara cæca petens.
 At Domini testes sacrato sanguine loti,
 Vertice laurigero sidera celsa petunt:
 Quos toga pacifico vestit præfulgida cultu,
 Regalique ambit purpura clara perlo.

Cc ij

Hos ceu fructiferas florens paradifus olivas,
 Inrigno vitæ jugiter amne rigat.
 Hi sunt æterno candelabra fulgida templo,
 Progenies lucis, & pietatis honos.
 Sidereo Regi sublimi semper in aula
 Adstantes populis qui pia vota ferunt.
 Quorū propitius precibus nos respice, Christe,
 Et purga obscenum quicquid inesse vides.

I V.

T I T U L U S L I B E L L I

Ad altare sancti Stephani oblato,

Sanctissimo & gloriosissimo alumno ac patrō-
 no nostro beato Stephano Protomartyri
 dedicatus.

HU NC tibi, prime pii testis fortissime
 Christi,

Offerimus vario rutilantem flore libellum.

Hic tua prima micat post indita bella corona:
 Fulget honos nomenque tuum; tua præmia
 clamant.

Camalibel sacer ille senex tua cælitus ossa

Olim ignota orbi reverendo publicat ore,

Ac tua membra pater radianti signat in auro,

Martyrium inlustri depingit flore rosarum.
 Se quoq; Nichodemi conjungens sorte nepotis;
 In geminis auri calathis albetibus almus
 Prodit rite rosis tenui vix sanguine tinctis:
 Virgineosque artus puri fulgente canistro
 Argenti & crocei commendat floris odore.

Hæc tua laus sequitur, sequitur tua flo-
 rida virtus,

In Christi virtute potens pietate redundans,
 Gaudia dans mæstis, infirmis robora reddens,
 Et dura sub morte sitos ac pæne sepultos
 Restituens vitæ, vitæ quia testis haberis.
 Tu primus Christi calcata morte perennis
 Vexillum sublime ferens, hostilia castra
 Fulmineis linguæ telis signisque coruscis
 Stravisti, & pulcra palmam de morte tulisti.

Te sequitur reverenda cohors pro nomi-
 ne sacro

Mille afflicta modis, mille inlustrata triumphis.
 Martyribus Martyr tu norma & regula cunctis,
 Purpureos ducis cuneos roseasque catervas:
 Quorum purpureus de sanguine præmicat orbis,
 Quorum florigeris præfulgent astra coronis,
 Quorum casta Dei decorantur templa sepulcris,
 Quorum tota micant insignia tempora festis,
 Quorum cuncta sacris cedunt incommoda votis.

Hos facer ille videt cæli in regione Jo-
 hannes

Tantium inlustres post prœlia dura laborum,
 Dat quibus æternas felix victoria palmas,
 Atque immortales stola candida præbet ami-
 ctus.

Non his ulla negat sua clemens munera Chri-
 stus,

Quos ipse à mundi selectos forte diremit,
 Plantavitque Deo : quò semper robore læto.
 Crescendo in cælum exsiliant, fructusque pe-
 rennes

Pollenti virtute ferant, & quicquid ab alto
 Oratum genitore velint, mox numine pronò
 Accipiant, tribuantque piis. quos inter egenus
 Censeri cupiens, & cordis vulnera deflens,
 Ista tremens cecini summisso pectore FLORUS,
 Ut meritis tanti per Christum salver alumni,
 Et procerum votis absolvar purpureorum.

Sanctorum eximiis meritis precibusque beatis,
 Quorum perpetuos memorat liber iste trium-
 phos,

Da Pater omnipotens veniam, da Christe me-
 dellam

His qui supplicibus votis ac mente fideli
 Committunt sese tantis per sæcla patronis,
 Qui zabulo victo rutilis super astra coronis
 Conspicui, de te quicquid petiere merentur.

Christe precor veniam segni des mitis alumno.

Tardus sum ; tardè sed tibi nemo venit.

Longus præteritis tenuit nos error ab annis ,

Sufficiat meritis hæc rogo pœna meis.

Vita brevis superest, in mortem & promior ætas;

Jam peccare senex nequeo , nolo tuus.

V.

VERSUS E J U S D E M

Ubi ossa S. Cypriani Lugduni condita habentur.

H A c locuples Christi thesaurus conditur
arca ,

Purior argento , fulvo pretiosior auro ,

Clarius & cuncta gemmarum luce micantum.

Hic nempe insigni Doctor suavissimus ore ,

Eximius Præsul , Martyr celeberrimus idem ,

Lucifer vt nitidus magna Carthagine missus.

Emitat , & pulera CYPRIANUS sorte quiescit.

Additur huic geminum radianti lumine sidus ,

SPERATUS Martyr cum Martyre PANTALEONE ,

Cujus cum capite hîc possent sacra priorum.

Quos pariter CAROLO Francorum Principe
gaudens

Gallia suscepit , Libycis ditata talentis.

Hos igitur nobis oratio fida patronos

Cc. iij.

Efficiat, Christo ut cælis veniente coruscis,
Martyribusque suis diademata clara ferente,
Ipſorum meritis lux nos æterna receptet.

V I.

Titulus Abside.

MARTYRIBUS ſubter venerabilis emicat
aula:

Martyribus ſupra Chriſtus Rex præſidet altus.
Circumſtant miris animalia myſtica formis,
Noſte dieque hymnis trinum inclamantia nu-
men.

Adſtat Apoſtolicus pariter chorus ore coruſco,
Cum Chriſto adveniet certo qui tempore ju-
dex.

Vivaque Hieruſales, agno inluſtrante reful-
gens,

Quattuor uno agitât paradifi flumina fonte.
Pignoribus ſacris clarus Baptiſta JOHANNES
Altare inluſtrat, poſcentia peſtora purgat.



IN FLORICARMINA

ADNOTATIONES.

IN his Flori versibus primum locum obtinent carmina duo, quæ V. C. Hadrianus Valesius, Historiographus Reginus, ex vetusto codice Petaviano manu propria descripta, cum notulis suis mihi pro sua liberalitate concessit.

IN CARMEN I.

Primum agit de variis cladibus, quæ ex divisione Imperii, post mortem Ludovici Pii Galliis obvenērunt. Carmen istud in codice Petaviano inscribitur in hunc modum: VOTO BONÆ MEMORIÆ MANNONIS LIBER AD SEPULCRUM SANCTI AUGENDI OBLATUS. Fuit ergo liber iste Monasterii sancti Augendi, seu Eugendi, in Jurensibus locis, quodmodò S. Claudii dicitur; & quidem oblatus à Mannonne ejusdem Cænobii Præposito, cujus rogatu Ado Viennensis Archiepiscopus ecclesiam Velnensem eidem Abbatiæ confirmavit anno DCCC LXX, ut patet ex litteris editis in Spicilegii tomo XII pag. 135.

V. 37. TABESCIT VULNERE NARBO. Quid funesti tum acciderit civitati Narbonensi, silent Annales nostri. Existimem idem illi accidisse quod Remensi, eo quòd Bartholomæus contra Ludovicum Augustum partibus Lotharii faveret, ob idque eum fede sua dejectum fuisse: ex quo diutina illius ecclesiæ secuta sit orbatio usque ad Berarii ordinationem.

V. 38. TRISTIA REMORUM, &c. Id. Ecclesiæ Remensi contigit post depositum Ebbonem, vacante sede per annos decem, nempe usque ad annum dccc XLIV, quo Hincmarus viventi etiam tum Ebboni successus est.

V. 39. DOCTOSQUE VIROS, &c. Nempe Hilduinum seniore, Walam Abbatem, Barnardum Viennensem, Agobardum Lugdunensem Pontifices, & alios, qui in varia exilia deportati sunt.

V. 56. HINC HERESIS SURGENS. Sic Prudentius in præfatione ad Cathemerinon: *Pugnet contra hereses*. Multa alia peccat Florus in Poëtarum leges: at indulgendum illi ætati.

V. 101. ARSERE COMETÆ. Nempe annis dccc XXXVII & sequenti, dccc XL, & dccc XLII.

V. 115. INLINITURQUE LUTO. Hæc ex imitatione Ezechielis in cap. 13 versu 12 & seq. Quod subditur de Amosi Prophetia, petitur ex cap. 8, v. 1 & 2.

IN CARMEN II.

Hoc alterum carmen scriptum est ad Modoinum, Augustodunensem Episcopum, qui *Augusti-montis Pastor in arce potens* dicitur in alio Flori carmine, quod Petavianus codex itidem continebat. Hic est MUATWINUS Episcopus, quem Walafridus Strabus versibus itidem celebravit, idemque cui Theodulfus Episcopus inscribit lib. 4 carmen 6. Hic verò severius carpitur Moduinus, quod *nutriculam suam*, id est Lugdunensem Ecclesiam, in cujus sinu adoleverat, malè tractaret, illius ecclesiæ Clericos trahens ad

Seculare forum contra Canonum præscripta. Ubi mirari subit, quid juris fuerit Moduino Lugdunensis Ecclesiæ Suffraganeo in Metropolim suam. Nimirum quia magna ejus erat apud Ludovicum Pium auctoritas, facile ipsi fuit, exsulante Agobardo Archiepiscopo, in jura ipsius ecclesiæ invadere. Certè quàm bene audierit apud Ludovicum, argumento est Theodulfi carmen præcitatum, ex quo intelligimus, Moduinum Theodulfo persuadere molitum fuisse, ut crimen sibi ab Imperatore impositum agnosceret fatereturque: quod is innocens detrectavit. At clariùs Moduini auctoritatem probat Walafridus, eum Galliæ *Proretam* appellans.

V. 81. DUPLEX HEC ORDO. Clericorum scilicet & laïcorum, qui semper forum habuere diversum. Sub Clericali ordine Monachi etiam ante illud tempus continebantur.

V. 98. THEODOSIUS PROTEGIT. Quippe Ecclesia Gallicana codice Theodosiano utebatur, & ejus libertas ac immunitas legibus Imperatorum, olim suorum, Romanorum utebatur.

V. 134. ALTERA. Alteram hac de re epistolam sive carmen aliud Moduino scripserat Florus, forsitan illud ipsum, quod exstat in codice Petaviano, qui nunc est Christinæ serenissimæ Sueciæ Reginae. Habetur quidem aliud item ad Moduinum in Collectione variorum epigrammatum typis Morelianis edita anno M.D.L. incipiens ab his versibus:

Solve, Pater, profluas hilari de pectore grates,

Quòd referas Floro labra benigna tuo.

Verùm tota hæc epistola eo tendit, ut Moduinum hortetur ad studium sacrarum litterarum.

V. 145. NAM NISI CORNOBIUM. Verba sunt Modoini, quem Florus loquentem inducit in hunc modum: Præter Episcopos & Abbatissas, ceteri omnes Clerici & Presbyteri laicum forum agnoscant.

IN CARMEN III.

Hoc carmine seu Hymno actis sanctorum Johannis & Pauli conciliatur fides.

IN CARMEN IV.

Titulus est libelli ad altare S. Stephani oblato, nempe in cathedrali ecclesia Lugdunensi, quæ beatæ Mariæ & sanctis Stephano & Johanni dedicata est. In exemplari Petaviano, ex quo hos versus noster Acherius quondam describi curavit, exstant hiatus seu spatia vacua duo, non quidem pro versibus, sed pro titulis interserendis.

IN CARMEN V.

De translatione reliquiarum sancti Cypriani & aliorum in ecclesiam Lugdunensem tempore Caroli Magni, legendi versus Agobardi Præfulis Lugdunensis, & Chronicon Adonis Viennensis.

IN CARMEN VI.

Hic describitur altaris priscus apparatus in ecclesiæ absida existentis, itaut Martyrum reliquiæ sub altare collocarentur, Christi è cruce pendentis effigie.

superius erecta, pendente in vasculo Eucharistia,
Sanctorum imaginibus circum appositis.

Sequebatur in codice Petaviano ejusdem Flori
carmen de titulo altaris in persona Agobardi, quod
carmen Sirmondus dedit in Notis ad Theodulfum.
Ad hæc, idem ipse codex continebat metricam
quatuor Evangeliorum recapitulationem, quam con-
sulto prætermisi.

HEIRICI MONACHI

VERSUS

Ad HILDEBOLDUM Autisiodorenssem Epi-
scopum

In Collectanea sua.

HILDEBOLDE, tuæ requies & gloria plebis,
Magnus honore soli, major honore Dei:
Excipe dignanter quod porrigit ecce prudenter
Heiricus, capitis plenus amore tui.

Porgere parva pudet, cum maxima tu merearis:
Attamen ex minimis pendere magna decet.

Quiq; dat hoc modicū, jã plus tribuisse probatur:
Quodq; est, quodq; potest, isti tibi nẽpe dedit.

Hic præceptorum sunt ludicra pulcra duorum,
Quis ego Præsulibus ingenium colui.

His LUPUS, his HAIMO ludebant ordine grato,
 Cùm quid ludendum tempus & hora daret.
 Humanis alter, divinis calluit alter,
 Excellit titulis clarus uterque suis.
 Hæc ego tum notulas doctus tractare furaces,
 Stringebam digitis arte favente citis.
 Nec prius illata mihi liquido disponere versu
 Cura fuit, nisi nunc cùm tibi dando forent.
 His violis animum, Pater, oblectare memento,
 Cùm tibi curarum pondere pectus hiat.
 His naturalem frontis vultusque nitorem
 Accumula, quotiens latior esse voles.
 Hoc si tranquillo sumens dignabere vultu,
 Mox comm. an gratius ardor erit.
 Hæc LUPUS, hæc nitido passim versabat in ore,
 Compensans aptis singula temporibus.

I N C I P I U N T C O L L E C T A N E A.

*Ex libris Valerii Maximi memorabilium dictorum
 & factorum.*

SULPICIO Sacerdoti inter sacrificandum
 lapsus apex de capite sacerdotium abstulit.
 Occentus foricis auditus Fabio M. dictaturam.
 Tarquinius Rex quondam, quod librum se-
 cretorum civilium cuidam scribendum dede-
 rat, culleo insutum in mare præcipitavit, &c.

ADNOTATIONES.

HERICUS, seu Hericus, Ericusve. natus est in Agro Autisiodorensi, in vico ab ipsius nomine dicto *Hery*, duabus leucis infra urbem, ad fluviam Armentionem: qui locus hactenus Cœnobio S. Germani subjectus est. Puer (ut puto) eidem Monasterio traditus, Haimonem postea Halberstadensem Episcopum, & Lupum Abbatem Ferrariensem præceptores habuit adolescens, uti ipse testatur in his versibus Hildeboldo Autisiodorensi Episcopo nuncupatis, quæ præfatio est in Collectanea ex ore præceptorum suorum excepta. Hæc Collectanea in codice Corbeïensi ante annos septingentos manu descripto cum vita S. Adalhardi Abbatis compacta reperiuntur. In his fragmenta referuntur primò ex Valerio Maximo, tum ex Patribus, Hieronymo, Augustino, Beda & aliis, cum exordio superiùs edito. Plura alia scripsit Hericus, nempe de vita S. Germani Episcopi Autisiodorensis carminum libros sex, quos Carolo Calvo jam Imperatori nuncupavit, cum libris duobus prosaicis de ejusdem Sancti miraculis, & sermone inedito de eodem. Gesta item Episcoporum Autisiodorensium, collaborantibus Rainogala & Alago Canonicis, ut patet ex cap. 39, ubi Hericus *Theosophus simul & Monachus* appellatur. Denique homilias in Evangelia composuit, testante in primis Honorio Augustodunensi in lib. 4 cap. 49, cui consentit Johannes Trithemius. Certè in homiliario, quod Paulus Diaconus jussu Caroli Magni adornavit, tres invenio Herici homilias, à po-

steris haud dubiè insertas, uti superiùs monui. Primà est in illud Johannis, *Cum venerit Paraclitus*, &c. cuius initium, *Postius in cana Dominus*, &c. Altera in illud Lucæ, *Cum iret Jæsus in Jerusalem*, &c. sic incipiens, *Itinera Domini & Salvatoris nostri*, &c. Tertia in illud Matthæi: *Nemo potest duobus dominis servire*, &c. præmissis hoc exordio: *Dominus ad hoc homo factus est*, &c. Ericum laudat Sigebertus in lib. de Scriptoribus ecclesiasticis cap. 104.

HALDOINI ABBATIS

VERSUS

Ad tumulum sancti Remigii.

HALDOINUS, quondam Abba Monasterii Altvillarensis, hoc memoriale digessit, XII videlicet versuum, si Episcopus HINCMARUS voluisset, in circuitu scrinii, ubi sanctus Remigius transponendus erat, de transferendo corpore pretioso ejusdem Remigii à Karolo Rege pariterque præfato Hingmaro Præsule eo loco quo exstitit, quousque anno DCCCLXXI, ob infestationem paganorum, occulto Dei judicio finit se inde levare; & ultra Matronam ad usque Orbacis Monasterium nequiquam deportari pertulit, hymnizando exorsus est:

Doctor

DOCTOR Frácorú primus Pastorq; Remorú
 Hoc recubat sacro Remigius tumulo.
 Limina quem templi quondám tenuere sepultú,
 Servantem Domini sapta gregemque sui,
 Extéplo ut populus hujus jam dogmate plenus
 Concrevit, pariter crevit & ista domus:
 Transtulit & Sanctum sublimi sede locavit,
 Cerneret ut plebem, plebs quoque fide Patrē:
 Rex verùm Karolus Ludovici Cæsaris almus
 Filius, ac Præsul Hincmar utique sacra
 Tecta augēt decorátque simul, bustoq; recóduť
 Francorum magnum Pontificale decus.

Anno à nativitate Domini DCCC LII,
 IIII Kal. Junii, regni verò Karoli XII,
 ordinatione quoque episcopatus Hincmari
 XIII, Indictione XV.

A D N O T A T I O.

MONASTERIUM Altivillarense in agro Re-
 mensi, in primis celebratúm est retrusiónē Go-
 thescalci Monachi, qui Haldoino ejus loci Abbati, su-
 periorum versuum conditori, commissus ab Hinc-
 maro est. Hos versus Hincmarus tumulo sancti Re-
 migii non apposuit, sed alios à se compositos:



Veterum Analect. Tom. I.

D d

A D E M A R I M O N A C H I

A C R O S T I C H O N

Ad R O H O N E M Episcopum Ecolismensem.

R ex dominās mihi fautor ades, ne codice fam
 O pticeat titulus, hunc renitefcāt apu---
 H occe volumē Ecolisma R O T H O Præful in urb
 O mnibus eximius condidit egregiu-----
 E cce patrum renitet tomus præclara trophæ
 P etri quīs nituit ordine clarus hono---
 I uraque bellorum Christi inlustriffima cornu,
 S anctum flamineo quæ tulit ore genu----
 C ertatimque venenosos stravere chelydros:
 O rnati stolis quomodo mirific-----
 P romptior ac micuit per eos primatibus ardo
 U t fuerint que Deo subdita colla di---
 V ir pie clare bonis Præful R O T H O cūptior aet
 S emper amāde mihi, accipito hos modulo
 X enia A D E M A R U S dederim tibi talia cur mo
 R ite tuum scire est unde reposco detu---
 I anua amoris adesto mihi præclara beat
 S int furiaque procul, dum mihi pars pia si
 T e sic E P A R C I U S Q U E Petrus munimine coman
 I n superi nos qui castra vehantque pol-

ADNOTATIO.

HOc Acrostichon scripsit ADEMARUS SERVUS CHRISTI, id est Monachus, ex prænobili familia Cabannensi, Ecolismæ in sancti Eparchii Cænobio institutus, cujus Chronicon & commemoratio Abbatum basilicæ sancti Martialis exstant in tomo secundo Bibliothecæ Labbeanæ. Florebat hic auctor anno MXXX. quo tempore Historiam Pontificum Romanorum Damaso adscriptam ROTHOMÆ Præsul Ecolismensis describi curavit operâ ipsius Ademari, ut testantur superiores versus appoliti in fronte codicis, qui modò in Uticensi Monasterio adservatur, definitque in Leone IV.

Non ab re erit hîc subjicere titulum & clausulam, quam idem Ademarum apposuit membraneo codici ecclesiæ sancti Martialis apud Lemovicas, qui codex completitur quatuor libros Amalarii de divinis Officiis, in quorum titulo hæc leguntur:

INCIPIT PRÆFATIO SYMPHOSII AMALARII CLERICI,

In libros de divinis Officiis,

Ad LUDOVICUM Imperatorem.

Et in fine codicis : *Explicit liber SYMPHOSII AMALARII Presbyteri venerabilis de divinis Officiis, quem misit ad Ludovicum & Lotharium Reges, filios Caroli Magni Imperatoris: quem librum in hoc corpore transscribi curavit ADEMARUS indignus Monachus in honorem Dei & sancti Benedicti.* Quæ id-

Dd ij

circo huc refero, quòd SYMPHOSII prænomen nusquam legerim tributum Amalario, qui in eodem codice tantùm *Presbyter & Clericus* appellatur.

ADELMANNI SCHOLASTICI

R Y T H M I A L P H A B E T I C I

De viris illustribus sui temporis.

A R M O N I C Æ facultatis adspirante gratia,
Refero viros illustres, litterarum lumina,
Quos recenti recordatur mens dolore faucia.

Bestiali feritate mors acerba sæviens,
In scholares efferata tamquam leo rugiens,
Passim dedit strages dirè plusquam aër pestilès.

Carnotenæ decus urbis memorande Põtifex,
Te primùm, Pater FULBERTE, dũ te conor dicere,
Fugit sermo, cor liquefcit, recrudescũt lacrimæ.

Deploranda singillatim multa quidẽ memini,
Utpote convictor senis hærens sæpe lateri,
Aure bibens oris fontem aureum mellisflui.

Eheu! quanta dignitate moralis industriæ,
Quantarum gravitate, verborum dulcedine,
Explicabat altioris arcana scientiæ.

Floruere te fovente Galliarum studia,
Tu divina, tu humana excolebas dogmata,
Numquam passus obscurari virtutem desidiâ.

Gurges altus ut minores solvitur in alveos,
Utque magnus ex se multos fundit ignis radios:
Sic insignes propagasti per diversa plurimos.

HILDIERUM, quem Pupillam nuncupare soliti,
Quòd pusillus esset, immo perspicacis animi.
Ceterorū princeps atque communiceps Præsuli.

Is Magistrū referebat vultu, voce, moribus:
Hippocratis artem jungens Socratis sermonibus,
Nec minus Pythagoreis indulgebat fidibus.

Karitate SICO noster plenus atque gratia,
Multa præbens ore, manu advenis solatia,
Singularis organali regnabat in musica.

LAMBERTUS Parisiacū, ENGELBERTUS Genabū,
Occupabant lectionum otio venalium, [cum.
Quæstū de pube Francorū captantes non modi-
Martini quoq; concivem, sed non æquè sobriū,
Dignū duco memoratu RAINALDUM Turonicū,
Promptum lingua, stilo largum, valentem
grammaticum.

Nec tua, GIRARDE-GILBERTE, fraudabo nœnia.
Ligerim flavum revisens ab Jordane & Solyma,
Occidisti propter Mosam sub Virduni mœnia.

O & te dira peremit æmulum factio,
Postquam missus es Europā perflagranti studio,
Scholas multas expilasti, WALTERE Burgundio.

Prò! si numquā revertissēs ad fines Allobrogū,
Quanta nunc auctoritate decorares Latium!
Docens quidquid revexisti ab hortis Hesperidū.

D d iij.

* Ful-
bert

Quis te tandem , sacer * heros, satis sæpe
fleverit,

Cujus os & multos plures officina protulit,
Quorū quisque præ se tulit, quod te usus fuerit.

RAGINBALDUS Aggrippinas, vir potēs ingenio,
Barbaras aures Latino temperans eloquio,
Notus arces ad Romanas ab usque oceano.

Situs est in urbe nostra longus hospes Legia,
Legia magnarum quondam artium nutricula
Sub WATHONE, subque ipso, cujus sunt hæc
rythmica.

Tres mihi Camena cives memora de pluribus,
Illum, procul quem exstinctum transalpinis fe-
bribus,

Lugent artes, lugent urbes cum suis Primatibus.

Vix amissum quereremur, ODULFO superstiti,
ALESTANUM, quantus erat veteris scientiæ,
Sicut hi, quos erudivit, satis pollent hodie.

Xerapelinos ornatus cum paucis jugeribus
Præsul durus denegarat. at tu Metti profugus,
Multas illic opes nactus, WARINE, es & con-
ditus.

Ypogæis & antiquæ parentis in gremio
Dormientes, excitandi mane mundi ultimo,
Pace æterna perfruantur te, Christe, propitio.

Zelo grandi cor accensus pro carorum funere
ADELMANNUS hæc deflebat in Nemeti litore,
Suos ipse idem illic observans quotidie.

HOS rythmos ex ms. codice Gemblacensi rogatu meo descripsit religiosus vir Michael Delmerius, ejusdem Monasterii Bibliothecarius, qui operam mihi suam in multis aliis liberaliter impendit. Quis fuerit Adelmanus istorum versuum auctor, nemo eruditus ignorat. nempe ille ipse est Berengarii condiscipulus sub Fulberto Carnutenſi Episcopo, *grammaticus, & ex Clerico Leodiensi Brixienſis Episcopus*, teste Sigeberto in lib. de Scriptoribus ecclesiasticis cap. 153. ubi vocatur ALMANNUS, qui duas epistolas de veritate corporis Christi Domini in Eucharistia, unam ad Berengarium, alteram ad Paulum Primicerium Mettensem scripsit. In exemplari Gemblacensi istis rythmis præmittuntur hæc verba: *Mitto etiam tibi rythmicos versiculos juxta ordinem Alphabeti digestos, quos ante annos aliquot, cum adhuc Leodii essem, me ad amicos quosdam meos, quorum plures ipse noveras, lamentabiliter recensente compositos reperi nuper & edidi.* Quæ verba sunt Adelmani hos versus mittentis ad Berengarium, de quo in fine rythmorum hæc leguntur: **RESPONDIT BERENGARIUS:** *Nascitur ridiculus mus.* Qui Berengarius Adelmanum ironice AULUM-MANNUM vocare solitus erat, ut ibidem subditur. Multa in hos versus notanda forent: sed tantum ea observo, quæ mihi obvia sunt.

Ad litteram K laudatur SIGO, Abbas scilicet Monasterii sancti Florentii Salmurensis ad Ligerim, vir suo tempore clarissimus: cujus æqualis fuit RAINALDUS, Turonicæ sancti Martini ecclesiæ Archiclavus seu custos, de quo hîc mentio fit ad litteram M.

Dd iiij.

Strepha incipiens à littera N, mendosa apparet in primo versu : *Nectua, Girard: - Gilberte, fraudabo nania.* videturque legendum. *Nectua, Girarde glaber, te fraudabo nania.*

Ad litteram S agitur de Wathone, sub quo *Légia magnarum artium nutricula* floruisse dicitur, subque ipso, *cujus sunt hæc rythmica.* Ex quibus discimus Adelmannum fuisse Scholasticum seu præfectum scholis in urbe Leodiensi, scilicet post Watonem, qui Wazo dicitur ab Anselmo Canonico Leodiensi, cujus hæc verba in lib. de Episcopis Leodiensibus cap. 84. *Hic (nimirum Wazo) primum sub Notgero Præsule Capellanus existens, postea ab eodem scholarum donatur magisterio.* Chronicon Leodiense apud Labbeum in Bibliothecæ novæ tomo I hæc habet : *Anno M XLI obiit Hithardus, succedit Walto.* cujus obitus reponitur anno M XLVIII. Ubi vides Watonem non alium esse à Wafone, uti legitur apud Anselmum, qui pro Hithardo Nithardum scribit. Ergo, ut superius præfatus sum, Adelmannus scholis Leodicensibus præfectus est, quod nemo hactenus, ni fallor, observavit.

Sub littera X agitur de Warino, qui videtur fuisse Clericus Leodiensis, tum Monachus in Cœnobio Gorziensi, demumque Abbas in Mettensi Asceterio sancti Arnulfi, ut patet ex ipsius Warini epistola superius edita. *Præsul ille durus*, qui Warino *xerapelinos ornatus cum paucis jugeribus* reposcenti denegasse hic memoratur, Durandus est Leodiensis Episcopus, cujus nomen inter lineam adscriptum est in codice nat. Quippe Durandus prædia ecclesiæ sancti Laurentii à Wolbodone decessore suo legata detraxisse fertur apud

Ægidium Aureæ-Vallis Monachum, forsan etiam ornamenta ecclesiastica, quæ Adelmanus vocat Xerapelinos ornatus. Gemblacensis codex ita in hæc verba commentatur: *Xerapelina vestes dicuntur veteres & præsicca, pampincum habentes colorem, & ponuntur hoc loco pro quibuscumque antiquis vestibus.* Quæ interpretatio docet nos, hoc loco legendum *xerampelinos ornatus*, quæ vox Græca ex duabus composita est, scilicet *ξηρὴς*, quæ aridum siccumve, & *ἀμπέλ*, quæ vineam significat. Itaque *xerampelini ornatus* dicuntur vestes pampini siccæ colorem, qui color siccæ rosæ dicitur, imitantes, ut viri docti in Juvenalem observarunt.

E P I T A P H I A

Principum & illustrium personarum.

I.

CHRODEGANCI

Episcopi Mettensis.

[ortu;
QUISQUIS ab occasu venis hîc, vel quisquis ab
 Præfulis hîc cineres scito jacere pii.
 Moribus ornatum, virtutum tramite rectum,
 Egregium meritis hæc tenet urna virum.
 Cui sancti actus, lex meditatio, dogma fidele,
 ROTGANGI nomen, gloria Christus erat.
 Romulidâ de sede sibi data pallia sancta
 Extulit, huncque Patrum extulit ille Pater.
 Instituit sanctæ Clerum hinc munia vitæ,
 Ordine in Ecclesia luxque decusque fuit.

Exemplo & verbis animos ad cælica regna
 Misit, & in tanta floruit arte satis.
 Virtutes retinens, vitiorum monstraq; vitans,
 Satque in eo vigit pontificalis apex.
 Solator viduis fuit, & tutela misellis,
 Sensit & hunc sibimet orphana turba patrē.
 Regibus acceptus, populo venerabilis omni,
 Vita ejus cunctis norma salutis erat.
 Post vitæ cursum senio veniente peractum,
 Terram dat terræ, mittit ad astra animam.

I I.

T E U D U L F I seu T H E O D U L F I

Episcopi Aurelianensis.

Illius cineres saxo servantur in isto,
 Qui quondam populis Præsul & Abba fuit.
 Non noster genitus, noster habeatur alumnus:
 Protulit hunc Speria, Gallia sed nutriit.
 Urbs populosa satis Ligerim super Aurelianis,
 Quæ olim læta fuit hoc residente Patre. [gnus,
 Prô dolor! hunc pepulit propria de sede mali-
 Mœnibus his traditur exsul, & exsul erat.



III.

DROGONIS & PIPPINI

Caroli Calvi filiorum.

Quisque videns nostras sollerti corde figuras,
 Perspice quàm subito defluat orbis honos.
 Rege sati fuimus, nomen qui nomine duxit
 De Magni Magnus, de Caroli Carolus.
 Nec licuit totum vitæ complectier annum:
 Sed rapuit nostras debita mors animas.
 Si, genitor, nostram dignaris visere tumbam,
 Rex, nostros obitus ne doleas petimus.
 Terris sublatis, placida regione locati,
 Cum Sanctis requie perpetua fruimur.
 Vos nostri memores felices este parentes.
 Hoc PIPPINUS ego posco, simulque DROGO.

IV.

ETHGIVÆ REGINÆ,

Caroli Simplicis uxoris.

Quæ fueram quondam titulis generosa superbis,
 Quæ Ducibus Regni regimen memorabile Francis:
 Hic ETHGIVA premor, terræ sub pulvere pulvis.

Quod quisquis cernis, casus reminiscere mortis,

Orans ut requies detur mihi carne soluta.

VII KAL. JAN.

V.

GOTTFREDI

Monachi Dionysiani.

Hic celebris recubat vitâ redimitus honestâ
GOTTFREDUS Monachus carus, Monachusque
beatus.

Aras & Domini dignusque minister & aræ
Dum vixit, valuit, tenuit, dilexit, amavit
Justitiam veramque fidem pacem quoque
puram.

Appetit hunc inimica ferox nulli pia mors, mors.
Utque foret solitum dissolvit pectore flatum.
Jamque dies Februus bissenos solverat orbi,
Terra tegit corpus, clarum sed in arce polorum.
Contegat ut Christus, lector, deponce, precamur.



VI.

FREDERICI

Comitis & Monachi.

Scire volens , lector , tumulo quis conditur
isto ,

Noveris hîc magni FREDERICI membra locari.

Inclitus ipse Comes , magnatis regia proles ,

Legit amore Dei Monachatus forte beari.

Vir bonus atque pius , nulli probitate secun-
dus ,

Normâ justitiæ enituit mirandus in orbe.

Assumptus Christo copuletur fœdere longo ,

Præmia cum superis indeptus vivida lucis.

Præteriens dicat : Fredericus pace quiescat.

Idibus octavis tulit hunc Januarius astris.

VII.

GIRBERTI

Abbatis Fontanellensis.

Quarta Septembris solvit sua debita mēbris ,

Luce sua propria fungitur ex patria.

Abbas GIRBERTUS , plenus pietate repertus ,

Hoc jacet in tumulo , non careat titulo.

Hunc genuit florem Maguntia , nobiliorem
 Quo nullum genuit , cernere nec valuit.
 Hic supradictus nullo discrimine ductus
 Tempore militiæ lux , decus Ecclesiæ.
 Pauperibus vixit ; caput in membris benedixit :
 Mors sibi vita fuit , vivere namque luit.

V I I I.

W I L L E L M I
Abbatis Mettensis.

Funere cum tristi sacram defertur ad ædem
 Defunctus vita Monachorum rector & Abbas
 WILLELMUS , sparsi notus per climata mundi.
 Hoc Pater Arnulfus requiescit corpore san-
 ctus ,

Regia Mettensis prope mœnia deforis urbis ,
 Qua sibi parte tenet spirantes Auster odores ,
 Ecclesiæ specimen referens ubi dignè cacumen ,
 Aris bis senam sacrat domus alta catervam ,
 Cùm petit undenas Janus de more Calendas ,
 Sole sub occiduo vel cedit vesper olympo ,
 Post triduumque Dei spectantur gaudia nati.

Hoc quoque perlecto verborum callicinato
 Vestrorum Fratrum Christi sub lege piorum
 Plangere didicimus vos lamentabile funus.
 Ex quæis RAINARDUS unus de nomine dictus ,

Alter & alterius renovavit funere planctus.
 Pro quibus æterno petitis dare carmina Christo.
 Quod fieri dignum nos ducimus & perfectum.
 Is simul adjunctis retinet quos cartula cunctis,
 Hancque vicem nostris deposcimus apte re-
 pendì,
 Vel quot sorte sua jam linquere contigit ima:
 Aut quos fluctivagæ collidunt flamina vitæ.
 Pondere quo carnis mereamur concite solvi,
 Ac simul angelicis conjungi perpetue turmis.

IX.

HARIULFI

Abbatis Aldemborgensis.

Pontivo natus pronus studiis HARIULFUS,
 Almi Richarii claustra puer subiit. [strum,
 In quibus imbutus, deceat quid nosse magi-
 Aldemborgensis tertius Abba fuit.
 Rem sibi commissam pro viribus amplificavit,
 Crescere, Petre, tuis semper opes sitiens.
 Fratribus exemplum prætendens compatiens,
 Multa nimis tacuit, quæque loqui docuit.
 Centula quos Fratres retinet, coluit seniores,
 Illis quod sit honor cernere semper amans.

I D E M A D C E N T U L E N S E S

De Chronico suo.

Centula diligo te, doctricis captus amore,
 Ultima cū tibi do munuscula, mater aveto.
 Atque vicem referens dic nato: Nate valetō.
 Comprobat hinc magnum circa vos semper
 amorē;

Talia scribendo qui vobis auget honorem.
 Et memor est vestri, si quis locus accidit illi,
 Conferat ut nostræ condignam notitiæ rem;
 Quam puto vos latuisse diu, nec vestra tenere
 Condita secretis armaria clavibus arceat.

A D N O T A T I O N E S I N E P I T A P H I A .

I N E P I T A P H I U M I .

CHRODEGANI Mettensis Episcopi epitaphium
 ex pervetusto codice Vitoniano, in quo ha-
 bentur carmina Theodulfi Episcopi Aurelianensis,
 cum paucis aliorum versibus hinc inde insertis. Hinc
 conjecturam caperem epitaphii hujus auctorem esse
 Theodulfum, nisi aliter suaderent salebræ nonnullæ,
 quæ in Theodulfum non facile cadunt. Chrodegan-
 us obiit *pridie Nonas Martias in diebus Pipini Re-*
gis: requiescitque in Gorzia Monasterio, quod ipse
a fundamentis construxit, testante Paulo Diacono in
 libro

libro de Mettensibus Episcopis. Laudatur maximè ob piè institutam Clericorum vitam, quibus Regulam præscripsit ex sancti Benedicti Regula magna ex parte desumptam.

IN EPITAPHIUM II.

ET hoc Theodulfi epitaphium ex eodem codice descripsi. Eum natione Italum fuisse tradunt, hoc est (uti Sirmondus opinatur) ex Gallia Cisalpina. Speriā seu Hesperiam ipsi patriam tribuit epitaphium: sed æquivocum est nomen istud, aliquando Italiam, aliquando Hispaniam significans. Vetus Chronicon à Chesnio editum in Historiæ Francicæ tomo 4, rem definit pag. 36 his verbis: *Floruit etiam his temporibus apud urbem Aurelianensem Teodulfus Episcopus, qui propter scientiæ prerogativam quā pollēbat, à memorato Imperatore Karolo Magno ab ITALIA in Gallias adductus, & Floriacensem ab eo Abbatiam, & Aurelianensem simul meruit Episcopatum.* At his obstat, quod Theodulfus ipse se ex Hispania ortum esse non obscurè innuit in Parænesi ad iudices, his versibus:

Mox sedes, Narbona, tuas urbemque decoram

Tangimus, occurrit quo mihi læta cohors.

Reliquia Getici populi, simul Hesperaturba

Me consanguineo fit duce læta sibi.

Ubi Theodulfus consanguineos vocat Hespericæ populos in Septimania degentes, qui ex Hispania eo confluerant. Nisi si consanguineos dicit hoc nomine, quod ex eadem gente tam Gothi illi Septimaniæ populi, quam Ostro-Gothi in Italia degentes,

Veterum Analect. Tom. I.

E c

ex quibus procreatus esset Theodulfus, processissent. Mortuus est Theodulfus anno DCCC XXI, exsilii VII, venens necatus, sive in reditu, ut in Chronico præcitato legitur, sive post reditum Aurelianos, ut apud Letaldum Mitiacensem Monachum in libro de miraculis S. Maximini Abbatis: qui liber in primo Sæculo Benedictino typis vulgatus est. Theodulfi obitus in Necrologio nostro Monasterii S. Germani Præfensis ante annos DCCC exarato reponitur XIV Kal. Octobris. De eo aliàs plura.

IN EPITAPHIUM III.

DROGONIS & Pippini epitaphium scripsit Milo Monachus Cœnobii Elnonensis, seu S. Amandi in Belgio, ubi educati ac mortui sunt. Hujus rei fidem facit vetus codex Elnonensis, in quo habetur hoc epitaphium cum ejusmodi titulo: *Tempore Milonis Monachi, gemini fratres DROGO & PIPPINUS, filii Caroli Magni, liberalibus disciplinis instituti sunt in Cœnobio S. Amandi, ubi & sepulsi sunt prope sacellum sanctorum Petri & Pauli cum hoc epitaphio.* Hic Caroli Magni nomine intellige Carolum Calvum, qui Magni nomine donatur, tum in ipso epitaphio, tum in epistola quadam Nicolai Papæ primi, tum in veterrimo nostro Necrologio Germanensi ad XI Kal. Aprilis, quo die ponitur obitus Rothildis *Abbatissa & Monacha filia Regis Magni Caroli.*



IN EPITAPHIUM IV.

ET HIGIVÆ epitaphium fugientibus litteris jam pæne oblitteratum eruimus ex crypta subterranea Monasterii S. Medardi apud Suessiones, ubi jacet in facello, quod *Sepulcri* dicitur. Nupta fuit primum Carolo Simplici: tum eo intercepto ab æmulis, in patriam, id est in Britanniam insulam, unâ cum filio Ludovico fuga elapsa: ac demum secundis nuptiis conjuncta cum Heriberto Comite Viromanduorum. Hæc ab aliis vocatur Eadgiva, Otgiva, corruptè Ogina.

IN EPITAPHIUM V.

DE Gotfredo Monacho Dionysiano nihil habeo adnotandum. Ejus epitaphium legitur in ms. codice viri clarissimi Claudii Jolii Cantoris Parisiensis: qui codex complectitur Retractationes S. Augustini ab annis fere octingentis manu descriptas.

In quodam codice membraneo Bibliothecæ Metrensis S. Arnulfi invenio epistolam encyclicam Monachorum Cœnobii Dionysiani, qua significant, *quemdam Fratrem suum, nomine WARNARIUM, nuper monastica institutioni additum, IIII Kal. Octob. spiritum exhalasse. cui adjungunt alium Fratrem, nomine HIRDRADUM, qui corporis senio jam multum fessus, magneque infirmitatis debilitate attritus, sex diebus in sacro vivens habitu, septimo rebus exemptus sæculi vitam reddidit Creatori.* Hæc obiter.

IN EPITAPHIUM VI.

VIR illustris originis fuit Fredericus Comes, Imperiali sanguine procreatus; cujus pater Godefridus; fratres Adalbero Virdunensis Episcopus, Herimannus *Comitum nobilissimus*; Godefridus & Gozelo Duces. Is multis dilaudatur ab Hugone Abbate Flaviniacensi in Chronici parte 2 cap. 3. Eximium modestiæ, aliarumque virtutum specimen edidit Monachus sub Fingenio & Ricardo Abbatibus Monasterii S. Vitoni initio & progressu sæculi XI. Ejus Epitaphium erui ex ms. codice Corbeïensi.

IN EPITAPHIUM VII.

GIRBERTUS Fontanellensi Monasterio præfuit post medium sæculum XI, mortuus anno M LXXXIX, ab Orderico Vitali sanctoque Anselmo laudatus. Istud epitaphium condidit Deodatus, uti apparet ex ms. codice Cænobii S. Audoeni apud Rotomagum, in quo apponitur hic titulus: *Epitaphium DEODATI super GIRBERTUM Abbatem.*

IN EPITAPHIUM VIII.

QUIS & quantus fuerit Willelmus Abbas Mertenensis Monasterii S. Arnulfi, quivis faciliè intelliget ex ipsius epistolis, quas superius edidi. Est qui hoc epitaphium tribuat alteri Willelmo, qui eandem Abbatiam rexit sub finem sæculi XIII. Verùm potius convenit Willelmo primo, qui hætenus inter

Abbates ejusdem loci adnumeratus non est. Certè quòd Willelmus iste in epitaphio dicitur *notus per climata mundi*, nulli magis congruit quàm Willelmo primo, qui religione & scientia suo tempore clarissimus fuit.

IN EPITAPHIUM IX.

HARIULFUS, Monachus primùm Centulensis, seu sancti Richarii in Pontivo, tum Abbas Aldemborgensis in Belgio prope Brugas, suum ipsius epitaphium scripsit in fine Chronici Centulensis: quod Chronicon in tomo quarto Spicilegii editum est ad fidem exempli Chesniani. Hoc in exemplo decrant nonnulla, quæ ex autographo per me recuperato excerpti, in his epitaphium superiùs relatum. Ex eo verò discimus, Hariulfum Abbatem Aldemborgensem non alium esse ab Hariulfo Monacho Centulensi, secus quàm nonnullis videbatur. Floruit sub finem xi sæculi Hariulfus, cujus obitus in veteri Necrologio Centulensi notatur his verbis: *xiiii Kal. Maii obiit Hariulfus senior.* ut distinguatur scilicet ab alio Hariulfo Levita & Monacho, qui *xiii Kal. Junii* obiisse memoratur.

PARISIIS,

Typis Viduæ EDMUNDI MARTINI, viâ Jacobæâ, sub aureo Sole.

M D C L X X V.



Ec iij.

I N D E X
RERUM ET VERBORUM.

A

A B S I D & descriptio,	408, 412, 413
Abstinencia ferix sextæ, qualis olim,	56
Adalbertus Levita compiler Moraliû Gregorii,	317
Adefonsus Rex Hispaniæ,	288
Adelmanni Scholastici versus,	410 & seqq.
Ademari Monachi scripta,	418, 419
Agnes Imperatrix,	114 & seqq.
Aimo Episcopus Valentiniensis,	27
Albino seu Alcuino confessio Fidei vindicata,	78 & seqq.
Albinus Abbas Cantuariensis,	2, 10
Alestanus Scholasticus,	412
Alexander Papa II, 6 Mantuæ Synodum cogit,	ibid.
Algerus Episcopus Constantiensis,	328
Algeri Scholastici elogium, 303. Ejus liber de misericordia & justitia,	307 & seqq.
Almannus V. Adelmanus.	
Almutia Monachorum,	54
Alpes Asturicenses,	288
Alulsi Monachi Tornacensis Gregorialis,	312 & seqq.
Alvisus Atribatenfis Episcopus,	328
Amalarius Symphosius, Presbyter & Clericus,	419
Ambardus Lugdunensis Archimandrita,	98
Ambonis constructio,	92 & seqq.
Anastasi <u>Bibliothecarii libellus, 65. auctoritas</u> de Eucharistia,	109
S. Anselmi orationes,	168, 170
Ansfridus Abbas,	125, 132
Archimandrita pro Archiepiscopo,	98
Arelas Galliz caput,	99
Arialdi Episcopi Mediolanensis canonizatio,	5
Armarius, id est Cantor,	38

INDEX.

Arnulfus Chronographus,	5
Asper Abbas aut Præpositus Autisiodori,	443, 119
Astoricæ reliquiæ capillorum B. Mariæ,	287
S. Audomari testamentum,	59
S. Augustini festum, <u>281. Oratio</u> ante Missam in ejus festo dicenda,	<i>ibid.</i> & <i>seqq.</i>
Aurioclaria Monachorum,	53

B

BAPTISMUS triplex,	354. & <i>seqq.</i>
B. Basilii vita à quibus Latine versa,	201
Bedæ epistola ad Wicredum interpolata,	11
Bellefarius Scholasticus,	361
Benedicti elogium, <u>351</u> & <i>seqq.</i> & ejus Regulæ,	351 & <i>seqq.</i>
Bernaci Abbatia,	220 & <i>seqq.</i>
Bodo Clericus Hilduini Abbatis,	60
Boëtiana Bibliotheca insignis,	179
Botæ Monachorum,	53
Braina castrum, 108, 110. juris Ecclesiæ Rotomagensis,	<i>ibid.</i>

C

CALLICINATUS, seu callicinarum,	400
Canonicis peculium permittitur à Concilio Aquisgranensi, 53. Distributio præsentibus in choro, <i>ibid.</i> & <u>55</u> . Libertas & judiciaria potestas, 54. Vestes griseæ & variae, <i>ibid.</i> Principes Canonici, <i>ibid.</i> Fratres dicti,	108
Canonum concordantia de pœnis,	308. & <i>seqq.</i>
Canonizatio,	6
Caperonæ Monachorum,	53
Caroli Magni tempora qualia,	196 & <i>seqq.</i>
Carolus Calvus, 61. Magnus dictus,	434
Catechumeni ante Baptismum mortui,	182. & <i>seqq.</i>
Cavanus avis genus,	368.
Childebertus Rex laudatur,	366
Chintilæ Regis Vesigothorum velum Romam missum,	367.
Chrodegangi Episcopi Mettensis epitaphium,	425, 432
Ciborii forma,	75, 92 & <i>seqq.</i>
	Ec III.

INDEX.

Claudii Taurinensis epistolæ , 30 & seqq. patria,	45
Clerici ad sæculare forum non trahendi,	<u>401</u>
Communio conjugatorum ,	339 & seqq.
Compilerator florum in Psalmos ,	289
Concilia, Carthaginense , 1. Mantuanum, 6. Aquisgranense ,	
52. Tusiacense seu Duziacense, 57. Parisiense, 61. Camera-	
cense , <u>204</u> & seqq. Aurelianense, <u>206</u> . Ephesinum , 210.	
Meldenense ,	387
Conjugatorum continentia ante Communionem, 339 & seqq.	
S. Crucis Monasterium Pictavense, <u>299</u> . Capitulare Ludovici	
Pii pro eodem Monasterio ,	<i>ibid.</i>
Cuculus Alcuini discipulus ,	369
Cyprianus Episcopus Afer ,	<u>89</u> & seqq.

D

J. D ALLART dissertatio confutata ,	<u>72</u> & seqq.
Decani Patres Cognobitarum dicti ,	111, 112
Deus unice querendus ,	<u>264</u> & seqq.
S. Dionysii passio & missio in Gallias ,	<u>59</u> , <u>61</u> & seqq.
S. Dionysii ecclesiæ dedicatio ,	<u>318</u> & seqq.
Drogonis filii Caroli Calvi epitaphium ,	<u>427</u> , <u>414</u>
Dructerannus Abbas Sollemniacensis ,	<u>46</u>
Durandus Episcopus Leodiensis ,	<u>422</u> , <u>424</u>
Durbonensis Cartusia ,	331, 334

E

E LECTIS meli serviunt ,	270
Elipandus Episcopus Toletanus ,	<u>186</u>
Engelbertus discipulus Fulberti ,	471
Ergith uxor Ethvvardi Anglorum Regis ,	220
Ethgiva Regina Francorum epitaphium ,	<u>427</u> , <u>415</u>
Ethvvardi Anglorum Regis tumulus ,	220
Eucharistiz fides asserta , <u>200</u> & seqq. Christi apparitio in	
Eucharistia, <i>ibid.</i> Hæretici ante Berengarium habitus realis	
præsentia negatores ,	202 & seqq.
Eugenius Papa institutor probationis per aquam frigidam , 51	
Eusebius Thessalonicensium Archiepiscopus ,	78 , <u>87</u> .

INDEX.

F

- F**AM¹³ Thessalonicæ, 81
 filo bilinguis, 380
 Fiscamnenſium jus in Bernacenſe Monasterium, 221 & ſeqq.
Vide Johannes Abbas Fiſcamnenſis.
 Flori Diaconi Lugdunenſis nomen pro Florilegio, 18, 19. Car-
 mina ejusdem, 388 & ſeqq.
 Follis, Gallis ſtultus, 257, 279
 Formulæ panis in ſollæmnitatibus, 33
 Frederici Comitæ & Monachi epitaphium, 429, 416
 Fulberti Episcopii Carnutenſis diſcipuli, 420. & ſeqq.

G

- G**ALLIA quibus legibus uſa, 400, 411. Galliz ſtatus poſt
 mortem Ludovici Pii, 388 & ſeqq.
 Gallia Chriſtiana corrigitur, 292
 Galterus Episcopus Magalonenſis, 289
 Gandulfus Italus hæreſiarcha, 204
 Gauſfredus Archiepiſcopus Burdegalenſis, 329
 Gauſfredus Episcopus Carnotenſis, 329
 Gebhardus Auguſtenſis Episcopus, 224
 Gennadii liber de Dogmatibus eccleſiaſticis S. Auguſtino tri-
 burus, 189
 Gerardus Pater Cœnobitarum S. Medardi, 107 & ſeqq.
 Gerauldus Genevenſis Episcopus, 98
 Gervafius Archiepiſcopus Remenſis, qualis, 265, 279
 Girardus diſcipulus Fulberti, 421, 423
 Girberti Abbatis Fontanellenſis epitaphium, 425, 436
 Gondradus Rex Arelatenſis, 98
 Gotfredi Monachi Dionyſiani epitaphium, 426, 435
 Grandivillenſe Monasterium, 113, 120
 Gratianopolitanorum Episcoporum catalogus, 100 & ſeqq.
 Gregorii Papæ VII electio, 247 & ſeqq.
 Gregorius Episcopus Vercellenſis Gregorii VII electioni ad-
 verſatur, 248, 249, 277, 278
 Griseæ veſtes Canonicorum, 54

INDEX.

Guigo Prior Cartusiz,
Ejus epistola,

[338](#)
ibid. & *seqq.*

H

HAIMO Episcopus Halberstadenſis, 414. Ejusdem testi-
monium de Eucharistia, [215](#)
Haimo Episcopus Veronenſis, [374](#)
Haldoinus Abbas Altiwillarenſis, [416](#), [417](#)
Hariulf Chronographi, Abbatis Aldemborgenſis, epitaphium,
[431](#), [432](#), [437](#)
Henricus seu Herricus Monachus Autisiodorensis, [413](#) & *seqq.*
Collectanea ejusdem, *ibid.*
Henricus III Imperator, [135](#)
Helias Aurelianenſis Episcopus, [129](#)
Helericus Abbas, [113](#), [119](#) & *seqq.*
Heribertus Comes Veromandenſis caſtrum Brainam occupat, [114](#)
Heribertus Archiepiſcopus Colonienſis, [124](#)
Herigerus Abbas Laubienſis ſcriptor Libelli Cellotiani de Eu-
chariſtia, [211](#)
Hieronymi epistolæ ſuppoſitæ, [332](#) & *seqq.*
Hildebertus Episcopus Cenomannenſis, [293](#) & *seqq.*
Hildeboldus Episcopus Autisiodorensis, [413](#)
Hildegarius Episcopus Meldenſis, [187](#)
Hildierus diſcipulus Fulberti, [421](#)
Hildricus Episcopus Meldenſis, [60](#)
Honorius Scholaſticus, [364](#) & *seqq.*
Hucbertus Præcentor Palatii, Episcopus Meldenſis, [60](#)
Hugo Archiepiſcopus Rotomagenſis, [107](#), [328](#)
Hugo Episcopus Autisiodorensis, [328](#)
Hugenis à S. Viſtore ſupplementum, [324](#) & *seqq.* Patria,
[326](#), [327](#)

I

IDA Comitissa Bononienſis, [187](#), [288](#)
Indiæ Archiepiſcopus, [335](#) & *seqq.*
S. Thomæ corpus in India, *ibid.*
Ingeniorum diverſitas, [324](#) & *seqq.*

INDEX.

Johannes S. R. E. Diaconus,	46
Johannes dulcedo pauperum,	77
Johannis Abbatis libellus precum ad Agnetem Augustam,	135
& seqq. Alia ejus opuscula,	135, 137 & seq. an Abbas Fiscamen- nensis, 168 & seq. ejus epistolæ,
Jordanes Episcopus Ravennensis,	210 & seqq.
Jostenus Sueffionensis Episcopus,	364, 365
	329

L

L AMBERTUS Parisinus, discipulus Fulberti,	421
Landulfus junior ac senior Chronographi,	5
Lathcen compilator Moraliū Gregorii,	318
Lazarus Prior Durbonensis,	331
Lectio obedientiæ postponenda,	275
Legatus apostolicus,	289
Lenense castrum in Belgio, seu Lensium,	288
Leontius Præfectus Illyricorum,	70
Lietbertus seu Lietbertus Canonicus Insulanus, 289 , 290 . Ab- bas sancti Rufi,	290
Logium Tragædorum,	83
Ludovici Pii Capitulare, 299 & seqq. Ejusdem adventus Au- relianus, 376 & seqq. 385 . V. Gallia.	
Lugdunensis Ecclesiæ vexatio per Moduinum Episc. 396 & seqq.	
Lupus Abbas Ferrariensis,	414

M

M AJESTATIS nomen Abbati tributum,	226
Manasses Remorum Archiepiscopus durè arguitur,	251
& seqq.	
Manasses Meldensis Episcopus,	329
Manno Præpositus sancti Augendi,	409
Mansionarius templi,	77
Marianus Senator,	71 & seqq.
B. Mariæ Virginis capilli,	287 , 288
Sancti Martini Cœnobii Tornacensis instauratio,	312 & seqq.
Massiliensis Episcopus ciborium & ambonem erigit sancto Vi- ctori,	9

INDEX.

Meditationes pseud-Augustinianæ ,	<u>176</u> & seq. ex operibus
Johannis Abbatis constat ,	<i>ibid.</i>
Meldenſe Concilium ,	<u>387</u>
Membrana incantatoria ,	<u>71</u>
Mennas prædices ,	<u>77</u>
Milo Episcopus Tarvanenſis ,	<u>329</u>
Moduinus Episcopus Æduenſis ,	<u>396</u> & seqq.
Monachorum immunitas , 1. Vestes & cibi , 53. Psalmodia pro labore ,	<i>ibid.</i> Monachorum angelicus habitus , <u>267</u> . Monachorum perfecta idæa , <u>275</u> . Monachi translatio quæ pro-
banda ,	<u>226</u> & seqq. Monachi ad succurrendum , <u>353</u>
Monasteria Monachorum ,	<u>54</u>
Monicæ sancti Augustini matri bene precatur Willelmus Abbas ,	<u>281</u>

N

N A <u>B</u> O N I S status post mortem Ludovici Pii ,	<u>390</u> , <u>409</u>
Nicolaus Canonicus Leodiensis ,	<u>303</u>
Nicolaus Episcopus Cameracensis ,	<u>319</u>
Nothelmus Presbyter Londinensis ,	<u>2</u> , <u>10</u>

O

O B E D I E N T I A lectioni præponenda	<u>275</u>
Obito pro obitu ,	<u>365</u>
Oddo Abbas Mettenſis ,	<u>219</u>
Oddo Abbas sancti Remigii , 314. ejus epistola ,	<i>ibid.</i> & seqq.
Odilbertus Archiepiscopus Mediolanensis ,	<u>21</u> & seq.
Odo Abbas Tornacensis ,	<u>314</u>
S. Odo Archiepiscopus Cantuariensis Eucharistiæ fidem asserit ,	<u>206</u> , <u>207</u>
Odo Episcopus Belvacensis ,	<u>329</u>
Odo Monachus Cantuariensis ,	<u>349</u> & seqq.
Ogiva Regina , V. Erhgiva.	
Oleum lardivum Monachis indultum ,	<u>52</u>
Osbernus Abbas Bernacensis ,	<u>210</u> & seqq.
Osmundus Episcopus Astoricensis ,	<u>287</u>
Otto III Imperator ,	<u>121</u> , <u>124</u>

INDEX.

P

- P**AULI Diaconi testimonium de Eucharistia, [214](#). Eidem
Gregoriana Vita assera, [319](#) & *seqq.*
Pelagii Confessio Fidei, [188](#). sancto Hieronymo tributa, [189](#)
Petrus Episcopus Silvanectensis, [318](#)
Pinguetudinis usus, [55](#) & *seqq.*
Pippinus Rex Francorum cantum Romanum Gallis tradit, [26](#)
Pippinus Rex Langobardorum, [375](#)
Pippini filii Caroli Calvi epitaphium, [427](#), [434](#)
Prædestinatio duplex, [183](#) & *seq.*
ejus stupenda altitudo, [270](#), [271](#)
Probatio per aquam frigidam, [47](#) & *seqq.* Eugenius Papa
ejus institutor, [51](#)

R

- S.** **R**ADegundis vita, [296](#) & *seqq.*
S. Radegundis Monasterium Pictavense, [302](#)
Raginaldus Agrippinas, discipulus Fulberti, [422](#)
Rainaldus Turonicus, discipulus Fulberti, [421](#), [423](#)
Reginoldus Monachus Cantuariensis, Poëta, [293](#) & *seq.*
Reimbaldi Canonici Leodiensis Tractatus de vita canonica,
[348](#)
S. Remigii Abbatia Willelmo Abbati commissa, [250](#), [251](#)
& *seqq.* [259](#), [268](#), [278](#)
Remorum sedes orbata, [390](#), [409](#)
S. Remigii Episcopi Remensis translationes, [416](#), [417](#)
Richerus Abbas Rodensis, [348](#)
Robertus Abbas, [115](#), de Tumbalenia dictus, [131](#)
Robertus Præpositus Insulanus, [289](#)
Rogo Episcopus Ecolismensis, [419](#)
Roma secunda, [16](#), [17](#)
Rorgangus Episcopus Mettensis, [423](#)
Rotrocius Episcopus Ebroicensis, [329](#)

INDEX:

S

S ANCTIMONIALIS B. Mariæ apud Sueffiones litterata,	108
S. Sanctini Abbatiola Meldis,	60
Sedulius Poëta laudatur, 361 & <i>seqq.</i> Episcopus fuit,	363
Seimarus Pictavenfis,	296
Sigifridus Abbas Gorziensis,	229
Sigo discipulus Fulberti, Abbas S. Florentii,	421
Simon Episcopus Noviomensis,	328
Sirmondi loca duo examinata,	24
Speculum Augustinianum, 191 . constar prima parte Confessio-	
nis Chiffletianæ, <i>ibid.</i>	
Stare in logio,	83
Sternutus <i>pro</i> stratus,	371
Subscriptiones Episcoporum absentium, futurorum, &c. 38 &	
<i>seqq.</i>	
Sugerii Abbatis supplementum,	328

T

T ABELLA descriptio,	382
Talamasca, larvata persona,	382 , 386
Theobaldus Archiepiscopus Cantuariensis,	328
Theodeinirus Abbas,	30 , 45
Theodulfi Episcopi Aurelianensis carmina, 376 & <i>seqq.</i> Capi-	
tula, 387 epitaphium,	426 , 433
Thessalonicæ vastatio, 79 . fames, 81 . obsidio, 85 . liberatio,	
86 & <i>seqq.</i>	
Theugarius Magister cantorum apud S. Dionysium,	60
Theutbaldus Archiepiscopus Viennensis,	27 & <i>seqq.</i>
S. Thomæ miraculum apud Indos,	334 & <i>seqq.</i>
Thomas Comes de Marla,	334
Thronus Episcopalis,	75 & <i>seqq.</i>
Tulta pro sublata,	134

V

V ERONÆ descriptio,	371 & <i>seqq.</i>
Ejusdem urbis primi Episcopi,	<i>ibid.</i>
Viennensium Archiepiscoporum series duplex,	101 & <i>seqq.</i>
Vitalis Abbas Bernacensis,	220 & <i>seqq.</i>
Wandelmarus cantor, 60. Abbatiola S. Sanctini donatus,	
<i>ibid.</i>	

INDEX.

- VVarinus Abbas Mettensis Monasterii S. Arnulfi, [124](#) & [seqq. 135, 146, 421, 424](#)
 VVaselinus Abbas Leodiensis, [339](#) & [seqq.](#)
 VVatho Scholaasticus Leodicensis, dein Episcopus, [421, 424](#)
 VVerdo Archiepiscopus Senonensis, [329](#)
 VVerdo Episcopus Caralaunensis, [328](#)
 VVestmonasterii Abbatia Londini, [219, 220](#)
 VVido Ancienensis Præsul, [98](#)
 VVillelmus Abbas Fiscamnenus sanctæ memoriz, [229](#)
 VVillelmus Abbas Mettensis, [155, 163, 247](#) & [seqq.](#)
 Ejusdem epistolæ, *ibid.* Epitaphium, [435, 436](#)
 VVillelmi Monachi Tornacensis flores ex sancti Bernardi scriptis, [328, 329](#)
 VVillelmus I Rex Anglorum, [219](#) & [seqq.](#) Epistola ejus, *ibid.*

X.

X ΕΡΑΝΗΕΛΙΝΟΣ ornatus & color, [421, 424, 485](#)

ADDENDA ET CORRIGENDA.

PAGINA 8. *linea 13.* Juliano Pomerio, *lege* Isidoro Hispalensi Episcopo. P. [18.](#) l. 3. coaptis, l. coaptatis. P. [78.](#) l. 17. majus, l. magis. P. [81.](#) l. 2. dicefferanz, l. discefferant. P. [121.](#) l. 16. ut miserum, l. ut mirum. *In fine pag. 124 adde:* De bello contra Sarmatas seu VVinidos, cujus hic mentio, ab Ottone ante annum DCCC LXXXVIII suscepto, agit in epistola [91](#) Gerbertus, Theophanæ seu Theophaniz Imperatrici familiaris, qui fortasse hujus opusculi scriptor nonnullis videbitur. Pag. 150. l. 21. veritate, l. virtute. P. [191.](#) l. 8. & 2. meditationum, l. meditationum. P. [208.](#) l. 11. fese, l. se. P. [276.](#) l. 4. re, l. te. P. 320. l. 25. post tribuimus pone virgulam. P. [330.](#) l. 12. delibatione, l. delibutione. P. [341.](#) l. 10. potaverit l. portaverit. P. [377.](#) l. 17. populoque, l. populique. P. [379.](#) l. 21. plexo, l. flexo. P. [403.](#) l. 2. vero, l. vero *sine accen:u.* P. [414.](#) l. 7. illata, l. illa. P. [422.](#) l. 3. os, l. hos.

SUMMA PRIVILEGII.

CHRISTIANISSIMI Francorum Regis LUDOVICI XIV Privilegio, VIII Novembris anni MDC LXXIV concessio, cautum est, ut Domnus JOHANNES MABILLONIUS, è Congregatione S. Mauri, librum cui titulus est, *Vetera Analecta*, in uno pluribusve Tomis, per quem maluerit Typographum, neve alius citra ejus consensum, edat, uti uberius Diploma ipsum explicat, relatum in codicem Bibliopolarum.

Idem Domnus JOHANNES MABILLONIUS facultatem dedit LUDOVICO BILLAINE Bibliopole Parisiensi, typis edendi Tomum primum Veterum Analectorum.





